




19693


Mag. St. Dr.

P



Kurandya.

Flora y na cvečech vinné y naviče krasné vinné y na užitku
vinné y na cvečech vinné y naviče krasné vinné y na užitku
vinné y na cvečech vinné y naviče krasné vinné y na užitku





Hist. 3000

XI VII 30

824

VII f. 21.





SOLIDA
ATQVE
IN ACTIS PVBLICIS ET HISTORIARVM
MONVMENTIS FVNDATA
DEMONSTRATIO
QVOD
STATIBVS
CVRLANDIÆ
TANQVAM VASALLIS FEV DI
INCLYTO POLONIÆ REGNO
APERTI
NVLLVM DE EO DISPONENDI ARBITRIVM
VEL
IVS LIBERÆ QVAM VOCANT ELECTIONIS
COMPETAT

ANNO M DCC XLII

M. Andrea Lipicwicz



19693.I



PRÆFATIO

Non est novum, Regna & Imperia tot casibus Scriptorum arbitrio illusa mutuis inter se disfidis agitari, imaginariisque eorundem rationibus abducta, locum veritatis suppressere. Æquo casui Regnum Poloniae exponi præsumitur; cum nonnullorum (pace dixerim) otio torpentium, sive minus Regni Legibus instructorum,
* rum,

rum, luci edita opuscula patuerint, & siue illi sint ejus auræ, quam liberam cum libero Regno junctam suffocare intendunt Anonymi, (sub Titulo: *Brevis & succincta enarratio Jurium Curlandiæ circa Electionem Novi Principis*, & alterum: *Jus eligendi Ducem Curlandiæ ex principiis Juris naturalis vindicatum*, siue extranei Authores, (sub Nomine Nobilis Curonis & Zschackwitzii Halensis) qui Patrones Judicesne agant? Curlandiam, ac si liberam Rempublicam, juribus absolutis regi, & nequidem Ducem ejus Regum & Reipublicæ Polonæ Leges sequi, imo Ipsummet potius a Nobilitate

te

te Curlandiæ & Semigalliæ liberis suffragiis creari; Operæ pretium existimandum necesse fuit, prædictorum Legis novæ latorum imaginationes ventilare, ficta argumenta retorquere, Jura volatilia Legibus Regni fundamentalibus tollere, paritates minus gnaras & non existentes solidioribus exemplis infringere, & exinde scintillas de sub calamo volanti erumpentes vividis rationum fontibus, ne in flammæ exuberent, extinguere, & ne ex atomis montes excrescant, validis Justitiæ & Legum reflexionibus obesse. Eodem itaque ductus spiritu, ne sim aëreus (uti vocitant) noctisque prædā quærens

ve-

vespertilio five bubo, plusquam sole
ridente cum Lege nitente palpandos
radios utraque manu prendere mihi
consultius visum. Et non sufficit, quod
vel minimas Adversariorum objectio-
nes in meris supposititiis speculationi-
bus fundatas solidioribus rationibus
compresserim, nam consulto ante
omnia Cancellariæ Regni Archivo o-
mnium vel minimorum fere docu-
mentorum, transactionumque acta
explorata præseferens, iisdem tan-
quam fidei publicæ monumentis
Chronographica permultorum ex-
empla a cepta Curlandia demonstrata
validisque Jurium Regni argumentis
juncta obsignavi.

Ad-

Advertes itaque, Benignissime Lector, in hoc opere primævum statum, & conditionem Curlandicæ Provinciæ, cujus Dominium penes Danum, partim penes Suecum, dein penes Episcopos, & ex post Ensiferos ac Magistrum Ordinis Theutonici, stetit, unaque cum Livonia Regno posthac Poloniæ per Pacta Subjectionis cesfit, ac ab eodem Regno dicta Provincia nomen Ducatui dedit feudo Poloniæ adscripta ac tabulis publicis firmata, pro Domo tantum (ob memoriam saltem ultimi Livoniæ Magistri sæcularisati) Kettleriana.

Ho-

Horum omnium series tribus Sectionibus describitur, ac ad finem pro solidiori argumento Jura data Curlandiæ a Regno Poloniæ apponuntur, ac fere omnes Transactiones specificantur; Et prout credo sufficere videntur tam ad sanio rem male informatorum intelligentiam, & ad confirmandos bene intentionatos pro Jure Regni spiritus, quam ad probandam certam & indubitata m Serenissimi Regis & Reipublicæ Polonæ Legem disponendæ ad velle & arbitrium suum ejusmodi Provinciæ.





Pars Prior

Primævam Curlandici Regiminis formam,
initasque cum ipsa Ducatus
origine transactiones & feudi
conditiones, recensens

§. I.

Livonia & Curlandia sub Suecis & Danis



Uod in antiquis Historiarum monumentis rarissime, vel nunquam, separata Curlandiæ mentio occurrat, inde videtur derivandum, quod partem constituebat Livoniæ, & huic, perinde ac Esthonia & Lettiâ, inserta erat, ita, ut quicquid de Livoniæ fatiis, regimine & subactionibus, Historici commemorant, idem quoque de Curlandia, tanquam ejusdem membro, maximam partem simul intelligendum veniat. (a) Quæ de vetustiori, primis post reparatam salutem seculis, in

Livonia, eisdemque annexa Curonia,

A Li-

(a) Vid *Alexandri Guagnini*, Veronensis, Arcis Vitepsensis quondam Præfecti, *Descriptio Livonia*, in *Sarmatia Europæa*, p. 7. edit. Cracov. 1578. f. dein Spiræ 1581. f. edita, inter ipsius *Opera Historica* Francof. 1584. 8. promulgatâ; n. 2. quam tamen pla-

gio sibi sublatam opus suum pronunciat *Matthias Striikobius* Osofsevicus, lib. VI. *Histor. Lithuan.* cap. XUL. edit. Regiom. 1582. f. *Stanislai Sarninici* *Descriptio Livonia & adiacentium Duna subio provinciarum*, in *Dlugossi* vel *Longini* Vol. II. *Histor. Po-*

sub Suecorum imperio Livonia regimine, inter nonnullos circumferuntur Chronographos, mutila sunt & manca, ne dicam incerta. (b) Seculo autem nono Rembertus, Hamburgensium & Bremensium Archiepiscopus, Divorum numero postea adscriptus, nominatim Curonum meminit, ubi Livoniam perinde, ac ejus partem, Curlandiam, Suecorum imperio subjectam fuisse testatur, atque in *Vita D. Ansgarii*, antecessoris sui, qui ipsemet Daniam & Sueciam peragraverat, atque Ericum, Regem, A. 855. ad Christianam fidem perduxerat, (c) uberius recenset, quo pacto, dissipata Danorum Livonia inhiantium classe, Curlandia mox in Suecorum potestatem redierit, expugnatisque quinque arcibus, & inter has Selburgo & Pola, frequentibus se conditionibus subjecerit, ut solutum olim tributum denuo penderet, datisque obsidibus Sceptro Suecico ceu antea, pareret. (d) Qua immediate conjuncta tributum & sub-

seculo nono
iterum redacta,

et tributaria,
ut quondam,
reddita,

Don. col. 1937. edit. Lips. 1711. *Matthia Strubiczii Succincta Historico-Geograph. Ducatus Libonici Descriptio*, a Justo Lann. Dietzia, Amstel 1727. 8. ex MSro edita; *Descriptio Libon. Elzeviriorum Reipubl. Polon. A. 1627. 16. annexa*, & T. XIV. *Topograph. Zaslero-Merianar.* inserta; *Jacobi Schotti Hist. Libon. & Pauli Einhardii Hist. Lett. Dorpati 1649. 4. edita.*

(b) De quibus *Christ. Ketch. P. I. Hist. Libon. & Anonymus Anglus*, in *Descript. Libon.* idiomate suo, Londini 1701. 8. & Gallice, Trajecti ad Rhen. 1705. 8. edita, Epistola I. plura enarrant De *Boriconis*, Suecorum Regis, prima in *Esthoniæ & Curlandiam expeditione Thormodus Torfæus*, in *Serie Dynastiarum ac Reg. Dan.* lib. II. cap. IX. & *Jacobus Reucensels, de Rebus Moscoviticis*, ad Cosmam III. Magnam Erruriz Ducem, pag. 8. edit.

Parav. 1680. 8. *Conf. Saxoni Grammatici lib. I. Hist. Dan. p. 12. & Stephanus in Notis p. 48. Pontani Hist. Dan. lib. IV. p. 87. Olai Hermelini de Origine Libonorum*, Dorpati 1693. 4. recens. Lips. 1717. 8. *Samuel. Rhanei, Curoni, Diatriba Hist. de Genuina Gentis Curlandica origine*, Witteberg. 1683. 4.

(c) *Test. Joh. Messenii Hist. Suecor. lib. I. p. 47. edit. Holm. 1625. 4. If. Pontani Hist. Dan. lib. IV. p. 103.*

(d) Vid. *D. Remberti Vita D. Ansgarii*, Antecessoris sui, A. 865. defuncti, cap. XIII. in *Lambecii Originibus Hamburgens. & Collectione Lindenbrogiana Scriptorum Septentrional.* editionis Fabricianæ n. 13. nec non in *Actis Sanctior. T. I. mensis Februarii*, p. 408. a *Gualdone*, Abbate Corbejensis Monacho, latine carmine reddita, ibidem, p. 427. & juncta veteri versione Suecica, Episcopi Lincopiensis, a *Clan-*

jectionis notione indubitato colligere licet, Curlandiam illo ævo haud forte Rempublicam legibus suis gubernatam, & tantummodo tributariam fuisse, sed potius instar provinciae bello partæ, simul cum Livonia Suecorum dominio jam antea paruisse, per horum Præsides aut Gubernatores administratam, ita quidem, ut celebris Seculi XI. fideque dignus scriptor, *Adamus Bremensis*, testatum reliquerit, suo tempore *Curlandos Suecorum dominium adhuc agnovisse*, (e) nulla vel liberæ Reipublicæ, vel Status electivi, ratione subducta, donec exeunte seculo A. 1084. CANUTUS IV. Danix Rex, ob religionis zelum Sancti cognomine insignitus, Esthoniæ & Curlandiam tributariam sibi reddiderit, (f) quod etiam seculo subsequente WALDEMARUS I. hujusque filius, CANUTIUS, A. 1195. strenue persecuti sunt, (ff) penes quos, teste coævo SAXONE GRAMMATICO, supremum Livoniæ dominium eodem fere tempore stetit, quo Germani, primum novi coloni & hospites, mox ipsimet domini, imperium ibidem capessiebant.

instar provinciae bello partæ,

usque ad seculum XI. victorum legistatorum arbitrio gubernata,

posthac a Danis subacta, atque per integrum seculum tributaria,

libera Reipublica formata penitus ignorabit;

A 2

§. II.

deo Arrhenio ab Oernhielm, Stockholmæ 1677. 4. edita, de qua Joh. Schefferi *Suecia Literata*, p. 10. cum additam. Mulleri, Hamb. 1698. 8. Ipsas pacis conditiones citatus ab Oernhielm, lib. 1. *Histor. Eccles.* fusius repetit. Subactionem vero Finniæ, Esthoniæ atque Curoniæ, ab Erico, Rege, factam, colligere licet ex *Sturlesonii Histor. Norvæg.* Tom. I. pag. 484. Add. Joh. Messenii *Scand. Illustr.* Tom. X. pag. 3.
(e) *Adamus Bremensis*, de *Situ Dania*, cap. 223. p. 137. editionis Lindenbrogiæ ex MSto. Biblioth. Ranzovian.

& in *Collectione Scriptor. Septentrion.* edit. Francof. 1609. n. 2. Vid. plura in *Christiani Nettelbladi Dissertatione de Antiquo Suecorum in Curlandiam jure*, in *Fasciculo I. Rerum Curlandicarum* in præfat. §. IV. sqq.

(f) *Saxonis Grammatici Hist. Dan.* lib. XI. c. 66. f. 214. edit. Sorensis 1644. f. Pontani *Hist. Dan.* lib. V. p. 196. Joh. Meursii *Hist. Dan.* P. I. lib. IV. p. 66. Joh. Messenii *Scand. Illustr.* T. X. p. 4. edit. Stockholm. 1703. f. (ff) *J. Pontani Hist. Dan.* lib. VI. p. 277. 290. *Meursii Hist. Dan.* P. II. lib. I. p. 8. ad A. 1196.

§. II.

Livonia ejusque pars Curlandia sub Enfferis Equitibus

Postquam medio quasi seculo duodecimo, moderante Germanici Imperii sceptrum FRIDERICO I. navigantes aliquot per mare Balticum in Gothiam Bremenses mercatores, adversa tempestate ad Livoniæ oras, prope Dunæ ostia, rejecti, regiones illas primum inviserent, (g) ibidemque commercia quædam instituerent, habita commodi negotiis situs ratione, atque inita cum incolis transactione, sæpius iteratoque deinceps redierunt, & hac occasione adductis secum pro sacrorum celebratione Ecclesiasticis, Christianæ fidei semina dispergere coeperunt, (h) adeo, ut MEINHARDUS, Canonicus Segebergensis, ab Archiepiscopo Bremensi missus, indultu WALDEMARI I Daniæ Regis, qui tum Livoniam tenebat, sacello prope ripam Rubonis, seu Dunæ fluvii, exstructo, (i) indeque Kerckholm dicto, complures ad Christiana sacra perduceret, (ii) & constitutus a Papa Episcopus, sedem suam Episcopalem Rigæ figeret. (k) Hunc secutus BERTHOLDUS, Cisterciensis Ordinis monachus, Rigensem urbem moeniis cingere coepit, (l) quod indigne ferentes Livoni Christianam cohort-

Dehinc Seculo XII. occasione mercatorum Bremensium,

actensa Efan- gelii luce, Christianis Sacris initia-

ta, primum Epi- scopis Rigensi- bus, Meinhardo,

Bertholdo,

(g) Balb. Russobius, P. I. *Chronic. Libon.* f. 4. annum 1178. determinat.

(h) Alberti Krantzii *Vandalia* lib. VI. cap. IX. & X. Alex Gagnini *Sarmat. Europ.* T. II. operum pag. 144. Matth. Waisfeldii *Chronic. Prussico-Libon. Curland.* pag. 14.

(i) Teste Pontano, lib. VI. *Histor. Dania,* p. 290. ad A. 1170.

(ii) *Chronic. Carionis* f. 476. edit. Witteb. 1572. *Russobii Chronic. Libon.* pag. 6.

(k) Anselmi Gemblacens. *Contin. Annal. Sigeberti,* apud Pistorium, T. I. *Scriptor.*

Germ. f. 995. edit. Scruvianæ. Job. Dlugossi, vel Longini, lib. VI. *Histor. Polon.* edit. Lips. 1711. Tom. I. f. 561. *Helmoldi Chronic. Slavor.* cum addit. *Arnoldi Lubecensis,* lib. VII. cap. IX. p. 514. edit. Lubec. 1659. 4. & in *Reineccii Collectione Scriptor. Germ.* n. IV.

(l) Alberti Stad. *Chronic.* ad A. 1195. in *Collectione Boecleriana Script. Germ.* p. 297. Matth. Prætorii lib. II. *Orbis Gothici,* cap. IV. p. 197. *Innocentii III. Epistolarum* lib. II. n. 191. f. 460 editionis Baluzii, Mich. Vexionius *Gul-*

cohortem praelio adorti sunt, in quo ipse Episcopus cum multis fidelibus cecidit, (ll) in cuius locum *Albertus*, Canonicius Bremensis, per Archiepiscopum suffectus, (m) ab Innocentio, III. Pontifice, veniam obtinuit, pro facilitanda pertinacium Livonorum conversione, armatos aliquot Apostolos, seu *fratres de militia Christi*, Templariorum regulis adstrictos, instituendi, qui a permagno, quo cincti erant ense, rubrisque gladiis albæ vesti in brachio sinistro decussatim infutis, *Ensisferorum* nomen tulerunt. (n) Horum Ordini Episcopus, velut ipsius conditor, VINNONEM, Magistrum præfecit, eique tertiam reddituum partem, nec non peculium omnium ab infidelibus expugnandarum ditionum, promisit, qui etiam, confirmato per Pontificem INNOCENTIUM III. Ordine, (o) initisque cum Episcopo conditionibus infimul rati-
 habitis, (p) complures brevi tempore ejusdem candidatos, indulgentiis Papalibus, terrarumque acquisitione allectos, conscripsit, proinde dominium Ordinis, una cum Evangelica fide, per Livoniam & Curoniam dilatavit, sub Imperii Germani-

*Alberto, im-
mediate,*

*deinceps, insti-
tuto Ensisfero-
rum Ordine,
& divisis ter-
ris, qua par-
tem mediate,
paruit.*

*Primus ab E-
piscopo nomi-
natus Ordinis
Magister,
Vinnio,*

A 3

mani-

denßolpe, lib. VII. *Epitom. Descript.*
Succ. Goth. & subjectar. provinc. cap.
 77. p. 344. initium conditæ urbis Ri-
 genſis ad A. 1200. refert.

(ll) *Arnoldus Lubecensis*, l. c. lib. VII.
 cap. IX. ad A. 1204. *Balthaf. Russobii*
Chron. Lifon. p. 6. quem *Waiffelius*,
Schutz, Kelch, Hartknoch, aliique Chro-
 nographi, sequuntur.

(m) *Alb. Krantz* lib. VII. *Vandalia* cap.
 XXI. & lib. VI. cap. XI.

(n) *Matth. Prætorii Orb. Goth.* lib. II. §.
 VI. p. 190. *Joh. Meursii Hist. Dan.* P.
 II. lib. I. p. 8. *Pontani Hist. Dan.* lib.
 VI. p. 290. *Francisci Mennenii Deli-*
cia Equestrum, seu Militar. Ordinum,
 p. 88. edit. Colon. 1613 8. & in *Joh.*
Gualterii Chron. Chronicorum p. 106.
Petri Dusburg. Chronic. Pruss. P. II.

cap. IV. p. 32. edit. Lips. 1679. 4.
Henr. Leonh. Schurtzſleischii Hist.
Ensisferorum Ordinis Teutonicor. Vi-
 tembergæ 1701. 8.

(o) *Naucleri Chron.* Vol. III. *Generat.*
 XLI. p. 281. *Oderici Raynaldi T. I.*
Annal. ad A. 1215 n. XIX. *Innocen-*
tii III. Epist. a Baluzio, Paris. 1682.
 fol. edit. lib. XIII. epistol. 141. 142.
 fol. 479. & lib. XVI. epistol. 123. fol.
 808.

(p) *Joh. Dlugoffi Hist. Polon.* lib. VI.
 edit. Lips. 1711 T. I. f. 600. *Carionis*
Chronie. lib. IV. f. 476. edit. Witteb.
 1572. f. *Caspar. Schützius Descript.*
Pruss. lib. I. f. 15. edit. Isleb. 1599. f.
Henrici Spondani Contin. Annal. Ba-
ron. A. 1205. n. XV. *Innocentii III.*
Epistol. lib. XVI. n. 119. f. 806.

dilatato per
infidelium
terras domi-
nio, & ex-
struclis ali-
quot arcibus,
insignes pro-
gressus fecit,
quos egre fe-
rens Walde-
marus II.

armata ma-
nu Livonia at-
que Curlandia
partem sube-
git,

Durante au-
tem triennali
ejus captivi-
tate,

manici auspiciis firmavit, munitas aliquot arces, *Segevaldam*,
Ascherodam & *Vendam*, posthæc Magistri sedem, ædificavit,
tantamque brevi famam acquisivit, ut a CONRADO, Mazoviæ
Duce, summopere a Prussis oppresso, sub quarundam terra-
rum promissione, in auxilium vocaretur. (q). Interea WAL-
DEMARUS II. Daniæ Rex, tot insignes Eniferorum in Livo-
nia successus ægre ferens, eodemque provinciæ, cujus paulo
ante hospites erant, nunc plane dominos tolerare gravatus,
sub prætextu, Esthoniæ, post CANUTI Regis obitum, Dano-
rum sceptro se subduxisse, arma contra Livonos movit;
magnaque ipsorum strage ad *Woldemariam*, s. u. *Volmariam*,
quæ a victore nomen tulit, edita, insignem Livoniæ & Cur-
landiæ partem A. 1218. subegit, (r) *Revalensem* in Harrya ur-
bem, (s) & in Curlandia *Piltinensem*, (t) utramque Episco-
palem sedem, exstruxit & dotavit; (u) victoriæ autem hu-
jus fructum paulo post iterum perdidit, ubi tempore trien-
nalis,

(q) Petri Dusburgii *Chronic. Pruss.* P. II. cap. II. p. 30. *Naucleri Chronic.* Gen. XLI. f. 293. *Alberti Wijuck. Kojalovicz Histor. Lith.* lib. I. P. III. p. 62. ad A. 118. Causam invasionis adducit *Hugbaldus Mutius, Chronic. Rer. Germ.* lib. XX. f. 203. Conditiones inter Ducem & Equites initas recensent *Marth. Michobius*, vel *Mechobita*, lib. III. *Chronic. Polon.* t. 116. edit. Cracov. 1521. *Casp. Schütz* lib. I. *Descript. Pruss.* f. 16. *Christoph. Hartknochii Antiqu. & Nob. Pruss.* cap. I. §. XIII. p. 270.

(r) *Joh. Meurji Hist. Dan.* P. H. lib. I. f. 16. 17. *Pontani Hist. Dan.* lib. VI. p. 307.

(s) *Danopis Chronico*, lib. IV. p. 476. *Joh. Lud. Gottfried Dabentar, Suec.* P. I. f. 19. *Alberti Krantzii* lib. VII. *Saxonia*, cap. 37.

(t) A stante ibidem puero, Danis *Piltin* dicto, hoc nomen sortitam, juxta *Pontanum*, lib. VI. *Histor. Dan.* f. 307. a quo deinceps integrum *Episcopatum Curoniensem*, postquam A. 1559. Daniæ Regi venditus, & ab hujus fratre *Magna*, *Hollariæ* Duce, A. 1560. seculo addictus fuit, *Histritum Piltinsem* appellaverunt. Vid. *Nicol. Chbalkobsky*, lib. IV. *Jur. Publ. Regni Polon.* cap. IX. p. 511. edit. Regiom. 1683. 4. Acta Commissionum Reg. transactiones & deductiones super eodem exhibet *Christ. Nettelbladt*, Fascic. I. *Rer. Curl.* n. V. p. 19. & integro *Euseb. II.* sub tit. *Anecdota Curl.* Lips. 1736. 4.

(u) *Alb. Krantz* lib. VII. *Vandal.* cap. 22. *Innocentii III. Epist.* lib. XVI. ep. 120. 128. p. 806. sq. edit. Paris. 1682. curante Baluzio.

nalis, qua ab HENRICO, Suerinensi Comite, detinebatur capti-
vitat, (x) Eniferi subactas ab eodem Livoniæ & Curlan-
diæ provincias feliciter recuperarunt. Interfecto enim, per
Vendensis præfecti insidias, A. 1223. primo ipsorum Magistro,
VINNONE, constitutus ab Episcopo successor, VOLQUINUS,
(y) Danos Esthonia & Livonia A. 1225. rursus expulit, Re-
valiam muro cinxit, arcem Fellynum in Esthoniæ finibus
condidit, (z) ac opem ferente ALBERTO, Saxoniarum Duce,
plures infidelium vicit & tributarios reddidit; (zz) quo facto
HERMANNUS UGGENUS, munita Torpato, Episcopali sede,
capitulum ibidem instituit, ac simul cum Rigenfi Præsule ab
HENRICO VII. Romanorum Rege, secularem jurisdictionem
ac Regalium jura, per Episcopatum suum, tanquam Marchi-
am, instar aliorum Principum, obtinuit. (a) Sengalensis Epi-
scopus, Legati Apostolici munere insignitus, potestatem a
Pontifice obtinuit, cuncta ad salutare hoc conversionis opus
conducentia in istis Septentrionalibus oris coordinandi. (b)

Secundus Li-
bonia Magi-
ster, Volqui-
nus,

Danos iterum
expulit,

Episcopis ju-
risdictionem
secularem ex-
ercentibus,

Sengalensis A-
postolici Lega-
ti munere per-
functo:

WAL-

(x) *Albert. Stad. Chronic.* ad A. 1223. edit. Boeclerianæ, p. 303. *Joh. Tritheim Chronic. Hirsaug.* A. 1222. inter ipsius *Opera*, T. II. f. 175. edit. Francof. *Joh. Funckii Chronolog.* A. 1222. Captivitatis causam *Arnoldus Witseldius*, Regni olim Cancellarius, in *Chronologicis suis*, illicitæ Regis consuetudini cum absentis in Palæstina Henrici conjuge tribuit, quem *Joh. Meursius, Hist. Dan.* P. I. lib. I. p. 17. & *Pontanus*, lib. VI. p. 309. sequuntur. Captivitatis modum enarrat *Alb. Krantzii*, lib. VII. *Saxoniæ*, cap. 38. & conditiones liberationis, cap. 41. quas uberius recenset *Godofredus, Monachus Cœnobii Colon.* ad. D. Pantaleonem, in *Collectione Freheriana Script. Germ. T. I. f. 93.* edit. Struvii.
(y) *Kujalensis Hist. Libon.* lib. IV. p. 89. *Christ. Ke. chii Hist. Libon.* P. II. p. 74

(z) *Balthas. Russobii Chron. Libon.* P. I. p. 10. *Joh. Meursii Hist. Dan.* P. I. lib. I. p. 18. *Pontani Hist. Dan.* lib. VI. pag. 312.

(zz) *Vid. Instrum. transactionis* Fratrum Militiæ Christi cum Curonibus Ethnicis, ratione tributi annui, Rigæ A. 1236. apud *Christ. Nettelbladt*, Fasc. I. *Rev. Curland* n. VI. p. 145.

(a) *Henrici VII. Romanor. Regis, Friderici II. Imp. filii*, in Comitibus Herbiopolit. A. 1222. teste *Nauctero*, Gener. XLI. f. 290. electi & coronati, *Diplomata Episcopis, Rigenfi & Torpatusensi*, d. 1. Dec. A. 1226. concessa, leguntur in *Londorpii Act. Publ. T. VIII. lib. IX. n. XI. p. 65.* & *Diar Europ. Contin. VII. T. VIII. in additam.* p. 47.

(b) *Alphonsi Ciacconii Vit. Pontif. R. in Biographia Gregorii IX.* *enim addit.* *August. Oldoini, Rom.* 1677.

Waldemarus
hinc Liboniam
armis recupe-
rare studet,

Pontifex ami-
cabilem com-
positionem
tentat,

qua vero ac-
quiescere no-
lentes Ensi-
feri,

Teutonico Or-
dini A. 1238.
se subiciunt,
suo penitus
sublato,

durante quo
Magistri ab
Episcopo Ri-
genſi conſi-
tuebantur,
non vero ab
Equitum ſoda-
litate elige-
bantur

WALDEMARUS interea carcere liberatus arma iterum in Livoniam parabat, ſua in eandem quaſita jura arbitro Marte ſuffulturus. Pro componendo itaque diſſidio omnem Pontifex navabat operam, hiſce, interveniente quoque Imperatore FRIDERICO, proſcriptis tranſigendi articulis, *ut integra Eſthonia, cum appertinentibus provinciis, Daniæ Regi cederet, Curlandia vero & tractus Ultra-Dunenſis Episcopo Rigenſi, ac Equitibus, remanerent.* (c) Enſiferi autem, hiſce terminis acquieſcere nolentes, omnem moverunt lapidem, integram ſervandi Livoniam; Sed WALDEMARI potentiaſ impares ſeſe rati, nec ſolis intrinſecis viribus conſiſi, ſuadente VOLQUINO, conſilia A. 1234. inierunt, potentiori in vicina Pruſſia Teutonicorum Ordini ſe potius ſubmittendi, quam ſuis quidquam juriſ cedendi. (cc) Hac itaque periodo ſumma rerum partim penes Episcopos, partim penes Ordinem, ſtetit. Episcopi enim, primum Rigenſis, deinceps inſtituti Torpatenſis, Revalienſis, Oſilienſis, Curonienſis & Sempgalenſis, quilibet in Diœceſi ſua, juriſdictionem ſecularem exercebant, ac civibus ſuis utile dominium de nonnullis in feudum concedebant; (d) Magiſtri autem Livoniæ, cum Equitibus, tertiani assignatarum ſibi terrarum partem, (e) beneficiario modo, reliquasque armis & ſanguine ſuo infidelibus ademptas, tanquam peculium ſuum, adminiſtrabant, & durante Ordine ſuo, ab A. 1205. per Episcopum Rigenſem, tanquam Primateſ, Ordiniſque conditoreſ, nominabantur, non vero reliquorum Equi-

(c) Teſte Joh. Meurſo, P. I. Hiſtor. Dan. lib. I. f. 24. ad A. 1234. edit. Amſtelod. 1638. f.

(cc) Genuinam hanc ſubmiſſionis cauſam allegant Caſp. Schutz, lib. I. Deſcript. Pruſſ. f. 20. Matth. Waiſſelius, Chron. Rer. Pruſſico-Libonico-Curlandicar. p. 54. Pentanus lib. VI. Hiſtor. Dan. p. 318.

(d) Privilegium Nicolai, Episcopi Rigenſis, civibus ſuis de parte Oſlie, Curland. & Sempgall. V. Id. Aug. 1231. conſeſſum, vid. in Nettelbladt Faſc. I. Rer. Curland. n. VI. p. 146.

(e) Inſtrumentum deſuper in Capitulo Veneriis, d. X. Maji A. 1223. ſignatum habetur apud Nettelbladtum, loc. cit. p. 148.

Equitum suffragiis eligebantur, donec Teutonicorum Equitum Ordini, suo penitus sublato, A. 1238. se subjicerent.

§. III.

Livonia & Curlandia sub Ordine Teutonico

Teutonici Equites interea Prussiam ex parte subegerant, Postquam Teutonici Equites, a Conrado, Mazoviae Duce, in subsidium vocati, insignem Prussiae partem subegerant,
 ex quo CONRADUS, dictus Mazoviae Dux, post inli-
 gnem a Prussis acceptam Ensiferorum cladem, (f) quocun-
 que pacto pacem inire coactus, sed denuo violenta Prusso-
 rum irruptione laceffitus, prosperiorem cum Teutonicis Equi-
 tibus Martem experturus, eosdem contra novos aggresso-
 rum insultus, in subsidium accerferat, pro navanda opera
 Culmensensem & Dobriniensem tractus, (ff) aliasque egregias
 condiciones, ab Imperatore, FRIDERICO II. (g) pariter, at-
 que Pontifice, GREGORIO IX. confirmatas, (h) pollicitus.
 Fama igitur horum incrementorum, atque adauctæ Teuto-
 nicorum per Prussiae subactionem potentia, vicinis in Livo-
 nia Ensiferis haudquaquam ignota poterat manere, ut deside-
 rio eo magis flagrarent, celebriori huic Ordini, pro majori
 contra Danos, unitis viribus, resistantia, se conjungendi, quod
 missis ad HERMANNUM de SALTZA, Teutonicum Magi-
 strum,

(f) Kojalobicz, *Hist. Lith.* P. I. lib. III. p. 62. Caspar Schütz, l. c. p. 16. Simon Grunovii *Descript. Pruss. Manuscripta*, Tract. VI. cap. I. §. 2.

(ff) Petr. Dusburg, P. II. cap. II. p. 30. Joa. Curei *Annal. Siles.* p. 62. Jac. Schickfusii *Chron. Siles.* lib. II. cap. III. f. 14. Hariknochii *Prussia Vet. & Nov.* P. II. cap. I. f. 271. Pratorii *Orb. Goth.* lib. II. p. 180. Aliter Dlugoff. *Hist. Polon.* lib. VI. Michosii *Chron. Pol.* lib. III. cap. 34. f. 125. Stanislaus Sarnitii lib. VI. *Annal. Pol.* f. 273 Mart. Cromeri lib. VII. *Histor. Polon.*

Johannis Herburti de Fulsin, lib. VI. *Chron. Rerum Polon.* cap. IX. pag. III. edit. Hanov. 1618. 4.

(g) Donationis Instrumentum vid. in Pratorii *Orbe Goth.* lib. II. cap. IV. p. 178. Confirmatio Imperatoris Frider. II. apud Goldastum, in *Actis Imperii*, p. 168. lit. C. adjuncta renovatione Caroli IV. A. 1354. p. 172.

(h) Bulla Papalis, Viterbii 24. Jul. 1230. signata, inter *Epistolas Gregorii IX.* lib. VIII. n. 290. apud Raynaldum, T. I. *Annal. A.* 1230. n. 24. & Pratorium, loc. cit. p. 182. - 186.

strum, Legatis efflagitarunt, (i) ac annuente Pontifice, Romanis, eodem anno 1238. quo VOLQUINUS in praelio contra Lithuanos occubuerat, publicis ritibus, sublato Ensisferorum Ordine, obtinuerunt. (ii) Quo subjectionis & incorporationis pacto jura Ensisferorum in Livoniam eique annexas Lettie & Curlandiae provincias, Teutonico Ordini collata, & hujus Equites supremum in eosdem dominatum adepti sunt. Hinc ab illo etiam tempore Livoniae Magistri, quorum primi, VINNO & VOLQUINUS, ab Episcopis constituti erant, deinceps a Magistro Teutonico, qui ob subordinationem illam Supremi nomen tulit, tanquam Provinciales, praeficiebantur, primoque loco HERMANNUS BALKE, provincialis Livoniae Magister, non a Livonis, nec Episcopis, aut Equitibus quondam Ensisferis, ex suo gremio, sed a Supremo in Prussia Magistro, HERMANNO de SALTZA, ex ipso Teutonico Ordine, nominabatur, ita ut Livoni, & his annexi populi, immediate a Provincialis sui, atque hoc mediante a Supremo Magistri, dominio penderent.

a quo tempore. Livonia Magistria Supremo Teutonico nominantur,

inter quos primus Hermannus Balke

§. IV.

Curlandia sub potestate Magni Lithuaniae Ducis, Mendogi

Facta sit utriusque Ordinis conjunctio, & composita cum Danis lita,
Post insecutam utriusque Ordinis conjunctionem successus Teutonicorum Equitum majora indies incrementa ceperunt, ut brevi post de Suprematu cum Episcopis contenderent. Primum novi Magistri studium & cura fuit provida, pa-

(i) Sim. Grannofii Descript. Pruss. Tract. VII. cap. I. §. 2. Kelchii Hist. Livon. P. II. p. 74. Casp. Hennenbergeri Expositio Tabulae Major. Pruss. p. 360. 367. Naucleri Chron. Gen. XLI. p. 298. Kojalovicz Hist. Lithuan. P. I. lib. III p. 89.

(ii) Russobii Chronic. Livon. p. 15. Matth. Waisselii Chronic. Pruss. Livon. Curl. p. 54. Alex. Guagnini Sarmat. Europ. apud Pistorium, Tom. I. Scriptor. Polon. p. 64. Petri Dusburg. Chronis. Pruss. Part. III. cap. XXVIII. pag. 113. edit. Lips.

pacem cum Danis quacunque ratione stabiliendi, quorum Legati cum restitutionem Esthonicarum provinciarum, *Harria & Wyrria*, cum *arce Revalensi*, quotidie urgerent, Equites autem continua ipsarum possessione sese exuere nollent, interveniente tandem Pontificis Legato, **GUILIELMO**, Mutinensi Episcopo, atque *definitiva Supremi Magistri sententia*, ex qua sola hujus in Livoniæ Magistros autoritas elucet, hoc pacto lis composita fuit, ut Harriensis & Wyrriensis ditiones, cum munimento Revalensi, **WALDEMARO** Regi cederent, reliqua vero Esthonia & Jervia penes Ordinem permanerent.

(k) Pacata sic controversia Teutonici Equites quod reliquum *Equites residuum Curlandia & Semgallia subigere, imo de Summatu cum Episcopis contendere, ceperunt*, erat in Curlandia & Semgallia infidelium paulatim subjugare coeperunt. *Semgalensi* Episcopo, in favorem Metropolitanæ Rigenfis, autoritate Papali, atque consensu Præsulis Rigenfis, Livoniæque Magistri, A. 1245. sublato, una redituum pars Episcopo, binæ autem Ordini, assignatæ fuerunt, (l) cujus proinde dominium firmiores indies radices egit, suæque jura dilatavit. **THEODORICUS GRONINGENSIS**, novus Livoniæ Provincialis, a Supremo Prussiæ Magistro, **CONRADO**, Thuringiæ Landgravio, in **HENRICI HEIMBURGII** locum A. 1247. successit, ulterius in Curlandiam penetrans, aliquot munimenta, inter hæc *Goldingam* atque *Ampotam*, exstruxit & præfidiario milite custodivit. (m) Incolæ autem ad novam religionem armis persuaderi abnuentes, ob Sacrorum paritatem potius **MENDOGO**, Magno Lithuanicæ Duci, se subjecerunt, (n) qui suo etiam milite ipsorum munimenta cu-

B 2

sto-

(k) *Matth. Waisselii Chronic. Prussico-Libonico-Curland. p. 61. Job. Meursii P. II. Hist. Dan. lib. I. p. 22. Ipsa transactionis formula, Stenbyæ VII. Id. Maji A. 1238. signata, apud Pontanum, lib. VI. Hist. Dan. p. 319.*
(l) *Instrumentum sublationis, a Petro Albanensi & Wilhelmo Sabinensi Episcopis, Lugduni d. V. Mart. 1243. si-*

gnatum, vid. in Christ. Nettelbladt Fasc. L. Rerum Curlandicarum n. VI. pag. 150.
(m) *Ruffonii Chron. Libon. p. 18. Waisselii Chron. p. 73. & Schutzi Descript. Pruss. lib. I. f. 26.*
(n) *Kojalovicz Hist. Lithuan. P. I. lib. IV. p. 95. Matth. Michovius & Alex. Gagninus, locis citatis.*

stodire aggressus, sed crebris propterea bellis ab Ordine la-
cessitus, tandem a subsecuto Livoniæ Magistro, ANDREA
STUCKLANDIO, ad incitas redactus, integræ Curlandiæ re-
nunciare, partemque Lithvaniæ cedere, imo pacem, quibus-
cunque victorum conditionibus, inire coactus est, (o) dato
deinceps Christianis Sacris nomine, vel simulata potius, in
favorem pacis, & satisfactionem Pontificis Equitumque, Chri-
stianismi professione, in Lithvaniæ Regem inauguratus. (p)
Ex qua periodo, licet brevissima, hoc saltem de ejusdem for-
ma Regiminis licet concludere, quod Curoni etiam eo tem-
pore, quo a Livoniæ Dominis secessionem fecerant, ne qui-
dem Liberi Status jura degustaverint, sed pleno Magni Lihua-
niæ Ducis dominio subiecti fuerint, ac cum transacto inter
dominos provinciarum reditu ad Livoniæ Magistrum, simul in
ejusdem potestatem denuo transferint.

Et aliquot an-
nos, absque li-
bertatis usu,
ipsius dominio
paruerunt;

§. V.

Curonum reditus ad Livoniæ Magistrum, renuntiante Mendogo

Reverso au-
tem ad patri-
os Lares Men-
dago, Curlan-
di ad pristinos
dominos re-
dire, qui pan-

Quamvis quidem hac compositione inita Teutonici Equi-
tes, in pristina Curlandiæ possessione stabiliti, multis
deinceps bellis a MENDOGO, Lithvaniæ Rege, pactorum
poenitentia ducto, lacefferentur, (q) secundo tamen Marte
partas sustinuerunt provincias, ac inutili reddito hostili im-
petu,

(o) Dlugossi Hist. Polon. lib. VII. f. 729.
759. Abrab. Bzobii Contin. Annal. Ba-
ron. ad A. 1252. n. V f. 606. Henr.
Spondani Annal. ad A. 1252.

(p) Litera Pontificis Innocentii IV. ad
Mendogum, quibus eundem Regem de-
clarat, data Mediolani, XVII. Kal.
Aug. 1251. itemque alia, ad Episcopum
Culmensensem, ibidem subscripta, nobi-
que Regis inaugurationem committen-

tes, habentur inter ipsius Epistolae, lib.
IX. n. 1. 3. & apud Raynaldum, Tom.
I. Annal. ad Annum 1251. num. 44.
45.

(q) Kojaloscicz Hist. Lithuan. P I p. 98.
Dlugossi Hist. Pol lib VII. pag 759.
Abrab. Bzobii Contin. Annal. Baron.
T. I f. 630. ad A. 1254. n. VIII. Rus-
sobii Chron. Libon pag. 22. Michobii
Chron. Pol, lib. III. cap. 55.

petu, brevi tempore renitentes adhuc Semgallos variis præliis, usque ad A. 1287. sub CONRADO HERTZOGEN-STEIN, Livoniæ Magistro, plane subegerunt, (r) & postquam seculo subsequente a WALDEMARO III. Daniæ Rege, numerorum subsidiiis pro itinere Hierosolymitano indigente, cessas quondam Esthoniæ provincias, Harriam & Wyrriam, cum urbe Revaliensi, pretio novendecim millium argenti puri librarum, A. 1347. redemissent, (s) insuperque in controversa dudum cum Episcopis circa suprematum causa, arbitrio Summi Pontificis definitivo, A. 1390. superioritatem in Episcopos, licet his invitis, obtinuissent, (t) integram Livoniam, eoque spectantes Esthoniæ, Lettiæ, Curlandiæ & Semgalliæ, provincias in potestatem suam redegerant, quæ omnes immediate provinciali Livoniæ Magistro, mediate autem Supremo Ordinis in Prussia Magistro, parebant, qui Livonenſium Præfides, vi summæ potestatis, constituēbat, donec WALTHERUS PLETTENBERGIUS illud obsequii vinculum, quo a prima subjectione A. 1238. adstricti erant, soluta conspici-

*lo post intro-
gra Semgalliæ
subacta,
& recuperata
jure emtionis
Esthonia,
itemque ob-
tentia superio-
ritate in Epi-
scopos,
integra Libe-
nia & Cur-
landia Domi-
ni fuerunt,
a Supremo ta-
men in Prus-
sia Magistro
pendentes,
donec Pletten-
bergius hoc
obsequii vin-
cua*

B 3

(r) Alex. Guagnini Sarmat. Europ. apud Pistorium, Tom. I. Script. Polon. pag. 68. Russobii Chron. pag. 27. 30. Johannis Caspar. Venatoris Histor. Ord. Mariani, pag. 60. sq.
(s) Russobii Chronic. Libon. p. 39. Sal. Henningii Chron. Libon. Curland. f. 16. Job Lud. Godofredi Inſeniar Suec. P. I. f. 11. Pontanus autem, Hist. Dan. lib. VIII. p. 478. & Meursias, P. II. Hist. Dan. lib. I. pag. 21. hæc ad A. 1346. referunt, & venditionis summam octodecim millium marcarum determinant, simul commemorantes, eundem Waldemarum simili ratione paulo ante Scantiam & Hallandiam, Magno, Sueciæ Regi, A. 1343. vendidisse, cujus Instrumentum in Du Mont Corp. Di-

plom. T. I. f. 224. ex quo tamen perperam concludit Zschakwitzius, T. II. Præfensionum Illustrum, Sect. IV. p. 130. Teutonico Equites Curlandiam & Semgalliam a Daniæ Rege emtionis jure obtinuisse, quam ultra centum annos antea armis tam occupaverant, nulla Curlandiæ ratione in Instrumento venditionis habita, quod ad solam Esthoniæ restrictum erat.
(t) Vid. Christ. Kelsch, P. III. Histor. Libon. p. 127. Waisfeli Chron. loc. cit. Martin. Cromerus expressis circumstantiam addit, causam Ordinis numero 19. millium solidorum aureorum sufful- tam, maximum sententiæ definitivæ pondus addidisse, Histor. Polon. lib. XV. pag. 398.

*culum dissol-
baret,*

*occasione belli
cum Sigismun-
do Rege,*

*quod Teutoni-
ci in Prussia
Ordinis inter-
itum secum
traxit*

qua numerorum summa, A. 1521. demum dissolveret, (tt) quæ sublatio sane inutilis & supervacanea judicaretur, si jam antea ab illo observantiæ nexu exempti, vel liberis suffragiis, ac quodam Magistros suos eligendi jure, gavisi fuissent. Contigit autem illa dimissio occasione belli inter SIGISMUNDUM I. Poloniæ Regem, & Supremum in Prussia Magistrum, ALBERTUM, Marchionem Brandenburgicum, per biennium gesti, & mediante hujus subjectione, cum Teutonici in Prussia Ordinis abolitione, tanquam imagine subsecuti deinceps ejusdem in Livonia interitus, demum finiti; Quæ binæ epochæ quoniam insigni harum provinciarum mutationi ansam dederunt, atque posterioris occasione subnatus Curlandiæ Ducatus, ad similitudinem prioris Prusfici institutus fuit, operæ erit pretium & argumenti scopus, utramque periodum brevibus seorsim illustrasse.

§. VI.

Teutonici Ordinis in Prussia interitus cum origine Ducatus Prusfici

*Postquam e-
dem Equites,
præter conti-
nua cum ex-
teris disidia,*

Quum medio Seculo XIV. Teutonici Equites, perpetuis belli disidiis cum Lithuanis impliciti, a Polonis quoque, propter Culmensis & Dobrinensis tractuum, nec non quarundam Pomeraniæ terrarum, possessionem, conturbarentur, (u) ancipite diu Marte & alternis invicem dimicuerunt victo-

(tt) *Ruffobius, Schützius, Chytraus*, annum 1513. ponunt, quem *Henningses*, T. IV. *Oper. Geneal.* pag. 350. & *Leonb. Wurfbain*, in *relat. histor. Habsb. Austr.* p. 191. sequuntur. Diploma autem ipsum, quo *Plettenbergio* obsequium remittitur, *Regiomonti*, die D. Michaeli sacro A. 1521. datum est, teste *Schurtzsch*, I. c. p. 336.

(u) *Privilegium Henrici VII. de terris Pomeraniæ*, Ordini A. 1311. concessum, inter *Goldasti Atia Imperial.* pag. 170. *Decisio Pontificis Joh. XXII. in hac lite*, apud *Blugoff. Hist. Pol.* lib. IX. p. 977. *Compromissum Caroli & Johannis, Hung. & Bohem. Regum, super hac causa*, ibidem p. 1033. & in *Du Mont Corp. Dipl. T. I. P. II. f. 151. Interdi-*

victoriis, donec exeunte Seculo, A. 1386. felici VLADISLAI JAGELLONIS cum HEDVIGE, Poloniae Principe, connubio, (x) Lithuania Regno Poloniae iuncta, (y) novus Rex jura sua majori prosequeretur vigore, eorundemque decisionem variis committeret conflictibus, (z) quos inter Tannenbergensis maxime fuit notabilis, quo ambae partes, caesis utrimque centum millibus, & inter hos ipso Supremo Magistro & centum aliquot Equitibus, adeo exhaustae fuerunt, ut pace etiam mox secuta vires vix potuerint colligere. (a) Hac pessima rerum facie insignis Equitum notari meretur natus Politicus, quod durius suos habere coeperint, (b) ipsique causam praebuerint, ut ultra viginti urbes, grave cervicibus jugum excutere ratae, CASIMIRO, Poloniae Regi, se subjecerint, atque ipsius Regno A. 1454. insertae fuerint, (c) quod novo tredecennali bello natales dedit, (d) sub cujus primordiis fausto quidem pugnarunt omine Equites, (e) mox ve-

praecipue post
Lithuania
cum Polonia
unionem,

intestino quo-
que confitta-
bantur hoste,

complures Bo-
rusia urbes
se Regi Polo-
niae subjece-
runt,

unde trede-
cennale bel-
lum,

10

Mum Imp. Lud. Babari, Theodorico Altenburgensi, Supremo Magistro, de non reddendis sua possessionis rationibus, A. 1338. datum, in Goldasti Actis Imper. p. 171. lit. E. Sententia definitiva Pontificis, Benedicti XII. Toletani, de A. 1339. apud Dlugossum l. cit. p. 1045. & Du Mont, l. c. f. 175.

(x) Jod. Lud. Decii de Jagellonum familia, f. 34. ad calcem Michobii Chronic. Pol. edit. Cracov. 1521.

(y) Casp. Schutzius Descript. Pruss. lib. III. p. 95. edit. Zerveft. 1592. Christoph. Hartknoch Pruss. Vet. & Nov. P. II. cap. II. f. 305.

(z) Russobii Chron. Libon. p. 44. Kajalobicz Hist. Litb. P. II. lib. II. p. 68 sqq. Martin. Cromeri Hist. Pol. lib. XV. in Collections Pistor. Scriptor. Pol. P. II. p. 635.

(a) Kajalobicz Hist. Litb. p. 86. Joh. Christoph. Beckmanni Observat. de Or-

dine Johannis. cap. I. pag. 24. Alex. Guagnini Sarmat. Europ. apud Pistorium, T. I. fol. 59. Schutzius Descript. Pruss. lib. III. f. 113. extracto, in memoriam hujus stragis, ibidem facello, praeter annum & diem praelii, hac signato Epigraphe: Centies mille occisi. Vid. Anonymi Angli Descript. Libon. Epist. V. p. 73.

(b) Matth. Waisselii Chronic. Pruss. Litvico-Curland. a p. 144. ad 166.

(c) Jacobi Schickfusii Chronic. Siles. lib. I. c. 35. p. 114. Incorporationis Instrumentum vid. in Jac. Prilussi Status. Regni Pol. lib. V. cap. III. p. 751.

(d) Dionysii Runabii Descriptio belli tredecennalis in Prussia, ab A. 1454 ad A. 1466. Witteb. edit. 1582. 4. Hartknochii Pruss. Vet. & Nov. P. II. cap. II. f. 318.

(e) Joach. Curai Annal. Siles. p. 191. & Jac. Schickfus, loc. cit.

ro plerisque inferiores praeliis, (f) sub LUDOVICO ab ERLICHSHAUSEN, Supremo tum Magistro, duras pacis conditiones a Rege CASIMIRO amplecti, *Culmensi & Michaeliensi tractibus, aliisque urbibus, renunciare, Poloniaeque Regibus homagium prestare*, A. 1466. coacti sunt. (g) Per hanc igitur divisionem summopere debilitati, pro conservando Ordinis sui flore, Supremi Magisterii dignitatem in potentes Germaniae Principes derivare studuerunt, & hinc FRIDERICUM, Saxoniae Ducem, eoque defuncto, ALBERTUM, Marchionem Brandenburgicum, ineunte seculo XVI. Supremos Magistros elegerunt. (h) Hic ultimus etiam, non obstante consanguinitatis vinculo, (i) bellum contra SIGISMUNDUM, Poloniae Regem, strenue prosecutus est, (k) ac in subsidium impendendorum sumtuum WALTHERO PLETTENBERGIO, Livoniae Provinciali, obsequium, quo Supremo in Prussia Magistro antecessores ipsius ab A. 1238. devincti erant, soluta conspicua pecuniae summa, A. 1521. remisit; (l) verum durante biennali bello imparem se Regi cernens, imo pactis ad quadriennium induciis omni exterarum copiarum auxilio destitutus languens, pacem Regi SIGISMUNDO obtulit, (m) certisque conditionibus omnes Prussiae terras eidem

*pacti Thoruni-
ensi, primo
subjectionis
fundamento,
positum,*

*quam Mar-
chio Albertus,*

*sublato Ordi-
ne suo A. 1525.
perfecit,*

(f) Testibus Cromero, lib. XXIV. XXV. ejusque Epitomatoribus, Joh. Herburto de Fulstin, lib. XVI. c. XII. XIII. p. 302. sqq. Salom. Neugebauer, *Histor. Pol.* lib. V. & VI. edit. Hanov. 1618. 4.

(g) Christ. Kelch, *Hist. Libon.* P. III. p. 143. Casp. Schürz, lib. VII. f. 330. *In-strumentum Pacis Thoruniensis*, d. 19. Oct. 1466. apud Prilufum, lib. V. cap. III. f. 724. cum confirmatione Maximil. I. de A. 1515. ibid. f. 758. & Caroli V. literis exhortatoriis ad Albertum, p. 762. *Formula homagii Regi prestiti*, p. 731. & 753.

(h) Joh. Lud. Decii *Historia Regis Sigis-*

mundi ad A. 1516. f. 74. ad calcem Michobii Chron. Polon.

(i) Matre Sophia, Regis Casimiri IV. filia, Sigismundi I. sorore, natus.

(k) Dionysii Runavii *Historia brevis belli biennalis inter Sigismundum I. & Albertum Brand.* annexa citatae Historiae belli praevis tredecennalis.

(l) Vid supra §. V. nota. (tt)

(m) Leonis X. Pontificis litera ad Albertum, pacis suae forae, Romae d. 26. Dec. 1521. ac Caroli V. Imperatoris propositio per Legatos ad Sigismundum Regem, apud Prilufum, in *Status. Regni Polon.* lib. V. cap. III. p. 760.

eidem A. 1525. subjecit, (n) atque solenni deinceps investitura ^{Borussiae Dux} cum Ducali dignitate, praestito homagio, in feudum accepit, (o) ^{creatus} Ordine Teutonico in Prussia cessante.

S. VII.

*Similis Teutonici Ordinis in Livonia interitus, & origo
Ducatus Curlandici*

Ingravescentibus pariter intestinis in Livonia, Ordinem inter-
I & Episcopos, de Suprematu diffidiis, succedentibus quoque <sup>Intestini per-
inde in Livonia motus</sup> externis e Lithuania turbis, pessima Status publici facies mox
apparere coepit, ex quo Episcopi, definitiva Bonifacii Pontificis
sententia condemnati & causa lapsi, (p) quibuscunque utebantur
mediis, exacerbati hinc animi livorem contra Equites effunden-
di, eosdemque, vocatis in subsidium vicinis Lithuanis, Russis <sup>exteris inva-
sionibus viam
aperiunt;</sup> & Samogetis, debellandi. (q) Hisce intrinsecis Livoniae moti-
bus invigilans Magnus Russorum Dux, JOHANNES BASILI-
DES, altaque repositam mente ferens insignem quondam, sub <sup>In turbido pis-
caturus mari
Johannes Ba-
sildes</sup> antecessoribus suis, a Livonis Equitibus, A. 1501. PLETTEN-
BERGIO Duce, acceptam cladem, (r) tempus esse duxit, ex-
spirante praesertim inita ad dimidium seculum pace, luctantem
inter-

(n) *Instrumentum Pacis*, Cracoviae A. 1525. signatum, in *Goldasti Actis Imperial.* p. 175. G. & Prilnsfo, p. 762. *Formula consensu Ordinum Prussiae*, d. 9. April. 1525. *ibid.* p. 775.

(o) *Kojalovicz Hist. Lith.* P. II. Lib. VII. p. 382. *Investitura formula apud Prilnsfo*, loc. cit. p. 770.

(p) *Casp. Schürzii Descriptio Pruss.* loc. cit. *Christ. Kelchii Hist. Livon.* P. III. p. 127. *Martin. Cromeri Hist. Polon.* l. c.

(q) *Kojalovicz Hist. Lith.* P. II. lib. II.

(r) *Salom. Henningii Chron. Liv. Curl.* f. 1. *Tilem. Bredembachii Descript.* scripti *Belii Livon.* in *Collectione Historiana Script. Polon.* P. III. f. 55. & *Wechselja. na Moscoviticorum*, f. 227. *Alex. Guagnini Sarmat. Europ.* fol. 7. edit. Cracov. 1578. f. & *Tom. II. operum*, edit. Francof. 1584. 8. *Sigism. de Herberstein Comment. Rer. Moscovit.* fol. 115. edit. Basil. 1571. f. *Jo. Leunclavii Descriptio bellorum a Russis contra vicinos gestor.* dictis *Commentariis annexa.*

interno hoste Livoniam adoriendi, eoque facilius subigendi. (s) Victor itaque a Casanenſibus & Aſtracaniis A. 1551. redux, atque Tartarorum Imperator ſalutatus, (t) numeroſiſſimum omnique apparatu bellico inſtructiſſimum in Livoniam duxit exercitum, & quamvis Equites ad extremas redacti anguſtias ſemel iterumque per Legatos, precibus, promiſſis & præmiis, inducias obtinuiffent, bellumque per aliquot annos diſtuliffent, (u) tandem vero, præſcriptis conditionibus intra terminum haud adimpletis, (x) Ruſſorum copię A. 1558 Livoniam inundarunt, oppidisque & arcibus compluribus occupatis, ferro flammæque omnia late vaſtarunt. (y) Acceſſerant novi inteſtini motus inter Livonię Magiſtrum & Archiepiſcopum Rigenſem, propter cooptatum in Præfulatus conſortium, CHRISTOPHORUM, Megapolitanum Duceſſem, (z) quem utrumque Magiſtri Coadjutor, GUILIELMUS FÜRSTENBERGIUS, in arce Rigenſi obſidione premebat atque captivum detinebat, (a) donec

arma in Livoniam movet,

copiis omnia inundat,

hinc ſupervenientibus turbis ob Coadjutorem Megapolitanum

(s) Henning Chronic. Livon. Carl. p. 3. Kelch, Hiſt. Livon. p. 193.

(t) Paſſi Oderborni Vita Joh. Baſilidis, Magni Meſcovis Ducis, ad Henr. Julium, Duc. Brunſvic. Witteb. 1587. 8. & in Collectione Wecheliæna Scriptor. Mſ. v. p. 240.

(u) Thuanus Hiſtor. ſui temporis, lib. XXI. edit. Londin. Tom. I. f. 717.

(x) Clauſium hujus belli, ſeu Joh. Baſilidis Epiſtola ad Equites, belli denunciatoria, extat in Collectione Wecheliæna Scriptor. Mſ. v. p. 216. & Sim. Schardii Tom. III. Rer. German. p. 41. Cauſas belli in ipſa Ruſſorum Cancellaria deſcriptas, & ad Ferdin. I. Imperat. tranſmiſſas, vid. apud Ruſſovium, Chron. Livon. P. II. p. 69.

(y) Sælem, Henningii Chron. P. I. f. 11. Ruſſorum immanitates deſcribit Tilem.

Bredenbachius, vel ſub hujus ſtillo, Philippus Olmen, qui literis, ad calcem Deſcriptionis tertii Belli Livonici, apud Wecheliæ p. 239. annexis, teſtatur, ſe ipſum præſentem omnia oculis ſuis uſurpaſſe. Edita eſt illa deſcriptio ſeorſim Duaci 1564. 4. itemque in T. III. Collectionis Piſtoriana Script. Pol. f. 55. ubi Ruſſorum copię ad trecenties mille ſupputantur.

(z) Per iranzactionem Volmarienſem, A. 1546. convenerant Epiſcopi & Magiſter, ut neuter ipſorum extraneum quendam in Coadjutorem adſciſceret, Henningii Chronic. p. 3.

(a) Sim. Schardii de vita & obitu Sigismundi Auguſti, apud Piſtorium, T. III. Script. Pol. f. 64. Kojalovicz, P. II. lib. VIII. p. 429. Ruſſovii Chron. Livon. p. 66. ſq.

donec a SIGISMUNDO AUGUSTO, Poloniæ Rege, liberare-^{& venditum}
tur. (b) *Curoniensis* insuper Episcopus, IOHANNES a MUNCH-^{Episcopatum}
HAUSEN, suum & *Ostliensem* Episcopatus, metu periculi addu-^{Curoniensem,}
ctus, FRIDERICO II. Daniæ Regi, A. 1559. vendidit, cuius fra-
ter, MAGNUS, Holstrix Dux, eosdem loco paternæ hæreditatis,
A. 1560. dono acceptos mox sæculo addixit, aliasque illuc spe-
ctantes terras sibi vindicare cœpit, ut parum abesset, quin no-
vum inde intestinum bellum inter novum hospitem & Equites
constitutum fuerit. (c) Hac perturbata rerum facie Livoni ad
Imperii Ordines confugiunt, openique implorant, (d) sed ob^{deficientibus}
continua ejus contra Turcas bella repulsam ferentes, (e) oppi-^{quoque Ger-}
gnoratis Poloniæ Regi quibusdam arcibus, numorum subsidia^{manorum}
obtinere, milicunque præsidia in potiora munimenta recipiunt,
(f) hinc ad Sueciæ Regem, GUSTAVUM, & hoc defuncto, ad
ejus filium, ERICUM XIV. se convertunt, pecuniarum aut co-^{& Suecorum}
piarum auxilia efflagitantes. Verum cum ille non alia conditio-^{suppetiis}
ne, nisi præviæ plenæ in potestatem Regni Sueciæ subjectionis
suppetias ferre promitteret, (g) vicissim Equites tali pretio Sue-
corum subsidia abnuerent, interea autem Esthones atque Reva-^{Kettlerus, Li-}
lienses, facta defectione, Sueciæ clientelæ se committerent, (h)^{vonie Magi-}
ster, ad inci-
tas redactus,

(b) Alex. Guagnini *Sarm. Europ.* t. 8. edit. Cracov. 1578. & apud Pistorium, T. I. f. 71. Thuanii *Hist. sui tem-*
poris, lib. XXI. T. I. f. 712. edit. Lond. Bredembachii *Descriptio belli Li-*
von. in Collect. Wechel. p. 226.

(c) Christ. Kelchii *Hist. Livon.* P. III. p. 245. it. *Deductio Juris Curl. Duc. in*
Districum Pilrensem, inter *Anecdota*
Curlandia a Nettelbladrio 1736. edi-
ta, num VII. p. 78.

(d) Vid. *Epitome Rerum sub Ferdin. I.*
memorabilium, in Sim. Schardii Tom.
III. *Script. Germ.* f. 134. Pauli Oder-
bornii *vita Joh. Basiliidis*, P. II.

(e) Vid. *Recessus Imperii Augustinus A.*
1559. §. 12. in *Franc. Frid. Andleri*
Corp. Constitut. T. I. f. 555. Joh. Henr.
Buecleri *Diss. de acquisito & amisso Im-*
perii in Livoniam jure, Argentorati
1711. habita.

(f) *Rejalovicz Hist. Lith.* P. II. lib.
VIII. p. 438. Henningii *Chron. Livon.*
Curland. P. I. f. 22. Kelch, p. 239.
241.

(g) *Russowii Chron. Livon.* P. II. p. 80.
Kelchii Histor. Livon. P. III. p. 251.
Henningii Chron. p. 25

(h) *Russ. v. l. c.* p. 82. Joh. Casp. Venato-
ris *Hist. Ord. Mariani*, p. 322. sq.

GOTTHARDUS KETTLERUS, tum temporis, post abdicationem FURSTENBERGII, Livoniæ Magister, initum jam antea de protectione Regis Poloniæ consilium (i) sine mora nunc exequendum statuit, omni alia salutis via præclusa. Hinc prævia cum Archiepiscopo & Equitibus deliberatione, publico & se suasque provincias Regi. Polonia subji- cit, concordanti omnium consensu, se provinciamque suam in fidem & potestatem Regis Polonia tradidit, ac in perpetuum ditionibus dominiisque Regni ejus, ad instar terrarum Prussie, adjunxit & incorporavit, (k) solutoque subditorum juramento, quo hactenus sibi devincti fuerant, eosdem pari fide ac observantia nunc Regi devinciendos admonuit, dataque insuper cautione, ne ab Ordine Teutonico unquam deinceps impeterentur, certiores reddidit. Rex itaque SIGISMUNDUS AUGUSTUS, commiseratione afflictissimæ Provinciæ & amore totius Reipublicæ adductus, missio NICOLAO RADZIVIL, Palatino Vilnensi, Duce Olycensi & Nieswiezensi, Livoniæ Ordines in clientelam suam recepit, omni hinc ab Imperiò in ipsos forsan redundaturo damno & præjudicio immunes sanxit, certisque pactorum conditionibus, ex ipsorum voto, subjectionis modum uberius illustrari, clementissime annuit. Consecutis hinc tabulis, iisdemque Regis manu & majori sigillo, d. 28. Nov. 1561. rite communitis, RADZIVILIUS, Princeps, in Livoniam anno sequente redux, a KETTLERO, Livoniæ Magistro, insignia præteriti muneris, crucem auream ac sigillum Ordinis, nec non diplomata ejusdem & literas, itemque claves arcis & urbis

se suasque provincias Regi. Polonia subji- cit,

Ordine suo & rerum summa se abdicat,

Vicissim a Rege Ducalem titulum,

(i) *Kojalowiez. Hist. Lith. P. II. lib. VIII. p. 446.* collimantibus huc verbis, statim sub exordio pacti subjectionis, ita sonantibus: *Cum terra Livonia nobis & vicinitate & multis, partim antiquis, partim novis, pactis & fœderibus devincta & consociata, &c.*
(k) Tenore ipsissimorum verborum sub

exordio XXVII. *Articulorum, ab Ordinibus Regi exhibitum, atque in ipsorum favorem Vilnæ, A. 1561. a Rege ratihabitorum, inter Privilegia & Jura præcipua Ducat. Curl. & Semg. Varsoviæ 1719. 4. edita, n. 2. p. 25. & inter annexa Documenta, n. II.*

urbis Rigenſis, publice recepit, eundemque mutato ſtatu & abdicato Ordine, prævio fidelitatis homagio, A. 1562. ſolenni ritu *Ducem Curlandia & Semgallia* eventualiter inveſtivit, (1) *conſueſcenter in conceſſis interim in feudum iis provinciis, quarum determinatio atque incorporatio cum Poloniæ Regno & Magno Lithuania Ducatu ad reditum Regis & prævium Senatorum Reſcripti conſenſum remiſſa, & publicis demum tabulis A. 1569. confirmata eſt. (m)*

§. VIII.

Potiores cum origine Ducatus Curlandici ſtipulatiæ conditiones

Omnes dictæ ſubjectionis Livonicæ Articulos hic recensere ſuperfluum foret & a ſcopo alienum, cui ſuffecerit, illa ſaltem capita, quæ ad illuſtrandam feudi Curlandici naturam, eruendaque utriuſque partis & Domini & Vaſalli reſervata jura, conducere queunt, paulo curatius illuſtrare. In anteaſſum cuilibet obvium eſt; SIGISMUNDUM AUGUSTUM, Poloniæ Regem, cum integro totius Livoniæ eique inſertarum provinciarum corpore pacta iniſſe, nulla autem ſeparatim cum Curlandiæ Ordinibus, multominus ſolis ejusdem Proceribus, tranſegisse, ſiquidem in ipſa ſubjectione nondum ſeparabatur

C 3

Cur-

(1) *Stanislaus Sarnicki Annales de Orig. & Reb. Geſt. Polonorum. lib. VII. p. 399. edit. Cracov. 1587. Pauli Piasceii Chronic. Geſtor. in Europa Singularium, p. 59. 60. edit. 1648. f. Ruſſovii, Waſſilii, Kelchii, Henningii, Chronic. loc. cit. Joh. Henr. Bæcleri Diſſ. de acquiſito & amiſſo Imperii Rom. Germ. in Livoniam jure, p. 64. Argentorati 1711 habit. Formula homagii a Livonia Magiſtro præſtiti vid. in Collectione Varſoviæ privileg. Curl. n.*

V. p. 55. edit. 1719. 4. & p. 20. edit. 1736. f. hinc inter annexa documenta n. III.

(m) *Incorporationis formula vid. in Nicol. de Chrovalkov Chrovalkovſky Juſſ. Publ. Regni Polon. lib. IV. §. 8. p. 511. edit. 1683. 4. in Du Mont Corp. Dipl. T. V. part. I n. 83. f. 169. inter privilegia Duc. Curl. Varſoviæ 1719, edita, n. 6. p. 56. vel juxta editionem 1736. p. 21. & inter annexa documenta, n. VI.*

Curlandia a reliquo Livoniæ complexu, sed incertum & indeterminatum relinquebatur, quænam provincia novo Duci in feudum adjudicaretur, adeoque sane nihil de non ente poterat prædicari & transigi, quæ etiam ratio est, quare nunquam titulo aliquo distincto Nobilitas Curlandiæ & Semgalliæ, neque in pactis, neque in privilegiis, seorsim nominata vel commemorata deprehendatur. Secundo etiam loco hoc generatim præmittendum est, Ducatum hunc Curlandicum juxta normam quondam Ducatus Prussici, erecti quondam Ducatus Prussici fuisse institutum, ad cujus conformitatem tam in subjectionis pacto, quam privilegiorum articulis, nec non Regiminis formula, subinde provocatur, (n) ut hinc de posterioris Curlandici natura judicaturi, ex prioris Prussici, tanquam præscripti exempli, conditionibus in memoriam revocare debeant, quemadmodum circa hunc in transactione Cracoviensi A. 1525. inter SIGISMUNDUM I. Poloniæ Regem, & ALBERTUM, Marchionem Brandenburgicum, pri-
vigore trans-
actionis Craco-
vienfis Fenda-
tarii, instru-
ta,
 mum Prussiæ Ducem, conclusum fuerit, ut dictus Marchio Regiæ Majestati & Regno Polon. juramentum, uti naturali & hæreditario Domino suo, præstaret, seque in omnibus, sicut Principem vasallum, erga Dominum suum hæreditarium, de jure decet, obedientem exhiberet, itemque ut privilegiis suis, dictæ transactioni & superioritati Regiæ Majestatis non repugnantibus, uteretur, hinc ergo nihil de Principatu & terris suis absque prævia Regis concessione venderet, tandem vero, ut decedentibus omnibus masculis, legitimisque feudi hæredibus, supradictæ Prussiæ terræ ad Regiam Majestatem, Regnumque Poloniæ, hæreditarie redirent & reciderent. (o) Eædem
similes huic fe-
cum ferunt
conditiones,
 ergo conditiones, absque ulteriori illustratione & speciali recensio-
 ne, de Ducatu Curlandico, ex præstabilita cum Prussico conformita-
 te,

(n) *Tractatus subjeçt. Art. VII. Privile-*
gia Nobilitari concessa, in Proëmio,
Formula Regiminis, de A. 1617. §.
Vasallagium Principis quod attinet &c.

(o) *Instrumentum horum pactorum vid.*
apud Prilussiam, lib. V. cap. III. p. 762.
Litteras investiture ibid. f. 770 inter
Privil. Ord Pruss. Brunsberg. 1615. p. 32.

te, subintelligendæ & applicandæ erant. Nihilo tamen minus expressis insuper formulis, pro determinanda feudi natura, cautum fuit, ut Dux Curlandiæ vasallus & feudatarius Princeps Regni Poloniæ foret, atque in ea fide, voluntate & observantia constanter permaneret & summiter perseveraret, tanquam fidelem vasallum, Imperio & potestati Regiæ subiectum, decet; (p) itemque, ut Ordines fideles & obedientes forent Regi, tanquam Domino & hæredi, ejusque successoribus Regibus, & sese in omnibus fideles, observantes, & obsequentes omni loco & tempore præstarent, omnemque machinationem, quam praticari suboleverint, in præjudicium Regiæ Majestatis, avertrent, præcaverent, & pro posse summa fide impedirent; (q) porro, ut novus Dux ejusque hæredes cum Ducatu Curlandico, Semigallicoque, Regno Poloniæ cum Ducatu Lithuanicæ unito, tanquam uni & indiviso corpori, perpetuis temporibus subjiceretur & incorporaretur, ac in clientela & defensione Regis Regniq; permaneret; (r) præterea item, ut in causis gravioribus provocatio seu appellatio etiam a Principe ad Conventum provincialem & Senatum Regium locum haberet; nec minus, ut integrum quoque Duci esset, monetam cudere, hac tamen lege, ut ex una parte effigies Regia, vel insignia Regni Magnique Lithuanicæ Ducatus, caprimerentur; tandem vero, ut quicquam de terris Ducalibus oppignorare vel vendere, aut alienare, absque prævia Regis consultatione, neutiquam liceret. (s) Privilegia Ordinibus circa subjectionem concessa summam religionem, jurisdictionem, dignitatem,

(p) Tenore tractatus subjectionis Art. VII. & in conclusione vel Epilogo, itemque juramenti Livonia Magistri & formula incorporationis.

(q) Verba sunt juramenti, ab Ordinibus Livonia præstiti, inter privilegia Ducatum Curl. & Semg. A. 1719. Varsoviæ edita, n. IV. p. 53. & inter hic subjuncta Documenta, n. V.

(r) Juxta Incorporationis formulam, Lublini, 3. Aug. 1569. publicatam, inter annexa Documenta, n. VI.

(s) Hi tres Articuli in subjectionis Tractatu, vel prima eventuali Ducis investitura, a Rege Sigismundo I. concessa, exprimuntur, §. 4. Cum provocat, §. 18. Monera &c. §. 19. Si quid &c. inter annexa Documenta, n. I.

toti Livonia Nobilitati indultorum tatem, superioritatem territorialem, bona, possessiones, aliasque immunitates, supremo dominio haud contrarias respiciebant, & tam tenore Articuli III. pactorum subjectionis, quam reliquorum viginti septem, a Rege, SIGISMUNDO AUGUSTO, Vilnæ A. 1561. ratihabitorum, articulorum *generatim omnibus Livonia Ordinibus* eodem vigore indulgebantur, *nulla Curlandica Nobilitatis distinctione admissa*, adeo, ut quicquid vel expresse, vel tacite, in iisdem concessum est, ad integrum sane-
nulla specialim ad solos Curlandia Proceres restringuntur. tum temporis Livoniæ Nobilitatem extensum fuerit, nec Curlandiæ Proceribus integrum sit, in sui prærogativam aliquid vertere aut ex iisdem pertrahere, quod non simul de reliquis Livoniæ Proceribus intellectum fuerit, evidenti argumento, nihil quidquam in patrocinium jactati electionis juris per totum ipsorum contextum, restrictive ad solam Curlandiæ Nobilitatem inferi potuisse, vel etiamnum sana consequentia inde erui posse, nisi simul idem de reliqua Livoniæ Nobilitate intelligi debuerit, quod tamen non solum implicaret, sed etiam ipsorum menti prorsus adversaretur. Hinc certum manet atque con-
in omnibus vero summum Polonia Regni dominium fundatur fectum, in allegatis pactorum conditionibus naturam feudi Curlandici atque ipsius subjectionis qualitates, nec non supremum Regni Poloniæ dominium, sicut a parte feudatarii Principis homagiale obsequium, luculenter satis fuisse stabilita, nullamque de quodam vasallorum, supremæ potestati nonnihil derogante, liberæ electionis jure mentionem vel reservationem fuisse injectam, id quod sequente hujus Deductionis membro ulterius jam corroborandum superest.

Pars Altera

Fundatum tam in subjectione, quam
ipsa feudi natura, supremum & dire-
ctum Poloniæ Regni in Curlandiam
dominium ac inde resultantia
in feudum apertum jura,
exponens

THESIS I.

*Curoniam nunquam fuisse Statum Liberum & Electivum, adeoque
nec electionis jura sibi arrogare posse*

EX præmissis hucusque Curlandici Regiminis mutationi-
bus, cum postrema subjectione & Ducatus origine col-
latis, pronò fuit alveo, *Curlandiam, tanquam penden-*
tem a Livonia partem, nunquam fuisse Statum Liberum
vel electivum, siquidem tot diversis Regiminis sui periodis suf-
fragiorum jura nunquam exercuit, sed a Livoniæ fati pen-
dens, illi, qui in eadem victor erat, simul paruit, & tanquam
provincia bello parta concessas a victoribus dominis optionis
prærogativas sperare vix potuit, vel unquam degustavit. Sum-
ma rerum in Livonia penes Supremum Ordinis Magistrum con-
stituta, ille Provinciales Livoniæ Magistros nominavit atque
in fidem recepit, alias sane superfluum fuisset & inane, PLET-
TENBERGIUM, soluto ingenti pretio, obsequium illud A. 1521.
a Marchione ALBERTO redemisse. (t) Hæc itaque Regimi-
nis

*Curlandia,
tanquam Li-
vonie pars,
hujus dominis
parebat.*

D

(t) Vid. supra §. V. nota (tt) *Schurtz-fleisch*, in *addit. ad Hist. Ord. Ensis*. p. 336.

nis facies ad trecentos annos substitit, durante qua Ordines Livoniæ immediate suo Provinciali, & hoc mediante, Supremo Ordinis Magistro, dicto audientes erant. A tempore autem dictæ subjectionis A. 1561. Curlandia multo minus in liberum Ducatum evecta, sed ad exemplum quondam Ducatus Prussici, *post subjectionem instar Prussici Ducatus feudali vinculo ligata*, ceu normam, adstricta fuit; Atqui hic a principio neutiquam Liberi Status jure gaudebat, ceteroquin inutile fuisset, per *tractatum Velaviensem*, A. 1657. adeoque 132. demum a prima institutione annos, eundem liberum pronunciare, (u) cujusmodi remissionem & exemptionem Ducatus Curlandicus non poterit allegare. Privilegia Duci & Ordinibus concessa nihil minus, quam indultam libertatem, arguunt, siquidem hac restrictione limitata sunt, *in quantum libertatibus & juribus Regni Poloniæ non adversentur, aut quidquam derogent.* (x) Nec exercitium Regalium, aut actuum superioritatis territorialis, *neque per privilegia, neque per auctus superioritatis soluta, vel libera,* feudale solvunt, sed in feudum simul conceduntur, & juxta feudorum æque leges, (y) ac exemplorum testimonia, (z) cum

(u) Samuel. Pufendorffii de Rebus Gestis Frider. Wilhelmi M. lib. VI. §. 71. p. 375. lib. VII. §. 50. p. 433. Ipsum transactionis instrumentum, d. 19. Sept. 1657. Velaviæ signatum, in Nicol. Zaluszovskij additionibus Juris Regni Polon.

(x) Juxta tenorem Incorporationis formulæ, inter reliqua privilegia n. 6. p. 59. vel annexa documenta n. VI. & Formulæ Regiminis A. 1517 §. VI. Principem si abesse &c. inter Documenta n. X

(y) Nicol. Christoph. Lynckeri Consil. & Resp. Decis. 193 f. 209. Joh. Nicol. Hertii Consilior. P. I. Resp. 46. f. 110. n. 7. Ejusd. Diff. de Superioritate Territor. Giesæ 1682. Andr. Knichen de

sublimi & Regio territorii jure, Francof. 1688. Joh. Henr. Bæcleri de Superiorit. Territ. Comit. Imp. Argent. 1710. Frid. Heilbronneri de Super. territ. Civit. Imp. Jenæ 1709. Joh. Laur. Schmid de Superior. territ. Nobil. Imp. immed. Altorfi 1708.

(z) Imperator Ludovicus, Bavarus, Castruccio Castracani Ducatum Luccensem, d. 15. Febr. 1328. vigore Diplomatis, apud Leibnizium, Cod. I. G. Dipl. n. 65. p. 130. Carolus IV. Wenceslao, fratri. Ducatum Luxemburg. Metis A. 1354. vi investitura, apud Meibomium, T. III. Rer. German. p. 212. Fridericus III. Christierno, Daniæ Regi, Ducatum Holstia, tenore Diplomatis, 14. Febr. 1474. apud

cum homagiali obsequio utique subsistunt. Vbi igitur vel immemoriali tempore, vel vigore introductorum deinceps pactorum, nunquam liberæ Republicæ forma admissa est, *ibi quoque hinc nec liberis nec libera vasallorum electio, aut suffragiorum jus, locum habent.* electionis votis gavisi, De libera & absoluta electione sermo est, quali vel Ordines Imperii Romano-Germanici, vel Republicæ Polonicæ, gaudent, quorum suffragia nullo alio superiori arbitrio restringuntur, vel componuntur, sed suam ex se virtutem & efficaciam tenent ac adipiscuntur, cujusmodi electionem a Curoniæ Proceribus unquam fuisse in usum deductam, exemplo caret. *neque sub Suecis & Danis,* Tempore, quo alternatim Sueonibus & Danis Livonia parebat, armorum fors & arbitrium de Dominio decidebat. Ensiserunt Equites dominatum in Curonia armis stabiliverunt. *neque sub Ensiseris,* Teutonicus Ordo suum in Livoniam jus subjectione Ensisiferorum acquisivit atque armata manu per omnes ejusdem provincias, Curlandiam quoque & Semgalliam, extendit. *neque sub Teutónico Ordine,* Durante prope modum trifeculari ejusdem dominio nequidem Livones, multominus Curlandi, tanquam unica Regionis pars, provincialem Livoniæ Magistrum nominarunt, sed hic a Supremo Ordinis Magistro constitutus fuit, ita, ut, cum Equites post acceptam a Lithuanis cladem, qua ipse Livoniæ Magister, GERSDORFFIUS, A. 1439. ceciderat, in ejus locum Ordinis Marefcalcum surrogari cuperent, nonnisi instantibus precibus multaque opera, eundem a supremo Magistro obtinere potuerint, (a) quibus ambagibus sane supersedissent, si pleno electionis arbitrio fuissent gavisi. Brevissima periodus, qua ab A. 1535. post PLETTENBERGII,

D 2

BERGII,

Leibnit. l. c. n. 189, p. 431. Sigi mundus, Imperator, Amedeo Ducatum Sabaudia, d. 19. Febr. 1416. apud Leibnitium, p. 310. cum omnibus actibus & prerogativis superioritatis territorialis, in feudum conce-

dunt, reservato tamen sibi supremo, directo & eminenti, dominio.

(a) Testibus Alberto Krantzio, lib. XI. Vandalia, cap. XXXV. Russvijo, Chronic. Livon. P. I. p. 47. Cass. Hennembergero, Chronic. Min. loc. cit.

BERGII, Magistri, mortem, redemptam auro libertatem demum obtinuerunt, suos eligendi Magistros, vix in censum venit, quoniam illius exercitium mox cum ipsa subiectione & Ordinis abolitione, A. 1561. penitus cessavit, insuperque ad integræ Livoniæ Nobilitatem Regularem, seu Ordinem Equestrem Teutonici, non ad Curlandiæ Nobilitatem Secularem, spectavit, ita, ut, cum recte dicatur, Magistros Livoniæ per istud brevissimum tempus ab Ordine Equestri totius Livoniæ electos fuisse, frustra vicissim atque incongrue asseratur, Nobilitatem Secularem Livoniæ, ne dicam solius Curlandiæ, Ordini tributariam, ejusmodi vota gessisse, soli Ordini Equestri Regulari olim propria, & cum eodem extincta. Ex quo *Kettleriana stirps*, ab A. 1562. cum Ducali dignitate, dominium in Curonia, annos ultra centum & septuaginta, gessit, multominus Curlandiæ Ordines electionis usum experti sunt, siquidem investiti cum primo Duce ejusdem legitimi hæredes masculi, jure successionis & investituræ simultaneæ, in locum defuncti ascendebant, homagiumque in renovata investitura reperebant, nulla amplius electione, vel Ordinum optione, indigentes. Primo feudatario Curlandiæ Duci, GOTTHARDO, filius successit FRIDERICUS, & huic frater WILHELMUS, hunc excepit filius JACOBUS, a quo hæreditas in filium FRIDERICUM CASIMIRUM & ab hoc in pupillum, FRIDERICUM WILHELMUM, propagata est, durante cujus minorennitate patruus, FERDINANDUS, regiminis administrationem gessit, & post secutam A. 1711. ejusdem mortem successionis jus ipse obtinuit, sed A. 1730. demum exercere cœpit. In qua integra hæreditaria in feudum successionem nullum sane electionis exercitium obtinere poterat, feudo nunquam vere aperto, quamdiu *Kettleriana stirps* subsistebat. Præterea non apparet, quo pacto iactata hujusmodi electio stare queat cum *juramento*, quod Curlandiæ Ordini

non obstante brevissimo electionis exercitio, ab A. 1535 cum interitu Ordinis A. 1561. absorpto,

neque durante success. Kettleriana,

per integram hanc stirpem,

nullo electionis actu stabili,

Ordines & cives novo Duci præstare tenebantur, hujus fere tenoris: Si horum Ducum nullus supersuerit, Serenissimo ac Potentissimo Principi, Domino Sigismundo, Poloniae Regi, illiusque successoribus, Regibus, & inclito Regno Poloniae, Magnoque Ducatui Lithuaniae, tanquam non solum supremis ac directis, quales nunc sunt, sed etiam utilibus & immediatis, tum futuris Dominis meis, tam uti ceteri Regni indigenae, subditus fidelis & subiectus esse, (b) quo tenore etiam in forma juramenti Supremis Consiliariis, per Commissionem Mitaviensem, A. 1717. præscripta, unusquisque promittere debebat, se, Duci Ferdinando, - sub dominio directo S. R. Majestatis Poloniae & Magni Lithuaniae Ducis, - Ducibusque non amplius superstitis, Serenissimo ac Potentissimo - Poloniae Regi & Magno Duci Lithuaniae, tanquam suo non solum Domino supremo & directo, qui S. R. Majestas jam est, sed etiam tanquam suo tunc immediato & plene perfectio naturali Domino, & Reipublicae, uti alii Regni incolae, subditum fidelem & deditum futurum & mansurum, (bb) qua ipsa recognitione omni sane electionis exercitio sancte renunciarunt, pariter ac deinceps datis in Commissione Mitaviensi *Reversalibus*, Deputatorum manibus d. 6. Sept. 1727. subscriptis, inviolabiliter polliciti, fore, ut ab omni imaginaria præensione novi cujuscunque Principis eligendi in perpetuum abstinerent. (c) Quodsi vero Curlandiæ Proceres quæ-

D 3

dam

(b) Verba sunt juramenti ab Ordinibus novo Duci præstandi, inter Privilegia Curl. Varsoviæ 1719. 4. edita, n. 8. p. 80. vel juxta editionem anni 1736. p. 29. inter annexa Documenta, n. XI.

(b) Vid. formula Juramenti a supremis Consiliariis Duci Curlandiæ præstandi, in Commissione Mitaviensi A.

1717. præscripta, inter annexa Documenta, n. XV.

(c) Vid. *Reversales Supremorum Consiliarium & Deputatorum ex omnibus Districtibus Ducat. Curl. & Semg. Mitaviæ d. 26. Sept. 1727. signatæ*, in *Synopsi Actuum Commissionis Regiæ Mitaviensis*, Varsoviæ 1736. f. edita, p. 53. inter annexa Documenta n. XXII.

qualis si sub- dam suffragiorum & electionis jura possedissent, vel cum Duca-
stere debuisset, rus origine acquirere debuissent, necessario sane & nemine du-
bitante, in ipso subjectionis tractatu, vel in concessis privile-
giis & indultorum articulis, tanti momenti, tam præstantis præ-
rogativæ, & eminentioris juris, mentio injicienda fuisset, hic
enim locus erat, ubi utriusque partis mutua & reciproca jura
componebantur. Atqui in omnibus istis instrumentis ne ver-
bulum quidem deprehenditur, quod electionis juris ideam
secum ferat; Ergo etiam ex silentio hujus passus liquide colli-
gitur, *Curlandiæ Proceres*, neque ante Ducatus institutionem, liber-
tatem suffragiorum possedisse, neque post feudi erectionem acquisi-
visse.

THES. II.

*Livoniæ Magister post subjectionem supremum Poloniæ Regni domi-
nium recognoscens, non nisi utile in Curoniam feudi titulo obtinuit; Ergo
Vasalli feudatarii Principis jura supremi Domini, in collatione
feudi aperti, frustra sibi tribuunt*

Quandoquidem vi supranarratorum *Livoniæ Magister*, in
extremo belli Russici periculo ad incitas redactus, omni-
que exterorum auxilio destitutus, clientelæ Regis Regniq[ue] Polo-
niæ se subjecerit, suprematu suo prorsus abdicaverit, directum ac
eminens Poloniæ dominium recognoverit, nec nisi utile in Curoniam
dominium, cum Ducali titulo, in feudum obtinuerit; plurimi sane
judicabunt, dictam Livoniæ Magistri subjectionem speciem fu-
isse feudi oblatis, (cc) quemadmodum BERENGARIUS, Rex,
cum filio suo ADALBERTO, Germanorum Regi, dein Impe-
ratori,

Subjunctio Ma-
gistri Livoniæ

Species feudi
oblatis, exemplo
Berengarii,

(cc) Andr. Gail. lib. II. observat. præf.
n. 158. §. 1. Casp. Henr. Hornii Ju-
risprud. feud. Tenon. Langob. cap.

IV. p. 83. Christiani Thomasi & Jo-
hann. Nicol. Hertii Dissertat. de Feudis
Oblatis.

ratori, OTTONI I. tanquam vassallum, se subiecit, & *Italiae dominium*, tanquam beneficiarium, ab eo in feudum sumit, (d) vel prout OTTO, *Lunaburgensis*, terras suas FRIDERICO ^{Ottonis Lunaburgici.} II. Imperatori, A. 1235. (e) & *Silesia Principes* Ducatus suos ^{Silesia Ducum;} IOHANNI, Regi Bohemiarum, (f) itemque ALBERTUS & IOHANNES, *Megapolitani*, suas regiones Imperatori, CAROLO ^{Megapolensium Principum,} IV. A. 1349. (g) nec non ALBERTUS, Marchio Brandenburgicus, *Prussiae terras*, A. 1525. SIGISMUNDO, Poloniae Regi, (h) ^{Supremi Prussiae Magistris,} in feudum obtulerunt, & sub hac qualitate iterum receperunt, Sed in *Kettleriana subiectione* aliae occurrunt circumstantiae, quae illam sane exilioris adhuc conditionis, quam reliqua *feuda oblata*, reddere possent, (i) veluti, quod Livoniae Magister terras Regi obtulerit, partim non amplius sibi proprias, partim in extremo hostilis subactionis periculo constitutas, diuturnis belli motibus exhaustas, hic Poloniae Regi jam antea qua partem oppignoratas, illic Daniae Regibus, Prussiae Duci, civitatibus, nec non

- (d) *Rheginonis, Prumienfis, Annal. de Germ. Reb.* lib. II. ad A. 952. in *Col. lect. Pistoriana Script. Germ.* T. I. f. 106. edit. Struvii, & inter IV. *Antiquissimos German. Script.* a Sim. Scharidi, Francof. 1566. editos, n. 2. f. 55. b.
- (e) *Vi Diplomatis* apud Meibomium, T. III. *Rer. Germ.* p. 207.
- (f) *Instrumenta*, apud Balbinum, *Lunigium & Goldastum*, hinc inde obvia. in *Du Mont Corp. Dipt.* T. I. P. II. juxta ordin. Chronol. ab A. 1327. ad 1355. congesta. *Attestatum Preczlai, Episcopi Vratislaviensis*, de hac subiectione; d. 1. Jul. 1342. in *Balbini Miscell. Regni Boh.* Dec. I. lib. VIII. P. III. Epitt. 6. p. 185. *Instrumentum incorporationis Caroli IV.* A. 1355. in *Goldasti Const. Imp.* T. I. p. 345.
- (g) *Joh. Cuspiniani Vita Caroli IV.* cap.

285. f. 479. *Alb. Krantzii* lib. IX. *Saxonia*, cap. 27. *Pontani* lib. VII. *Histor. Dan.* A. 1349. p. 476. *Schurtz-fleisch*, de *Reb. Mecklenburg.* §. 10. *Opp. Historico-Polit.* n. 31. p. 474. *Investitura Diploma in Relat. Lit. Hamburg.* A. 1734. p. 403.
- (h) *Instrumentum transactionis Cracoviae* d. VIII. April. 1525. in *Prilussii Statutis Regni Polon.* lib. V. cap. III. f. 762. *Investitura formula*, ibid. f. 770.
- (i) De *prerogativis feudorum oblatorum* praeter alios, *Christoph. Besoldus, Consil. Tubing.* P. II. *Consil.* 57. n. 87. *Wesembecius*, *Consil.* 53. princ. *Rosenthal* de *feudis*, cap. VI. *Thomasius*, *Diss. de feudis oblatis*, c. I. §. 45. *Wurmserus*, de *feudis impropriis*, class. III. sect. 8. n. 7. *Joh. Guil. Itterus*, de *feudis Imp.* cap. I. §. 12. p. 25.

non bono Equitum numero, pro are alieno, assignatas, adeoque partim ab hostium insultu armis vindicandas, partim solutione debitorum redimendas: (k) Verum hisce etiam prætermisissis id tamen cum aliis propriis & datis feudis commune habet, quod obsequium & fidem erga supremum directum dominum natura sua secum ferat, quæ de substantia feudi sunt, idemque, ceu notæ characteristicæ, ab aliis bonis distinguunt; (l) Ergo etiam cum natura feudi pugnat, si, illo aperto, vassalli Principis quondam feudatarii jura collationis, soli domino directo competentia, sibi tribuere audent. In quantum enim communi feudorum naturæ per initas transactiones clare & expresse non derogatum fuit, in tantum quoque juxta consuetas feudales leges & decisiones judicandum est. Quum itaque Curlandiæ Proceres, una cum ultimo Livoniæ Magistro, in ipsa subjectione juratam dederint fidem, præter Regem Regnumque Polonia, nullum alium supremum dominum unquam agnoscendi, sequitur, quod omnia molimina, in præjudicium hujus directi dominii vergentia, ipsi fidei, quæ de substantia feudi est, (m) repugnent. In institutione Ducatus Prussici, ad cujus exemplum investitura Curlandica subinde provocat, idem provide cautum erat, ut, deficiente hæreditaria stirpe, Prussiæ Ordines Regi Regnoque Polonia debito obsequio ac subjectione, tanquam naturali hæreditario Domino, absque alterius cujusdam recognitione, tenerentur, (n) quod etiam denuo in ipsorum formula consensus con-

hoc tamen cum aliis commune habet.

ut obsequium & fidem, tanquam feudi signa, involvat.

Recognitio autem supremi dominii non admittit actus ipsi directe contrarios,

hinc feudale vinculum, instar Ducatus Prussici,

(k) Hæ oppignorationes in ipso Subjectionis tractatu enumerantur, Art. VIII. inter annexa Documenta, n. I.
(l) Strykius, de præsumt. feud. cap. 2. §. 9. Hornius, Jurisprud. feud. Langobard. Tent. cap. XIII. §. 1. Ejusd. Consultat. Resp. & sententia, class. XVI, n. 32. p. 1301.

(m) II. Feud. 4 & 5. Struvii Syntagm. Jur. Feud. cap. II. aphor. VI. n. 6. Eudovig Synops. Jur. Feud. cap. II. p. 22.
(n) Instrumentum concordia supracitatum apud Prilepsium, f. 762 & in Goldasti Actis Imperial. p. 175. inter Privileg. Ord. Pruss. Brunsp. 1616. edit. p. 32.

confirmatum fuit. (o) Eadem igitur condiciones de conformi Ducatu Curlandico suapte natura jam subintelligebantur; Nilominus tamen primus Dux, GOTTHARDUS, in ipsa sub-^{a primo Cur-}jectione, suo & subditorum nomine, itemque hi per mandata-^{landia Duce}rios, solenni juramento fidem dederunt, in ea voluntate & obs-^{juramenta li-}vantia, quam semel Regi detulerant, constanter permanendi & firmi-^{garum,}ter perseverandi, tanquam fidelem vasallum & subditos decet, imperio & potestati Regis subiectos. (p) Perinde Ordines, in præstito Re-^{ab Ordinibus}giæ Majestati homagio, his utebantur verbis: Nullos tractatus, nulla^{agnitum &} sædera, inducias, aut contractus faciemus, sine suæ Majestatis Regiæ^{confirmatum,} consensu & approbatione; sed nos in omnibus fideles, observantes & obsequentes, omni loco & tempore, præstabimus - - omnemque machinationem, quam practicari suboleverimus in præjudicium Regiæ Majestatis, præcavebimus, & pro posse nostro summa fide impediemus. (q) Nec minus in Instrumento Incorporationis, Lublini d. 3.^{Incorporatio-} Aug. A. 1569. signato, Poloniæ Rex feudatarium Principem hoc^{nis instrumen-} ligavit vinculo: Speramus, Illustritatem suam & ejus posteros in^{to stabilitum,} ea fide, voluntate, subjectione, quam Nobis Regnoque cum Ducatu Litvaniæ unito per supradictos Plenipotentes detulerunt, constanter permansuros & firmiter perseveraturos. (r) In Formula insuper^{per formulam} Regiminis, A. 1617. promulgata, prospectum fuit, ne in conventi-^{Regiminis cor-}bus quicquam decerneretur, quod pactis subjectionis fundamentalibus,^{roboratum,} & Ducilibus investituris, & hujus Regiminis formæ, aut ordinationi, sit contrarium, quippe quorum omnium æterna autoritas esse & observari deberet. (rr) Hinc unicuique æquo & nullo partium

E

studio

- (o) Formula Consensus Ordinum d. 9. April. 1525. Cracoviæ signata, apud Prilufium, l. c. f. 775. & inter Privilegia Ordinum Ducatus Præssici, Brunsbergæ edita, p. 37.
(p) Verba sunt pacti subjectionis, in epilo-
go, inter annexa Documenta, n. I.
(q) Tenore juramenti ab Ordinibus Vil-

- nae per Legatos præstiti, inter privilegia Curland. Varsoviæ 1719. 4. edita, n. 4. p. 53. vel juxta editionem 1736. p. 20 inter annexa Documenta, n. V.
(r) Juxta Diploma Incorporationis, inter annexa Documenta, n. VI.
(rr) Prouti verba fluunt in Formula Regiminis, A. 1617. promulgata §. In

*ex ipsa feudi
natura omne
Vasallorum de
eodem aperto
dispositionem
evertit*

studio distracto lectori relinquitur judicandum, numne dictis transactionibus & feudali observantia e diametro repugnet, si Proceres Curlandici feudum Poloniae Regno, tanquam supremo domino, apertum novo Feudatario conferre, atque de re aliena, suo arbitrio, contra directi feudalis fori jura, disponere conantur. Hoc ipso sane natura feudi mutaretur, & novus Dux jus suum, perinde ac in aliis liberis & electivis Statibus, per Procerum electionem, non autem a supremo, directo Domino, adipisceretur, adeoque de Suprematu Regni Poloniae actum foret, cujus fundamenta sequentibus firmantur.

THES. III.

Vigore subjectionis, clientelae atque incorporationis, inclytum Poloniae Regnum supremum in Curlandiam dominium acquisivit; Ergo etiam solum de aperto feudo disponere potest

Inclytum enim Poloniae Regnum partim subjectione, partim armata defensione,
Quemadmodum Equites Teutonici primum in Curoniam jus, vi praecedentis narrationis, subjectione Ensisferorum, Ordini suo sese submittentium, obtinuerunt, donec residuam Curlandiae & Semgalliae partem armis subigerent; ita etiam inclytum Poloniae Regnum, simili facta Magistri Ordinumque subjectione & oblatione, itemque praestito ab iisdem homagio, nec minus concessa clientela, atque armata provinciarum ab hostibus defensione & protectione, perinde ac secuta incorporatione, eidemque incluso devolutionis jure, supremum, directum & eminens in Livoniam, ejusque partem Curlandiam, dominium legitime acquisivit. Prouti in priori Ensisferorum dominium cessabat, ita in posteriori Cruciferorum Ordinisque Teutonici suprematus exstinguebatur, cum illa Ensisferorum, cum hac Teutonicorum Ordo penitus exspirabat, & post composita subjectionis pacta nonnisi utile in Curlandiam dominium Livoniae

Ma-

Magistro, tanquam beneficium Regium, cum Ducali titulo, in feudum conferebatur. Eadem ratione, qua in præcedente quondam Ducatus Prussici investitura proprietates supremi Poloniae Dominii sufficientibus notis characteristicis expressæ leguntur; (s) eadem etiam in prima Curlandici Ducis uberius distinguuntur, (t) & ab hoc tempore a Serenissimis Poloniae Regibus, haud interrupta serie & quacunque occasione, in actum sunt deductæ. Post SIGISMUNDI AUGUSTI mortem STEPHANUS, Rex, primo Duci, GOTTHARDO, investituram Ducatum suorum, in castris ad Dunam fluvium, d. 4. Aug. A. 1579. renovavit. (u) SIGISMUNDUS III. binos GOTTHARDI filios, FRIDERICUM & WILHELMUM, in Comitibus Varsoviensibus, d. 16. April. A. 1589. investivit, (x) quorum postremus, ob commissam A. 1613. a Satellitibus Ducalibus in MAGNUM NOLDIUM eadem, Ducatu suo ad 18. annos, vigore Regii Decreti, ac evidenti supremæ potestatis argumento, exulare cogebatur. (y) GUILIELMI filius, JACOBUS, jam A. 1633. d. 20. Jul. Vilnæ cum patruo, Duce FRIDERICO, simul investitus & ad contactum vexilli admissus, obrento per Responsum Comitiale A. 1638. Regio consensu, Ducatum Curlandiæ a Rege VLADISLAO, Vilnæ d. 18. Febr. A. 1639. in feudum accepit, (z) a Regibus, JOH. CASIMIRO, Varsoviæ, d. 20. Maji A. 1649. & MICHAELE, ibidem d. 20. Nov. A. 1670.

E 2

nec

(s) Vigore sæpius citatæ Investituræ, apud Prilusum, f. 770.

(t) In formula Incorporationis Lublini 3. Aug. 1569. signata, inter annexa Documenta, n. VI.

(u) Literæ investituræ conf. in Zschackwitzii P. II. præfatione, Illustr. p. 180. & inter annexa Documenta, n. VII.

(x) Investitura formulam, vid. apud

Zschackwitz. l. c. p. 192. ubi etiam subiungitur Confirmatio Regii indulti, de oppignorandis bonis, prævia Regis permissione, de A. 1589. inter Documenta, n. VIII.

(y) Pauli Piasceii Chronic. Gestorum in Europa singular. ad A. 1632. fol. 529. sub allegatis Docum. n. IX.

(z) Teste Piasccio, l. c. ad A. 1639. f. 601. Instrumentum simultaneæ Inve.

nec non JOHANNE III. d. 28. April. A. 1677. confirmatum. Perinde FRIDERICUS CASIMIRUS, in Comitibus anni 1683. a Rege JOHANNE III. investitus, & nonnisi intuitu canutæ ætatis a personali homagii præstatione dispensatus fuit (a) Post insectum A. 1698. hujus obitum, frater ejus, FERDINANDUS, administrationem Regiminis, nomine minorennis, FRIDERICI WILHELMI, & post maturam ipsius mortem, A. 1711. hæreditarii feudi jura obtinuit, renovato tamen hic a parte Poloniæ Regni supremi dominii exercitio, ubi Seren. Rex AUGUSTUS II. anno sequente 1712. ob impedimentum debilis infeudandi Ducis valetudinis, homagii præstationem & investituræ receptionem ad sequentia Comitibus prorogavit, atque dein Rescripto Regio, Varaviæ d. 24. Mart. 1713. emanato, Supremis Consiliariis, & Officialibus totique Nobilitati, ut juxta præscriptum Statutorum Duci FERDINANDO obtemperarent, injunxit. (b)

pluribus Decretis, Commissionibus & Constitutionibus stabilita,

Durante ipsius Regimine idem Serenissimus Rex, pro tuendis supremi dominii juribus, in *Commissione Mitaviensi*, A. 1717. juramenta extra Ducatum Duci præstita, tanquam directo S. R. Majestatis dominio derogantia nulla declaravit, atque Supremis Consiliariis, nec non Capitaneis Majoribus & Minoribus juramenti formam præscripsit, (c) ut taceam, *Constitutionem Grodenensem*, anni 1726. & Acta Commissionis Mitaviensis, A. 1727. quorum paulo post mentio injicietur, luculenta satis de supremi

statura de A. 1633. & *Consensus Regius ex Responso Comitibus*, A. 1638. allegantur inter exhibita ab Ordinibus Curlandiæ Documenta, in Commissione Mitaviensi A. 1717.

(a) Ipsas *investituræ literas*, supremum Poloniæ Regni dominium luculenter testantes, hunc in finem per extensum annexas, consule inter *Documenta*, n. XIII.

(b) *Rescriptum Reg.* Varav. d. 24. Mart. 1713. & *Decretum* de A. 1712. allegantur inter *Documenta a Curlandia Ordinibus*, in *Commissione Mitaviensi*, A. 1717. exhibita, sub *Docum.* n. XV.

(c) Vigore *Resolutionis Commissariorum Regionum*, inter Acta Commissionis Mitaviensis A. 1717. ad Artic. XIII. quibus *juramenti formula* inserta sub *Documentis*, n. XV. exhibentur.

mi dominii exercitio testimonia perhibere. Summum hoc feudale forum ipse Dux FERDINANDUS probe recognovit, ubi in Deductione sua contra CAROLAM SOPHIAM, Abbatissam Hervordensem, natam Ducem Curlandicam, ratione prætensionum ipsius ex patrio testamento, A. 1711. formatarum, ita fere concludit, *ipsi haudquaquam integrum fore, posthabito ordinario supremi feudalis judicis tribunali, jactata sua jura, potentioribus, vel aliis cedere, siquidem tali conatu omnium plane jurium, quæ forsitan aliquando adhuc evincere posset, jacturam ipso jure sit factura.* (d) In Constitutione Comitiorum pacificationis extraordinariorum, mense Junio A. 1736. habitorum, Augusta Regia Majestas, stabilito per Pacta Conventa indissolubili Curlandiæ cum Regno Poloniæ vinculo, decrevit, ut Ducatus Curlandiæ, tanquam Reipublicæ feudum, ab externis prætensionibus liberaretur, & Dux FERDINANDUS, vigore investituræ, possessionem ejus Ducatus quamprimum adiret &c. (e) Insecuta autem ad d. 4. Maji A. 1737. ipsius morte, idem Serenissimus Rex, AUGUSTUS III. datis ad Curlandiæ Ordines literis, rescripsit, ut *tam jurium Regiorum supremi & directi in Ducatum Curlandiæ & Semgalliæ dominii, quam vinculorum suorum jurisjurandi, vigore pactorum subjectionis, & formulæ Regiminis ac Ordinationis, debitam rationem habentes, in plena & perfecta erga Regem atque Rempublicam fidelitate obsequio & subjectione intaminate perseverarent, - - ac nihil quidquam in contrarium vis levi pactis subjectionis, & juribus Regis, ac legibus Regni attentare præsumerent - - interea inventarium de omnibus generaliter bonis Domus Ducalis, tam mobilibus, quam immobilibus, confici,*

(d) Deductio jurium Carolæ Sophiæ, Abbatissæ Hervordenis, ex patrio testamento, A. 1711. inter Lünigii scripta Illustrata, n. 86. d. 928. & Exceptio Ducis Ferdinandi eidem opposita, ibid. n. 87. p. 962

(e) Vid. Constitut. Comitior. Pacificat.

d. 25. Jun. 1736. p. 28. & 153. juxta translationem latin Dresdæ editam, ibidemque Pacta Conventa Regia, n. 166. p. 89. n. 189. p. 97. Rousser, Supplem. ad Du Mont Corp. Diplom. I. II. P. II. Vol. III. n. 202. p. 555. sq. Allegata Documenta, n. XXVI. XXVII.

fici, curarent, - ac sedulo incumbere, atq; procurarent, ne proventus ex iisdem bonis Ducalibus, feudalibus & allodialibus, quocunque modo & sic a prima Ducatus origine, ad huc usque tempora robori suo conservata sunt; vel prætextu, distraberentur, &c. (f) Novissime tandem supremis Curlandiæ Consiliariis currente anno 1742. Regio nomine insinuatum est, quod, stante supposito, Curlandiam immediatum Reipublicæ feudum esse, Ordinibus ejus hæudquaquam integrum sit, electionem novi Ducis exercere, vel, absque prævio Regis & Reipublicæ consensu, simile aliquid moliri; si autem hoc non obstante quidquam huic declarationi contrarium suscipere auderent, idem omnino irritum atque nullum foret, siquidem S. R. M. atque Respubl. Polon. sibi solis reservaverint, in proximis abhinc Comitibus quæcunque emolumentis Nobilium ceterorumque Curlandiæ incolarum commodis conducere viderentur, dehinc disponere atque determinare. Eodem fere tempore Sacra Regia Majestas, emanato constituit Decreto, ut judicia Curlandica nomine Regio aperirentur, latæque sententiæ unito Curlandico Poloniæ Regni, Magnique Lithuanæ Ducatus, sigillo munirentur. Quemadmodum igitur ex omnibus hisce actibus signa eminentioris directæ potestatis elucet, ac fundamentum supremi, directi, domini stabilitur; ita ex hoc vicissim sequitur, quod soli Regiæ Majestati Regnoque Poloniæ, tanquam naturali hæreditario Domino, jus competat, de aperto sibi feudo disponendi, idemque in novum Feudatarium Principem conferendi. Quicquid enim Curlandiæ Ordinibus, vigore supradictorum, non competit, sed ad solum Poloniæ Regnum spectat, de eo etiam iisdem nec decidere licet; Atqui apertus Curlandiæ Ducatus non Ordinibus, sed supremo, naturali, directo, Domino, vacat, ergo etiam penes illum solum novæ collationis jus quæ-

Hinc etiam solum Poloniæ Regnum, absque ullius concurrente, de feudo aperto disponere potest,

quod Domino, non vassallis, vacat,

(f) Conf. *Annal. Histor.* ad A. 1737
cap. XIII. p. 1102. *Ipsam S. R. M.*

jestatis Rescriptum, de Anno 1747.
leg. inter annexa *Docum.* n. XXVIII.

quærendum est. Devolutio illa vinculum est, quo mediatum antea & supremum dominium deinceps cum immediato & utili unitur ac consolidatur. (k) Natura & qualitas feudi hoc adeo evidenter suadent, ut, absque consultatione etiam feudalium consuetudinum, unicuique appareat, feudum finitum non modo civiliter, sed & naturaliter ad Dominum spectare, quoniam possessio naturalis civili incubat, vel saltem ad jus ejus limitata & civili subalternata fuit, ideoque cum jus vasalli, nempe utile dominium, seu usufructus ejus ad hæredes transitorius, exspiret, possessio ejus quoque ipso facto finita, jamque a civili domino jure ipso attracta & consolidata esse videtur. (l) Non solum autem hoc desumpto ex ipsa feudi natura fundamento dicta illa devolutio nititur, sed præterea quoque ipsis sancitis pactis fundatur. Ex præstabilita feudi Curlandici cum quondam Prussico conformitate asserti ratio petenda: In prima Ducatus Prussici institutione, per transactionem Cracoviensem, inter SIGISMUNDUM, Regem, & ALBERTUM, Marchionem Brandenburgicum, stipulatum fuit, ut deficientibus coinvestitis legitimis hæredibus masculis feudum ad R. M. & Regnum Poloniæ hæreditarie rediret & recideret. (m) Hoc adeo

cer-

(k) I. Feud. 18. II. F. 15. 26. Andr. de Isèrnia Comment. in Usus feudorum, p. 157. edit. Lugdun. 1579. Ioh. Schilteri Instit. I. F. cap. VIII. §. 3. & Annotat. Gundlingii, p. 253.

(l) Verba sunt Klockii, Consiliorum, T. I. Conf. 29. n. 77. 78. p. 309. Cui assentitur Natta. Conf. 563. fin. dicens, quod nec requiratur retradio possessionis, quia virtus directi domini semper sit in actu permanens, ex vi attractiva. Hinc eleganter Borgin. Cavalcant. decis. 35. n. 69. sicut ius fructus morte fructuarii ipso facto fi-

nitur, & civili possessioni consolidatur naturalis, quam habebat fructuarius, & ad proprietarium etiam ignorantem ipso jure redit; Eadem ratione & possessio precaria, precario ipso finito, terminatur & ad concedentem revertitur. Vid. Molinai Consuetud. Paris. tit. I. §. 1. n. 55. & §. 43. n. 187. sq. Opp. T. I. p. 36. & 540. edit. Paris. 1681. f.

(m) Transactionis sæpius citatæ instrumentum apud Prilsum, f. 762. & inter Privilegia & Documenta Ordinum Prussia, Brunshergæ 1616. f. junctim edita, f. 32. sq.

certum est, ut, stante successionis jure, penes unicum primi feudatarii filium, ALBERTUM FRIDERICUM, ejusque patrum GEORGIUM, post quorum fata, supersite ex Linea Onoldina nemine, Ducatus ille Regno Poloniae vacaturus erat, IO. ACHIMUS II. Elector Brandenburgicus, continuationem hereditariae in feudum successionis, novis pactis, novaque investitura, ad domum Electoralem derivare debuerit. (n) Quid, quod pronuntiata in Liberum Ducatum Prussiae, atque directo ejusdem cum Poloniae Regno feudali vinculo, nihilo tamen minus, in omnem eventum expiraturae legitimae masculae stirpis, terrarum devolutio inclito Poloniae Regno reservata fuerit.

ita & in con-
formi huic Cur-
landico,

durante cujus
in Kettleriana
stirpe periodo

(o) Simili sensu in institutione Ducatus Curlandici, vigore incorporationis formulae, confectum fuit, ut idem, tanquam insertum Regno Poloniae membrum, cum eodem, veluti uno & indivisibili corpore, in perpetuum unitus & conjunctus maneret. Quamdiu investita cum primo Duce Kettleriana stirps subsistit, casus proprie dictae Ducatus aperturae nunquam contigit, adeoque de nova vacantis feudi collatione, superstitionibus semper legitimis haeredibus, vix controversia poterat moveri; & quamvis quidem Curlandiae Proceres, senescente ultimo hujus stirpis furculo, Duce FERDINANDO, de nova substitutione solliciti viderentur, inclitum tamen Poloniae Regnum per *Constitutionem Grodnensem* anni 1726. supremi dominii jura salva & tuta asseruit, atque indissolubile feudi Curlandici cum Poloniae Regno vinculum arctius non solum ligavit, (p) sed etiam ipse

AU-

(n) Conf. Frid. Dankelmanni, praefide Jac. Perizonio, Lugd. Batav 1708. habita *Dissertat. de Rebus & Incrementis Prussorum*, P. II. cap. IV. itemque *Privilegia & Diplomata Ducatus Prussici*, junctim edita, Lit. A.

(o) Sam. Pufendorfii de Rebus Gestis Fri-

derici Willh. M. lib. VI. §. 71. p. 375. lib. VII. §. 50. p. 433. Articulus V. *Traictat. Velevisiensis*, d. 19. Sept. 1657. signati, in Nicol. Zalasowski *Additionibus Juris Regni Polon.*

(p) *Constitutio Grodnensis*, de Anno 1726. habetur in *Rousseti Supplement.*

AUGUSTUS Rex, *Rescripto Inhibitorio*, sub 8. Junii ejusdem anni, intimatum pro electionis actu conventum severe interdixit, (q) vicissim Supremis Consiliariis atque Deputatis Curlandiæ celebranda Grodnæ, proximo Octobris mensē, judicium ^{deficientibus} Curlandica peculiari Mandato injunxit; (r) Dehinc Proceres ^{occasi. ne & facultate,} Regni Poloniæ & Magni Ducatus Lithuanicæ Manifestationem ^{contra attentatum actum}, mense Julio, exhibuerunt, (s) quam deinceps Commissarii Regii, anno sequente 1727. Mitaviæ reasumserunt, atque *Decreto Commissionis*, d. 9. Dec. ejusdem anni, vigorem Instrumentorum originalium subjectionis & incorporationis, nec non homagiorum a Magistro æque ac Ordinibus Livoniæ Regi quondam præstitorum, nullam omnino eligendi, vel infeudandi ab Ordinibus, novi Ducis reservationem continentium, denuo stabiliverunt, ac renovata auctoritate confirmarunt. (t) Ex quibus omnibus nihil aliud hoc loco adstruere, aut evincere opus est, quam quod Proceres Curlandiæ eadem in confesso habentes, datisque Reversalibus, solenniter subscriptis, acceptantes, (u) solius Poloniæ Regni supremum dominium,

F

ad *Dn Mont Corp. Dipl. T. II. part. II. vol. III. f. 188. sq.* cujus extractus inter *annexa Documenta*, n. XVI. conferendus.

(q) *Inhibitio S. R. Majestatis*, per Generosum Nakvaski, Capitaneum Ciechanoviensem, *Statibus Curlandiæ*, de non celebrando particulari congressu, d. 8. Jun. 1726. intimata, inter *annexa Documenta*, n. XVII. cum *Reversalibus* intimata inhibitionis, n. XVI. I.

(r) *Mandatum*, pro *Judiciis Curlandicis*, mense Octobri Grodnæ celebrandis, Varsoviæ A. 1726. emanatum, inter *subjuncta Documenta*, n. XIX.

(s) *Oblata videnda Manifestationis*, sub 11. Jul. A. 1726. inter *annexa Documenta*,

n. XX. Ipsa autem *Procerum Regni Poloniæ, Magnique Ducatus Lithuanicæ Manifestatio contra congressum illicitum d. 26 Jun. formatum*, n. XXI.

(t) *Decretum hujus Commissionis intergraque ipsius Acta*, a 30. Aug. usque ad finem anni 1727. habentur in *Supplementis Corp. Diplom. Du Mont, T. II. P. II. vol. III. f. 188.*

(u) *Declaratio, sponsio & obligatio, Supremorum Consiliarior. & Deputator. ex omnibus Districtibus, de non attendenda amplius electione*, Mitaviæ, d. 26. Sept. 1727. inter *Docum. n. XXII. Formula Novi Regiminis Ducatum Curl. & Seng. Mitav. d. 5. Dec. 1727. ibid. n. XXIII. cum subscriptionibus ma-*

*Proceribus
Curlandia om-
nes eligendi
conatus fuerit
præcluse*

nium, per consequens eidem annexum jus, de feudo aperto disponendi, denuo recognoverint & asseruerint, omnibusque suis in casu aperturæ conatibus sancte renunciaverint. His igitur in antecessum, pro stabilienda præsentis argumenti decisione, breviter præmissis, dissentientium objectiones ex sola pristina Curlandici Regiminis formæ & communis feudorum naturæ, initarumque cum Ducatus origine transactionum, inter se collatione, jam sponte sua corruent; Ut tamen & his plenarie & fusius satis fiat, potiores dubitandi rationes, compendii causa strictim comprehensas, articulatim hic allegare, earumque solutionem ex præmissis decidendi rationibus subnectere, expediet, id quod postremo Deductionis hujus membro nunc præstandum

Pars Tertia

Dissentientium objectiones & dubitandi rationes ex præmissis positionibus solvens

OBJECTIO I.

Per pacta primæva, & juramentum a Rege Sigismundo præstitum, omnia privilegia Statibus fuisse confirmata, ergo etiam jus eligendi, (h)

*Argumentum
a confirmatio-
ne privilegio*

Petitio est principii, seu juxta Logicorum loquendi morem, Circulus, cum privilegium aliquod litigiosum, de quo sub judice

num propriarum Commissariorum Reg. Majestatis, n. XXIV. nec non ejusdem acceptatione, a Supremis Consiliariis Curlandia & Semgalia, nec non Depu- tatis ex omnibus Districtibus, suo ac

totius Nobilitatis nomine, subscripta, ibid. n. XXV.

(h) *Vid. Anonymi Brevis & succineta enumeratio jurium Curlandia & Semgalia circa electionem novi Principis, p. 8.*

judice lis pendet, reliquis actu subsistentibus privilegiis, tan-
 quam confectum, accensetur, & sub confirmationis ambitu
 comprehenditur; hinc conclusio manet ambigua, si illud jacta-
 tum electionis jus antea subsistit, etiam hac confirmatione cor-
 roboratur; si vero locum nunquam habuit, confirmatum quo-
 que non poterit supponi. Quod autem tale nunquam existerit,
 multominus inter concessa privilegia subintellectum fuerit, vel
 inde licet colligere, quod, prouti pacta subjectionis cum inte-
 gra Livonia, non sola Curlandia, contrahebantur, ita & privile-
 gia toti Livonica Nobilitati indulgerentur, quibus si quoddam
 electionis jus involutum vel comprehensum fuisset, sequeretur,
 & reliqua Livonia tale suffragiorum privilegium fuisse confir-
 matum, quod tamen cum immediata hujus incorporatione im-
 plicuisset, adeoque dubium eximit omne, ad simile, Curlandia
 Proceribus privative competens, jus in communi totius Livoni-
 ca Nobilitatis instrumento tum non potuisse respici, nec in prae-
 sens provocari.

OBJECTIO II.

*Ducem Curlandiae in locum Magistri Livoniae fuisse substitutum;
 Cum ergo Nobilitas jus eligendi Magistrum habuerit, etiam
 electione Ducis eandem non posse privari, (i)*

Falsis iterum suppositis similem producit conclusionem. Quod
 enim Dux in Magistri locum substitutus sit, omnes sane,
 quibus Ducatus Curlandici origo perspecta est, inficiabuntur
 Integer enim Teutonicus in Livonia Ordo exspiravit ac desit,
 & Magister prorsus sublatus est, postquam Provincia, Rus-
 sum viribus impares, subjiendo se Poloniae Regi obtinuerunt,
 ut contra hostilem subactionem easdem defenderet. Magister
 F 2 Ord-

(i) Vid. Brevis & succincta enarratio Jur. Curl. & Semg. p. 9.

Ordinem solenni ritu deposuit, crucem auream, sigillum, li-
sublato Ordine teras ac diplomata, Ordini quondam a Summo Pontifice & Im-
integro nulla peratore concessa, in manus Principis RADZIVILII, Palatini
substitutione Vlnensis, consignavit, omnique domini juri renunciens statum
Magistri opus prorsus mutavit, (ii) ut sane nulla in ipsius locum substitutio,
erat, vel surrogatio, deprehendatur. KETTLERUS, Magister, in-
 tegræ Livoniæ præerat, si ergo Dux Curlandiæ in ejus locum
alias Kettle- substitutus fuisset, totius Livoniæ Dux debuisset renunciari,
rus totius Li- cujus vix quartam partem obtinuit. Rex autem Poloniæ, SI-
vonie Dux de- GISMUNDUS AUGUSTUS, vi subjectionis, Livoniæ Dux
buisse renun- erat, suumque Locumtenentem & Propræsidem, KETTLE-
ciari, RUM, constituit, assignato ipsi interea utili in Curoniam do-
 minio, cum Ducali dignitate, omnique proprii feudi qualitate
 ad hæredes derivanda; Vnde etiam fit, ut in privilegiorum
 Articulis, Livoniæ Nobilitati circa subjectionem indultis, nun-
 quam Dux, sed ubique adhuc Magister, salutetur. Si porro
 Curlandiæ Dux in locum Magistri Livoniæ substitutus fuisset,
imo in numero sequeretur, quod etiam Princeps Imperii Romano-Germanici,
Imperii Prin- qualis antea erat, permansisset, Statusque Livoniæ sub pristino
cipum, Imperii nexu, tanquam ipsius Ordines, perseverassent, qui
 tamen per inscutam subjectionem sub novum dominium plane
 diremtus & sublato Ordine solutus fuit, ita, ut Magister, post
pristinæque Ordinis mutationem, pristinum quoque locum, quo inter Eccle-
ante omnes Se- siasticos Principes, ante omnes Seculares, Marchiones, Land-
culares Prin- gravios & Duces, præfulgebat, insimul amiserit, & tanquam
cipes dignita- Curlandiæ Dux dignitatem pariter mutaverit. Secundo exceptio-
te, retineri; nis loco negatur etiam, Nobilitati jus eligendi Magistrum un-
Nobilitas nun- quam elegit quam competiisse, sublata in antecessum æquivocatione Nobilita-
quam elegit tis & Equestri Ordinis, ne verbis ludatur, aut diversæ hæ no-
Magistros Li- tionis,
vonie,

(ii) Hanc omnimodam status mutatio-
 nem ipsa subjectionis pacta sub exordio

atque Artic. VII. nec non præmium
 privilegiorum commemorant.

tiones, tanquam Synonyma inter se confundantur. (k) Eque-
stris Ordo sumitur, vel pro ipso quondam Teutonico Ordine,
proprie sic dicto, vel pro Nobilibus & Equitibus, in opposi- *Distinguendo*
tione ad Ordinem civitatum. Ita, si dicitur, *Equestris Ordo* *inter Eque-*
Livoniæ elegit quondam Magistrum suum, ab A. 1535. ad A. 1561. *streum Ordinem*
per 36. annos, *in priori sensu verum est*, si intelligatur de No- *tem,*
bilitate Regulari, Ordinem Teutonicum constituyente; *factum*
vero juxta posteriorem notionem, si applicetur ad Nobilitatem
Secularem, nunquam hoc jure gavisa. Equestrem namque
Ordinem, proprie dictum, constituiebant ii Nobiles, qui præ-
via probatione in novitiatu & nuncupatis ordinariis votis, re-
gulam & religionem Ordinis amplexi, in eundem coopraban-
tur; Sub Nobilitate vero generatim intelligebantur Nobiles pro-
vinciæ, Ordini Equestri non incorporati, sed in ejus ditione
quasdam terras, jure feudi, instar vassallorum, possidentes, &
ad posteros suos transmittentes. Absit itaque, ut hæc Nobili-
tas Secularis jure quodam eligendi Magistrum gavisa sit, cum
nequidem societas Ordinis Equestris tali prærogativa uteretur,
quandoquidem per tria fere secula, quibus Ordo Teutonicus
Livoniæ imperabat, supremus semper in Prussia Magister, cum
Capitulo suo, Provinciales in Livonia Magistros nominabat, ita *Sed Supremus*
quidem indubitato, ut ea vice, qua, interfecto in pugna con- *Magister erat*
tra Lithuanos Magistro, GERSDORFIO, Ordinis Marefcalcum *A. 1238. ad A.*
A. 1439 sibi præfici cuperent Livoni Equites, nonnisi summis *1521. nomina-*
precibus & maxima opera a PAULO RUSDORFIO, supremo *vit, quo Plet-*
Magistro, petiti compotes reddi poruerint, (l) donec tandem *tenbergius il-*
WALTHERUS PLETTENBERGIUS ab ALBERTO, Marchio- *lud jus in Or-*
dinem suum
derivavit;
ne

(k) *Distinctionem hanc ipsum exordium*
paſſorum ſubjectionis, præſertim Artic.
V. ſuppeditant, ubi tam ipſorum mem-
brorum Teutonici Ordinis, quam Nobi-
litis Livoniæ, ſeparata injicitur men-

tio, inter *annexa Documenta*, n. I.
(l) Teſte *Alberio Krantzio*, lib. XI. *Van-*
dalia, cap. XXXV. *Ruffovio, Chron.*
Ervan. P. I. p. 47. vid, ſupra Theſ. I.
not. (a)

*Hoc defuncto
Equestris Ordo
Teutonicus,
non vero Nobi-
litas Secularis,
Magistrum eli-
gere capit,*

ne Brandenburgico, ultimo in Prussia Supremo Ordinis Magistro, in subsidium belli Polonici numerum egente, illud obsequium, quo ab A. 1238. Supremo Magistro devincti erant, soluta conspicua numerum summa, A. 1521. redemerit. (m) Post infecutam cujus A. 1535. mortem *Equestris Ordo Teutonicus* in Livonia, non vero *Nobilitas Secularis*, multominus Curlandiae speciatim, tanquam Livoniae particula, Provinciale Magistrum eligere coepit, (n) usque ad tempus subjectionis, A. 1561. ut hoc brevissimum temporis spatium, turbulentum inprimis & litigiosum, vix in censum veniat, vel jactatum aliquod ab antiquo jus arguat, sed tantum id doceat, Ordinem Equestrem

*quod perbreve
electionis Mu-
gistri exerciti-
um cum ipsa
Ordinis aboli-
tione expira-
vit*

totius Livoniae, non autem solius Curlandiae, cujus nulla unquam separata mentio fit, habuisse quidem ab illo tempore jus eligendi Magistrum, hoc vero mox cum interitu Ordinis, ac mutato Magistri statu, ex religioso in secularem, ex coelibato uxoratum, penitus cessasse & exspirasse, siquidem non existente amplius Magistro nulla quoque ulterius locum habebat electio.

*Hinc non se-
quitur, Magi-
ster ab Equiti-
bus Teutonicis
electus est, ergo
Dux Curlan-
diae a Nobilita-
te seculari eli-
gendus*

Ihinc Curlandiae Nobiles hoc totius Ordinis Equestris Livonici sibi frustra arrogant, atque post integram Regiminis Livonico-Curlandici mutationem & abolitum Ordinem ad electionem Ducis perperam detorquent. Duplici itaque vitio Logico laborat haec Apologi Curlandici argumentatio: *Kettlerus in Conventu Valkenensi communi Equestris Ordinis suffragio in Magistrum Livoniae electus est; Ergo Ordo Equestris Curlandiae & Semgalliae cum suo electo & jure eligendi in protectionem Regis Polo-*

(m) Vid. supra §. V. annotat. (tt) tenore *Diplomatum*, Regiomonti, A. 1521. & Posonii, Anno 1525. ab Alberto, ultimo Prussia Magistro, signatorum.

(n) Post mortem *Plettenbergii* A. 1535.

electus *Hermannus Bruggeneus*, & hoc defuncto A. 1549. *Joh. Reckius*, post hunc A. 1551. *Henr. Galemus*, & in ejus locum A. 1557. *Guil. Furstenbergius*, quo abdicante A. 1559. *Gottb. Kettlerus*, ultimus.

Polonia venit. (o) Primo namque fallacia committitur æquocationis termini *Ordinis Equestris*, qui in præmissis sumitur pro toto Ordine Teutonico in Livonia, in conclusione autem pro Nobilitate seculari Curlandiæ, subiecta & feudataria Ordini Equestri Teutonico, quæ jus eligendi Magistrum nunquam habuit; Deinde etiam plus ponitur in conclusione, quam in præmissis, quia Nobilitati seculari Curlandiæ plus juris tribuitur, quam integro quondam Teutonico Ordini in Livonia, cui quidem a dicta PLETTENBERGII periodo jus compete-^{Livonia Nobilitas nunquã}bat, eli-^{jus habuit, eli-}gendi Magi-^{gendi Magi-}strum, sed tantum ad vitæ tempus, hic autem Cur-^{strum, multo-}landicæ Nobilitati seculari jus vindicatur, non solum Magistrum ^{minus ejus-}ad dies vitæ, sed quoque Ducem, cum dominio ad posteros de-^{dem particula}rivando, ope suffragiorum eligendi, quasi omne quondam to-^{Curlandia ha-}tius Ordinis Equestris Livoniæ jus in solam Curlandiæ Nobilita-^{bebit facultatem eligendi}tem secularem, Ordinis olim feudatariam, concentratum, aut ^{Ducem,}etiam Kettlerus, vel solius Curlandiæ Magister, vel hujus Dux electus, fuerit, quem tamen constat, mutato statu Equestri, de-^{post mutatum} mum a Rege SIGISMUNDO AUGUSTO, speciali gratia & fa-^{provincia sta-}vore, Ducali titulo ornatum, atque utili in Curlandicum feu-^{tum & fini-}dum dominio donatum, fuisse, loco cujus etiam Rex, ex con-^{tum Ordinem}filio Senatorum suorum, non vero Nobilitatis Curlandiæ, aliam Livoniæ partem ipsi pro feudo assignare potuisset, ita, ut Curlandiæ Nobiles easdem vices, ac paria fata cum reliqua Livoniæ Nobilitate experti, ac vicissim alterius Livonici tractus Nobiles Ducali immediato dominio, ipsorum loco, subiecti fuissent.

OBJE-

(o) Argumentatio est *Anonymi*, in bre-
vi & succineta Enarratione *Jurium*

Curlandiæ & Semgalliæ, circa electio-
nem novi Principis, p. 8.

OBJECTIO III.

Exemplis Palatinorum Moldaviae & Valachiae constare, quod in Regno, ubi libera Regis electio Nobilitati competit, in eodem quoque Ducatibus facultas eligendi Ducem, quam ante incorporationem habuerunt, relicta sit, (p)

Levissimi ponderis est. Primo namque apud Palatinos Moldaviae & Valachiae, qui A. 1485. CASIMIRO III. Poloniae Regi, se subjecerunt, & praestito homagio, per bina fere secula, Polonico sceptro paruerunt, (q) nunquam, teste Historia, electionis jus obtinuit. Deinceps autem comparatio inter liberam Ordinum Regni Poloniae electionem, & iactata Nobilitatis Curlandicae suffragia, figuram sapit nimis Rhetoricam & ingenii potius lulum, quam serium assertum. Tali enim computo Curlandiae Proceres peculiare Reipublicae corpus, instar Polonici, constituere possent, omni incorporatione cum Poloniae Regno soluta, ne deterioris essent conditionis, quam Poloniae Ordines. Hoc pacto etiam Hungariae & Bohemiae Proceres, ipso electionis jure revera quondam gavisi, antiqua suffragia denuo resuscitare possent, si ratio sufficeret, *se nolle inferioris esse conditionis Poloniae Ordinibus*, tali electionis praerogativa praeditis. (r) Eadem pariter ratione Curlandiae Duces, tanquam Principes & Consiliarii Regni Poloniae, ne exilioris forent dignitatis, quam reliqui Regni Proceres, ipsimet votum in electione Regis pra-

*Consequentia
a Regno electi
vo ad similes
Ducatus labo-
rat nexu,*

*perinde ac
comparatio
inter Ordines
Poloniae & Cur-
landiae,*

*ex inductione
exemplorum
implicat,*

(p) In citata *Enarratione Jurium Curland.* p. 9. 10.

(q) Vid. *Stanislai a Kobierzycy. Kobierzicki*, Castellani Gedanensis. *Histor. Vladislai*, Poloniae & Suec. Principis, lib. IX, p. 630. edit. Dantisc. 1655. 4. *Formula juramenti*, atque descriptio seculennis homagii praestationis, habetur

apud *Prilesum*, loc. cit.

(r) Argumentum est *Nobilis Curoni*, in *Solida Demonstratione*, qua facultatem eligendi Ducis ad Ordines Curlandiae & Semg. optimo jure devolutam esse, ostenditur, hinc repetitum a *Zsiback-vitzio*, P. II. *Pratensionum Illustr.* sect. IV. §. XIV. n. VII.

prætendere potuissent, quod tamen nunquam, æqueminus ac quondam Mazoviæ & Prussiæ Duces, nec non Magistri Teutonici in Prussia, licet ceteroquin Principes & Consilarii Regni Poloniæ, obtinere potuerunt. (s) Ultimo tandem loco minus apte concluditur: *In quocunque Regno libera Regis electio Nobilitati competit, in eo & Ducatibus eligendi facultas relinquitur;*

In Imperio enim Romano - Germanico Ordini Electorali libera omnimode electio summi Capitis competit, propterea tamen Ducatus Imperii non sunt electivi, in quibus jus primogenituræ & successio linealis agnatica introducta sunt, vel, deficiente etiam omni stirpe, pacta confraternitatis obtinent, ita, exempli causa, in Ducatu Wurtembergico, casu extinguendæ omnis Ducalis prosapiæ, non obstante vigentis in Imperio electionis, Ordinibus tamen neutiquam integrum foret, Ducem eligere, quia jus devolutionis Domui Austriacæ reservatum fuit: (t) Ita per applicationem ad præsens argumentum non fuit illatio, *in Regno Polonia electio obtinet, ergo etiam in incorporatis ipsi Ducatibus, ceteroquin enim Mazoviensis pariter electivus foret.*

OBJECTIO IV.

*SucceSSIONEM hæreditariam lineæ Kettlerianæ antiquo mori & præmi-
nentia Ducatus Curlandiæ, vel electionis juri, nequicquam derogasse,
æqueminus ac regnante in Polonia Lechica, Piaßensi & Jagello-
nica, lineæ, Regnum hæreditario-successuum eligendi
libertatem amiserit, (u)*

G

Ex

(s) Responsum in Comitibus, Regio nomi-
ne, Oratoribus Alberti, Ducis Prussiæ,
de quesito in electione Regis Poloniæ vo-
to, negative datum, Vid. apud Prilu-
sum, in Statutis Regni Polon. lib. V.
cap. III. p. 784.

(t) Vi transactionis Pragænsis, cum Ru-

dolpho II. A. 1599. initæ, juxta exem-
plar Chartophylacii Vindobon. in T.
V. Corp. Dipl. du Mont, P. I. n. 268.
f. 593. Vid. Imhofii Notitia Procer.
Imp. lib. IV. c. VI. §. II p. 169 Herald.
Europ. Sect. II. cap. VIII. f. 244. 245.
edit. Francof. 1688. f.

Forma hereditario-electiva

Ex inconvenienti applicatione corrui. Nam in theſi quidem conceditur, electionem poſſe concurrere cum ſucceſſione ad proximos hæredes, quemadmodum exemplo lineæ Jagello-nicæ ſucceſſivo-electivo in apicum ponitur. In Imperio pari-ter Romano-Germanico ſceptrum Regiminis per tria fere ſe-cula in Archiducali Domo Auſtriaca, accedente ſemper electio-ne, permanſit: In applicatione autem horum exemplorum ad ſucceſſionem Curlandicam Kettlerianam triplex inſignis notanda venit differentia, *primo*, quod in Imperio æque ac in Poloniæ Regno electio in quocunque caſu ſemper præceſſerit, licet illa, ob triplicem propter rationes politicas eandem præferendo familiam, in hujus reſpectu Polonia Regni dif-ferentiam, hæredibus ſubſtituerit, *deinde* quod hæredes per ſucceſſionem nullum jus habuerint, ſed per electionem obtinuerint, & no-lentibus Ordinibus ſuccedere non potuerint, *tertio* quod illa per eandem lineam continuatio per nullius ſuperioris poteſtatis arbitrium determinata & limitata fuerit, ubi e contrario in ex-emplo Curlandico ſucceſſionis Kettlerianæ *initio* nulla unquam electio intervenierit, *ſecundo* hæredes per primam totius lineæ inveſtituram Regiam jus quaſitum & hæreditarium, in feudum ſuccedendi, jam habuerint, imo invitis etiam Proceribus ſuc-cedere potuerint, *denique* vero illa ſuccedendi ratio a ſupremo Feudi Curlandici dominio, abſque ulla Nobilitatis conſultatio-ne, aut interventione, in anteaſſum determinata fuerit, nec poſtea ipſorum ſuffragiis opus habuerit. Vnde applicatio hæ-reditario-electivæ periodi in Poloniæ Regno ad ſucceſſionem Curlandicam feudalem, ab Apologo Curono liberaliter pertracta, quod pace ipſius dictum ſit, maximopere vacillat.

OBJE-

OBJECTIO V.

Curlandiæ Procereſ jus præſentandi Principem, jam poſt ſubjectionem, in JACOBO, Guilielmi filio, exercuiſſe,

Sublato ambiguo *juris præſentandi* termino, rite explicanda eſt, ne æquivocis utendo verbis, meliora edocti offendantur, incautiores vero eo facilius in devia pertrahantur. Si enim *præſentandi jus* pro liberæ electionis ſynonymo ſumitur, plane falſum eſt, quod ejusmodi actus hic intervenerit; ſi autem juxta ſubnexam illuſtrationem de interpoſitis in gratiam JACOBI, Ducis, a Nobilitare precibus, intelligitur, maxime ^{Supplicatio pro ſucceſſione Ducis Jacobi} impropria eſt locutio, cum verba ad exprimendas rei notiones ^{incongruo juris præſentandi habitu in} idonea ſint adhibenda. Ipſa autem facti hiſtoria ita ſeſe habet: Poſtquam GUILIELMUS Dux, alter GOTTHARDI filius, ob ^{ſcenam produ-} eadem a Satellitibus Ducalibus A. 1613. in MAGNUM NOL- ^{citur.} DIUM patratam, vigore Decreti Regii, patrio Ducatu extorris proſcriberetur, & octodecim annos in exilio degeret, (x) Curlandiæ Procereſ, veriti, ne Rex Poloniæ, paternum delictum in filium vindicaturus, eundem pariter ab avita in feudum ſucceſſione excluderet, datis ſupplicibus ad Regem literis, transmissionem feudi Curlandici in JACOBUM, Ducem, debito obſequio efflagitarunt, ne Rex forſitan aliter de ipſo vacaturo diſponeret, quibus tandem etiam Rex, in Comitibus Varſoviienſibus, A. 1637. intuitu promiſſæ avo, GOTTHARDO, pro integra ſua ſtirpe, ſucceſſionis, clementer annuit. Vtrum vero hic actus vel *liberæ electionis*, vel modeſtioris *juris præſentandi*, appellacionem mereatur, æquo lectori dijudicandum relinquitur. ^{Alii enim Principes in-} Hoc pacto enim ſequeretur, quod etiam Reges Daniæ & Sueciæ, ^{terceſſerunt.}

G 2

nec

(x) *Pauli Piaſecii Chronic. Geſtorum in Europa Singularem, ad A. 1632. f. 529. edit. Cracov. 1648. f. & Nicol. Zaluszowski Jus Regni Polon. T. I.*

lib. I. Tit. 31. §. 2. de Ducatu Curl. p. 666 edit. Poſnan. 1700 f. Ipſa Decreti Regii formula de A. 1613. inter annexa Docum. legitur.

nec non Elector Brandenburgicus & Proceres Regni, pro JA-
COBO, ne ob culpam patris a feudo excluderetur, interceden-
tes, jus præsentandi exercuerint, adeoque & his similiter jus,
eligendi Ducem Curlandiæ, nunc competeret.

OBJECTIO VI.

*Consolidationem Dominiis utilis cum directo, in formula juramenti
novo Duci præstiti contentam, non æternam, sed temporariam
esse, & ad tempus vacantis sedis Ducalis
determinandam, (y)*

*vi consolida-
tionis ille de
feudo potest
disponere, ad
quem utile do-
minium redit,*

Simpliciter contra ipsos Curlandiæ Proceres militat; Sufficit
enim, ut devolutionem feudi aperti ad verum hæreditarium
Dominum & consolidationem utilis dominiis cum supremo, di-
recto & eminenti, sive illa jam æterna vel temporaria & perio-
dica sit, concedant, per consequens etiam necessario admittere
debent, utile dominium, quod, ex propria confessione, non
ipsis, sed Regiæ Majestati, Regnoque Poloniæ, devolutum est, ab
ipsorum dispositione non pendere, sed in solo supremi dominiis
cum quo consolidatum est, arbitrio fundari, & penes ipsum stare,
quando, & cui novo feudatario, idem conferre velit. Superad-
dita autem ab Anonymo ratio, *quod Curlandiæ Nobilitas jure
suo habendi Duces se nunquam abdicaverit*, in tantum utique
vera est, in quantum nemo se aliqua re abdicare queat, quam
nunquam possedit. Jam vero Curlandiæ Proceres jus tale nun-
quam habuerunt, siquidem solus Poloniæ Rex Ducem ipsis con-
stituit, atque Curlandiam, ipsis non consultis, in Ducatum eve-
xit, loco cujus aliquam aliam Livoniæ provinciam, post mu-
tatum Kettleri statum, ex consilio Senatorum suorum, Ducali
dignitate insignire potuisset. In ipsa subjectione non statim
Ducis

*Curlandia Pro-
ceres non ab-
dicarunt se ju-
re, quo nun-
quam gavisi,*

*Rex Poloniæ, in
gratiam Kett-
leri, Ducem
ipsis dedit,*

Ducis titulus obtinuit, quæ ratio est, quare in integris Privilegi-^{cui aliam Li-} giorum Articulis continua Magistri Livoniæ, verum nunquam^{voniam partem} Ducis, mentio fiat, deinceps autem in subsecutis subjectione^{assignare po-} nem pactis demum appromissus fuit, sed non determinate^{tuisset,} qualis, & quando, quoniam ipsa infeudatio nec non tituli, insignium & honorum, solennis concessio, ad Regis reditum ex Polonia dilata fuerunt; (z) & quamvis interea Curlandiæ & Semgalliæ tractus eventualiter ipsi assignaretur, ipsa tamen infeudationis confirmatio post aliquot annos ex consilio & consensu Ordinum Regni & Magni Lithuanie Ducatus, non ex Nobilitatis Curlandicæ beneplacito, aut electione, aut jure habendi Ducem, A. 1569. demum subsecuta est. Cum igitur ipse Equestris Ordo Teutonicus, multominus Nobilitas solius Curlandiæ, tempore subjectionis, dum ipsa pacta instruebantur, non habuerit, neque arrogaverit sibi, jus eligendi Ducem Curlandiæ, nam titulus Ducis vigore eorundem pactorum reservabatur determinationi Regis & Regni Procerum, idque restrictè tantum, ad lineam masculinam legitimam; ergo etiam in casu aperturæ hoc jus sibi tribuere nequit.

OBJECTIO VII.

*Conformitatem Curlandici Ducatus cum Prussico idem jus, quod Prussicæ Ordines eligendo sibi Duces, vigore Actorum Commissionis, A. 1609. exercuerint, etiam Curlandiæ Proce-
ribus adjudicare; (u)*

Eodem vigore in contrarium retorquetur. Conformitas quidem illa utriusque Ducatus Prussici & Curlandici in dubium vocari nequit, quia tam pacta subjectionis, quam privilegiorum
Arti-

(z) Vid. Art. VII. Pactorum subjectionis.

(u) Objectio est Nobilis Curoni, in alle-

gata solida Demonstratione, repetita a Zschuckwitzio, P. II. Prutenicum Illustr. Sect. IV. §. XIV. n. VIII.

*Concessa con-
formitas Cur-
landici Duca-
tus cum Prus-
sico*

*vicissim ar-
guit, Curlan-
dos frustra ja-
ctare jus, quod
Prussia Ordi-
nes non habue-
re,*

*cen ex Historia
totius successio-
nis Prussia
negotii evinci-
tur,*

*ubi successio-
nis Ducalis ab O-
noldina linea
in Electoralem
translatio a
Regibus Polo-
niae petita &
obtentata,*

Articuli, nec non Regininis formula, ad eandem subinde pro-
vocant; Cum vero hic in favorem suum a dissentientibus alle-
getur, etiam alibi, ubi summopere ipsorum hypothese adversari
videtur, perinde pro decidendi norma admittenda est, alias
enim hic loci ipsis nihil prodesset, si vera est regula, quod qui
actum impugnat, aut instrumentum, ex eodem se juvare ne-
queat, quandoquidem contradictorium apparet, quemquam si-
mul ex principio, quod alibi rejicit, fructum velle consequi. (b)
Admissam igitur utrimque hanc, tanquam communibus instru-
mentis fundatam, conformitatem contra ipsum Curlandicæ ele-
ctionis assertum retorquere, ac invertendo argumentum, in-
ferre liceat, quod jus suffragiorum, in casu aperti feudi, Prus-
siæ quondam Ordinibus nunquam concessum, æqueminus Cur-
landiæ Proceribus competere queat. In prima ALBERTI, Mar-
chionis, investitura ipse & hæredes masculi legitimi ad succes-
sionem hæreditariam Ducatus Prussici vocabantur, eisque de-
cedentibus GEORGIUS, illi vero CASIMIRUS, & huic tan-
dem IOHANNES, Marchiones, nulla electionis mentione in-
jecta, sola hæreditaria in feudum successionem, substituebantur,
omnibus autem quatuor Principibus, absque legitima prole de-
functis, Ducatus devolutio Regibus Regnoque Poloniæ reservaba-
tur. (c) Interea JOACHIMUS II. primi filius, Elector Bran-
denburg. respectu affinitatis, a Rege SIGISMUNDO AUGU-
STO, cujus forori nupserat, jus investituræ simultaneæ, & spem
successionis in Prussici Ducatum, A. 1563. obtinuit, (d) post
obi-

(b). Cap. 38. de Regulis Juris, in VI.
Decretal. Ex eo non debet quis fru-
ctum consequi, quod nisi existit impu-
gnare, cui similis alia, frustra legis im-
plorat auxilium, &c.

(c) Instrumentum transactionis inter Si-
gismundum I. & Albertum, March.

Brand. primum Pruss. Ducem. A. 1525.
Cracoviæ signatum, apud Prilysum l.
c. p. 762. Diploma investituræ ibid. f.
770. Formula Consensus Ordinum Prus-
siæ, ibid. p. 775

(d) Vid. Privilegia Ducatus Prussici, jün-
ctim edita, lit. A.

obitum ejus ab eodem Rege in Electore, JOHANNES GEORGIO, d. 16. Sept. 1571. Varsoviæ confirmatam. (e) Aegrotante dein ALBERTO FRIDERICO, GEORGIUS FRIDERICUS Curatorium a Rege STEPHANO A. 1578. obtinuit, (f) & post illum JOHANNES SIGISMUNDUS, Cracoviæ d. 29. April. 1609. qui etiam, defunctis improlibus, GEORGIO & ALBERTO, jure avi acquisito, in Prussiæ Ducatum A. 1611. successit, & penes SIGISMUNDUM III. Regem effecit, ut tribus fratribus idem successionis jus, vi simultaneæ investituræ, tribueretur, (g) quo pacto etiam ipsi GEORGIUS WILHELMUS, & huic FRIDERICUS WILHELMUS, successit, in cujus favorem CASIMIRUS, Rex, A. 1657. feudale vinculum, reservato tamen, extincta stirpe, devolutionis jure, dissolvit. (b) Quo integro feudi Prussici negotio, a prima ipsius institutione A. 1525. usque ad illam transactionem anni 1657. neque in determinata hæreditaria successionem, neque petita toties & indulta simultaneæ investituræ extensione, qua, stante electionis jure, non opus fuisset, nulla Ordinibus Prussiæ data fuit occasio, multominus facultas, quoddam electionis jus exercendi. *Acta Commissionum Regio-Polonicarum*, in instrumentum annis 1609. & 1612. Regiomonti habitarum, (i) ad quæ Apologus Curonus provocat, ne verbum quidem juris eligendi, vel *actus*

a primi feudi origine A. 1525. ad ejus solutionem, A. 1657. sub Regia investitura, continuavit.

Acta Commissionis, nullum instrumentum exhibent, electionis actum docens,

- (e) *Renovatio simultaneæ Investituræ deprehenditur inter privilegia cit. lit. D.*
 (f) *Diploma infendationis seu Curatorium habetur l. c. lit. I.*
 (g) *Diploma Regium, d. 16. Nov. 1611, habetur inter Privilegia Ordinum Ducatus Prussici, Brunsbergæ 1616. f. edita, p. 122. cui etiam subjiciuntur Litteræ Reversales, Commissariis Regiis Polonicis desuper datæ, p. 126.*
 (h) *Sam. Pufendorffii de Rebus Gestis Erid. Wilb. lib. VII. §. 50. p. 433. Ar-*

tic. V. Tractat. Velaviensis, d. 19. Sept. 1657. signati, in Nic. Zulaszowski Addit. Juris Regni Polon.

- (i) *Acta & Decreta Commissionum S. R. M. Polon. & Suecia, Regiom. 1609. & 1612. habet, itemque Responsa, Cautiones & Transactiones circa feudum Ducale Prussia &c. Cracoviæ 1614. f. itemque inter Privilegia Ordinum Ducatus Prussia, Brunsbergæ 1616. f. junctim edita, per extensum leguntur, f. 98. fqq.*

actus electionis ab Ordinibus usurpati, vel invito etiam Poloniæ Rege, ceu ipse comminiscitur, vindicati, introspecturis exhibent, quin potius ipsissimum contrarium loquantur: *Curatorium Sigismundi, Regis, rium* enim SIGISMUNDI III. Regis, JOHANNI SIGISMUNDO, Electori, pro ægrotante ALBERTO FRIDERICO, Cracoviæ, d. 29. April. 1609. Regia autoritate, inconsultis Prussiæ Ordinum suffragiis, concedebatur; (k) *Dispositio Regia de Feudo Prussico, de feudo dispositio & hæc* ex Constitutione Comitiorum Regni Generalium, Varsoviæ A. 1611. celebratorum, in favorem JOHANNIS SIGISMUNDI, Electoris, & trium fratrum, non ad deliberationem Prussiæ, sed Poloniæ, Ordinum concepta legitur; (l) *Litera supplices Consiliariorum Ducatus Prussiae, & universæ Nobilitatis & Civitatum, ad Regiam Poloniæ Majestatem, Regiomonti, d. 11. Nov. 1611. datæ, ad nullum electionis jus provocant, sed commoda publica ex Regimine immediato Ducali allegantes, ad solam Regis clementiam confugiunt, (m) quo tenore etiam Responsoria Regia, d. 20. Nov. ejusdem anni 1611. signatæ, fluunt, (n) & non solum descriptio totius infeudationis negotii, (o) sed etiam Literæ, privilegia, cautiones & Recessus, Commissionis ibidem A. 1612. celebratæ, (p) qua Commissarii Regii supradicto JOH. SIGISMUNDO, Electori, possessionem Ducatus tradiderunt, & jura-*
mentum,

(k) Vid. Acta Commissionis fol. 37.

(l) Acta Commiss. f. 33. in Collectione Brunsbergensi, p. 112. & 122. 126.

(m) Acta Commiss. edit. Cracov. f. 40. edit. Brunsberg, p. 119. Vbi Ordines his inter alia utuntur verbis: Gratissima mente clementiam & sollicitudinem S. V. Majestatis Reg. erga nos patriamque Nostram ex eo agnoscimus, quod nuper Illustrissimo Electori, in Prussia Duci, per Commissarios suos curam agræ Principis nostri & hujus Ducatus ad-

ministrationem conferre voluerit; (ex- go non intuitu electionis Ordinum præ- vix) Quocirca S. Reg. Majestatem precibus nostris perhumillimis obtestamur, ut . . . tam Celsitudini ejus Electorali, quam desideriis nostris, votisque humillimis, satisfacere dignetur.

(n) Acta Commissionis, f. 42. edit. Cracov. & p. 142. editionis Brunsberg.

(o) Acta Commissionis, f. 43. 199.

(p) Acta Commiss. f. 71. 78. 19.

mentum, secundum transactionis condiciones, Regio Regnique ^{jactatum ele-}
nomine, exegerunt, concepta sunt, ita, ut in integra Actorum ^{ctionis actum}
designatione nullum deprehendatur instrumentum, quo aliquis ^{demonstrant}
electionis actus corroborari queat. Vnde ex concessa a dissen-
tientibus Curlandici Ducatus cum Prussico conformitate & sub-
ministrato Actorum argumento, in quibus altum asserti est si-
lentium, nunc contra eos retorquendo concludere liceat, cum
in quondam Ducatu Prussiae nulla electio obtinuerit, talem quo-
que in simili Ducatu Curlandico perperam supponi.

OBJECTIO VIII.

*Jus eligendi Ducem in Curlandia eo magis obtinere, quo majores
ipsi praerogativae, tanquam oblato, & non dato feudo, cui Res-
publica Poloniae de peculio suo nihil addiderit, merito
concedendae sint, (q)*

Incerto iterum nititur supposito de *Feudi oblati* qualitate. Pri-
mo namque problematica atque sub judice pendens quaestio,
utrum Curlandicum feudum ad *datum* magis, quam *oblato*,
accedat, tanquam confecta & decisa praestabilitur. In superio-
ribus quidem plures circumstantiae allatae sunt, quae illud omnino ^{Oblati feudi}
exilioris, quam reliqua oblata, conditionis, reddere possent, (r) ^{qualitates ad}
sed illas veluti per transennam ibi inspicere lubuit, quoniam ad ^{Curlandiam}
firmendam thesin utriusque effectus idem erat; Cum vero ^{frustra appli-}
oblati qualitates in abusum huc pertrahi videantur, pro rite for-
mando quaestionis statu monendum est, quod ordinarie oblata
beneficiario modo ad feudatarium offerentem redire solebant;
ceu ex inspectione omnium supra allatorum, aliorumque exem-
plorum,

(q) Objectio est *Nobilis Curoni*, in *Soli-
da Demonstratione* citata, a *Zschackwi-
tzo*, P. II, *Præfensionum Illustr.* Sect.

IV. §. XIV. repetita, n. IV.

(r) Vid. supra *Thef.* II. p. 31. sq. &
annotat. (i)

plorum, collatione patefcit. Livonia autem ad Magiftrum non rediit in feudum, evidenti argumento, hic potius fubjectionem, quam oblationem, locum habuiffe. Hæc enim plerumque in aliis exemplis spontanee & non coacte fiebat, Kettleriana vero invite, in extremis anguftiis, & desperatis quafi rebus, ob denegatum ab Imperio & Succis auxilium, nulla alia falutis via fuperfite, quam in Poloniæ clientela, quæ, absque prævia fubjectionis fponfione, armatam provinciarum defenfionem fufcipere abnuebat. Magifter itaque non obtulit, fed fubjecit, Regi confenfu Ordinum Livoniam, perinde ac quondam Enfiferorum Ordo Teutonicis Equitibus fe fubmiferat. Subjecta autem provincia non denuo in feudum, prouti in ceteris oblationibus, ipfi reddita, fed Regno Poloniæ, certis pactorum Articulis, immediate incorporata fuit, excepta ipfius parte Curlandia, quam Rex Magiftro Ordinis, qui poft mutatum flatum, & abdicatum Ordinem, provinciis jam exutus, teftibus ipfis Curlandicis Historicis corvis, domum, vel alio, fe conferre ftatuerat, (rr) in feudum adjudicavit, ad legitimos ipfius hæredes mafculos tranfitorium, ita, ut fi vel maxime Livoniam, complexive fumptam, oblatum feudum appellare liceret, Curlandia tamen prodato potius haberi debeat, Poloniæ Regis arbitrio a reliquo Livoniæ corpore feparatam Regiminis formam nafta. Hinc non apparet, quo jure particula totius fubjectæ provinciæ, beneficio Regis in Magiftrum cum utili dominio conceffa, oblati feudi nomine poffit infigniri, in quam potius dati qualitates cadere videntur, nec evidens eft, quo titulo Curlandi, qui femper torrentem fatorum corporis, cujus membrum erant, ante fectam ab eo feparationem fequebantur, caufari queant, fe provinciam fuam Regi obtuliffe, & vel inde aliquot feudi oblati

præro-

*cum qualita-
ribus dati feu-
di Magiftro Li-
voniam conceffa*

(rr) *Salom. Henning. Chron. Livon. Curl. P. I. p. 30.*

prærogativas acquisivisse, ad suffragiorum jura nunc extendendas. Secundo dehinc exceptionis loco falsum est, Rempubli-
cam ex peculio suo nihil hic contribuisse; Ita sane pro nihilo
supputaretur clientela Regni atque armata e Russorum manibus
ereptio, nihili sic æstimaretur defensio provinciæ, quæ cætero-
quin ad incitas redacta hostium præda erat, nihilo etiam æqui-
pararentur solutiones æris alieni super oppignoratis tot arcibus
& locis, partim cum ipso Poloniæ Rege, partim cum Prussiæ
Duce, partim cum Archiepiscopo Rigenfi, nec non Nobilitatis
& civitatum Ordinibus, contracti, a Rege Poloniæ maximam
partem compensandi, (s) quæ sufficienter docent, Rempubli-
cam utique ex peculio suo aliquid ad feudi Curlandici integri-
tatem contribuisse. Verum etiam his vel maxime extra censum
missis, erroneum tamen est, oblatis feudi naturam hanc invol-
vere qualitatē, ut liberam de eo aperto dispositionem Ordini-
bus indulgeat. Omnium enim tam datorum, quam oblatorum,
veluti hoc respectu perinde priorum, (t) feudorum natura
est, ut iis, quibus ob insignia & eminentia merita collata erant,
deficientibus, ad liberam supremorum dominorum dispositio-
nem redire, & immediatum, directum ac utile dominia con-
solidari debeant, (u) Ita redeunte ad Regnum Poloniæ sub
VLADISLAO IV. districtu Leoburgensi & Bytovienfi, post de-
cessum stirpis Pomeraniæ Ducum, una cum eo revertebatur
ad Regem libera & absoluta de eodem dispositio. (x) Exami-
nantur;

H 2

nentur

(s) Oppignorationes istæ atque earum
compensationes enumerantur in ipsis
subjectionis pactis, Art. VII. itemque §.
Nove etiam a Gedanensibus &c.

(t) Vid. Collectio Nova Consilior. Tubing.
continens Schovvederi Consilia, Vol. VI.
Cons. 95. f. 649. 654. Joh. Nic. Her-
m. Responsa & Consil. Resp. 566. n. 5.

p. 916. G. A. Struvii Synt. I. F. cap.
VII. aphor. X. n. 10.

(u) Vid. quæ pluribus desuper discussa
in præced. Thesi III. p. 39.

(x) Sigismundi I. Investitura pro Geor-
gio Stettinensi, A. 1526. apud Prilutsum,
lib. V. cap. IV. f. 787. Constit. A. 1637.
tit. Reincorporatio, & A. 1641. p. 15.

*Hinc ille tan-
tum, ad quem
Dominium u-
tile redit,*
 nentur omnia feudorum oblato-
 rata & alia, utrum in casu aperturæ unquam suffragiorum li-
 bertas Statibus indulta & concessa, anne potius, deficiente
 stemmate investito & substituto, jus devolutionis, & ex eo
 fluens arbitrium collationis feudi aperti in novum vasallum, a
 Domino directo obtinuerit. Si ergo ex natura quoque oblato-
 feudi consolidatio utilis dominii cum supremo locum habet,
 sequitur, quod ille tantum, ad quem apertum feudum redit,
 de eodem disponere, & novo feudatario concedere queat.
 Cum autem, nemine forsitan sanioris consilii dissentiente, utile
 aperti Curlandici Ducatus dominium non ad Ordines vel Pro-
 ceres Curlandiæ, sed ad supremum Regis Regniq[ue] Poloniæ
*haud ergo Cur-
landia Nobili-
tas, de feudo
aperto dispo-
nere potest*
 dominium, redierit, hinc prona conclusione non ipsis sane,
 sed soli Regiæ Majestati Regnoque Poloniæ, tanquam directo
 Domino, plena de eodem dispositio, atque in novum feuda-
 tarium collatio, jure meritoque competere censetur.

OBJECTIO IX.

*Curlandiæ incorporationem cum Poloniæ Regno figmentum aut chi-
 mæram videri, quia contradictoria forent, Statum quendam al-
 teri Regno incorporatum, suis tamen Ducibus imme-
 diate gubernatum esse, (y)*

*Negata Cur-
landia cum
Poloniæ Regno
incorporatio,
instantia alio-
rum exemplo-
rum,*
 Jugulum petit integro Curlandiæ cum Regno Poloniæ vinculo.
 Bellerophontis autem oculis, eum oportet uti, qui hanc in-
 corporationem Ducatus Curlandici tanquam Chimæram intue-
 tur, cujus realem substantiam sola aliorum exemplorum in-
 ductione persuaderi sibi patientur dissentientes Apologi. Quo-
 ne Ducatus Imperio Romano-Germanico incorporati sunt &
 erant,

(y) Vid. *Solida Demonstratio* &c. Nobilis Curoni, & Zschackwitzii Pratenf. Illustr.
 Tomo II. Sect. IV. p. 106.

erant, qui tamen hæreditariis suis dominis & propriis Ducibus reguntur. Revocent sibi in memoriam tot Ducatum Silesiæ exempla, qui omnes, antequam Seculo XIV. secessionem ^{profectum Sile.} a ^{quo} Regno Poloniæ fecerunt, (z) corpori hujus Reipublicæ, perinde ac postea Regno Bohemiæ, uni, nihilominus tamen, usque ad deletam Piasticam stirpem, propriis Ducibus administrati fuerunt. (a) Quis ignorat recentius exemplum Ducatus Prusici, qui a prima institutione A. 1525. inelyto Poloniæ Regno, ^{Prussia Du-} ultra centum & triginta annos feudali vinculo, usque ad hujus ^{caturum, Polo-} solutionem, A. 1657. ligatus fuit, hoc vero non obstante propriis suis Ducibus feudatariis paruit, (b) ut Mazoviæ aliorum- ^{nia Regno uni-} que Ducatum exempla silentio præteream, manifesto indicio, ^{torum, reselli-} incorporatum esse & proprios habere Duces haudquaquam instar contradictoriorum unum alterum tollere.

OBJECTIO X.

Duces Curlandiæ absolutos fuisse dominos, quia omnes actus superioritatis territorialis atque Regalia, quæ liber ac ab alio non dependens dominus edere solet, exercuerunt, adeoque aperto nunc Ducatu Ordinibus integrum esse, tanquam in libero Ducatu, novum sibi Ducem eligere, (c)

Sublato infirmo, quo nititur fundamento, sponte corrui- ^{Actus superio-} ritatis territo-
Quod enim actus superioritatis territorialis cum utili domi- ^{ritatis etiam}
nio subsistant, & a supremo Domino in feudum quoque con- ^{cum homagiali}
cedan- ^{obsequio subsi-} stunt,

(z) Vid. Joh. Dlugassii *Histor. Pol.* lib. IX. col. 991. edit. Lips. *Joa. Curai Annal. Siles.* p. 85. sq. edit. Witteb. 1571. Hartknoch, de *Rep. Pol.* lib. I. c. III. p. 114. 121. Balbini *Epitom. Rer. Bohem.* lib. III. c. 16. p. 301. c. 18. p. 341.

(a) Goldast, de *Regno Bohem.* lib. II. cap.

XII. *Constit. Imp. T. I.* p. 345. add. *Aen. Sylvii Hist. Bohem.* cap. 32. Joh. *Dubravii Hist. Bohem.* lib. XXI. inter *Freheri Script. Rer. Bohem.* p. 158. 175.

(b) Vid. supra §. VI. not. (n) p. 17. & thes. III. not. (o) p. 40.

(c) Objectio est *Zschackwitzii*, P. II. l. c.

cedantur, nec vinculum feudale solvant, in superioribus jam demonstratum fuit. (d) Inspiciantur omnes Literæ feudales atque investiturarum formulæ, numne in majoribus feudis simul Regalia, atque superioritatis territorialis actus, feudatario simul indulgeantur, absque supremi derogatione dominii, sed hunc in finem superaddita plerumque formula, *salvis directi dominii* *investituræ* *majorum feu-* *juribus & eminentiis,* (e) quales etiam in instrumentis Ducatus *duorum Rega* Curlandici obviæ sunt. (f) In S. Romano Imperio innumeri *lia indulgent,* Principatus talibus privilegiis & juribus superioritatis fruuntur, qui tamen a recognitione supremi dominii neutrquam exempti, aut vinculo feudali soluti sunt. Neminem præterit, quænam Regalia & prærogativas superioritatis territorialis Wurtembergiæ Duces, etiam tum temporis, exercuerint, cum a transactione Cadanensi, inter FERDINANDUM I. Romanorum Regem, & VLRICUM, Ducem, A. 1534. inita, terras suas, tanquam subfeudum, ab Austriaco domo recognoscerent, donec a RUDOLPHO II. per conventionem Pragensem A. 1599. hac subinfeudatione absolverentur. (g) Ad præscriptum Ducatus Curlandici

(d) Vid. supra §. IX. not. (y) *Iac. Alvarotti, Jcti & Patritii Paduani, Tract. de feudis, f. 103. edit. Francof. 1570. f. ita loquentis: Feudum secundum naturam & regulas & consuetudines semper præsumendum, & privilegium a Principe concessum non debet intelligi derogare solennitati juris & subvertere solitum ordinem consuetudinis, nisi quantum in ipso privilegio cautum.*

(e) Omnia Investiturarum Diplomata, supra, *Thesi I. not. (z)* p. 26. allata, post enumerationem privilegiorum & actuum superioritatis territorialis indultorum ejusmodi formulas subnectunt.

(f) In *Statutis & Juribus Curlandicis in*

ipsa Commissione Mitaviensi A. 1617. cum nova *Regiminis formula, d. 18. Martii instructis, epilogus hac utitur clausula: salvis tamen legibus Regni publicis, salvaque item augendi, minuendi, corrigendique potestate, cum auctoritate tamen & confirmatione S. R. Majestatis, inter Docum. annexa, n. XII.*

(g) *Joh. Strauchii Dissert. Exotericæ, X. de eject. & restitut. Ducis Wurtenb. th. 21. p. 288. Transactionis formula apud Goldastum, T. II. Constituit. Imper. p. 177. & Schilterum de pace Relig. cap. II. p. 73. De sublatione hujus inferdationis per Rudolphum II. vid. Imhofii Notit. Procer. Imp. lib. IV.*

dici exemplar, Ducatum Prussicum, respiciendo, deprehendi-^{ita Albertus,}
 mus, SIGISMUNDUM, Regem, Marchioni ALBERTO, pri-^{primus Prus-}
 mo Duci, omnes Ducali titulo & dignitati annexas prae-^{sia Dux, om-}
 vas, in Diplomate expressas, nundinarum solennium, monetae^{nia Regalia in-}
 eudendae, &c. concessisse, salvis tamen suis Regnique Poloniae^{feudum acce-}
 supremi Dominii juribus, vel *in quantum indulta privilegia*^{sub conditione}
in ita concordia & contractui non adversarentur, (b) eviden-^{tamen salvi}
 tissimo argumento, exercitium illud Regalium nequaquam liberi^{supremi domi-}
 & exempti dominii signum esse, nec in hoc exemplo vinculum^{nii:}
 feudale diremisse; ceteroquin enim superfluum fuisset, idem^{Curlandia}
 post secularem demum durationem dissolvere. Sub simili feudi^{Ducis privile-}
 obsequio Duces Curlandiae superioritatis territorialis actus &^{gia & Regalia}
 Regalia exercebant, interlucente in potioribus supremo semper^{eadem restri-}
 Poloniae Regni dominio. (i) Ipsum *monetae eudendae* privile-^{ctione limita-}
 gium ita restrictum erat, ut nullam aliam eudere Duci liceret,^{ta erant,}
 nisi *que ab aversa parte Regis effigiem, vel insignia Regni, &*^{exemplo privi-}
Magni Lithuaniae Ducatus, exprimeret; (k) qualis conditio in^{legii eudenda}
 liberum & a nulla supremi dominii jurisdictione pendentem^{moneta,}
 Statum alibi non videtur cadere. Magnum quoque *sigillum*,^{Magni Duca-}
 quo Curoniae Duces Diplomata aliasque tabulas publicas obfig-^{lis sigilli,}
 nare solebant, praeter gentilitia KETTLERI insignia, in centro
 scuti, ejusque aureo ad sinistram dimidio, intersertas invicem
 nigras, coronaque ornatas, literas, S. A. tanquam initiales SI-
 GIS-

cap. VI. §. II. p. 169. Transactionis
 formulam, d. 24. Jun. 1599. Pragae
 signatam, juxta exemplar Chartophy-
 lacii Vindobon. exhibet Du Mont, Tom.
 V. Corp. Dipl. P. I. n. 268. f. 593.

(h) Privilegii verba sunt, Marchioni Al-
 berto, Marienburgi, A. 1526. concessi,
 apud Priluf. lib. V. cap. III. f. 772.
 Similia in formula Investitura, ib. f. 770.

(i) Verba Incorporationis Curlandica A.
 1569. ita fluunt: *Quibus Nos vicissim*
conservationem omnium privile-
giorum, libertatum, immunitatum, &
Nobis eisdem concessorum, libertatibus
Nostri tamen Regni non adversantium,
pollicemur &c.

(k) Vid. Pacta Subjectionis, §. Monetae
 inter Docum. n. L.

*Appellationis
juris,*

*Libertatis a-
lienandi & op-
pignori vendi be-
na Ducatus,*

GISMUNDI AUGUSTI, Regis, exhibebant, in perpetuam primi Ducatus conditoris memoriam, atque irrevocabile documentum, subsecuturos feudatarios Duces eminentiam suam a Poloniae Regibus, tanquam directis Dominis, in feudum esse recognituros. Simile quid ex reservato *Appellationis jure* liceat concludere: In ipsis namque Subjectionis pactis (l) atque Nobilitatis Curlandicae privilegiis, (m) nec non introducta A. 1617. Regiminis formula, (n) in rebus arduis, altiorisque indaginis, *provocatio a sententia Ducali ad summum Regium tribunal*, vel *constitutos Rigae Consiliarios Regni*, locum obrinuit. Quemadmodum igitur illa sententia dici nequit suprema, a qua ad superiorem adhuc datur recursus, ita suapte consequitur natura, eundem quoque, cui suprema decisio non competit, superiorem aequae dominum, ac eminentius dominium, debere agnoscere. Probe id applicuerunt inclyti Poloniae Ordines, in Responsio, Oratoribus Alberti, Prussiae Ducis, ex Convenru Petricoviensi, nomine Regis SIGISMUNDI, reddiro, *proprium esse jus uniuscujusque superioris domini, ut ad ipsum a quovis subiecto & vasallo appelletur, quippe quod non aliunde magis dominium & subiectio agnoscitur, ita quidem, ut appellationibus, quae jure & consequentia propria ad superioritatem pertinent, sublati, nullum extaret verae superioritatis vestigium.* (o) Praeter dictas superioritatis restrictiones Curlandiae Ducibus non erat integrum, absque Poloniae Regum indultu, ex terris suis quidquam alienare vel oppignorare, (p) ita, ut concessae etiam ipsis facultati expressa super-

(l) Vid. Artic. V. *Pactorum subjectionis.*

(m) *Privilegia Nobilitatis*, a Rege Sigismundo Augusto, Vilnae 1561. indulta, Art. VI. & XVIII.

(n) *Formula Regiminis*, A. 1617. §. Nobilium Causae &c. inter Docum. n. X.

(o) *Responsum Convenus Petricoviensis*

d. 10. Jan. A. 1526. *ratione provocationum ad Regium tribunal*, Oratoribus Pruss. datum, apud *Prussiam*, l. c. p. 785.

(p) *Vi pactorum subjectionis*, §. si quid porro &c. qui Articulus apprimè committit cum conditionibus *Investiturae Du-*

superadderetur conditio, ne per ejusmodi oppignorationem separationi eorum bonorum a corpore Reipublicæ Polonicæ vel minima suppedicaretur occasio, (q) vel juxta SIGISMUNDI III. expressionem, ne Regalibus Nostreis & supremi domini juribus, nec investituræ conditionibus per hanc nostram confirmationem vel minimum quidem detrahatur & derogetur. (r) Vt taceam, Curlandiæ Duces, in causis feudalibus supremum Poloniæ Regis forum, exemplo plurium VLA-DISLAI IV. in causa Piltinensi edictorum, recognoscere, in con-^{aliorumque} dendis etiam Statutis, Regni Poloniæ præscriptum attendere, (s) ^{actuum.} nec non salvos Regios conductus, prout in formula Regiminis cautum, pro jure Regiæ Majestatis in hunc Ducatum supremo, directo-
que dominio, sacrosanctos semper observare & suspicere, debuisse. (t)
Ex quibus omnibus, invertendo dissentientium conclusionem, inferre licuerit in contrarium, Curoniæ Duces nunquam fuisse ^{quales sane in} absolutos dominos, sed superius dominium agnovisse, eo quod ^{absolutum do-} tales actus admittere debuerint, ad quos absolutus, & a nullius supe-^{minum non} rioris arbitrio pendens, dominus non tenetur. ^{cadunt.} Sublato igitur hujus objectionis fundamento, ipsum quoque ejus ædificium corrui-
atque contrarium elucescit, quod Curlandiæ Proceribus, tan-
quam in libero Statu, novum sibi dominum constituere, non sit
integrum. Quodsi enim tale insigne privilegium unquam sub-^{Si ergo jus ele-} stitisset, vel invalescere debuisset, aliqua sane ipsius, vel in sub-^{tionis subji.} jectionis pacto, vel privilegiorum Articulis, injicienda fuisset ^{tisset, vel in-} ^{truduci debuif-} ^{set,}

I

mentio.

- cat. Præfici, & transactionis Cracovien-
sis, A. 1525, apud Prilussium, p. 765. 770.
(q) In renovata per Regem Stephanum,
d. IV. Aug. 1579. primi Curlandiæ Du-
cis investitura, apud Zschackwitzium,
T. II. Præfens. Illustr. p. 180.
(r) Tenere Literarum feudalium, Var-
soviæ d. 18 April. 1589. pro geminis
Gorthardi filijs Friderico & Wilhelmo,

- itemque signati ibidem de oppignoratio-
nibus indulti, apud Zschackwitzium,
l. c. p. 192. 205.
(s) Vid. Statuta Curland. de A. 1617. in-
ter allegata Docum. n. XII. & Statuta
Districtus Piltinensis, apud Christ. Net-
telbladt, T. II. Anecdor. Curl. p. 35.
(t) Vid. Formula Regiminis Curland. A.
1617 §. Si lis inter Principem &c.

mentio. Atqui in omnibus XXVII. *Privilegiorum Articulis*, ab
necessario in ipsa Curlandiæ Nobilitate Regi oblatis & ab eodem Vilnæ A.
pactorum & 1561. ratihabitis, ne verbum quidem de electionis jure, nec
privilegiorum de Magistri, multominus Curlandiæ Ducis, electione, licet de-
instrumentis, prehendere, ubi tamen locus erat, insigniora Nobilitatis privile-
ejusdem inji- cia & jura in lucem ponere ac stabilire, aut a contradictionibus
cienda fuisset mentio, munire, in eum namque finem pactorum & privilegiorum in-
mentio, strumenta condebantur, ut mirum sit, tanti momenti circum-
ut tale privi- stantiam, & præcipuum omnium privilegiorum Articulum alto-
legium a con- ubique silentio prætermisum, nec potius ab ipsis Proceribus, si
testationibus jus quæsitum habuissent, studiose sollicitatum, reservatum & sta-
præservaretur bilitum fuisse, vel ipsos etiam, cum vigilantibus jura scripta
 sint, in id incubuisse providos, ut post defectum Kettlerianæ
 stirpis, falces Ducalis Regiminis ad sese devolvendos stipulave-
 rint, suumque Ordinem hujus prærogativæ participem reddide-
 rint, adeoque ex hujus gremio Ducem eligere potuerint. Ca-
 verunt sibi, Art. V. pactorum, *electionem Senatorum & Judicum*,
 communibus Nobilitatis suffragiis nominandorum, prospexe-
cum electio Se- runt etiam, Articulo alio, *electioni Burggravii Rigenfis*, ex Se-
natorum & natorio civitatis Ordine, per Regem confirmandæ, ut mirum sit,
Burggravii nihil quidquam de electione Ducis, tanquam majoris momenti
stipulata fue- articulo, cautum & stipulatum fuisse. Quapropter ab eorun-
rit dem silentio & prætermissione similis jactari privilegii ad non-
 existentiam ejus recte infertur, atque epilogi loco tandem con-
 cluditur: *Jura Curlandiæ & Semgalliæ circa electionem novi Prin-*
cipis nulla esse, sed unice penes Regiam Majestatem, Regnumque
Poloniæ, tanquam supremum, directumque Domi-
nium, stare.

PRO SOLIDIORI ARGVMENTO
POTIORA
DEDVCTIONIS DOCUMENTA
HIC SVBJVNGVNTVR

I.

Pacta Subjectionis inter Divum olim
Regem, Sigismundum Augustum, & Gotthardum
Kettlerum, Magistrum Teutonici Ordinis
in Livonia,

Vilnae d. 28. Novembr. A. 1561.

inica.

Sigismundus Augustus, Dei gratia, Rex Poloniae, Magnus
Dux Lithvaniae, &c. Significamus praesentibus literis No-
stris, universis & singulis, quorum interest. Cum terra
Livoniae Nobis, ex parte Magni Ducatus Nostri Lithva-
niae, & vicinitate, & multis, partim antiquis, partim novis, pa-
ctis & foederibus devincta & consociata, jam ab aliquot annis
immanissimi hostis Moschi crudelibus armis, incendiis & va-
stationibus propemodum funditus eversa ac desolata esset, ita
ut extrema quaeque illi imminerent, nec quidquam certius esset,
quam quod ad primam quamque incursionem illius praepoten-
tis hostis, illud quod reliquum, tam in Dioecesi Rigeniensi, quam
in terris Magistri Ordinis Teutonici fuerat, similibus cladibus
exscinderetur, & in durissimam servitutem hostilem veniret,

quemadmodum jam magna pars, propter multarum civitatum, arcium, propugnaculorum, amissionem venerat, & ob maximam in omnes partes depopulationem, vastitatemque ferro atque igni in ea allatam, & propter quotidianas incurfiones, magnumque hostis ad ejus reliquias occupandas apparatus, ad eam angustiam & difficultatem Ordines illius redacti essent, ut nequaquam opibus, viribusque proprijs Statum suum defendere, atque se a servitute & crudelitate hostili tueri ac vindicare possent. Ideo Illustrissimus & Magnificus Dominus Gothardus, *Equestris Ordinis* Teutonici in Livonia Magister, *Nobilitas*, Civitates, Statusque & Ordines illius universi, dum & omnia domestica consilia sua convulsa, & se ab aliorum praesidiis, praesertim Sacrae Caesareae Majestatis, & Statuum Romani Imperii, destitutos animadverterent, a vicino etiam Rege Sveciae terra marique peterentur; *tam suo, quam Civitatum, aliorumque Ordinum Livoniae, ad dictum Magistrum spectantium, nomine, crebris internunciis & literis praesentem calamitatem & gravissimum periculum Nobis exposuissent, multisque precibus opem & auxilium Nostrum implorassent;*

Nos & commiseratione afflictissimae Provinciae, & amore totius Reipubl. adducti, & ne barbarus hostis latius pro sua libidine in populo grassaretur, dedimus negotium Illustrissimo Principi, Domino Nicolao Radzivil, Duci in Olyka & Nieswiez, Palatino Vilnensi, &c. ut iterum in Livoniam properaret, & primo quoque Rigam peteret, ibique tam *cum ipso Magistro, quam cum illius Ordinibus ac Civitatibus, de memorata Provinciae defensionis ratione tractaret.* Cumque in illis tractatibus ab omnibus perspiceretur, nisi communibus viribus tam Polonorum, quam Lithvanorum, defensio suscipiatur, non posse potentiam hostilem reprimi, Polonorum vero auxilia, nisi dedicio quoque

quoque ad Regnum Poloniæ, non solum Magnum Ducatum Lithvaniæ, fiat, nequaquam adduci posse: Tandem *ad hunc extremum casum, ita ut sit in rebus desperatis, & præsentis periculo expositis, devenit, ut de facienda deditione statuerent*, eoque nomine communis profectio tam ab ipso Principe prænominato, quam ab Ordinum ac Civitatum nunciis, ad Nos susceperetur.

Sed quia prædicto Principe, aliorumque Ordinum ac Civitatum nunciis ad Nos Vilnam venientibus, & subjectionem certis conditionibus Nobis, Regno Poloniæ, Magno Ducatui Lithvaniæ, Russiæ, Prussiæ, Masoviæ, Samogitiæque, cæterisque ditionibus Nostriis profitentibus, Senatus Poloniæ copiam tunc non habebamus, sine quo subiectio ipsa, ex parte Regni rite atque commode peragi non possit, *neccessario hujus rei tractationem in Nostram in Poloniam profectiorem, ex parte Regni rejicere nos oportuit*. Ne vero interea, dum hæc ad Senatores & Ordines Regni Nostri perferuntur, atque ibi ab eisdem Ordinibus approbantur, multis modis afflictæ Livonia, vel in spe dubia, vel in ancipiti statu rerum suarum, vel etiam ope destituta, & extremæ depopulationi hostili exposita relinquitur, indeque mutata voluntate, vel servitutem tyrannicam, vel alias quantumvis iniquas condiciones subire cogatur, sed ut & illi de indubitata ope & præsidio Nostro, & Nos vicissim de constanti fide & voluntate eorum certi simus:

Ita tandem *post varios multosque tractatus hoc tempore inter Nos & prædictum Principem*, aliorumque Ordinum ac Civitatum nuncios, conventum est, *ut ipsa Livonia ex nunc Nobis, ut Regi Poloniæ, Magno Duci Lithvaniæ, Russiæ, Prussiæ, Masoviæ, Samogitiæ, Domino ac Hæredi, subiecta sit & maneat, dum certi aliquid de approbatione Procerum Regni retulerimus*.

Quando-

Quandoquidem vero hoc negotium *ad Regni conventum proxime in Masovia futurum, & ad Status & Ordines Regni rejecimus*, in eo quidem conventu sancte promissimus, & autoritate harum literarum promittimus, ut a Senatoribus cæterisque Ordinibus Regni Nostri in Polonia, professæ subjectionis tam Principis prædicti, quam subsectorum suorum, *in commune seu conjunctum cum Regno, Ducatu Lithvaniæ, & cæteris Dominiis recipiatur & approbetur*, juxta tractatus hic Nobiscum initos, utque interea Livonia a Nobis totis viribus Regni, Magni Ducatus Lith. cum omnibus adjunctis ditionibus nostris, *tam adversus Moschos, quam adversus omnes alios hostile aliquid illi molientes defendatur & propugnetur, & civitates arcesque amissæ armis repetantur*. Si vero præter spem Nostram, Status Regni Nostri Polon. in subjectionem istam consentire, & ita Livoniam, conjunctis viribus, prout conditiones prænominatæ ferant, defendere nollent; Livonia vero a solis Proceribus Lithvaniæ ad modum præscriptum defensa fuerit, ex tunc, prout ex nunc, Magno huic Lithvaniæ Ducatui incorporata, illique unita esse censeatur.

Cum autem in conditionibus subjectionis illud inter cætera contineatur, quod tam prædictus Princeps, quam subditi & civitates sibi a Nobis caveri postularint, *ne deditio & subjectionis illa, quam Nobis, ut Regi Poloniæ, Magno Ducatui Lithvaniæ, aliarumque ditionum Nostrarum, extremis casibus & periculis adducti obtulerunt, apud Cæsaream Majestatem aliosque Imperij Ordines Germania, illis damno & fraudi sit*; Bona fide spondemus, & recipimus, Nos interea, donec cum Senatoribus quoque Regni de Livonia in fidem & subjectionem recipienda acturi sumus, omnem curam & diligentiam adhibitu-
ut vel per internuncios, vel per literas Nostras, Cæsareæ Majestatis aliorumque Imperij Ordinum, inprimis vero *Magistri Ordinis*

*dinis Teutonici per Germaniam animi ac voluntates ad probandam
hujus facti necessitatem, inducantur & flectantur. Quodsi id pla-
ne confici non poterit, huc tamen totis viribus incumbemus,
ne vel Princeps, vel subditi, ullum detrimentum, tam in ho-
nore & fama, quam in bonis & fortunis, ex hac necessaria
deditione patiantur, nec ullam Imperij proscriptionem, aliave
gravamina, hoc nomine incurrant, vel si incurrerint, Nos tamen
providebimus, ne hoc cuiquam publicæ vel privatim fraudi sit.*

Dedimus præterea fidem, sicut & præsentibus literis sancte
damus, recipimus atque promittimus, Nos tam Principi ipsi,
quam Civitatibus alijs, vel subditis suis cujusque Ordinis vel
Status fuerint, liberum usum religionis, cultusque Divini, &
receptorum rituum, secundum Augustanam Confessionem, in
suis Ecclesijs, totiusque rei Ecclesiasticæ integram administrati-
onem, sicut eam hæcenus habuerunt, libere permisimus, nec
in ea ullam mutationem facturos, neque ut ab alijs fiat, per-
missuros.

*Omnia etiam eorum jura, beneficia, privilegia, secularia
& ecclesiastica, præsertim Nobilium, tam simultaneæ investitu-
ræ jus, quam & libertatem gratiæ in successione hæreditaria ad
utrumque sexum, superioritates, præminentias, dignitates,
possessiones, libertates, transactiones & plebiscita, immunita-
tesve confirmaturos esse, denique & jurisdictionem totalem,
juxta leges & consuetudines moresque antiquos.*

Cum *provocatione* tamen eorum, qui tam ex Nobilibus,
quam civitatibus, immediate imperio Nostro, vigore præsentis
cum ejus Illustritate transactionis adjiciuntur, ad *Vicegerentem No-
strum* per Livoniam, vel Senatum, Senatores, Judices Nostros,
per Nos in Civitate Rigensi constituendos, eligendos commu-
nibus *Equestri Ordinis*, hoc est, tam ipsorum membrorum Teuto-
nicæ

nici Ordinis, quam Nobilitatis Livoniæ, suffragijs, idque non ex aliis, quam indigenis & bene possessionatis illius Provinciæ incolis, nempe ex Nobilibus, Vasallis & Civitatum Senatoribus, membrorum etiam Ordinis, qui, mutato statu, totos se huic Provinciæ dederint: ita tamen, ut eisdem subditis Nostreis Equestreis & Civilis conditionis indifferens sit appellatio, prout cuique appellanti provocare visum fuerit, nempe immediate ad Nos, vel mediate ad Vices Gerentem, vel ad Senatum Nostrium præfatum. Illi vero, qui dicti Principis jurisdictioni subiecti & ratione dominiorum ejus subditi erunt & manebunt, ad suum tantum Principem provocabunt. In causis tamen gravibus & maximi momenti, licebit Equestri Ordini a Principe suo ad Conventum provincialem terrarum Livoniæ, juxta veterem consuetudinem, provocare.

Præterea recepimus, prout præsentibus recipimus, subditos provinciæ illius penes Magistratum suum Germanicum relicturos esse &c. Proinde officia, præfecturas, præfidiatus, judicatus, burggraviatus, & id genus, non alijs quam nationis ac lingvæ Germanicæ hominibus, ac adeo indigenis, collaturos esse, quemadmodum in terris Prussiæ conferre soliti sumus.

Et quidquid publice vel privatim universis & singulis de jure & æquitate competere videtur vel videbitur, Nostreis literis & diplomatibus confirmaturos, nec ullam in prædictis diminutionem, sed potius pro Regia Nostra gratia & beneficentia augmentum & accessionem facturos, quemadmodum ex nunc re ipsa, vigore præsentium diplomatum, confirmamus, approbamus, augemus, ratificamus, attestamur & comprobamus, confirmareque & comprobare quibusvis hominibus privatim & publice, nunc & in posterum, quocunque tempore benigne super ea re compellati fuerimus, debemus, ac ad eundem modum in reliquis civitatibus Livoniæ, Imperio Nostro subiectis,

etis, Officiales Nostros constituemus; durante tamen tumultu bellico, reliquas arces hosti vicinas & periculo expositas indifferenter per cujusvis nationis & lingvæ Officiales administrabimus, quorum nobis virtus, fides, integritasque fuerit spectata; ita tamen, ut nihil attentent, faciant, jubeant atque mandent, quam quæ pro defensione civitatum ac arcium facere videbuntur, nisi forte in Nostrum & Reipubl. damnum vergere quid isti animadverterint, tum ad Nos ea de re referant, & pro virili satagant, ne quid detrimenti ad Nos & Rempubl. redundet. Jus autem, justitiam & potestatem gladii exerceant tam in Cives, quam Nobiles, Magistratus civitatum atque arcium Præfecti, sepositis armis, & optata pace recuperata, non aliis, quam indigenis natione & lingua Germanis, præfecturas in tota Provincia concedemus.

Porro Illustri Domino Magistro Livoniæ, cum ad Equestri Ordinis consilium & Nostram approbationem statum mutaverit, ut per conjunctionem affinitatis, & Principum amicitia suffultus, contra hujus Provinciæ hostes eo solidior firmiorque compareat, Ducalem titulum, ad instar Illustris Domini Ducis in Prussia, cum omni dignitate, insignibus, & privilegiis Ducalibus tribuamus, ita ut Vasallus noster, feudatariusque Princeps sit, quemadmodum ex nunc Illustritatem ejus pro Vasallo Nostro Principe, suscepimus, habebimus, atque habemus.

Ac quo vicissim Illustritas ejus certa sit, quamprimum voluntatem Regni Nostri Senatorum exploraverimus, aut illi cum Senatu Nostri Magni Ducatus Lithvaniæ super ea re convenerint, quotam Livoniæ partem a Nobis & Successoribus Nostri in feudum habere, tenereque debeat Illustritas sua cum posteris suis ex linea masculina descendentibus, has arces subsequentes, districtus, atque præfidiatus cum jure, suæ Illustritati concessi-

mus in feudum, atque concedimus, (non obstante, *fi*et ipsa infeudatio, tituliue insignium & honorum sollemnis attributio nunc concedi nequeat, quæ omnia ad nostrum ex Polonia reditum differenda esse duximus) possessionem illorum omnium Illustritati suæ assignavimus, contulimus, atque conferimus, primum totum illum tractum Curlandiæ & Semigalliæ, incipiendo a salso mari sursum sequendo fluvium Hilgæ, ascendendo ad antiquos limites, per Radzivvilum inceptos & dispositos, inter Samogitiam, Lithvaniam, & Russiam ab una, & Livoniam ab altera, partibus, versus Districtum Polocensem ad Dunam fluvium, descendente vero Duna usque in mare salsum; adeo, ut quidquid in istis terminis eis Dunam versus Lithvaniam continetur, & ad Ordinem Livoniæ spectabat, nunc & in perpetuum apud Illustritatem suam & ejus hæredes masculos permaneat, Curias videlicet, bona & Nobilitatem, quæ ad arcem Duneburgensem, ex hac parte fluminis Dunæ versus Lithvaniam, spectarunt; Arcem Selburgam cum toto districtu; Curias item, Nobilitatem, & omne id, quod videlicet ex hac parte ad arcem Ascherat spectavit; arcem Bausko, Neuguth, cum iis, quæ ad arcem Kirchholm pertinebant; arces Mitthaw, Tuckum, Neuburgk, Doblen, Kandow, Alswangen, Schründen, Frawenburg, Zabel, tum & illas arces, quæ Nobis oppignoratae sunt, Goldingen, Hasenpoth, Durben, Windaw, in summa octuaginta millium. Arcem vero Grobin in quinquaginta millibus Illustrissimo Principi Domino Alberto, Marchioni Brandenburgensi, in Prussia Duci, itidem oppignoratam, & illas quidem summas Illustritati ejus remittimus, Arcem vero Grobin ære Nostro apud ipsam Illustrissimum Dominum in Prussia Ducem eliberabimus, ac dabimus operam, ut ab ipsa oppignoratione primo quoque tempore eliberetur, atque in possessione Illustritati suæ tradatur. Ad eundem modum & arcem Bausko ex possessione & usufructu Reverendi-

diffini & Illustrissimi Principis, Domini Archiepiscopi Rigenfis, libera-
vimus, & ut ejus possessio ad Festum Paschæ Illustritati ejus tra-
datur, curaturi sumus. Ex altera vero parte Dunæ solam ar-
cem Dunemundam Illustritati ejus ad tempora vitæ concedimus.

Pro Nobis vero, & Serenissimis Successoribus Nostreis, *ra-*
tione susceptæ defensionis, & aditorum, ac etiam nunc aduulorum,
multorum periculorum & certaminum, quæ Nobis pro Livonia pro-
pemodum jam desperatis rebus sumpsimus, totum tractum & o-
nem reliquam Provinciam ultra Dunam, vigore præsentis con-
tractus cum Illustritate ejus initi, reservamus.

Primum & ante omnia, arcem & civitatem Rigensem, cum
 omni, quod in ea antiquitus obtinuit, jure, dominio & propri-
 erate, meroque & mixto Imperio, apud Imperatores Romanos
 obtento, de quo Nobis Illustritas ejus condescendit, illudque
 Nobis resignavit, prout præsentibus resignat, cedit & condescen-
 dit, & *ab homagio, quo Civitas illa Rigenfis Illustritati suæ tenebatur,*
absolvit, absolvereque & renunciare coram Legato Nostro in
Civitatem Rigensem per Nos ablegando publice, tum & paten-
tibus literis suis, etiamsi Civitas illa ei rei adversari velit, aut
quo modo reclamet, & ab ipso homagio liberos facere: nec non
omnia diplomata, ab Imperatoribus Romanis super ea re obtenta No-
bis tradere tenebitur, eamque sicut & reliqua omnia, quæ se-
quuntur, potestati, meroque & mixto Dominio Nostro, per-
mittere, sicut jam exnunc harum literarum vigore permisit,
ac permittit, tanquam scilicet eam civitatem, cujus salute &
conservatione salus & conservatio reliquæ Provinciæ nititur, ex
amissione vero extremum illi Provinciæ excidium, vicinis au-
tem dominiis Nostreis præsens, certissimum & indubitatum, pe-
riculum impendeat. In ea tamen Civitate Rigenfi & arce, non
peregrinum aliquem alienigenam & adventitium ad gerendum

magistratum & alia officia præficiemus, sed ex indigenis Germanica Livonicaque lingua & nationis. Et alterum quidem Officiale arcis, qui rei militari & præfidiis Nostreis, alterum vero, qui rebus urbanis Burggravius præsit, ex Senatorio civitatis illius Ordine, per illos deligendo, per Nos autem confirmando, ad exemplum Civitatis Gedanensis, constituemus, qui tamen Nobis, Regi Poloniæ, Magno Ducatui Lithvaniæ, speciali jurejurando obstricti sint.

Sequentes vero civitates & arces, præfidiatus, præfecturæ, tractus, pro Nobis cesserunt, tam videlicet illæ, quæ adhuc in potestate Ordinis permanserunt, ut sunt arces Kircholmia, Ascherad, Duneburg, ad ripas Dunæ sitæ, Rositen, Lutzen, Triakaten, Ermis, Helmet, Karkus, Weisfesten, cum tota Jervia, arx & Civitas nova Parnovia, Sahra, Rugia, Burtneck, & arx & civitas Wolmaria, Wendena, Wolfard, Arries, Segewalt, Schuien, Jurgeburg, Nithow, Lemborch, Rodderppeus, Neumole. Dein & illæ, quæ jam in potestatem hostis pervenerunt, & armis Nostreis recuperandæ sunt, videlicet Ducatus Esthonia, Episcopatus Derbatenfis, quantum in eo sua Illustritas interesse habet, cum omnibus illarum Nobilibus, Vasallis, curijs, fundis & universis bonis ad eas spectantibus, de quibus omnibus, certis personis, quæ adhuc ex Ordine Teutonico restant, nec non Consiliariis & aliis honestis Viris de Republ. Livoniensi bene meritis, pro judicio & arbitrio Nostro, servato delectu, adhibitæque in personis proportionem Geometricam, concedemus providebimusque. Munitionibus tamen interim omnibus in Nostra & Successorum Nostrorum potestate reservatis.

De persona tamen Illustrissimi Domini Magistri secus statuimus, tanquam de ea, quæ in Nos singulari fide & observantia semper propendit, præ ceterisque Regni Nostri se observantissi-

tissimam præbuit. Ideo parem gratiam & benevolentiam Nostram illi referre volentes, dignum existimavimus, cui *Locumtenentie titulum ac prerogativam* in Arce & Civitate Rigenſi concederemus, prout præſentibus concedimus, ut in ea reſideat, jus & juſtitiam cum aliis Officialibus Noſtris adminiſtret, quam ad rem certum ſtipendium annuum illi ſuo tempore concedemus, assignabimusque.

Præterea inter cætera & hoc inter Nos & Illuſtritatem ſuam convenit, ut permutatione *Episcopatus Curoniensis*, pro Sonneburga arce, & curiis Leal & Habzel Illuſtriſſimus Holſatiæ Dux, Magnus, contentetur, quam ad rem Noſtram illi recipimus operam, ut cum reliqua Curonia, Episcopatu quoque Curoniensi Illuſtritas ejus potiatur.

Neve cum limitum indiſcuſſorum vicinis Illuſtr. ejus controverſiam aut difficultatem habeat, pro Regia Noſtra autoritate curabimus, ut primo quoque tempore fines ad præſcriptum pactorum Potzuolenſium & poſteriorum Vilnenſium regantur, & certi conſtituantur in tota illa vicinia limites; Interea vero neutra pars alteri damnum inferat, aut litem & difficultatem moveat.

Cumque tractus Dunæ ſuſſum atque deorſum limites inter Nos & Illuſtritatem ejus conſtituat, æquitatis ratio poſtulat, ut medietate fluvij in piſcando & alijs commoditatibus ejus Illuſtritas perpetuo gaudeat, quæque Inſulæ, ſive mediannes alteri partes vicinioreſ ſunt, apud eandem partem maneanť.

Et cum hoc ſexennali bello, ſuæ Illuſtritatis, quam etiam Nobilitatis Curoniensis, præcipue vero eorum Diſtrictuum, qui penes Nos manebunt, vires exhaustæ ſint, relaxatam Illuſtritatem ſuam & Nobilitatem ab oneribus hujus belli, aut ſaltem

ut

ut hoc præstent aut nitantur, quæ commode pro modulo suo possunt, volumus. Alio autem tempore *eadem sit ratio, quæ Illustritatis Domini Ducis Prussia.*

Neve etiam a Gedanensibus & Rigenfibus *ob æs alienum contractum sua Illustritas molestetur*, Regia Nostra intercessione studebimus, ut aut *in gratiam Nostram sua Illustritas pecunia liberetur*, aut non prius, quam commode solvi possit, repetatur. Quemadmodum & *Wendensibus, Wolmariensibus, Pernoviensibus*, ex mera Nostra gratia & beneficentia Regia, in solvendis eorum debitis aliquid opis, per subministracionem rei frumentariæ & alterius generis commeatus, adferemus.

Monetæ etiam cudendæ facultatem Illustri Domino Magistro concedimus, ad pondus & valorem Lithvanicæ, & ut ejus promiscuus & indifferens usus sit, tam in Lithvania, quam in Livonia. Volumus attamen, ut ex una parte Nostra effigies, vel insignia Regni & Magni Ducatus Lithvanicæ, in altera Illustritatis ejus, exprimentur.

Si quid porro Illustritati suæ vendendum, impignorandum, permutandumve fuerit, super hoc Illustritati ejus libertatem facultatemque concedimus: ita tamen, ut ad Nos & Serenissimos Successores Nostros de eo primo loco referatur, Nobisque optio detur, si talem oppignorationem ipsi acceptare voluerimus: sin minus, tum Illustritati ejus liceat, cui volet.

Dabimus etiam operam, quando Ducatus Esthoniæ cum civitate Revaliensi, vel transactione aliqua justa, & nomini Nostro honorifica, vel per belli rationes, recuperatur, ut Illustritati suæ æqua portio, vel in bonis, vel pecunia, concedatur; sumptibus belli, si hoc nomine contra Serenissimum Sveciæ Regem insumendi erunt, ante omnia Nobis refusus.

Tor-

Tormenta item bellica, quæ Nobis ad præfens in cessione arcium & civitatum relinquuntur, bello confecto, pro ratione quantitatis qualitatifve, a Nobis restituantur.

Judæis vero nulla per totam Livoniam commercia, vectigalia, teloniave ullo unquam tempore concedemus.

Curabimus etiam, ut interea temporis, dum a Magno Ducatu Nostro Lithvaniæ absumus, & *negotium subjectionis in Polonia ex parte Regni tractamus, Livonia necessarius copus militariibus*, tam ad *præsidia castrorum & civitatum*, quæ id a Nobis postulaverint, quibusve id necesse fuerit, quam *ad arcendam subitanæ incursionem hostilem*, in futurum eventum instruatur & firmetur.

Hæc omnia & singula Nos prædicto Principi aliorumque Ordinum ac Civitatum Nunciis sacrosanctæ & religiose servaturos, Nos jurejurando spondimus. *Ipsæ autem Princeps pro se & suis subditis, cæterorumque Ordinum, utpote universæ Nobilitatis & Civitatum Nuncii, vicissim fidem suam sacrosanctæ præstito solenni jurejurando obstrinxerunt, sicut & præsentibus obstringunt, quod ab hoc tempore & in posterum, in ea fide, voluntate & obsequentia, quam nobis semel detulerunt, constanter permansuri & firmiter perseveraturi sint, tanquam fidelem Vassallum & subditos decet Imperio & potestati Nostræ subiectos.* Nos vero pari ratione Principem ipsum benevolentia & favoribus; subditos vero illius & Nostros clementia, & benignitate Nostra Regia, prosecuturos, ornatuos & aucturos, Nos recipimus & præsentibus, interventu jurisjurandi Nostri Regii, recipimus, harum testimonio literarum, quibus in fidem sigillum Nostrium præsentibus est subappensum.

Datum Vilnæ xxviii. Mensis Novembris, Anno Domini

M. D. LXI. Regni vero Nostri XXXII.

Privi-

II.

Privilegia, Nobilitati a Divo olim Rege, Sigismundo Augusto, circa subjectionem universæ Livoniæ, indulta.

SIGISMUNDUS AUGUSTUS, Dei gratia Rex Poloniæ, Magnus Dux Lithvaniæ; Russiæ; Prussiæ, Masoviæ, Samogitiæ, Livoniæque, &c. Dominus & Hæres, Notum facimus per præsentis literas, quorum interest, aut in posterum quoquo modo intererit, Universis: *Cum Livonia Provincia gravi ac diuturno Moschico bello, multisque cladibus afflictæ, vastata, atque magna ex parte in potestatem hostium redacta esset: cumque & propter multarum civitatum, arciumque & propugnaculorum, amissionem, & ob maximam in omnes partes depopulationem vastitatemque, ferro atque igni in ea allitam, & propter quotidianas incursiones, magnumque hostis ad ejus reliquias occupandas apparatus, ad eam angustiam ac difficultatem Ordines illius redacti essent, ut nequaquam opibus viribusque propriis statum suum defendere, atque se a servitute crudelitæque hostili tueri ac vindicare possent;*

Illustrissimus ac Reverendissimus Dominus *Guilielmus, Archiepiscopus Rigenfis, Marchio Brandenburgensis, Stettiniæ, Pomeraniæ, Cassubiorum & Vandalorum, Dux, Rugiæ Princeps, Burggravius Norinbergenfis, ac Illustrissimus Dominus, Gothardus Ketlerus, Equestris Ordinis Teutonici in Livonia Magister, Statusque & Ordines Livoniarum universi, & Civitatum Nuncii, dum & omnia domestica præsidia sua convulsa, & se ab aliorum præsidiis destitutos animadverterent, magnam autem spem in Nostro ditionum Nostrarum auxilio deponerent, matura delibera-*

beratione habita, publicoque & concordi omnium consensu, *se Provinciamque suam in fidem & potestatem Nostram tradiderunt, ac in perpetuum ditionibus dominiisque Nostris, ad instar Terrarum Prussiae, adjunxerunt & incorporarunt.*

Itaque Nos & foederibus & vicinitate conjunctæ Nobis Provinciæ periculo, clade, vastitate, servitute permoti, & pro Christiani Principis Officio pertinere ad fidem Nostram intelligentes, ut homines Provinciamque Christiani nominis a cæde, populatione, servitute, barbari ac crudelis hostis prohibeamus, eosdem in fidem & ditionem Nostram accepimus. Qua quidem fide ac necessitate, in jure, libertate, fortunis, omnibusque commodis cæterorum subditorum ac dominiorum Nostrorum conservandis & tuendis obstrictos esse, Nos devincimus & obstringimus.

Cum autem inter reliquos Status ejusdem Provinciæ Livoniæ, qui ad profitendam & recognoscendam subjectionem suam apud Nos comparuerunt, universus Equestris Ordo totius illius Provinciæ, nempe ipsa Nobilitas, indigenæ tam ultra citraque Dunam habitantes, per certos Nuncios, & Plenipotentes suos, videlicet Nobiles, Rempertum Gilzemium, Juris Doctorem, Gregorium Francken, Fabianum a Borch, Henricum & Joannem de Medhem, cum sufficienti plenipotentix suæ mandato, sigillis multorum Nobilium ex tota Provincia Livoniæ consignato, apud Nos comparuissent, Nosque suo ac totius Nobilitatis Livonicæ nomine, de confirmatione jurium, libertatum, privilegiorum & immunitatum suarum, humiliter atque suppliciter compellassent; Obtulerunt Nobis in scriptis certa capita seu articulos, quos a Nobis in omnibus eorum punctis, clausulis & conditionibus, confirmari, approbari & ratificari, debita cum in-

L

stantia

stantia supplicaverunt; Quorum quidem capitum seu articulo-
rum tenor de verbo ad verbum sequitur, & est talis:

I. Primum & ante omnia Sacrae & Serenissimae Majestati
Vestrae, Domino nostro Clementissimo, & tum libertatis no-
strae vindici, tum & liberatori, in quo omnem spem & fidu-
ciam liberationis nostrae concepimus, debita qua par est humi-
litate, nostro totius Nobilitatis Livoniae nomine supplicamus,
ut Sacrosancta nobis & inviolabilis maneat Religio, quam juxta
Evangelica Apostolicaque scripta purioris Ecclesiae, Nicanae Syn-
odi, Augustanisque Confessionem, hactenus servavimus, ne-
ve unquam ullis five Ecclesiasticorum, five Saecularium, pra-
scriptis, censuris & adinventionibus, gravemur turbemurque
quovis modo; quod si praeter spem acciderit, nos tamen juxta
Sacrosanctae Scripturae normam, qua praecipitur plus Deo, quam
hominibus, obtemperandum esse, nostram retineamus Religio-
nem, consuetasque ceremonias, neque nos in ulla ratione ab
hac avelli sinamus. Si vero errores, quorum malus ille Dae-
mon autor est, in illa suboriri contingeret, ut hisce dirimendis
tollendisque Evangelici Apostolicique Doctores purioris Ecclesiae
Augustanae Confessionis adhibeantur.

II. Proximum est, ut Ecclesiae conserventur, collapsae re-
stituatur, & quae ministris puri Evangelii Doctoribus five Con-
cionatoribus, & istorum honesta sustentatione, non provisae,
ut hisce ex liberalitate Sacrae Regiae Majestatis provideatur; &
si quis census fundique hisce adempti, vel suppressi fuerint, ut
illi vel restituantur, vel aequivalente pretio compensentur.

III. Ne pauperes negligentur, illorum enim juxta atque
Religionis rationem habendam esse censemus. Cum nobis por-
ro constet, quanta sit calamitas pauperum, qui hac bellorum
clade

clade ex divitibus pauperes facti sunt, suppliciter petimus, ut collapsa hospitalia bonaque illis olim consecrata restituantur, & in quibus ante locis antiquitus erecta nulla fuerint, ut erigantur, & tam a Sacra Vestra Regia Majestate, quam a Principe nostro, pro Regia munificentia & liberalitate, dotentur. Quo facto CHRISTVS, qui hæc in se collata reputabit, Vestræ Regiæ Majestati, Regnorum ditionumque suarum feliciorum splendidioremque faciet gubernationem. Ac cum hoc bello (proh dolor!) afflictissimæ, maritis parentibusque cæsis, multæ viduæ, orbæ parentibus virgines, in eam egestatem redactæ sint, ut, quo vitam tolerant, vix habeant, obnixè oramus, ut imprimis de collegiis cœlibum virginum ita constituatur, ut afflictissimæ & miserrimæ viduæ virginesque maritis parentibusque orbatæ, in hæc recipiantur, necessarioque victu amictuque prospiciantur, donec vel cœlibem optent vitam, vel sanctum petant matrimonium. Neque enim in hoc vel cœlibum virginum, quarum numerus non ita magnus est, vel præfectorum earundem privatum commodum, sed commune potius bonum spectandum est. Utque idem cum Cœnobiis Monachorum, si illa Sacræ Regiæ Majestati Vestræ aliquando ex manibus hostium restituta fuerint, constituatur, propter miseros exanimatos senes, & pupillos parentibus orbos, paternisque bonis destitutos, qui in iisdem ali, educari, & humanioribus literis erudiri, poterunt, cum maximo Reipublicæ commodo. Ita enim ex Cœnobiis præfatis vetus Collegiorum forma restituetur, ex quibus honorifica Ecclesiæ & Reipublicæ organa, quandocunque necessarium fuerit, depromi poterunt.

IV. Cum nihil Respublicas magis quassare atque concutere soleat, quam legum, consuetudinis atque morum, mutatio; Sacra Regia Majestas Vestra bene constitutas Respublicas hac

ratione, non modo servandas, sed collapsas restituendas, prudentissimo atque vere divino consilio censuit, quod per Illustrissimum atque Magnificum Principem ac Dominum, Nicolaum Radziwil, in Olyka & Nieswiez Ducem, Palatinum Vlnensem, Dominum nostrum clementissimum, Principibus, Nobilibus, Civitatibus, atque Statibus Livoniae, sub ipsius Sacrae Regiae Majestatis plenae potestatis mandatique proposito scripto promiserit, nobis non solum Germanicum Magistratum, sed & jura Germanorum propria atque consveta, concessuram, permissuram, atque confirmaturam se esse, quod & ad praesentis status conservationem, & collapsi erectionem restitutionemque, facit plurimum. Ut autem certum atque commune aliquod Provinciale jus, quo omnes Provinciales teneantur, ex consvetudinibus, Privilegiis, latisque sententiis, autoritate Vestrae Sacrae Regiae Majestatis, constituatur, etiam atque etiam oramus, ut ad eam rem certi homines, in Jurisprudencia versati, ex autoritate Majestatis Vestrae designentur, qui talem formulam Juris Provincialis concipiant, componant, & communibus Reipubl. Livoniae Ordinibus consentientibus ad recognoscendum, confirmandum & promulgandum, Vestrae Sacrae Regiae Majestati offerant.

V. Ut solis indigenis, & bene possessionatis dignitates, Officia & Capitaneatus, *ad instar Terrarum Prussiae*, conferre dignetur, prout nobis Regiae Majestatis nomine promissum est, atque praescribantur nobis dignitates, officia & Capitaneatus, & quando & quibus quisque praeficietur.

VI. Quamvis inficias ire non possumus, *appellationis remedium ad Tribunal Regium, superioritatem Sacrae Regiae Majestatis maxime respicere*, neque nostri instituti sit, illam attenuare vel
le :

le: Tamen putamus, Sacram Regiam Majestatem, propter commodum & profectum Provincialium, aliam viam, & eam quidem compendiosiore, & consensus communis arbitrio, & Vestræ Regiæ Majestatis approbatione, invenire constituereque posse, ne vel propter itinerum difficultatem, locique interca-
pedinem maximam, vel propter miserorum inopiam, plures causas in judicia delatas differri, & divitibus improbis, male-
volisque hominibus insolentiæ materiam præberi, contingat; con-
sultum itaque nobis videtur, ut Sacra Regia Majestas Vestra in
Civitate Rigenfi, tanquam totius Provinciæ Metropoli, certos
Judices seu Senatores Suos constituat, idque ex indigenis per
nostrum Equestrem Ordinem delectos, per Majestatem vero
Vestram confirmandos, qui semel bisve in anno Rigam statis
temporibus una conveniant, & causas appellationum, ex au-
toritate Majestatis Vestræ, decident: ab illo vero Senatus Maje-
statis Vestræ judicio, in causis gravibus, & maximi momenti,
ad Tribunal Majestatis Vestræ, non minus ex Archi-Diœcesi,
quam ex Majestatis Vestræ, & illustrissimi Domini Magistri di-
tionibus, hoc est ex tota Provincia, ad Majestatem Vestram,
tanquam ad supremum & hereditarium Dominum nostrum,
appelletur; Ita tamen, ut temerariæ & frivolæ appellationes
prævidantur, statuatur expressa pœna in temerarie appellantes,
& extrahentes litem sine justa, legitima & probabili ratione, &
ut taliter delinquentes condemnentur in decimam partem cau-
sæ, cujus dimidia pars sitco Majestatis Vestræ, altera dimidia
pars appellato, dependatur.

VII. Cum hoc proprium Regionis decus sit, atque ipsa
Majestas, quæ neminem vel minima latione offendere, unicui-
que quod suum est tribuere, quod unicuique est, ex ampli-
tudine munificentiae suæ adaugere, consuevit, liberalissime Ve-
stræ

stræ Sacræ Regiæ Majestatis nomine promissum est nobis omnibus atque singulis, de quorum nomine missi sumus, quod nobis atque ipsis, beneficiorum, feudorum, a Principibus & prædecessoribus suis acceptorum diplomata, consignatas literas, possessiones, consuetudines, privilegia, ac libertates, & quæcunque longissimo temporum usu acquisivissent obtinuisseque, inviolabiliter servari & confirmari, sed si quæ majora ipsis omnibus atque singulis ex usu esse possent, quod ea quoque ex Regia liberalitate de novo concedi deberent. Quam Regiam facilitatem, clementiam & benignitatem ut observanti pectore animorum nostrorum prosequimur; ita eam fortunis nostris omnibus, vita, saluteque ipsa demereri, sedulo parati erimus. Proinde petimus, qua decet humillima observantia, ut non modo quæ antea dicta sunt præstentur nobis; verum cum plures sint in Livonia, qui cum consanguineis suis atque aliis familiis, jus simultaneæ sive conjunctæ manus contrahendi facultatem olim nacti sunt, ut hoc ipsum privilegium, a Vestra Sacra Regia Majestate cæteris quoque omnibus, videlicet universæ Nobilitati, æque illis, qui sub dominio *Domini Magistri* cæterorumque Principum mansuri, ac illis, qui Sacræ Regiæ Majestati Vestræ immediate subditi futuri sunt, nostrisque personis ex liberali favore, pro Regio Vestro splendore atque amplitudine, gratiosissime concedatur, in omnibus illorum bonis feudaliibus, quæ modo obtinent, quæ in futurum quovis modo, sive speciali gratia, sive contractu licito, obtinere poterunt, non modo cum consanguineis, affinibus, sed aliis quoque exteris familiis atque sociis, tale jus simultaneæ sive conjunctæ manus coire atque contrahere; hoc est, ut habeamus liberam & omnimodam potestatem, de bonis nostris disponendi, dandi, donandi, vendendi, alienandi & in usus bene placitos, non requisito

quisito Majestatis Vestrae consensu & alterius cujusvis superioris, convertendi.

VIII. Si forte in hac belli calamitate, deprædatione, igne-ve vel alio casu, cujusque diplomata, monumenta privilegiorum, libertatum, aliarumque concessionum atque obligationum, amissa, absumpta, perditæ essent, ut illa a Sacra Regia Majestate novis diplomatis, non modo innoventur, si de bonorum hæreditatione tranquilla atque continua possessione constiterit; Verum ut etiam obligatarum literarum, quæ hoc tumultu bellico perditæ sint, fructu ii non careant, qui duorum vel trium testium autoritate obfirmare possint, tales literas penes ipsos fuisse, & ex adverso de soluto, numerato, vel satisfacto, per alia literarum argumenta nil constet.

IX. Ut Sacra ipsius Regia Majestas Nobiles atque Proceres Livoniæ omnium honorum, dignitatum, jurium, libertatum atque prærogativarum, quibus hætenus tam Ecclesiastici, quam Sæculares, Barones, atque Nobiles Domini, Regni Polonici utuntur & fruuntur, juxta formam atque modum, quibus Pruteni sub Sacra ipsius Regia Majestate positi ab ipsa obtinuerunt, participes facere dignetur.

X. Ut nobis libertatem gratiæ (ut vulgo appellant) pro Regia benignitate concedat, quemadmodum in successione feudorum subditi Ducatus Esthoniæ, Harriæ, Wironiæ, ac Diocesis Rigensis, olim a Regibus Danorum singulari beneficio usque in hunc diem obtinuerunt, ut eodem modo nos ejusdem privilegii fructum, ex Vestra Sacra Regiæ Majestatis ampliore augustioreque munificentia, capeßere, atque cum perpetua Augusti nominis celebratione posteris nostris relinquere possimus; hoc est, ut habeamus potestatem succedendi, non modo in descendenti, sed etiam in collateralis, linea utriusque sexus; Ita tamen,

men, ut præferatur masculinus, & famellæ pro modo facultatum dotentur; masculis vero non existentibus, fœmellæ in omnibus succedant, *salvo tamen Majestatis Regiæ jure fisci, seu jure caduco.*

XI. Cum nos Sacræ Regiæ Majestati Vestræ, illiusque Regno, Magno Ducatui Lithvaniæ, ac ditionibus, inevitabili necessitate in hisce nostris angustiis; quibus *propter barbari hostis insolentiam ad extremum cum Principe nostro redacti, & ab Imperio Romano deserti, nos, vitamque nostram, parentes, uxores & liberos, tueri non possumus, sed medius fidius in hostis crudelissimi potestatem venire oportuerit, priusquam ab Imperio defenderemur, in subjectione consenserimus*; Sacra ipsius Regiæ Majestas efficiat, quemadmodum cautum est, ut propter hanc Principis nostri deditionem, nosque subditos, apud invictissimum Imperatorem, Electores, Principes ac Status Romani Imperii, tueatur honorem, substantiamque nostram, *ne censura Imperii publica, aliave infami nota vexemur, damnove afficiamur, quin potius indemnnes conservemur.*

XII. Ut nos in posterum a Sacra Regiæ Majestate non solum contra Moschum, sed quoscunque hostes nostros, conjunctis Regni Poloniæ omniumque ditionum suarum viribus, de facto defendamur, hostem in propriis ditionibus integra belli mole quamprimum adoriamur, ne vel hostilibus, vel sociis armis, sociorum terris graviora majoraque damna inferantur: Melius etenim est ex hostium sanguine æstare, quam nostri sociorumque deprædatione perditioneque saginari.

XIII. Ut nemo in suis graniciebus atque constitutis limitibus prædiorum suorum, qui ex certis monumentis liquent, perturbetur, sed in possessione illorum a Sacra ejus Regiæ Majestate

jestate tueatur. Si vero qui limites temporum vetustate corrupti amissive essent, ut illi sive per delegatos, sive per arbitros, prout æquitatis postulaverit ratio, innoventur restituanturque. Ubi vero in terris Livoniæ dispersi inter se Nobilium, item rusticorum, agri habentur, & ut Germanice appellantur, *Streublande und Hakenlande*, isti secundum consuetam mensuram unicuique integri, absque ulla diminutione, læsioneve permittantur, ut scilicet juxta veterem præscriptam formam quilibet uncus aut mansus agri, quem vulgo *Haken* nominamus, sexaginta sex funes, sive ut dicitur, bastas, quarum bastarum quælibet sexaginta sex Faden contineat. Quæ vero ex vastis nemoribus, multo longoque sudore acquisita, primi occupantis, juxta juris communis ordinationem, manebunt, nisi prior occupans illa deinceps pro derelicto habuisset ac alius ea abunde possidisset, legitimeque præscripisset, ut is quoque in tali possessione retineatur, tueaturque.

XIV. Ut Nobilibus Livoniæ integrum atque liberum sit, per Regnum Poloniæ, Magnum Ducatum Lithvaniæ, aliasque suæ Regiæ Majestatis ditiones, Regalibus viis, & ubicunque ipsis negotium fuerit, absque ulla remoratione telonii aliarumve datiarum impositione, vel requisitione, libere ire atque transire, mercatoribus exceptis, idque tam terra, quam mari, cæterisque fluminibus, cum omni immunitate permittatur. Et si aliquem istorum in præfato Regno, Magnoque Ducatu Lithvaniæ, aliisque ditionibus, quidquam deponere contingat, ut idem sine ulla molestia, ulloque telonii & quarumvis aliarum datiarum gravamine, inde revocari & reduci, quandocunque visum fuerit, integrum liberumque maneat.

XV. Ut, confecto hoc bello in Livonia, veteres regales & communes strætæ restituantur in pristinum statum, serventurque, reliquæ vero ab usu communi alienæ præcludantur, pro-

pter varia incommoda, quæ ultro citroque dominis vicinis eorumque subditis inde suboriri possunt.

XVI. Ab hostibus pro defensione communis patriæ capti, & postliminii jure, & redemptionis beneficio per Vestram Sacram Regiam Majestatem fruantur atque gaudeant, ut, etsi servitutis calamitate mortui censeantur, tamen spe recuperandæ libertatis vivere videantur.

XVII. Quamvis major pars Nobilitatis per hostem partim bonis suis Feudalibus spoliata, partim diuturnitate belli fortunis exhausta, ut uxorum atque liberorum sustentationis plerisque plane nihil, aliis vel minimum, superfit; tamen illos singularis erga Sacram Vestram Regiam Majestatem observantia, item fortunarum, libertatum, dignitatis, vitæ etiam atque salutis propriæ, respectus eo impellunt, (quæ ipsis partim beneficio Vestræ Sacræ Regiæ Majestatis hactenus utcunque servata sunt, partim Dei beneficio servata ac restituta iri sperant) ut non modo ipsam omni honore venerentur, sed vita atque salute ipsa illud libenter contestabuntur. Et cum plurimi nostrorum nihil reliquum habeamus præter vitam, hanc parati sumus quoquo tempore apud Sacram Regiam Majestatem Vestram exponere: Reliqui vero etiam si & ipsi belli quinquennalibus sumptibus exhausti; tamen se illi offerunt, & nos una cum eis offerimus ad omnia, quæ possibile esse poterunt, speramusque, Vestram Sacram Regiam Majestatem, si ad expeditionem bellicam eo, quo consueveramus, equitatu propter exhaustas vires prodire non poterimus, illud non tam ulli neglectui, aut protervitati, sed impossibilitati, imputaturam esse. Postulamus itaque, ut unusquisque secundum restantes facultates bellicam expeditionem Sacræ Regiæ Majestati Vestræ serviat, non autem secundum eas, quas ante, rebus integris stantibus, obtinuit, & ut eodem plane modo,

modo, si qui extra numerum sui debiti ac soliti equitatus ac servitii, in honorem atque commodum Sacræ Regiæ Majestatis Vestræ, plures equites atque milites educere possent ac vellent, stipendia conferantur, quemadmodum cæteris Sacræ Vestræ Regiæ Majestatis, Regni, & Magni Ducatus Lithvaniæ, incolis numerari & conferri consueverunt, utque id tam in præsentî, quam futuris, belli temporibus perpetuo servetur.

XVIII. Cum digna vox Majestate Regnantis sit, fateri, Imperium subiectum esse legibus, ne deinceps ullus Princeps, ullus Magistratus, sive superior, sive inferior, vel quivis alius, extra cognitionem causæ, Nobiles vasallos, vel quosvis alios, possessionibus temere exuat, destituat, spoliervæ: sed si quid juris in alium habere quisquam putarit, hoc ipsum coram judicio ordinario Senatorum Majestatis Vestræ Regiæ, vel Provinciali conventu, experiat. Non enim æquum est, ut in propria causa quis ipse sit judex. Sicut enim jus oritur ex factò; ita de uniuscujusque factò aut culpa non nisi mediante jure, lege & sanctione, per Judicem decidi debet. Nemo itaque in posterum causa indicta, non convictus, neque legitimo juris processu damnatus, fortunis aut facultatibus suis exuatur, quemadmodum antea exuti sunt nonnulli honesti, & in suos Principes & Magistratus obedientes, fideles & officiosi, cives. *Et ut in tali facto liceat oppresso ad Tribunal Sacræ Regiæ Majestatis Vestræ Regium, extraordinarie, coram Notario, instrumento gravaminis, & de salvo conductu ad cognitionem causa Sacræ Regiæ Majestatis Vestræ, supplicare.*

XIX. Ut nullus, cujuscunque eminentiæ aut conditionis existat, personis, castris, domibus aut possessionibus alicujus, ullam violentiam inferre, incursiones facere, in publicis stratis insidias ponere, præsumat. Qui autem super his convictus, ut

juxta leges capitis poena plectatur. Simili modo hi, qui honestas matronas, viduas, virginesque raperent, vel per vim stuprarent, comprimerentve, cum alias ipsis omnis debeat honoros atque reverentia, ac merito, ut eodem capitis supplicio puniantur.

XX. Cum etiam mercatores, praesertim peregrini sive exotici homines, in Nobilitatis ac civitatum injuriam, pelles, frumenta, lupulum & alia mercium genera, in villis ac pagis clam & publice coemere, negotiationesque illicitas exercere, soleant, ut illud Vestrae Sacrae Regiae Majestatis autoritate caveatur, prohibeaturque, ne id de cetero fiat. Vt autem ratio Dominorum Nobilitatisque habeatur cum pellibus ferarum & bestiolarum, Sacra Regia Majestas Vestra providebit.

XXI. Quemadmodum antiquitus omnibus Livoniae Proceribus, Nobilibus, Equitibus, Vassallisque libera in universum hucusque ferarum lustra atque meatus fuerunt, ipsaque venatio liberrima, ita sylvarum, nemorum, pascuorum, pratorum actuumque, liberrimum habuerunt usumfructum, quod ex feris bestiolisque sylvestribus pelles, quas vulgo *Wildverck* nominat, ex nemoribus sylvisque omnium lignorum usum, qualemcunque meliore fructu habere obtinereque potuerunt, quod *Waldtverck* dicimus, in omnibus speciebus ejusdem, in cinerum sive liquoris piceae extractione, sive aliis lignorum diversis sectionibus, is comparari unquam poterat; Ita quoque mutua atque transitoria fiat & est adhuc hodie servitus, qua ultro citroque alter in alterius fundo liberrima habet apum pascua & mellifluas arbores. Quemadmodum haec omnia investiturarum monumentis, longissima praescriptaque consuetudine, adhuc hodie ab omnibus Nobilibus obtinentur & servantur; Ita quoque omnes Nobiles atque Proceres Livoniae haecenus habuerunt Jus co-
quendae

quendæ cerevisiæ, illiusque ad suas tabernas vendendi potestatem, absque ullius impedimento, vel datiarum vel assisnatorum gravamine. Ne vero in posterum callidis officiariorum adinventionibus, ne dicamus expilationibus, in talibus libertatibus quoquo modo graventur, petunt Nobiles ac Proceres Livoniæ, ut hæc specialius privilegio Regio explicentur, ne omiffa impræsentiarum, nocuisse olim, sed quæ expressa jam prodesse & in futurum & perpetuum profuisse, videri poterunt; publica tamen contributione, & alio vectigali, communi consensu Ordinum & universæ Nobilitatis, ad Sacræ Regiæ Majestatis Vestræ & Reipublicæ necessitatem, pro tempore decernenda, semper excepta.

XXII. Vt rustici, qui vel per Principis concessionem in alicujus potestate fuerunt, ab aliis non capiantur, neque derineantur, sed ad ejus, cujus intersit, postulationem exhibeantur, nisi certis diplomatum argumentis, vivisque testibus edocere quis poterit, illos sibi a legitimis ipsorum Dominis concessos atque translatos esse, manebunt in potestate ejusdem, in quem eum in modum concessi translatique fuerunt, alias restituantur secundum receptum morem & antiquam consuetudinem Livoniæ.

XXIII. Vt hæcenus Nobilium rustici ad sola Dominorum suorum opera fuerunt obstricti: Ita petimus provideri, ne ad alia servitia in libertatis nostræ præjudicium cogantur, sed ut antiqua consuetudo observetur.

XXIV. Vt fines terrarum diligenter observentur, ne prædones & grassatores ingrediendo impune grassentur.

XXV. Ne lites atque controversiæ transactionibus judicatæ vel sopitæ in posterum resuscitentur, Suxque Sacræ Regiæ Majestati

jestati inclytisque Senatoribus molestiam inferant, *ut in genere transactiones ac definitivæ sententiæ omnes a Principibus Livoniæ dictæ latæque per Sacram Regiam Majestatem Vestram confirmantur.*

XXVI. Cum sæpenumero in Livonia acciderit, quod nonnulli Nobiles a propriis rusticis clam occisi sint; Ut vero in posterum a talibus flagitiis deterreantur, petunt Nobiles Livoniæ, ut de singulari gratia, merique Imperii Sacræ ejus Regiæ Majestatis potestate, suis curiis capitalis civili que judicii privilegium, quemadmodum Nobiles Estoniæ Ducatus olim a Regibus Danorum consecuti sunt, & in hunc usque diem obtinent, annectatur concedaturque.

XXVII. Ultimo, cum ex Monetæ inæqualitate hætenus varia & inexplicabilia damna atque incommoda Livoniæ illata sint; petimus de illa etiam certum quid constitui, scilicet, ut ea excudatur in posterum moneta, quæ in gravi valore & æstimatione par Polonicæ & Lith. existat, ut ultro citroque Polonica Lithvanicaque moneta in Livonia, Livonica e converso in Polonia & Magno Ducatu Lithvaniæ, currat.

Nos itaque SIGISMUNDUS AUGUSTUS, Rex Poloniæ, & Magnus Dux Lithvaniæ, præfatus, &c. præinsertos articulos XXVII. & humiles supplicationes universi Equestris Ordinis Nobilitatis Livonicæ, tanquam justas ac legitimas, *autoritate Nostra Regia, tanquam directus Dominus, cui merum & mixtum Imperium in totam Provinciam, vigore præsentis subjectionis Nobis professæ, competit, in omnibus earundem postulationum & articulorum clausulis, punctis & conditionibus confirmandos, approbandos & ratificandos esse, duximus, prout confirmamus, approbamus & ratificamus præsentibus hisce literis Nostreis, decernentes eas abhinc, & in posterum, robur debitæ & perpetuæ firmi-*

firmitatis obtinere debere, utili tamen dominio Illustrissimi *Domini Magistri* per hanc confirmationem Nostram, in terris Illustritatis ejus, nihil derogantes, harum testimonio literarum, quibus, in fidem præmissorum, sigillum Nostrum præsentibus est subappensum. Data Vilmæ, feria sexta post Festum Sanctæ Catharinæ, Anno Domini M. D. LXI. Regni vero Nostri Anno XXXII.

III.

Juramentum Regis Poloniæ, circa subjectionem præstitum.

EGO Sigismundus Augustus, Dei gratia Rex Poloniæ, Magnus Dux Lith. Russiæ, Prussiæ, Mazoviæ, Samogitiæ, Livoniæque Dominus & Hæres, juro, spondeo & promitto, ad hæc Sancta DEI Evangelia, quod omnia jura, libertates, privilegia, immunitates Provinciæ Livoniæ, Ecclesiasticas & Sæculares, Ecclesiis quoque & Spirituali earum statui, Archiepiscopo, Episcopis, Principibus, Magistris, Capitulis, Commendatoribus, Advocatis, Nobilibus, Vassallis, Civibus, incolis, & quibuslibet personis, cujusque status ac conditionis existentibus, per Imperatores Romanos & alios quoscunque Reges, Duces, Principes, Ordinis Teutonici Magistros, & alios legitimos Magistratus, illi Provinciæ & Statibus concessas, manu tenebo, servabo, custodiam, & attendam in omnibus conditionibus atque punctis. Omnia illicite ab eadem Provinciæ alienata, aut per hos belli tumultus Moschorum avulsa, pro posse meo & conjunctarum Provinciarum mearum, ad proprietatem ejusdem Provinciæ, armis sive pactationibus recuperabo, aggregabo; Terminos ejusdem Provinciæ non minuam, sed pro posse meo
dimi-

diminuta & in hostium potestatem redacta recuperabo, defendam & dilatabo. Sic me DEUS adjuvet, & hæc Sancta Evangelia.

IV.

Juramentum Ordinum Livoniæ, Sigismundo Augusto, Vilmæ, per Legatos præstitum.

NOS Commendatores, Advocati, Nobiles, Vasalli, Cives, Civitatum Proconsules, Consules, nostro & reliquorum nostrorum amandatorum nomine *promittimus & juramus, quod ex nunc & deinceps fideles & obedientes erimus Serenissimo Principi & Domino, D. SIGISMUNDO AUGUSTO, Dei gratia Regi Poloniæ &c. pleno titulo, &c. Domino & Hæredi, ejusque Successoribus Regibus, ac Regno Polonia, Magnis Ducibus, & Magno Ducatui Lithvaniæ; Sux Sacræ Majestati Regiæ, Regno ac Ducatibus assistemus, necnon ejus Successoribus, contra quoslibet inimicos, quibuscum nullos tractatus, nulla fœdera, inducias aut contractus, faciemus, sine Sux Majestatis Regiæ consensu & approbatione; Sed nos in omnibus fideles, observantes & obsequentes, omni loco & tempore, præstabimus, consilium & alterius generis mandata nobis credita, ad suæ Sacræ Regiæ Majestatis damnum, non revelabimus, sed fideliter exequemur, omnemque machinationem, quam practicari suboleverimus in præjudicium Regiæ Majestatis & Ducalis dignitatis, custodiemus, præcavebimus, & pro posse nostro, summa fide impediemus. Sic nos DEUS adjuvet, & Sacrosanctæ Evangelicæ veritatis professio, necnon Crux, supplicium, ac mors Domini nostri JESU Christi.*

V. Jura-

V.

Juramentum Magistri Livoniæ

EGO N. Juro, quod ab hac hora & deinceps *fidelis ero & obediens Serenissimo Principi, pleno titulo, &c. Domino & Hæredi*, profectum illius fideliter procurabo, in negotiis Regiis & Ducalibus fideliter consulam, & secreta, quæ mihi qualitercunque concredita & communicata fuerint, in eorum detrimentum nemini pandam. Sic me DEUS adjuvet, &c.

VI.

Incorporatio Ducatus Curlandiæ & Semgalliæ cum Regno Polonia,

Lublino, d. 3. Aug. A. 1569. signata

SIGISMUNDUS Augustus, Dei gratia Rex Polonia, M. D. Lith. Ruffiæ, Pruffiæ, Masoviæ, Samogitiæ, Kijoviæ, Volhyniæ, Podoliæ, Podlachiæ, Livoniæ, Significamus præsentibus Literis Nostris, quorum interest universis & singulis: Quod cum Illustr. D. Gothardus, in Livonia Curlandiæ & Semigalliæ Dux, Generosos, Fridericum a Kanicz, & Michaelem a Brunow, Consiliarios & Senatores suos ad Nos Regni Nostri Ordines cum certis mandatis ablegavisset, atque hi ipsi literis fidei suæ plenipotentia prædicti Illustris Domini Ducis demonstratis, id sibi ab Illustritate sua junctum esse dicerent, quo nomine Illustritatis a Nobis Regni Ordinibus postularent, ac enixe peterent, ut, quoniam negotium Unionis Regni Nostri cum Magno Ducatu Lithvanæ ad salutarem finem exitumque optatum jampridem DEO immortalis adjuvante perduxissemus,

N

tem-

tempusque adesset, quo Livoniæ quoque a barbaro & truculento hoste majorem in modum populatæ & afflictæ per Nos aliquando consuli possit, *subjectionem Illustris Domini Ducis & subditorum ejus, de communi sententia atque assensu Omnium Ordinum Regni cum Ducatu Lithvaniæ uniti, acceptaremus*: Nos, etsi memoria tenebamus, superioribus annis, quo tempore ab Ordinibus Livoniæ crebris literis atque nuntiis ad eam ipsam subjectionem acceptandam sollicitaremur, *sortem illius Provinciæ atque calamitatem miseratos, hanc ipsam privatim & persona Nostra, in fidem atque protectionem Nostram suscepisse*; tamen & illud etiam meminimus, cum prædicta subjectio præsentiam Senatus Polonici ac plenioram deliberationem requireret, *rejecisse Nos hujus ipsius rei tractationem in tempus aliud ad eam rem conficiendam commodius*. Quod cum se Nobis obtulisset, faciendum esse existimavimus, flagitantibus præsertim Illustris Domini Ducis Plenipotentibus, & Unione Regni cum Magno Ducatu Lithvaniæ absoluta & perfectæ, & ejus Illustris subjectionem per supradictos Plenipotentes Illustritatis ejus Nobis delatam de consensu & voluntate omnium Ordinum Regni & Magni Ducatus Lithvaniæ, ita ut ante dictum est, uniti, in præsentibus Regni comitiis acceptaremus, quemadmodum præsentibus literis Nostris acceptamus, *ipsumque Illustrum Principem in fidem & clientelam Nostram Regnique Nostræ cum omni Ducatu, & ditionibus Illustritatis suæ, publico Regni cum Magno Ducatu Lithvaniæ uniti nomine, recipimus*; nimirum ut ab eo tempore in posterum Illustr. sua ejusque hæredes cum Ducatu Curlandico Semigallicoque Regno Nostrum cum Ducatu Lithvaniæ unito, tanquam uni & indiviso corpori, perpetuis temporibus subjiciatur & incorporetur, ac in clientela & defensione Nostra & Regni, cum Magno Ducatu Lithvaniæ uniti, permaneant, speramus autem Illustritatem suam, & ejus Illustritatis posteros,

in ea fide, voluntate, subjectione, quam Nobis Regnoque cum Ducatu Litvaniæ unito per supradiſtos Plenipotentes detulerunt, conſtanter permanſuros & firmiter perfeveraturos.

Quibus Nos viciffim defenſionem Noſtram, Regni Noſtri, ac conſervationem omnium privilegiorum, libertatum immunitatum, a Nobis eiſdem conceſſorum, libertatibus Noſtri tamen Regni non adverſantium, pollicemur atque promittimus; quæ Privilegia, immunitates, libertates, tum renovaturi, confirmandi, & in pleniorum formam redacturi ſumus, cum Illuſtritas ſua Nobis, Regnoque Noſtro debitum homagium præſtiterit. In cujus rei fidem & teſtimonium manu Noſtra præſentes ſubſcripſimus, & ſigillum Noſtrum appendi juſſimus. Datum Lublini, in Conventu generali Regni, die 3. Menſis Auguſti, Anno Domini 1569. Regni vero Noſtri XL.

X.

Formula Regiminis Ducatum Cur-
landiæ ac Semigalliæ in Commiſſ. Mitavienſi,

menſe Martio A. 1617. promulgata.

NOs Joannes Kuczborski, Dei & Apoſtolici Sedis gratia Epiſcopus Culmenſis ac Pomeſaniæ; Adamus Tavois, Samogitiæ, Maximilianus Przerebski, Zavichostenſis Caſtellani, Capitaneus Petricoviensis, Andreas Mleczko, Judex Terreſtris Upienſis, Gvilhelmus Kochanſki, S. R. M. Secretarius, Sereniſſimi & Potentiſſimi Principis & Domini, Domini Sigismundi Tertii, Dei gratia Regis Poloniæ, Magni Ducis Lithvaniæ, Ruſſiæ, Pruſſiæ, Maſoviæ, Samogitiæ, Livoniæque &c. nec non Svecorum, Gothorum, Vandalorumque hæreditarii Regis, Domini

nostri Clementissimi, Ordinumque Regni & Magni Ducatus Lithvanæ, in Curlandiæ & Semigalliæ Ducatum, Districtumque Piltinensem, plena cum potestate Ablegati Commissarii,

Significamus præsentibus literis Nostris, quorum interest universis & singulis: Cum inter alia Commissionis in Curlandiæ & Semigalliæ hoc Ducatu obeunda negotia illud quoque injunctum Nobis esset, ut jura & leges certamque rationem & formam, qua & Ducatus hic recte & ordine regi & gubernari, & justitia iis, quorum interest, administrari possit, Autoritate nostra Commissoriali præscriberemus constitueremusque; Nos id ipsum æqua & diligenti, tum primorum pactorum, quibus hæc Provincia Regno Magnoque Ducatui Lithvanæ adjuncta est, tum Decretorum Comitialium, Instructionisque nostræ, ratione habita, re cum Illustri Principe, Friderico, in Livonia Curlandiæ & Semigalliæ Duce, atque cum Nobilitate universa, communicata, in hunc, qui sequitur, modum explicasse, sancivisseque, ac usum in posterum frequentandum promulgasse, sancireque & promulgare præsentibus literis nostris.

In primis subl regimine Illustris Curlandiæ & Semigalliæ Ducis Supremi Consilarii & Assessores sint hi, Landhoffmeister, Cancellarius, Burggravius, & Landmareschalcus, omnes quatuor Nobiles indigenæ, beneque possessionati, cum duobus Doctoribus, Jurisconsultis, Nobilibus ipidem, si haberi possint, vel iis deficientibus, ex Civico statu.

Cancellarius sit vir doctus, atque ad obeundum sustinendumque illud munus idoneus, cui defuncto ex majoribus minoribusve Capitaneis, vel reliqua etiam Nobilitate, ubi nimirum vir gerendo muneri par inveniri possit, substitui a Principe debet.

Nomine autem Indigenarum etiam Poloni & Lithvani Nobiles, in Curlandiæ & Semigalliæ Ducatu bene possessionati, comprehendantur.

Principem si abesse a Ducatu, vel minorem, aut infirmum esse, vel etiam mori, contigerit, præfati Consilarii Jurisdictionem & Judicia exercebunt, mandata & sententias, aliaque omnia administrationis munia, Principis nomine, quamdiu in vivis erit, expedient, ac promulgabunt, atque hæc Jurisdictio eorum etiam mortuo Principe indivisa, atque in solidum censi debet, & uno pluribusve eorum defunctis, reliqui suo munere plene fungantur; *Jure tamen Sacræ Regiæ Majestatis & Reipublicæ per omnia & in omnibus salvo.*

Secundum hos Consiliarios, Assessores proximo loco in Ducatu sint Capitanei majores quatuor, duo in Semigallia, Selburgensis & Mitaviensis, & *si Sacra R. Majestas ac Respublica Ducatus quoque Curlandici partem sub unius ejusdemque Principis regimine esse voluerit, in Curlandia totidem*, Goldingensis & Tuckumensis, qui & ipsi ex indigenis beneque possessionatis a Principe eligantur; Ex quorum quatuor Capitaneorum numero, si quis ex Consiliariis præfatis Supremis decesserit, alius in locum defuncti a Principe surrogetur.

Hi autem Capitanei majores quatuor singulis Nobilibus & ignobilibus, quorum Jurisdictio illis attribuetur, in Causis primæ instantiæ, adhibitis Assessoribus, quos habere poterint, jus dicent; Selburgensis nempe Selburgensibus, Dunenburgensibus & Ascheratensibus; Mitaviensis, Mitaviensibus, Bausenensibus, Nehogutensibus, Ekaviensibus, Baldonensibus, Sessaviensibus, Grentzhaffensibus, Doblinensibus; Goldingensis, Goldingensibus, Vindaviensibus, Alschvangersibus, Hasen-

Hafenpotensibus, Durbensibus, Gramdensibus, Schründensibus, Fravenburgensibus; Tuckumensis autem Tuckumensibus, Candaviensibus, Sabelensibus, Talsensibus, Acensibus. Quibus quidem Capitaneis Majoribus quatuor, five ii defuncti, five in locum Consiliariorum Principis defunctorum suffecti, fuerint, ex Capitaneis minoribus, quos Princeps voluerit, succedant. Neque vero quisquam, five Consiliarium, five Capitaneorum commemoratorum omnium, absque gravi & iusta legitimaque causa, de qua Princeps cum Consiliariis & quatuor Capitaneis majoribus cognoscet, loco movebitur; Ista autem cognitione facta removeri poterit.

Judicia Capitaneorum majorum quovis anni tempore, solis diebus Festis exceptis, exercebuntur, salva jurisdictione Nobilium singulorum in territoriis ac fundis eorum, secundum pacta illis competente.

Ab hoc autem Judicio Capitaneorum appellationes ad iudicium Principis aulicum supranominatorum Consiliariorum interponantur.

Judicia Aulica quotannis bis celebrentur, singula spatio septimanarum quatuor, aut minori, si nimirum tanta frequentia Causarum non sit, circa Festum Trium Regum, & TRINITATIS, a quibus appellationes omnes indistincte, in causis excedentibus summam sexcentorum florenorum, & honorem concernentibus, ad Regiam Majestatem deferantur: Partesque terminum ad prosequendam appellationem, ex lege hoc habebunt Judicii tempus, quod Pruthenicarum Causarum expeditioni in Aula Sacrae Regiae Majestatis datum est, Mensium scilicet Martii & Octobris, eademque appellationes ad Sacram Regiam Majestatem interpositæ ad iudicium Relationum Sacrae Regiae Majestatis proprium, præterito
Judicio

Judicio Affessoriali devolventur, atque ibidem, juxta leges & consuetudines Curlandicas, determinabuntur.

Littera inhibitoria processus, Judicio Principis pendentes, retardantes & cohibentes, *ante interpositam appellationem ex Cancellaria Sacra Regia Majestatis non extradentur*: impetrata autem nec justiciam dimorari, nec judiciorum auctoritatem sistere, neque judicata rescindere, poterunt, & impetrator earum amissione Causæ mulctari debebit.

Nemo omnium five Nobilium, five Incolarum, bonis suis, sine legitima cognitione & judicio, privetur.

Magistratus omnes & singuli Civitatum, & Oppidorum Decuriones, omnibus requirentibus, justiciam indilatam administrabunt, depactionesque ultra salaria assignata, aut sportulas usitatas a quoquam non exigent, sub pœna restitutionis & damni emergentis refusione.

Processus in omnibus Judiciis five criminalibus, five Civilibus, five inferioribus, five supremis, summarius sit, & oretenus omnia proponantur, non in scriptis: sententiis vero Judicum merita Causarum, ut in Regno Poloniæ moris est, inferantur: partibus tamen statum causæ suæ, pro informatione Judicis, brevissime conscriptum exhibere liberum erit.

Nobilium causæ criminales a Judicio Aulico Principis Confiliariorum, adjunctis quatuor Capitaneis Majoribus, determinentur, *appellatione ad Sacram Regiam Majestatem salva*; exceptis tamen causis publicorum criminum, invasionum, spoliis, incendiorum, violentæ deflorationis, scæminarum raptus, depredationum, homicidiorum ex dolo atque insidiis factorum, in quibus appellationes non admittuntur.

Post

Post sententiam definitivam five Judicii Aulici Principis, five Capitaneorum quatuor, præter appellationem, nullum aliud beneficium parti gravatæ contra sententiam latam tribuetur, five sit restitutionis, nullitatis, revisionis, vel quodcunque, quo lites protrahantur, sola declaratione sententiæ obscure pronuntiatiæ excepta.

Si lis inter Principem & Nobilem five unum, five plures, de possessionibus aliisque rebus orta fuerit, *causa ea immediate coram Regia Majestate intentabitur.* Quodsi etiam Sacra Regia Majestas, Successoresque ipsius, quibusdam ex Ducatu Curlandico aut Semigallico ex causa justa ac legitima fide publica cavendum, salvumque conductum tribuendum, existimaverint, *Illi pro Jure Regiæ Majestatis in hunc Ducatum Supremo, directo- que Dominio, apud Illustrem Curlandiæ & Semigalliæ Principem, Successoresque ejus, sacrosancti semper erunt, ac esse debebunt.*

Non dabuntur autem salvi conductus hominibus ullis facinorosis, sed tantum si quis, ex sinistra aliqua delatione, offensionem Principis Successorumque ejus incurrerit, vel adversarii alicujus potentia prematur, aut alia aliqua justa de causa dignus præsidio ac patrocinio Sacræ Regiæ Majestatis videatur; Dabunturque conductus tales non a jure, sed a vi tantum & potentia, eatenus, ut qui eos impetraverit, juri nihilominus se sistere, rei que judicatæ parere, teneatur; duranteque salvo conductu impetrator modeste se gerat, nullum injuria afficiat, & publicum salvum conductum illum ad notitiam omnium, maxime autem Magistratus, a quo vim veretur, adducat; ii que ad sex tantum mensium spatium dabuntur, intra quos menses, & jure experiri, & alia negotia sua honesta gerere, administrareque qui salvum conductum habuerit, possit: Spatio autem eo exacto, alium præter hunc impetrare ei liberum sit.

Frivole

Frivole Principem, aut Consiliarios, ad Tribunal Regium citantes, aut pertrahentes, & a quibuscvis aliis sententiis, five ipsius Principis, five Consiliariorum, five aliorum Judicum inferiorum, temere appellantes, aut Principem suum, vel quoscunque alios, sine causa apud Regiam Majestatem traducentes, damna omnia omnesque sumptus refundant, ac præterea Judicio Regiæ Majestatis, pro rei qualitate, arbitraria pœna puniuntur.

Executio rerum judicatarum ab Officialibus & Magistratibus in præjudicium eorum, quorum interest, non solum retardari non debet, verum unicuique vincenti, five indigenæ, five extraneo, æquali modo administrabitur, sine protelatione & mora, sub pœna refusionis damnorum, totiusque ejus, quod intererit partis læsæ, restitutione.

Executores negligentes pœna quinquaginta Hungaricalium, toties, quoties id commiserint, puniantur, & partes executioni resistentes pœna violatæ pacis publicæ irremissibiliter puniantur, a quibus pœnis nulla provocatio dabitur.

Mandata adversus executionem obtenta nullius valoris erunt, & qui ea impetraverint, pœna viginti Hungaricalium, Magistratus autem five executores talibus obtemperantes, quinquaginta, mulctentur.

Conventus publici singulis bienniis Mitaviæ celebrentur, ad quos singuli districtus, postquam articulos deliberatorios nacti fuerint, Nuncios suos cum sufficiente potestate ablegant.

In quibus Conventibus nihil decernetur, quod Pactis Subjectionis fundamentalibus, & Ducalibus investituris & hujus Regiminis formæ, aut ordinationi, sit contrarium, horum enim omnium æterna auto-

ritas esse & observari debet; Salvis Conventibus extraordinariis in casu necessitatis, ex legitima causa per Principem, communicato prius cum Consiliariis consilio, celebrandis.

Si tamen Princeps ejusmodi conventum indicere recusaverit, autoritate Regiæ Majestatis is indicetur. Gravamina enim, Jura hujus Provinciæ concernentia, re cum Consiliariis primum communicata, si Conventus haberi, vel impetrari a Principe non possit, vel extra Conventum ad Regiam Majestatem deferre unicuique liberum erit, quorum gravaminum (si causa justa & necessaria postea deprehensa iudicataque fuerit) deducendorum sumptus ex ærario Provinciali publico refundantur.

Liberum vero sit esseque perpetuo debet Dominis Consiliariis, cum a Nobilitate ad hoc requisiti fuerint, de iis, quæ Leges & Privilegia afficiunt, si forte aliqua in parte (quod absit) læsæ fuerint, præmonere Principem, ut salvas velit habeatque libertates, Privilegia & Jura, omnium & singulorum incolarum hujus Ducatus, qua ex admonitione, nullam, qui eam interposuerint, indignationem, vel pœnam, vel contemptum, aut odium, incurrant.

In Conventibus illi tantum ad Consilia accedant, qui per leges & consuetudines admittuntur, omnibus aliis, qui jus suffragiorum non habent, penitus exclusis. Quibus autem munus hoc competit, ut de rebus communibus deliberent, mature, debitoque tempore adsint, modestissimeque se gerant, procul omni tumultu, armis item insolitis omnibus remotis, ordine in dicendis sententiis observato, qui a Mareschalco, quem in singulis conventibus eligent, constituetur. Sententiæ sint liberæ, sed nonnisi Directoris jussu proferendæ, vota non anticipanda, nec cuiquam præcidenda. Is vero, qui ad prius dicta nihil habet, quod addat, aliorum sententiæ non invitatus subscribat.

Vasat-

Vasallagium Principis quod attinet, cum ejus quantitas & qualitas literis investiturae suae Illustritatis, ad normam Ducum Prussiae, determinata sit, huic ordinationi investiturae Illustritatis suae Illustrissimum Principem Curlandiae & Semigalliae praesentem, & futuros Successores, stare debere, omnino censemus.

Vasallagium autem hoc, & servitia Equestris Nobilitatis, nonnisi commonitione Regni & Reipublicae praecedente, praestabuntur, sub poena legibus Regni, de expeditione publica, sancta, exceptis periculis repentine a quocunque finitimo hujus Provinciae hoste ingruentibus, quo casu lustrationes & expeditiones bellicae, collato tamen cum Consiliariis hac de re consilio, a Principe decerni poterunt.

Servitia Nobilitatis a Principis Vasallagio sejuncta signis separatis, sub uno tamen regimine ductuque Principis, expediuntur, ad eamque aequalitatem deducantur, ut ex viginti uncis singulis, singuli Equites boni atque idonei, quorum in praelio usus esse possit, armis, omnibusque aliis rebus, bene instructi fiantur.

Ad quorum uncorum revisionem ab ipsa Nobilitate quatuor Nobiles, & a Principe duo ex Consiliariis, omnes ad hunc actum jurati, deputentur.

Praefecti militum servitii Nobilitatis ab ipsa Nobilitate nominentur, bini ad singulas praefecturas, ex quibus Princeps unum, quem probaverit, confirmabit atque constituet.

Aerarium provinciale publicum instituatur, & certus contributionis modus in quolibet conventu publico statuatur, in quo sanciendo pluralitas votorum concludet, cui aerario unus ex Capitaneis quatuor, duo ex Nobilitate, praeficiantur.

Titulum Nobilibus convenientem, *den Edlen*, Illustrissimus Princeps in literis, aliisque diplomatibus suis, in posterum tribuere sese velle, sponte sua obtulit, modo inter eos, qui vera nobiles sunt, & qui plebeji, constituto Judicio Equestri, quod *Ritterban* appellatur, discrimen fiat; Quam in rem Nobilitas cum Principe consensit.

Recessus omnes, nullis exceptis, cum penitus sublatis, & ab Illustri Principe Friderico Nobilitati sponte condonati, cassatiqve sint, nos quoque ab examine illorum supersedendum esse putavimus, ideoque omnes eos recessus tollimus & abrogamus autoritate Nostra Commissoriali.

Ad Oppignorationes in Semigallia a præfato Illustri Principe Friderico in Curiis *Bersboff*, *Barbelen* & *Ellern*, factas, siquidem Domini Consilarii Illustris Principis eas oppignorationes ex gravibus causis, partim persolvendi æris alieni, temporibus belli pro defensione Reipublicæ ab Illustri olim Parente Illustritatis suæ contracti, cujus summa sexaginta millia florenorum excedat, partim priorum debitorum nomine in usus publicos contractorum, profectas, atque Curias præfatas non magni momenti fundos esse, eliberationesque non difficulter fieri posse, assererent; ideo *Nos declarationi huic illorum inbærentes redemptiones præfatarum Curiarum (nisi forte moderni possessores desuper S. R. Majestatis approbationem inpetraverint) faciendas esse statuimus.*

Gravamina omnia privata, tam in Semigallia, quam Curlandia, deputatis ad hanc rem certis ex Consiliariis Principis atque Nobilitate personis, aboleantur.

Cum creditoribus quoque Fratris Illustrissimus Princeps Fridericus juxta pollicitationem, quam in compositione cum Nobi-

Nobilitate fecit, si illam partem Ducatus a Sacra Regia Majestate consecutus fuerit, bonis modis componet.

Ante cætera vero omnia hoc sancimus, ut Catholicæ Religionis, æque ac Augustanæ solius Confessionis, pactis primævæ subjectionis permissæ exercitium in hoc Ducatu Curlandiæ & Semigalliæ liberum sit, secundum præscriptum Romanæ ejusdemque Universalis Ecclesiæ, Illustri Principe, Friderico, universæque totius Ducatus Nobilitate, ad seriam postulationem Sacræ Regiæ Majestatis, eam in rem consentientibus: Vt nimirum quilibet Nobilium in suis bonis hæreditariis, Sacella, Oratoria pro cultu Divino privata Templaque ædificare, vel collapsa restaurare, Sacerdotesque Catholicos ad se accersere, eorum ministerio pro se, familia, subditisque suis, citra cujusvis impedimentum, citra coactionem utriusque religionis, uti possit, absque tamen diminutione Juris quoad redditus, sive ad Patronos, sive alios quoscunque, pertinentes, ita, ut si unus tantum sit Patronus Ecclesiæ & iste Catholicus fiat, Templum sibi cum omnibus redditibus retineat, si autem plures Compatroni, quorum unus Catholicam Religionem suscipiat, & peculiare Templum in bonis suis construat, nihilominus onera, quoad consuetas Augustanæ Confessionis pensiones, ferat. Tenebitur porro Magistratus Politicus ex officio, nomine liberi exercitii religionis, securitatem ab omni vi, injuria, contumeliisque cuilibet præstare. Ad munia quoque publica in Ducatu hoc, Catholicis, qui idonei fuerint, aditus pateat, salvis per omnia juribus, privilegiis, cautionibus, confirmationibus, Ducibus & Nobilitati Curlandiæ, quoad exercitium Confessionis Augustanæ, usumque suarum Ecclesiarum omnium ab eis ædificatarum, vel ædificandarum, quocunque Magistratu succedente, necnon admi-
nistranda-

nistrationis rei Ecclesiasticæ, per Serenissimos Poloniæ Reges benigne concessis.

Calendarium novum in omnibus Imperio Sacræ Regiæ Majestatis subjectis Provinciis receptum ad postulationem Nostram nomine Sacræ Regiæ Majestatis factam, Illustris quoque Curlandiæ & Semigalliæ Dux, Fridericus, consentiente ejusdem Nobilitate omni, recepit. Quod ut ad primam Januarii anni futuri Millesimi Sexcentissimi Decimi Octavi diem introducatur, promulgetur, constanterque in posterum ab Illustri Principe, ejusque in Ducatu Curlandiæ & Semigalliæ Successoribus legitimis, servetur, autoritate nostra Commissoriali constituimus.

Apostatæ aliique transfugæ utrimque, tam ab Illustri Principe moderno, quam ejus Successoribus, sine omni mora & contradictione, repetentibus extradantur & restituantur.

Novus Princeps Curlandiæ & Semigalliæ jurejurando, quod Sacræ Regiæ Majestati atque Reipublicæ præstabit, se quoque Nobilitatis universæ, omnium præterea & singulorum privatorum, libertates, privilegia, jura, immunitates, sarras atque tectas servaturum, contestabitur.

Formula Juramenti Novo Principi a Nobilitate præstandi, sit talis:

EGO N. N. Juro N. N. Curlandiæ & Semigalliæ Duci, ejusque Successoribus investitis, *et, si horum nullus superfuerit, Serenissimo ac Potentissimo Principi, ac Domino, Domino SIGISMUNDO Tertio, Poloniæ Regi, Illiusque Successoribus Regibus, & inclito Regno Poloniæ Magnoque Ducatui Litvaniæ, tanquam non solu*
lum

lum supremis ac directis, quales nunc sunt, sed etiam utilibus & immediatis tunc futuris, Dominis meis, tam uti cæteri Regni indigenæ, subditus fidelis, & subiectus esse, ejus Illustritatis commoda & emolumenta quærere & promovere, omniaque terrarum & incolarum Illustritatis ejus, quantum per me fieri potest, damna & incommoda præcavere, amovere; prævenire, uti fidelem & probum subditum decet, semper velim, qua in re nihil quidquam, quod humano ingenio excogitari poterit, me impediet. Sic me DEUS adjuvet, & Sancta CHRISTI Passio.



His ita constitutis illud postremo adjiciendum duximus, ut cum omnia, quæ hac formula regiminis continentur, pactis primævæ subjectionis hujus Provinciæ, juribusque aliorum Principum Vasallorum, feudali titulo Provincias in Republica Polona possidentium, atque adeo ipsi æquitati & justitiæ, sint conformia, ea deinceps sub pœna Decreti Comitialis anno superiore lati, tum & aliis Sacræ Regiæ Majestatis arbitrariis, observentur, debitæque executioni a suis Magistratibus demandentur.

Quia vero Ordo Equestris Ducatus, pro gravaminibus his abolendis, per nos ad præsens ob majorem animorum coalescentiam, non ad pœnas ullius, sed ad solam in futurum reformationem, sublatis, ad Sacram Regiam Majestatem, Dominum nostrum Clementissimum, confugerit, ne quid sibi in posterum metus, damni, aut alienationis animi Illustris moderni Principis, ejusque Successorum, contingat, cum id nobis Sacra Regia Majestas publica fide & autoritate Commissoriali præcavendum demandare dignata sit: Proinde speciali mandato ac rescripto Sacræ Regiæ Majestatis, una & Decretis præteritorum Comitiorum in Causis Curlandicis latorum insistendo, Ejusdem

dem Sacræ Regiæ Majestatis autoritate & voluntate declaramus, ut nullus horum omnium, quicumque sive in Conventibus particularibus, vel etiam Provincialibus hic in Ducatu, sive in Comitibus Generalibus, gravamina præfata, dicto scriptoque, tanquam assertores libertatum suarum, proponerent, atque tolli conati essent, operamque suam navarent, ut munus Nunciorum Provincialium obirent, ullius indignationi, odioque & damno subit, neque id illi a quoviam, potissimum vero supremo hujus Ducatus Magistratu, vitio verti debere aut posse, verum liberos & immunes, ac omni ex parte tutos permanere, iisque aditum ad quævis officia & dignitates gratia & benevolentia Principis, ejusque legitimorum posterorum, si idonei fuerint, patere, ut illis nulla in perpetuum eo nomine quæstio moveri, aut molestia a quoviam, cujuscunque ille status & præminentia fuerit, inferri debeat. Insuper omnes ex æquo in eam curam incumbant, quo pacatus tranquillisque hujus Ducatus Status permaneat, qui cum instar propugnaculi contra finitimos universæ Reipublicæ hostes ex hac parte esse debeat, omnes concordibus animis studia sua ad salutem ejus certatim & alacriter conferant. Illustri Principi suo, ac illius legitimis in Feudo Successoribus, obedientiam, honoremque exhibeant, fidei Regiæ Majestati & Reipublicæ Polonæ datæ memores sint, si omni felicitate Patriam suam florere, ita ac debent, peroprant.

XII.

Statuta Curlandica, seu Jura & Leges,
ad usum judiciorum Curlandiæ & Semgalliæ,
in eadem Commisfione Mitaviensi,

d. 18. Martii, A. 1617.

nomine Regiæ Majestatis, præscripta :

*De Potestate Publicâ deque Judiciorum
Forma & Processu:*

1. **J**udiciorum & omnium Conventuum cæterorum, quæ publice constituentur, summa sit securitas, tam in celebratione eorundem, quam in accessu & recessu.

2. Nemo cum bombardis, aut telis lethalibus, ad Judicia accedat, excepto gladio, quo accinctus erit, nemo eas eave arma publice portet, sub pœna X. Hungaricalium, aut sub pœna turris XIV. dierum.

3. Si quis alium in accessu & recessu, vel durantibus Judi-
ciis, occiderit, aut lethaliter vulneraverit, capite luat.

4. Delinquentes hoc pacto, sine citatione, in Conventu du-
rante terminum habeant; Aufugientes e facto recenti proscri-
bantur.

5. Judicia æstivo tempore a sexta matutina ad X. & po-
meridianis a XII. ad quintam, durabunt.

6. Judices ad officium judicandi electi principio officii sui jurabunt, quod secundum jura & conscientiam suam, absque ullo personarum respectu, jus dicere velint.

7. A judicando se non subducant, nisi legitimis impedimentis affecti, justoque tempore adsint & persistant, sub pœna Hungarici, tories, quovies contravenerint.

8. Commissarii nunquam dabuntur a Principe, nisi id a partibus peratur, vel ex officio, ut in causa familiæ herciscundæ, communi dividundo, aut finium regundorum.

9. Forum competens, sive sit civis hujus Provinciæ, sive non sit, habeat in tribus causis: Domicilio, Contractu, & Delicto.

10. Quodsi non incola incolam hujus Provinciæ convenire, & Conventus eundem reconvenire velit, is, qui Actoris partes suscepit, de Judicio sisti, & Judicatum solvi, cavere tenebitur, si scilicet conventionis & reconventionis causæ connexa fuerint, aut una ex altera dependeat.

11. Si quis, sive incola, sive non incola, alterum super debito aut crimine diffamaverit, aut traduxerit, ei, qui diffamatus fuit, liberum sit, diffamatorem ad suum forum citare atque pertrahere, sub pœna perpetui silentii, si citatus non steterit.

12. Procuratores quatuor erunt, non plures, qui, priusquam ad officium admittantur, a Consiliariis Principis examinentur, utrum idonei sint ad procurandum, vel non sint.

13. Admissi jurabunt, quod citra prævaricationem & calumniam, bona fide, Clientum suorum causas agere & pertractare velint, iisque certum salarium publico placito constituatur, quamvis cuivis extraneo, vel ordinariis, vel secum adductis, Causidicis, uti licebit.

14. Mulieres, pupilli & minorennes, sine Curatore a Judiciis abstineant, sub poena nullitatis, quin & non petentibus Curatores ad litem ex Officio dabuntur.

15. In singulis Præfecturis & Judiciis, tam universalibus, quam particularibus, Ministerialis unus, vel plures, per Principem creentur, qui soli citationes partibus insinuent, iisque in singula milliaria certum pretium tribuatur; Hos si quis violaverit, tanquam læsæ pacis publicæ reus, capite plectatur.

16. Citationes in curiis aut prædiis Citatorum, ubi commode tradi poterint, ponantur, non receptæ palis infigantur, & familiæ, quod talis citatio posita sit, significabitur.

17. Terminus IV. septimanarum in Citationibus sufficiat.

18. Actionem intentans si in loco Judicii possessionatus sit, promittere, si non possessionatus, de expensis, damnis & interesse, item quod actionem ceptam persequi & ad finem deducere, & ejus nomine reum ab omni alterius impetitione liberum præstare, velit, cavere tenebitur.

19. Si Actor contumax sit, neque per se, aut per alium, comparuerit, reus ab instantia in primo termino absolvatur, nec admittatur Actor, priusquam impensas refuderit, nisi forsitan ipse, vel ejus mandatarii, in itinere, inundationibus aquarum, aut morbo, aut captivitate, aut læsione, aut similibus casibus, præter suam culpam, affecti fuerint.

20. Reus autem conventus ad probandum legitimum impedimentum in primo termino, in secundo, tanquam convictus & contumax, in amissionem causæ, condemnabitur, neque audiendus erit, etiamsi in integrum se restitui, & Decretum reponi, petiverit, nisi jurejurando se a contumaciæ crimine intra sex menses liberaverit.

21. Exceptiones omnes, declinatoriæ, dilatoriæ & peremptoriæ, & primo termino proponi, & causa plene usque ad probationem definiri, debet, exceptis casibus, si instrumenta aut documenta quædam desiderentur.

22. Exceptio spoli omni actionem adversus spoliatum a spoliatore intentatam excludit, & intra spatium quindecim dierum probari debet, qua probata spoliator in principali & accessorio damna & interesse in solidum prius restituere debet, quam in Iudicio audiatur.

23. Actor, si probationibus destituatur, poterit reo juramentum super Actione intentata deferre, si ipse prius juraverit, quod non calumniandi animo ad hanc actionem processerit, quod Litis decisorium vocatur. Quodsi reus hoc juramentum præstare, vel Actori referre, recusaverit, pro convicto habendus est.

24. Si communitati hoc juramentum delatum fuerit, non omnes, sed ii tantum jurabunt, qui rei notitiam inprimis habuerint.

25. Si juramentum Principali delatum sit, & is post Sententiam moriatur, hæres ipsius de credulitate tantum, non etiam de scientia, jurabunt.

26. Poterunt præterea Procuratores, ad hoc peculiari mandato instructi, in animam sui Principalis absentis jurare.

27. Si Instrumenta, vel testes, in primo termino præsentari non possint, probationibus quatuor septimanarum terminus præfigetur, neque id spatium, sine magna & gravi causa, duplicari debet.

28. Testes sint honestæ personæ, non suspectæ, qui a producente nominentur, ut reus adversus eos modeste excipere &

& eos refutare possit, qui ad testimonium dicendum, si nolint, pignoribus capitis cogi debent.

29. Hi, presentibus partibus, tam producente, quam reo, jurabunt, ac deinde remotis arbitris examinentur, & eorum depositiones non ad disputandum partibus, sed Judici, ad Sententiam ex eis ferendam, edantur.

30. Nulli testes in posterum ante Judicium ceptum, parte altera absente & ignorante, quid agatur, examinabuntur, aut eorum attestations publicentur, nisi qui ad perpetuam rei memoriam, ætatis aut valetudinis causa, ad dicendum testimonium requisiti fuerint, quo facto eorum dicta obsignari, & non nisi ubi opus fuerit, in judicio proferri, & a solo Judice recludi cognoscique, debent.

31. Si quis, durante lite, aut ea jam definita, ad instrumenta noviter reperta provocaverit, jurejurando contestabitur, quod eorum instrumentorum notitiam ante hoc tempus nunquam habuerit, neque sua culpa potuerit habere.

32. Sententiæ declaratio si petatur, intra tres dies interponi, & statim declaratio fieri, neque ad sequens judicium differri, debet, quodsi ultimo Judiciorum die fiat, tantum temporis addendum erit, quo declaratio perficiatur.

33. Appellationem interponens si in hoc Ducatu possessionatus non sit, cautionem de expensis ac damnis Appellato in hoc Ducatu idoneam præstet, aut Appellatione interposita non fruetur.

34. Arresta nonnisi in fugitivis, nec possessionaris, aut eis, qui cum mercatoribus ita contraxerunt, ut confestim solverent, & absque solutione discedere conentur, aut aliunde se huc recipientibus, si ex contractu aut delicto conveniantur, permitti de-

debent, sub pœna arbitraria, juxta qualitatem rei & personæ, quæ indebite est arrestata.

35. Pignorationes propter damna in agris & sylvis facta, prævia æstimatione & refusione damni, remittantur, & animalia capta sine mora restituantur; Qvodsi quis rebus pignore captis abusus fuerit, quæcunque damna intulerit pignorado, arbitrio judicis, refundat.

36. Si quis Arrestum rebus aut personis imposuerit, neque spatio quatuor septimanarum sua negligentia persecutus fuerit, jure Arresti carebit, & Arrestato ad damna & interesse tenebitur.

37. Sequestrationes litigiosarum possessionum rerum ac mercium admitti non debent, nisi is, qui petit, de jure suo summarie contestetur, & possessorem in re possessa male versari, doceat, quo casu sequestratio non longius, quam ad proximam juridicam, concedenda, & interim tam a possidente, quam a sequestro, ab omni injuria ac devastatione rei sequestratæ abstinendum est.

38. Qvodsi sequestrum in re suæ custodiæ mandatæ male versatum esse, & sylvas aut fundos devastasse, compertum fuerit, non modo damna, quæ dedit, refundat, sed & præterea, custodiæ publicæ violatæ causâ, pro modo vastationis, arbitraria ac gravi pœna mulctabitur.

39. Si contigerit, plures creditores concurrere unius debitoris, qui solvendo non sit, hic ordo servari debet:

a) Primum omnibus aliis præferantur depositarii in rebus suis exstantibus.

b) Deinde venditores rerum immobilium, in quibus expressam hypothecam, usque ad solutionem plenariam, sibi reserverunt.

c) Postea

c) Postea mercedes famulorum,

d) Impensæ, in morbum debitoris, ex quo decessit, & funus ipsius factæ, præstentur.

e) Si quæ cohæredibus suis, ante æs alienum contractum, ex familia herciscunda eum debere, constiterit.

f) Vxor dote[m] vel dotalitium, quod eo nomine ei constitutum est, repetens, modo non sint creditores, anteriorem expressam hypothecam habentes.

g) Habens publicam hypothecam & judicalem præferendus est habenti privatam antiquiorem: In reliquis vero privatam habentibus, qui prior est tempore, potior in jure dicendus erit.

h) Si debitor solvendo non est, nec tantum reperiatur in bonis ipsius, ut omnibus creditoribus, sive hypothecariis, sive chirographariis, satisfieri possit, usurarum ratio nulla habenda est, quod ubique potius Jus sit eorum, qui de damno vitando certant, quam horum, qui de lucro captando contendunt.

i) Denique chirographarii, quibus æqualiter pro rata satisfaciendum est, ut dimidia, aut tertia, aut quarta, pars debiti unicuique tribuatur.

40. Si contigerit, inter hos quenvam, antequam debitoris bona Judicis interdicto tenerentur, quod suum erat consecutum esse, id reliquis non communicandum, neque etiam ab hypothecariis repetendum, erit, nisi hypothecæ rerum immobilium fuerint, quod jura omnia vigilantibus, & non dormientibus, opitulentur.

Forma Executionis, tam in Civilibus, quam Criminalibus, sit talis:

41. **I**n actionibus personalibus, si solutio, aut satisfactio, alicui injuncta sit, nisi spatio mensis proxime sequentis satisfecerit debitor, in duplum, si nec intra alterum mensem paruerit, aut sententiæ steterit, in triplum, mulctabitur, si nec intra tertium, banno feriat, triginta diebus in singulos menses, a die sententiæ latæ, computatis; qui dies ab hoc computato excludetur, & licitum erit parti vincenti, Judicis officio implorato, ejus possessiones ingredi, & sibi pro debitis vadiis & impensis satisfacere ad extremum quadrantem.

42. In realibus, nisi intra mensem is, qui succubuit sententiæ, paruerit, Judex vincentem in bona victi intromittat, damnaque & impensas omnes ex bonis victi refundi faciat.

43. Electio erit victoris, quænam bona mobilia, aut, iis deficientibus, immobilia, apprehendere velit, unde sibi satisfieri faciat.

44. Qui autem in ære non habet, & rem suam petulanter decoxit, in corpore luat & sessione turris puniatur.

45. Instrumenta liquida & guarentigiata, quæ in Judicio facta sunt, ut sunt oppignorationes rerum immobilium, aut debita coram Judicio contracta, prævia una monitione debitoris, paratam executionem merebuntur.

46. In criminalibus, si reus post sententiam profugerit, tanquam convictus & confessus, a tempore susceptæ fugæ, pro bannito & proscripto, æstimabitur, & tam ipse, quam bona ipsius, ab omnibus promiscue, impune & licite, offendi poterunt.

47. Exe-

47. Executioni violenter resistentes, five sint Principales, five socii, five complices, five ministri, five alii quicunque, capite plectantur.

48. Nemo autem a proscriptione per Principem absolva-
tur, absque consensu partis jure vincentis & læsæ, eorumque
omnium, quorum interest, proscriptum a proscriptione non
liberari.

49. Nemo proscriptos, aut bannitos, hospitio excipiat, ne-
mo victum vel amictum, vel res alias necessarias, eis suppeditet,
sub simili pœna, qua ipsi banniti afficiuntur.

De Potestate Privata & Contractibus:

50. **P**rima Potestas privata est Dominorum in homines pro-
prios, five rusticos.

51. Homines proprii sunt, qui in agris Nobilitatis ex ho-
minibus propriis maribus concepti nascuntur, utcunque ex ma-
tre nascantur libera.

52. Si tales homines mares, sine voluntate Domini sui,
ad alios transfugerint, cum omni re sua familiari, quam se-
cum avexerunt, & cum liberis post fugam natis, & cum om-
ni incremento rerum suarum, reddi debebunt.

53. Adversus tales fugitivos, five mares, five fœminas, nul-
lus sit præscriptioni locus; Homo enim proprius, in pleno ju-
re Domini sui constitutus, si fugitivus fiat, perinde ut liber
homo, gentium jure, nullo tempore præscribi debet.

54. Quodsi homo, vel homines tales fugitivi, invicem re-
petantur, nec confestim restituantur, judex cujusque loci com-
petens, fugitivos, sub pœna quadringentorum florenorum,

Dominis suis a Detentoribus reddi, præcipiet & efficiet, sub pœna quinquaginta Hungaricalium adversus judicem negligentem statuenda.

55. Sin autem post tempus repetitionis & restitutionis non secuta homo, vel homines fugitivi, sese inde quoque, unde repetuntur, subduxerint, priusquam reversi & restituti fuerint, Dominus, a quo repetiti fuerunt, vero Domino fugitivorum omnia damna ac decrementa, arbitrio judicis, refundat.

56. Si e fœminis quædam, relicto territorio Dominorum suorum, nuptiarum causa alio se contulerint, repetitio cessabit.

57. Nullus horum propriorum hominum filios suos, five pro literis discendis, five pro officio exercendo, sine licentia Domini sui, peregre mandabit.

58. Si contigerit, hominem unius delinquere in hominem alterius Domini, atque is de suo homine conqueratur, multa non erit Domini, sed ejus, qui ab altero homine fuerit laesus.

59. Si vidua unius Domini nupserit viro alterius, ipsa quidem novi mariti forum ac Dominium sequitur, sed liberos omnemque rem familiarem vero Domino relinquat, dote tamen sua arbitrio Domini secum accepta.

60. Si res plures avexerit, quam quæ debentur, tam ipsa, quam vectores & opitulatores, pœna furii puniantur.

61. Licitum unicuique erit, fugitivum suum in alterius territorio deprehensum prehendere, ibidemque Domini alterius territorii sistere ad repetendum. Invito autem ejus territorii Domino eum abducere non debet, sub amissione juris sibi in fugitivum competentis, excepto casu, si quis fugitivum suum in continenti, hoc est spatio XXIV. horarum, insequatur,
tunc

tunc enim fugitivum suum in fuga deprehensum etiam ex alterius territorio domum reducere impune poterit.

62. Nemo quemquam ex hominibus propriis poena mortis afficiat, sive iudicio hoc nomine constituto, sub poena centum florenorum.

63. Potest quilibet Dominorum hominibus suis propriis sub se constitutis peculiares leges statuere, jure tamen publico salvo.

Proxima est Patria Potestas in Liberos:

64. **L**iberi igitur ob patriam potestatem, in qua constituti sunt, sine consensu parentum matrimonia non inibunt, sub poena exheredationis, si nimirum parentes justam contradicendi causam præ se tulerint.

65. Si quis vir cum duabus simul, aut quæ foemina cum duobus, uno tempore sponsalia de presenti contraxerit, & prioribus neglectis posterioris thorum & concubitus secutus secutave fuerit, infamis esto.

Sequitur Potestas Tutelaris:

66. **P**upilli usque ad annum vigesimum primum, furiosi autem in perpetua tutela, donec morbus persisterit, esse debent.

67. Horum Tutores, si testamento parentum nulli dati sunt, agnati proximi erunt, una cum matre, quamdiu ad secunda vota non transferit, ac nisi vel isti, vel hæc suspecta fuerit, quo casu Princeps pupillis Tutores constituet.

68. A Principe dati, rem pupillorum per omnia salvam fore, promittere tenentur.

69. Sine autoritate Tutorum pupilli nihil vel in Judicio, vel extra illud, statuere debent, vel possunt, quod ad detrimentum ipsorum spectet, secus quod ad commodum & incrementum.

70. Tutor emere volens res immobiles pupilli, aut alio modo cum contutoribus contrahere, non nisi re a Principe bene excussa, id facere poterit.

71. Qui in contrahendo minorem viginti uno anno circumvenerit, ex eo contractu non modo nihil utilitatis percipiet, sed etiam, pro ratione fraudis, arbitrariis poenis affici debet.

72. Tutores res pupillorum suorum, quæ servando servari non possunt, distrahere, & quotannis rationes suas conferre, tenebuntur.

73. Omnes tutores de rebus administratis in solidum tenentur, nisi male administrantem suspectum fecerint, & fidem suam liberaverint.

74. Suspecti maleque versantes in rebus pupillorum, etsi ad satisfactionem sese obtulerint, officio tamen privandi sunt.

75. Tutorum bona a tempore, quo administrationem acceperunt, ipso jure pignoris nexu administratae tutelæ causa obligata sunt, ex quibus pupilli, in concursu creditorum, quod suum erit, consequi debent.

76. In potestate etiam sua, non in Dominio alicujus, sunt res, quæ cuivis quocunque modo serviant, veluti ex quibus ususfructus debetur.

77. Usufructuarius igitur cavere debet, se boni viri arbitratu re usufructuaria usurum, sine detrimento Domini directi,
ita

ita prorsus, ut neque Domino, neque etiam rebus ipsis, quidquam decedat, sub pœna damni, quodcunque inde emerferit, pensandi.

78. Si usufructuarius ædificium, quod in alieno fundo, ex quo usumfructum percepit, extruxit, finito usufructu tollere nec ipse, nec hæredes ejus, debent, nisi talem protestationem a principio fecerit, ut tollere hoc ei liceret.

79. Cui usus certus alicujus rei, aut habitio relicta est, extra modum præscriptum re usuaria abutens, ad damni restitutionem tenebitur.

80. Cui iter, actus aut via, per agrum alterius concessa est, ita omnibus utatur, ne segetibus, aut pratis, damna inferat, sub pœna refusionis damnorum.

81. Via, quæ publica semper fuit, arbitrio privatorum alio transferri, aut immutari, non debet, sub pœna centum thalerorum, & mutationis, si quæ facta fuerit, in pristinum statum reducendæ.

82. Piscari in mari retiaque sua exponere, & merces suas ad littus appellentibus nautis vendere, in quolibet littore unicuique liberum erit, cujus prædia ad littus maris pertingunt.

83. Cui piscatio, aut lignatio, in alieno stagno, aut sylvis, debetur, ea non abuti debet, sub pœnis Capitaneorum arbitriis in abutentem statuendis.

84. Quibus jus apiarii vel alvearii in alieno solo aut sylvis competit, mella quidem capere, sed arbores destruere non debent, sub pœna decem thalerorum, & ejus juris, quod in cæteris arboribus ejus, vel fundi, vel sylvæ, habuit, amissione: Mella autem justo tempore, præsentem Domino sylvæ, eximere, eique vendere, tenebitur, unumquodque pondo, quod Liefs-
pfund

pfund vocant, pro tribus marcis Rigenfibus; In arbitrio quoque Dominorum erit, arbores melliferas redimere, fi ei, cui fervitus debetur, eam permittere nolit.

85. Stagna libera & communia ad pifcandum confringi non debent a quoquam, quominus eorum pifcationi incumbere unicuique liceat, qualia funt Durbenfe, Vilgalenfe, Angarenfe, Ofmaitenfe, Libavienfe, Degerhoffedenfe, quorum stagnorum effluxus neque molendinis, neque aliis obftaculis, prapediri debent, quominus pifcibus accessus & recessus liberrimus permittatur.

86. Donationes omnes, etfi licite funt, tamen cum quædam fapiant prodigalitatem & fufpicionem, quod fraudibus & blanditiis extortæ magis, quam ex amore impetratæ funt, idcirco excedentes summam 500. floren. Poloniæ nonnifi publica infinuazione judiciali præcedente permitti, aut a fuccefforibus donationis agnofci, fi nolint, debent, quin & ipfe donator, nifi præcefferit infinuatio, pœnitendi & repetendi donationem, facultatem habebit.

87. Donationes, vel ab his factæ, qui liberos non habebant, vel fatis opulenti erant, cum donarent, liberorum partu, aut calamitate aliqua fuperveniente, reftitui debent.

88. Quia & ob ingratitude donatarii, donatorem contumelia afficientis, aut deferentis in periculis conftitutum, revocari debet donatio.

89. Servit præterea quibusdam pecunia, quæ ex mutuo ad eos pervenit, etiam dominio ipfius pecuniæ ad eos translate, itaque bona fide mutuum reddatur, ut a tempore moræ, quo redditum non fuit, mutuum loco damni emergentis & lucri ceffantis pœnarum in contractu appofitarum actio creditori detur.

90. Si

90. Si species certæ acceptæ & in stipulationem deductæ sint, ut eadem restituantur, servanda erit lex contractus, etiamsi æstimationo specierum creverit; Si autem hoc in stipulationem deductum non fuerit, creditor conventus esse debet, si æstimationem specierum ejus temporis fuerit nactus, quo mutuum numeravit.

91. Non tamen cuprum, aut æs, vel aliam monetam, pro argento & auro creditor accipere tenebitur a debitore, sed monetam probam in Regno probatam & receptam, & quæ mutuo commercio, sine damno accipientis, exponi possit, non vero vilem aut vilissimam.

92. Rebus alienis quocunque modo ad serviendum commodatis, siue quis aliter, quam bona fide, utatur, quod eas invito Domino ultra legem commodati graviter attrectet, vestimenta nobiliora, suppellectilem, equos, & similes res pretiosas, distrahens vel dividens, furti crimen committit, itaque restituere non modo res commodatas integras & pretium eorum refundere, sed & propter magnum abusum, arbitrio Judicis, mulctari debet.

93. Res depositæ, si citra depositarii culpam, furto, incendio, ruina, aut simili fato, interierint, extra noxam erit depositarius, si eam, quam suis rebus impendere solitus est, diligentiam adhibuerit, quod si autem rem depositam apprehenderit, inque suos usus converterit, furti tenebitur, actione civili, ad pœnam arbitrariam, & ad hoc, quod interfuisse constiterit deponenti, rem depositam relictam fuisse intactam.

94. Pignus, siue judiciale, siue conventionale, fuerit, si citra culpam creditoris interierit, damnum debitor agnoscere, & nihilominus debitum creditori refundere, tenebitur, secus
erit,

erit, si culpa creditoris pignus vel deterius redditum, vel destructum sit, quo casu pignoris & crediti compensatio instituenda est.

95. Res aliena sine consensu Domini pignori dari non potest, quod semper vero Domino repetitio concedatur.

96. Si debitor constituto tempore debitum non solvat, creditor pignus non privatim distrahere, sed autoritate Judicis estimationem imponere, atque vel retinere in solutionem, vel vendere, poterit.

97. Conventio talis, ut certo tempore pecunia non soluta pignus in commissum cadat creditori, admitti non debet, nisi pignus aestimatum creditori datum fuerit.

98. Emere & vendere omnes promiscue possunt, qui liberam, non definitam adstrictamque, rerum suarum facultatem habent, venditio rerum immobilium earundemque oppignoratio non nisi in Judicio fieri, & libris publicis inscribi, debet.

99. Si rem unam duobus vendi contigerit, is, cui traditio facta fuit, alteri erit praferendus; Venditor tamen emptori, cui rem venditam tradere non poterit, ad interesse contractus non impleti tenebitur.

100. Venditor rei venditæ defectus omnes bona fide patefacere nihilque eorum omnium celare debet, quæ si emptor ab initio agnovisset, rem emere nunquam attentasset.

101. Quodsi venditor viciorum quidquam celaverit emptorem, rem venditam recipiet & pretium restituet.

102. Si quis fraude venditoris ad rem aliquam magnam, quingentorum florenorum pretium excedentem, emendam inductus, ultra dimidium justii pretii deceptus fuerit, propter in-

ingentem deceptionem contractus ad æqualitatem, & pretium ad id, quod iustum & æquabile iudici videbitur, reducendus, aut si id facere venditor recusaverit, emptio & venditio rescindenda erit, eatenus tamen, ut hæc læsio intra annum & diem in iudicium deducatur.

103. Maritus bona immobilia uxoris, aut pater prædia bonaque materna liberorum suorum, vendere alienareve non potest.

104. Res quoque furtivæ, aut vi raptæ, vendi non possunt, quominus a veris dominis quovis tempore repetantur.

105. Homines ignobiles & peregrini, pro indigenis non recepti, Nobilium bona emere & possidere non debent, sub amissione bonorum.

106. Res aliena pecunia emptæ emptoris fiunt, non ejus, cujus pecunia comparatæ sunt, cui non pignori quidem sunt obligatæ, nisi ita inter creditorem & debitorem conventum fuerit.

107. Mercatores, extra forum publicum in familiis rusticorum æs corradentes, mercibus & rebus omniqve substantia, quam secum ferunt, priventur.

108. Ejus, qui domum aut prædium conduxit, res universæ, quas intulit in prædium, vel domum conductam, locatori tam pensionis, vel census cessantis, quam damni emergentis, nomine sunt obligatæ.

109. Conductor autem, aut quivis alius, arans ac seminans fundum alienum non conductum, si juraverit, se id ex ignorantia fecisse, impune id feret, & fructus dimidios suos faciet; si sciens, fructibus non modo carebit, sed & arbitrarie, pro quantitate fundi, punietur.

110. Rustici agros suos, vel fundos ac prata, sine scitu Dominorum suorum, rusticis vicinis vel aliis permittere vel elocare non debent, sub poena amissionis fructuum.

111. Emphiteusis jure locari possunt Nobilitatis prædia, perpetuo fruenda, ut, quamdiu pensio præstetur, conductor ejusve hæres, aut qui ab his causam habet, expelli nullo modo possit.

112. Qui locationi non stetit, damna omnia conductori refundat, etsi nec pretium locatum nec conventio servata fuerit, redditus unius anni conductori cedent.

113. Conductor legem contractui dictam non servans, & pretium annuum non præstans, a contractu cadat.

114. Si domus incendio, citra culpam conductoris, combusta fuerit, damnum ad dominum, non ad conductorem, spectabit, secus, si ejus, aut familiæ ipsius, culpa sit factum.

115. Sterilitas prædiorum unius anni cum fertilitate sequentium annorum pensabitur; quodsi vero militum devastationibus, aut tempestatibus, res omnes ad eum plane modum perditæ aut consumptæ fuerint, ut nulla utilitas ad conductorem pervenerit, judicis arbitrio pretium locationis moderandum erit.

116. Opifices, Coriarii, Fullones, Aurifices & cæteri omnes, res ad parandum aut conficiendum commissas integras reddere tenebuntur, exceptis casibus fortuitis, qui humana industria præcaveri non possunt.

117. Certum quoque molitoribus pretium constitui debet, ultra quod si quocunque prætextu, sive munerum, sive largitionum, aliquid extortum aut receptum fuerit, molitores ejus, quod acceperint, quadruplum restituere tenebuntur.

118. So-

118. Societatem prædiorum, mercimoniorum, aut rerum aliarum, invicem colentes ad omnia tenebuntur, quæcunque ministri illorum communes in illa societate ipsorum nomine contraxerunt, respectu societatis ejus, non autem extra eam. Itaque omnia lucra non minus, quam emolumenta, inter eos erunt communia, nisi aliud a principio fuerit constitutum. Coire societatem possunt, ut unus lucri duas partes, damni tertiam ferat, alter duas damni, lucri vero tertiam, quod unius opera pretiosior esse possit alterius; Pactum de solo lucro capiendi, nec damno portando, reprobabitur.

119. Qui mandatum alicujus rei perficiendæ in se recepit, aut mature, cum scilicet res adhuc integra erit, renunciare, vel mandatum implere, vel damna non observati contractus præstare, tenebitur.

120. Qui absentis negotia sine mandato gerenda suscepit, non modo eam diligentiam, quam in rebus suis præstare consuevit, sed & quam diligentissimus quisque usurpare solitus fuit, præstare debet, propterea, quod ea, quæ intermittere potuisset, absque mandato sua sponte suscepit, & se ad exactissimam diligentiam obstrinxit.

121. In contractibus quidem, quibus nomen certum datum non est, quales sunt, do ut des, facio ut facias, facio ut des, do ut facias, & similes, actio in factum juxta præscriptum verborum utrinque danda erit, a quibus contractibus re integra resilire utrique parti licebit.

122. Pacta ac transactiones omnes, modo non sint turpes & illicitæ, aut fraudulentæ, vel dolo, vi, metuve extortæ, per omnia servantur, ex quibus etiam nudis promissionibus & pactis adversus violatorem pactorum & promissionum actio &

exceptio dari debet ad id, quod interest, pactis non servatis satisfactum fuisse.

123. Pactum aut promissum, etiam juratum latronibus factum, cum jure divino, quo latrocinia vetantur, sit contrarium, ipso jure nullum est, ideoque servandum non erit.

124. Qui fidem in contractibus pro alio interposuit, tamdiu ipse & haeredes ipsius obligati erunt, quoad contractibus per omnia sit satisfactum, nisi forsan ad certum tempus fidejusserit, & creditor elapso tempore debitori solutionem distulerit.

125. Executi tamen prius debitores debent, quam ad fidejussores deveniatur, nisi huic beneficio renunciaverint, aut debitor adeo sit potens, ut a creditore excuti non possit, quo casu fidejussores non immerito confestim, sine compellatione Principalis, conveniendi sunt.

126. Habent divisionis beneficium plures fidejussores, nisi ei sit renuntiatum, quo casu singuli, haeredesque eorum, in solidum tenebuntur.

127. Si creditor ab uno fidejussorum ratam suam acceperit, nec protestatus fuerit, quod hac particulari receptione obligationem dissolvere nolit, ei ad eundem fidejussorem de residuo recursus postea non dabitur.

128. Fidejussoribus actio adversus principalem debitorem dari non debet, antequam ipsi vel solutionem fecerint, vel ad eam faciendam in judicio condemnati fuerint.

129. Nautis pro transportatione & transvectione hominum, equorum & mercium, certum pretium, autoritate Capitaneorum singulorum locorum, constitui debet, ne praetextu hujus pretii nautici, vectigalium onera obtrudantur.

130. Pon-

130. Pontes & viæ publicæ ubique reficiantur a Dominis fundorum, sub pœna quinquaginta florenorum, toties, quoties huic legi statum non fuerit.

131. Vicini, quorum prædia sunt contigua, singulis bienniis terminos agrorum suorum conjunctim inspicere, & collapsos renovare, tenebuntur, sub pœna XX. Hungaricalium toties, quoties fuerit contraventum.

Sequuntur Exceptiones, quibus Obligationes perimuntur:

132. **T**olluntur actiones & obligationes solutionibus, si revera præstentur, non si pecunia offeratur tantum, quare qui solvere paratus est, pecuniam obsignare & deponere in judicio ac re ipsa contestari debet, quantopere cupidus sit fidei suæ servandæ, quo pacto pecuniam deponens ab omni damno, & eo, quod interest creditoris, se immunem præstabit.

133. Aliud pro alio, merces nempe aut frumentum pro pecunia creditori obtrudi non potest, nisi tanta sit inopia debitoris, ut pecunia destituatur, id quod jurejurando comprobandum est.

134. Quodsi talis quoque novatio intercesserit, qua vetus obligatio tollatur, actio prior extincta censetur, secus, si nuda quædam pacta inter creditorem & debitores facta sint, prior autem obligatio per expressum sublata non fuerit.

135. Acceptilatione ejus, quod debebatur, tanquam imaginaria solutione, obligationes perimuntur.

136. Debitum quoque liquidi compensatione tollitur, ejus
autem,

autem, de quo nondum liquet, quid quantumque debeat, compensatio admitrenda non est.

137. Delegare quoque possumus, hoc est nostro nomine alium reum dare creditori, ut obligatio tollatur.

138. Confusio obligationum & jurium fit, quando eadem sit persona creditoris & debitoris, cum nimirum creditor defuncto debitori hæres existit.

139. Quodsi etiam dolo, aut metu, ad contrahendum inducti sumus, quodcunque inde gestum profectumque est, iudex ratum non habebit, modo revera dolus, vis item & metus talis, interceperit, qui in constantem quoque virum cadere possit, idque partim arbitrio iudicis, ex rerum circumstantiis rem perpendentis, aut conscientia metum ac vim passi, comprobandum erit.

140. Si pecunia quoque promissa, nec numerata, fuerit a creditore, omnis repetitio cessat, quæ exceptio intra annum est opponenda, si modo opponi poterit.

141. Similiter & pactum de non petendo simpliciter, aut de non petendo ad tempus, obligationem aut perimit, aut suspendit.

142. Qui re, tempore, loco & causa, plus petierit, quam eum petere oportebat, ejus, quod petiit, dimidio privandus, & nihilominus tempus, locus & causa, uniuscujusque rei erunt servanda.

143. Scutum adversus omnem actionem & obligationem longe firmissimum est res judicata, item transactio & iurandum, quibus omnis obligatio penitus tolli & extinguere censetur.

144. Nec maritus pro uxore, nec pater pro filio, nec frater

ter pro fratre, nec uxor pro marito, nec filius pro patre tenebitur, nisi in communione bonorum versentur, aut alter alterius hæreditatem adierit.

145. Sex mensium præscriptione verbales injuriæ, scriptæ vero annali spatio, tolluntur, tempore a scientiæ initio computato.

146. Verbalis item fidejussio, quæ in scriptis redacta non est, anno expirat.

147. Res immobiles inter præsentis sexennio, inter absentes duodecim annis, præscribuntur.

148. Rem vitiosam emens intra sex dies eam judicis definitioni redhibere, vel retinere, tenebitur.

149. Actiones omnes civiles quinquennio tolluntur, intra quod spatium, nisi quis instrumentis & obligationibus, alioque jure suo, usus fuerit, ab omni actione cadet.

150. Criminales sexennio tolluntur, excepto crimine læsæ Majestatis & perduellionis.

151. Præscriptio autem non currit contra pupillos & furiosos, item contra agere non valentes, quin & belli quoque tempore cessat.

152. Neque bona dotalitia uxoris, neque pignori data, aut cum pacto reluendi vendita, neque fines certis limitibus ac literis determinati ac circumscripti ab usurpatore alienorum limitum & litigiosarum possessionum præscribuntur, quod malæ fidei possessor, rem alienam ad se non pertinentem usurpans, nullo tempore præscribat, nec etiam fructus perceptos suos faciat.

153. Quæ autem tanto tempore, cujus memoria non extat, possessa sunt, omni vicio prorsus carere, & possessoribus relinqui, aut ablata tanquam dominis restitui, debebunt.

154. Præscriptio interruptitur, si possessio sit litigiosa, ac si possessor de mala fide, & quod injuste possideat, compellatus fuerit.

155. Executio rei judicatæ nisi intra annum petatur, non petens jus suum perdit.

156. Rationibus semel explicatis ac receptis intra biennium calculi exceptio opponi debebit, nisi fraus aliqua emerferit, de qua qui calculum fecerunt, eo tempore, neque in præfato biennio, notitiam habuerint, idque jurejurando comprobandum est.

De Restitutione in integrum:

157. **A**dversus omnes omnium contractuum & conventionum læsiones, ex justis gravibusque causis in integrum restitutio omnibus eam intra annum petentibus danda est, exceptis pupillis & minoribus, quibus triennium dari debet, postquam ad ætatem juvenilem, vigesimum primum ætatis annum, pervenerint, & intra annum ætatis vigesimum quartum restitutionem petere possunt.

158. Fidejussori minorennis restitutio nihil prodest, nisi æque fidejussor ac minor dolo circumventus ac deceptus fuerit, quo casu non modo minori, sed & fidejussori, subveniendum est, etiamsi contractus jurejurando sit comprobatus.

159. Jusjurandum enim ad ea tantum se extendit, de quibus tam minor, quam fidejussor, tunc, cum contraherent, ve-

risimiliter cogitarunt, non ad dolum, quo sunt circumventi, & ad contrahendum & jurandum inducti.

160. Non succurritur minori viginti annis in delictis dolo commissis, modo sit sedecim annis major.

De Successionibus :

161. **D**efertur hereditas vel ex Testamento, vel ab intestato.

162. Testamentum patris inter liberos conditum & manu patris integre scriptum servandum erit.

163. Si integre scriptum non sit, sed manu sua ac duorum testium subscriptum & subsignatum, æque ratum erit.

164. Testamenta omnia pro legitimis habenda sunt, si a duobus testibus subscripta fuerint, siue nuncipativa sint, & a testatore sanæ mentis dictata, aut probata, siue scripta fuerint.

165. Testamenta actis publicis castrensibus insinuata a testatore, etiam sine testibus, pro firmis sunt habenda.

166. Fœminæ honestæ in testamentis idoneæ sunt testes, si præter eas alii non adfuerunt.

167. Si vitium obreptionis, aut persuasionis, aut simile quidquam, testamento objicietur, id testium jurejurando relevabitur.

168. Pater sine gravi & justa causa, quæ arbitrio judicis definitur, filios & filias in suo testamento præterire, aut expresse exheredare, non potest, salva quærela inofficiosi testamenti coram judice competente instituenda.

169. Nec jus primogenituræ in bonis primogenito adime-

re, & in secundo aut tertio genitos transferre, poterit, nisi ex gravi & justa causa infirmitatis, vel magni defectus, primogeniti.

170. Nec ita quis testari potest, ut juri publico in suo testamento præjudicet, quare & bona, filiis ex lege publica debita, ad filias transferre non debet.

171. Si pater testamento filiabus certam portionem assignaverit, ea contentæ esse debent, ac licebit patri filiis duplam, filiabus vero simplam, assignare.

172. Liberi quoque, si sine liberis decesserint, testamento suo parentes suos excludere non possunt, sed dimidiam partem illis, fratribus vero & sororibus, vel nepotibus ex illis, alteram semissem, relinquare tenebuntur.

173. Quodsi vero nec fratres, nec sorores, aut horum harumque liberos, reliquerint, parentibus omnia permittere debent, solis legatis ad pias causas exceptis, quæ tamen legata semissem hæreditatis excedere non oportet.

174. Minores annis viginti, fatui, banniti, item & proscripti, testamenta condere non possunt.

175. Si peregrinus non incola in hoc Ducatu testamentum condiderit, testamentum juxta ritum hujus provinciæ conditum ratum erit, ac si de successione ejus in hoc Ducatu lis mota fuerit, ea secundum morem & leges hujus provinciæ determinetur, nisi bona immobilia, alibi extra hunc Ducatum sita, aliis legibus & moribus subjecta fuerint.

176. Ab intestato primus locus in successione est descendium in infinitum, inter quos fratres & sorores in capita, fratrum autem & sororum liberi, cum patruis & materteris concurrentes, in stirpes succedunt.

177. Lege

177. Lege publica filii filiabus, mares sceminis, sunt præferendi in successione, nimirum ut fratres, unus sive plures, tres partes cupiant totius hæreditatis, sorores quartam, ac tripla sit portio fratrum singulorum, singularumve sororum simpla.

178. Quæ divisio hæreditatis, si inter fratres & sorores non convenerit, a proximis agnatis res definiiri eorumque judicio stari debet.

179. Curia autem in eam divisionem non computabuntur, sed primogenito cedent, qui & ipse bona immobilia retinere & fratribus ac sororibus de suis portionibus satisfacere debet.

180. Quamdiu autem satisfacere non poterit, tam fratribus, quam sororibus, jus retentionis in bonis paternis, vel maternis, integrum erit, & alimenta in fratres & sorores facta conferri non debent.

181. Liberi diversi matrimonii bona sua materna percipient, fratribus & sororibus germanis tantum, non uterinis, exclusis.

182. Pater ad secunda vota transiens, fortunas suas omnes cum liberis primi matrimonii ex æquo dividere, ac pro ejus portione, quam vel retinere, vel in emolumenta liberorum exponere, potest, fructibus eos alere ac elocare tenebitur.

183. Patre defuncto liberi primi matrimonii quod in dotem atque mundum muliebrem a patre ipsis datum fuerit conferre, & post hanc collationem factam in paterna hæreditate, ex æquo cum liberis secundi matrimonii, succedere debent.

184. Nisi pater mundum muliebrem eis condonaverit, tum nihil conferre teneantur.

185. Per adoptionem licet nobilibus familiis jus conjunctæ manus facere, vel cum agnatis cognatisve, vel etiam cum aliis,

quo jure, si in successionebus famellæ excludantur, is, qui eo jure succedere vellet, tres totius hæreditatis partes famellis dabit, unam ipse tantum sibi retinebit, e. g. Si bona æstimentur quatuor millibus, famellæ tria millia capiant, successor mille, nec prius cedere bonis, aut alimentorum sumptus agnoscere, tenebuntur exclusæ, quam ipsis per omnia satisfactum fuerit.

186. Habentes cum aliis jus conjunctæ manus sine voluntate eorum, quibus is nexus debetur, bona ære alieno onerare non debent; Si enim sine liberis decesserint, & bona ad conjunctæ manus socios pervenerint, debita, quæ sine scitu & sine consensu eorum contracta fuerint, persolvere non tenebuntur.

187. Jus quoque protimiseos debetur iis, quibus jus conjunctæ manus competit, si scilicet intra annum a die scientiæ retractum instituerint, & pretium, quod alius revera numeravit, refuderint.

188. Jus repræsentationis inter collatores ultra fratrum filios, aut filias, non servabitur, quin & nepotes ex fratre cum patruis ad successionem defuncti in stirpes admittentur.

189. Defuncto marito pacta dotalitia ante omnia servanda erunt, modo juri publico non sint contraria, nec derogent his, quæ lege publica successoribus debentur.

190. Quodsi talia pacta non existent, vidua exstantibus liberis, si dotem intulerit, vel eam repetere, vel dotalitium, cujus fructus in duplum æquent, reditus dotis sibi vindicare poterit.

191. Si dotem non intulerit, capere liberorum partem ex hæreditate mariti poterit, eam scilicet, quæ filiabus debetur, non quæ filiis.

192. Si

192. Si maritus uxori in testamento dotatitium, aut legatum, fecerit, servandum erit.

193. Erat præterea in arbitrio uxoris, vel dorem illatam, vel dotatitium, capere, vel portionem filiarum sibi sumere.

194. Ex pecunia parata, quæ post obitum defuncti in ædibus ipsius deprehenditur, vidua capiet partem decimam, pecora autem & utensilia omnia ex æquo cum filiis, vel hæredibus aliis, dividet.

195. Præterea ejus anni, in quo maritus decessit, omnes fructus capiat uxor, ita tamen, ut unius anni tantum redditus ei cedant, non plures.

196. Si liberi non extent, & vir vel uxor alteri superstes fuerit, superstes concurrens cum agnatis defuncti, dimidiam partem sibi retinebit, & alteram propinquis defunctæ partis cedit, nisi de jure conjunctæ manus agatur, quo casu quartam partem bonorum defuncti capient.

197. Reditus autem anni, in quo pars altera defuncta est, penes superstitem remanebunt, neque divisio, nisi post annum luctus finitum, fiat.

198. Jure retentionis viduæ utentur, donec eis ab hæredibus sit satisfactum.

199. Si alii, quam liberi, hæredes sunt, prius bona occupare non debent, quam viduæ per omnia satisfecerint.

200. Bona autem viduæ detentrices deteriorare non debent, aut damna data omnia refundant, secus autem in bonis versantibus judicis officio curator bonorum dabitur, quin & viduæ, durante retentionis tempore, sive id dotis causa, sive curatorio liberorum nomine, factum fuerit, satisfactione præstata,

ta, rationes edere, atque in iis non ultra, quam alimenta exposcunt, defalcare, tenebuntur.

201. Viduæ item matres pupillorum suorum curam gerentes, etsi, quamdiu in viduitate manserint, rationes edere obstrictæ non sint, tamen si ad secunda vota transferint, de præteritis annis rationes proximis agnatis pupillorum exhibebunt, ac nisi quod ipsis ratione dotis, aut dotalitii, aut pactorum, aut alimentorum portione, debitum fuerit, decurtabunt, cæteros vero redditus perceptos pupillis refundant.

202. Sive liberi, sive uxor, sive fratres, sive quivis alius hæres, si defuncti necem, aut graves injurias, non vindicaverit, ejus successione indignus cenferi, & si quid ex hæreditate defuncti percepit, ab eo revocari debebit.

203. Arma expeditoria primogenito aut agnato proximo, juxta morem cujusque loci, ex defuncti hæreditate dabuntur.

204. Hæreditas nulla est, nisi ære alieno prius deducto.

205. Si qui creditores invaserint hæreditatem, sine auctoritate judicis, aut hæredes, intra triginta dies luctus, molestia affecerint, & in exigendo se minus modestos gesserint, jure crediti sui cadere debent.

De Delictis & Pænis:

206. **D**elictum est, quod ex dolo vel culpa profectum est.

207. Culpa vel magna, vel parva, est, cujus noxa in facto, distinctio in arbitrio judicis, consistit.

208. Blasphemi in Deum, rei item læsæ Majestatis Divinæ & humanæ, sacrilegi, rebelles, profugi desertores, proditores, fama, vita & bonis, priventur & gladio feriantur.

209. Ve-

209. Venefici, parricidæ, incestuosi, incendiarii, flammis absumantur, latrones rota plectantur.

210. Homicidæ, dolosi, virginum aut fœminarum violenti expugnatores, vim in via publica, vel etiam in privatis ædibus, cum armis exercentes, etiam si nemo occidatur, gladio feriantur, alieni thori violatores infames sint.

211. Fures sive nocturni, sive diurni, peculatores, expilatores hæreditatum, res commodatas perfide subtrahentes, suspendantur, hominum item Nobilitatis pecorumque subductores & abigei capite plectantur.

212. Prædones, vel raptores & invasores, rerum suarum propriarum dominium perdant, alienarum autem jure, quod habuerunt, priventur, & præter rem invasam, aut raptam, æstimatione ejus rei invasæ, vel raptæ, mulcentur, si rapinas iteraverint, sint infames.

213. Falliti, conturbatores, ac decoctores, si solvendo non sint, & summa, in qua creditores defraudarunt, octo millia florenorum Polon. excesserit, vel honore priventur, vel gladio feriantur, qua lege non comprehenduntur, qui infortunio facultatibus sunt lapsi.

214. Rem unam, sive in judicio, sive privatim, duobus oppignorans, si solvendo non fuerit, infamis esto.

215. Stupratores honestarum fœminarum, vel virginum, arbitrio judicis, aut dotent, aut ducant, stupratas.

216. Si ignobilis nobilem stupraverit, gladio feriat, nisi a cognatis ei ignoscatur.

217. Contractus vel Instrumenta falsificantes, prævaricatores, falsumve pactum supponentes, aut falsum testimonium dicen-

dicentes, ex quo aliquis vel latus est, vel ladi potuisset, nisi patefactum esset, gladio plectantur.

218. Injuriam semel verbis, vel scriptis, facientes recudent, si componere non possint, & astimationem ejus luant, si iteraverint, sint infames.

219. Famosorum libellorum chartarumve scriptores disseminatoresque infames pronuntientur, & si crimen capitale alicui in scriptis suis famosis objecerint, vel rebellionis causa scripta sua composuerint, capite plectantur.

220. Famulos alios corrumpentes, vel sine literis dimissoriis conducentes, viginti florenis puniantur.

221. Nemo famulo suo, quem a se dimittit, aliud testimonium det, quam ejus merita exposcunt, si secus fecerit, ac testimonio suo alios seduxerit, viginti Hungaricos solvat.

222. Si quis in praesentia mulierum, aut foeminarum, rixas concitaverit, & plagas alteri intulerit, nisi id sui defensionis causa fiat, centum florenis puniatur, & tantisper ab omni honesta congregatione abstineat, donec multam persolverit.

223. Alienarum literarum interceptores, aut traductores, tanquam stellionatus rei, ignominia notentur, aut arbitrariis poenis, pro qualitate rerum & circumstantiarum, puniantur.

224. Furto aliena ligna cadens, si in actu fuerit deprehensus, pro quolibet eqvo quatuor marcas Rigentes solvat, si equi pignorati, vel capti, solutionis tempore praesto non sint, intra triduum restitui pignorato, aut, si diutius detenti fuerint, sine omni pretio, aut multa, reddi debent.

225. Quercum unam, aut plures, cadens in alieno fundo, pro qualitate arboris, duos Hungaricos solvat.

226. Re-

226. Receptatores hominum Nobilitatis propriorum fugientium & opitulatores, aut fugæ exhortatores, si Nobiles sint, ducentorum florenorum mulcta, si ignobiles, aut rustici, fustigationis poena, feriantur.

227. Fugitivorum hominum casas relictas destruens & abducens furti poenam luat.

228. Mulctæ, Statutis præsentibus comprehensæ, quæ partibus læsis non debentur, ærario Provinciali inferantur, exceptis iis, quæ iudicio debentur.

Epilogus:

Atque hæ sunt Leges, hoc tempore *per nos sancitæ, promulgatæque, salvis tamen Legibus Regni publicis, salvaque item augendi, minuendi corrigendique potestate, cum auctoritate tamen & confirmatione Sacræ Regiæ Majestatis.* In quorum omnium fidem nos ablegati Commissarii præsentibus nostris subscripsimus, sigillisque nostris communivimus. Datum Mitaviæ, Die 18. mensis Martii, Anno Domini Millesimo sexcentesimo decimo septimo.

(XII.)

**Juramentum Jacobi, Ducis Curlandiæ,
Serenissimo Vladislao IV. Poloniæ Regi,**

Vilnæ, d. 16. Februarii, A. 1683. præstitum,

Pro exemplo consuetæ homagii formulæ a Ducibus, sub investitura, Regibus præstandi.

EGo, Jacobus, Dux Curlandiæ & Semigalliæ in Livonia,
juro super hæc Sancta Dei Evangelia, quod ab hac hora
T deinde

deinceps, usque ad ultimam diem vitæ meæ, ero fidelis & obediens Tibi, Serenissimo Principi, Vladislao quarto, Dei gratia Regi Poloniæ, Magno Duci Lithvaniæ, & sicuti meo naturali & hæreditario Domino, & Successoribus legitimis Tuis, Regibus & Regno Poloniæ, Dominis meis, contra omnem hominem, nemine prorsus excepto; Et quod nunquam ero scienter in consilio, vel auxilio, vel in facto, ex quo, quod absit, amittas vitam, vel membrum aliquod, vel per quod accipias in Persona aliquam læsionem, vel contumeliam, aut injuriam, vel per quod amittas aliquem honorem, quem nunc habes, vel post habebis; Et si sciero, vel audiero de aliquo, qui velit aliquid istorum contra Te & Regnum hoc Poloniæ facere, pro posse meo, ut non fiat, impedimentum præstabo, & si impedimentum præstare nequeo, quamcito potero Tibi nunciabo, & contra eum, juxta pacta, auxilium Tibi & Regno præstabo. Et si contigerit, Te rem aliquam, quam habes, vel post habebis, casu aliquo amittere, eam recuperare curabo, in recuperataque retinenda Te omni tempore juvabo, & si sciero, contra aliquem velle Te publico consilio arma sumere, & de eo generaliter, vel specialiter, fuero requisitus, meum Tibi, secundum Pacta, præstabo auxilium. Et si aliquid mihi de secreto manifestaveris, illud sine Tua licentia nemini pandam, neque quidquam, per quod pandatur, faciam. Et si consilium a me super aliquo facto postulaveris, illud Tibi dabo consilium, quod Tibi Dominiisque Tuis judicavero magis expedire, & nunquam ex Persona mea aliquid scienter, quam pertineat ad Tuam vel Regni Dominiorumque Tuorum, tuebor & conservabo, & quoad maxime potero, augebo. Denique etiam pacta antiqua, priora omnia & singula, quocunque tempore a Decessoribus meis, Curlandiæ & Semigalliæ Ducibus, cum In-

clyto

clito hoc Regno & Magno Ducatu Lithvanix conventa, tum & Formulam Regiminis & presentem transactionem, conditionesque Tecum tractatas constitutasque, & a me peculiari Diplomate confirmatas, servabo & implebo, ac præterea omnium ac singulorum, Equestris Ordinis ac privatorum, Ducatus Curlandix & Semigallix incolarum, Jura, Privilegia, Libertates, Immunitates, factas testasque integerrime servabo, ne quidquam, in contrarium eorundem, præjudicii ac derogationum faciam, aut fieri permittam: Sic me Deus adjuvet, & hæc Sancta Dei Evangelia.

XIII.

Diploma Investituræ, Friderico Casimiro, Curlandix & Semgallix Duci, a Johanne III.

Poloniæ Rege, de Ducalibus feudis,

Varsovia, d. 25. Martii, A. 1683. concessa,

Juxta transsumtum ex Actis Metrices Regni, publica autoritate;
d. 24. Januarii, A. 1719. corroboratum,

Pro exemplo usitatæ in Cancellaria Regni Investiturarum
Curlandicarum formulæ inserviens.

In Nomine Domini Amen: Ad perpetuam rei memoriam:
Nos Joannes III. Dei gratia Rex Poloniæ, Magnus Dux Lithuanix, Russiæ, Prussiæ, Masoviæ, Samogitiæ, Kijoviæ, Volhyniæ, Podoliæ, Podlachiæ, Livoniæ, Smolensciæ, Severiæ, Czerniechoviæque, Significamus presentibus Literis Nostreis, quorum interest universis & singulis: Cum jam antea Illustrissimus olim Princeps, Dominus Gotthardus, Curlandix & Semigallix Dux, tunc temporis Equestris Ordinis Teutonici Magister;

universa cum Livoniæ Nobilitate, Civitatibus Statibus atque Ordinibus omnibus, se ad Serenissimi Prædecessoris Nostri D. Sigismundi Augusti & Successorum, Regniqve Poloniæ & Magno Ducatu Lithvaniæ, Russiæ, Prussiæ, Masoviæ, Samogitiæ, cæterarumqve Ditionum Nostrarum, fidem ac potestatem contulisset, & in omne tempus subjecisset, idqve ut faceret, justissimis gravissimisque causis & pernecessariis Livoniæ rebus adductus esset, Magno nempe Moschorum Duce, longo & crudelissimo bello, in eam Provinciam gravissime incumbente, ac longe lateqve omni injuriarum direptionumqve genere & flamma ferriqve sævitia grassante, jamqve eo usque armis progresso, ut nihil non in ejus potestatem venturum, cunctaqve vi illa hostili superatum atque excisum iri viderentur; Jam ejus Illustritate, cunctisque Livoniæ Ordinibus, belli magnitudine admodum fractis, & nequidem Serenissimorum Imperatorum Sacriqve Romani Imperii fidem, auxilium & opem, diu implorantibus, spem jam nullam non modo pristini status Provinciæ, sed nec quidem salutis, libertatis, vitæqve singulorum amplius retinendæ habentibus, aliam, quam quæ in Serenissimorum Poloniæ Regum & Regni Magniqve Ducatus Lithvaniæ defensione atque imperio sita esset, quod tum ejus Illustritas, tum Livonia universa, a Serenissimo Prædecessore, D. Sigismundo Augusto, in fidem, potestatem ac ditionem suam, & Successorum suorum Regni, Magniqve Ducatus Lithvaniæ, certis conditionibus, juste legitimeqve recepta sit. Et quia Illustritatis ejus studium, in adducenda ea Provincia ad subjectionem ditionemqve Poloniæ Regum, singulare extitisset, & ita mereri ejus dignitas, virtus, fides censeretur, illi, mutato, ex consilio Equestris Ordinis, statu priore, approbante eam rem Serenissimo Rege, D. Sigismundo Augusto, ab eodem, tanquam

quam supremo, directo, naturali ac perpetuo, feudi illius Domino, Ducalis titulus, cum omni dignitate, insignibus, privilegiis Ducalibus, ac ditionibus certis, tributis, & ejus Illustritas Vassallus Poloniæ Regum, feudatariusque Princeps, Regni & M. D. Lithvaniæ membrum factus fuerit, prout Diplomate jam ante D. Prædecessori nostro, Domino Stephano, Regi, exhibito, ac Vilnæ 28. die Novembris, anno Domini millesimo quingentesimo sexagesimo primo, perscripto, & Sigismundi Augusti, Prædecessoris, manu subscripto, sigillo autem ejus annulari signato, certius fufiusque continetur. Quod præterea cum Illustritas ejus de solenni sua Investitura feudali Serenissimum Prædecessorem, Divum Sigismundum Augustum, aliquoties appellasset, & per temporum rationem, magnitudinemque Regni negotiorum, voti sui compos, regnante viventeque prædicto D. Prædecessore Nostro, effici non potuisset, postea vero a Serenissimo Stephano, Rege & Prædecessore Nostro, ad Regni Poloniæ Magnique Ducatus Lithvaniæ fastigium Dei benignitate evecto, diligentissimis precibus confirmationem suorum jurium a Divo Sigismundo Augusto concessorum & Ducalem feudi investituram prius in comitiis, ab eodem D. Stephano habitis, flagitasset, sed cum magnitudo varietasque occupationum ejus Serenitatis, tum locorum quoque intervalla, id a Serenitate ejus præstari non paterentur, ejusque rei peragendæ ex consilio Regni Nostri Consiliariorum, qui partim Serenitati ejus adfuerunt, partim per literas de eo appellati fuerunt, pariterque eorum, qui ex M. D. Lithvaniæ frequentes Serenitati ejus in Senatu assederunt, in alium locum tempusque, opportunitate ejus rei constituta, cum Illustritas ejus ad diem quartam mensis Augusti, anno Domini millesimo quingentesimo septuagesimo nono, sub generalem exercituum delectum & recensitum,

tum, ad flumen Dunam, prope Dysnam, quo in loco tum idem Serenissimus Prædecessor Noster castra habebat, accessisset, inque castris & territorio Serenitatis Ejus, Investituram ab eodem Serenissimo Prædecessore Nostro petiisset, & fidelitatis subjectionisqve jusjurandum eidem Serenissimo Prædecessori Nostro, Ejusqve Successoribus, supremis, directis, naturalibus & perpetuis, Dominis, Regno, Magnoqve Ducatui Nostro Lithvaniæ, præstitisset, quod tum idem Serenissimus Prædecessor Noster, Stephanus, Rex, ex consilio Senatorum tam lateri Ejus assidentium, quam per literas de eo requisitorum, prænommatum Illustrissimum Principem, Dominum Gotthardum, Curlandiæ & Semigalliæ Ducem, ad terras, civitates, oppida, arces, possessiones, quas a Serenissimo commemorato Prædecessore Nostro concessas habuit, ac præminentias juraqve omnia & singula, tradito ab eodem Serenissimo Prædecessore Nostro, Stephano, Rege, solenni ritu feudali vexillo, Serenitas sua investiverit. Serenissimus quoque Sigisfundus III. Poloniæ & Sueciæ Rex, Illustrissimo Principe Gotthardo mortuo, filiis Illustritatis ejus, Illustrissimis Principibus, Dominis, Friderico & Guilhelmo, eorundem jurium confirmationem & Ducalem feudi investituram, diligentissimis itidem precibus flagitantibus, prædictos Illustrissimos Principes, Fridericum & Guilhelmum, Illustrissimum quidem Principem Fridericum præsentem, Illustrissimum vero Principem Gvilhelmum, per unum ex consiliariis fratris sui vexillum porrectum apprehendentem, ad easdem terras, civitates, oppida, arces, possessoresqve ac præminentias, juraqve omnia & singula, tradito solenni ritu feudali vexillo, utrumqve in solidum, sine tamen Ducatus dismembratione, investiverit. Et sublato ex humanis Serenissimo Rege, O, Sigismundo III. Illustrissimus Princeps, Fridericus, in felici

in-

inaugurationis Serenissimi Regis, Vladislai IV. Prædecessoris, comitiis, tam propter difficultates itinerum, quam temporis angustiam, ad præstandum vigore pactorum & investiturarum homagium adesse non posset: præfatus quoque Rex absentiam Illustritatis ejus in bonam partem ex allegatis rationibus accipiens, ejus homagii præstationem ad proxima tunc comitia, vel felicem Ejus in Magno Ducatu Lithvaniæ Vilnam adventum distulisset, prædictusque Illustrissimus Curlandiæ Dux, Fridericus, juxta responsum Serenitatis suæ, solennis juramenti Regi Regnoque præstandi causa, Vilnam in propria persona venisset, & die 20. mensis Julii, Senatoribus lateri Serenitatis suæ affidentibus, Officialibus & Aulicis Regiis magnaque frequentia Nobilitatis præsentibus, investituram a sua Serenitate petiisset, jusjurandum præscriptis verbis solenni ritu & ceremonia Regi Regnoque præstitisset; Junior vero tunc Illustrissimus Dux, Jacobus, suæ Illustritatis ex fratre nepos, tunc temporis præsens, tanquam legitimus Successor & a Serenitate sua ad contactum vexilli admissus fuisset, Serenitas sua prædictum Illustrissimum Principem, Fridericum, ad easdem terras, civitates, oppida, arces, possessiones ac præminentias, juraque omnia & singula, tradito solenni ritu feudali vexillo, investiverit. In comitiis vero anni 1638. a suæ Illustritatis ac Ducatus Curlandiæ atque Semigalliæ Nobilitatis eo nomine Varfaviam ablegatis Internunciis, Serenitas sua interpellata esset, dignaretur consensum suum Regium præbere, ut prædictus Illustrissimus Princeps, Fridericus, ætate confectus, liberam & plenariam facultatem haberet, cedendi regiminis & possessionis Ducatus Curlandiæ & Semigalliæ Illustrissimo Principi, Jacobo, & fratre nepoti; Serenitas sua ob præmemorata causam, re hac prius cum D. D. Senatoribus Regni Magnique Ducatus Lithvaniæ

nix in iisdem Comitibus Regni Generalibus lateri suo assidentibus, diligentissime perpenſa, eoqve conſiderato, qvōd p̄nominatus Illuſtriſſimus Princeps, Jacobus, vigore pactorum & inveſtiturarum, a Sereniſſimis Prædeceſſoribus Serenitatis ſuæ, D. D. Poloniæ Regibus, conceſſarum, & per Serenitatem ſuam ex Senatusconſulto, in ſolenni inveſtiturarum iſtarum renovatione, confirmatarum, tanqvam ſimultanee inveſtitus Princeps, & ex pacto, & providentia avi & patru ſui, legitimus ſucceſſor, alias in Ducatus Curlandiæ & Semigalliæ ſucceſſurus ſit, petitioni huic humillimæ, & primævæ ſubjectionis pactis, inveſtituris atqve reſponſis, tam ſuis, qvā Reipublicæ, congruæ locum dandum, conſenſumqve Regium ſpeciali, in iisdem comitiis ex Senatusconſulto eo nomine dato, Diplomate præbendum eſſe duxit, prout etiam conſtanter præbuit. Et licet qvidem ſua Illuſtritas, Dux Fridericus, conſenſum Serenitatis ſuæ ex Senatusconſulto, de facienda in perſonam Ducis Jacobi ceſſione, a Serenitate ſua, per ſuum ac Ordinis Equeſtris Legatos, obtinuiffet, & certis conditionibus ceſſionem feciſſet, Duxqve Jacobus, inhærendo conſenſui, homagii præſtandi cauſa ad Serenitatem ſuam in propria perſona, ad diem præfixam, Vilnam veniſſet, ac juramentum præſtare paratus, ſolennem inveſtituram expediri a Serenitate ſua humillime ſolicitaſſet, Serenitas vero ſua ceſſionem illam, juxta tenorem conſenſus, non factam fuiſſe, cum D. D. Senatoribus ac Conſiliariis ſuis Regiis, lateri ſuo Regio affidentibus, ex ceſſionis instrumento, coram Serenitate ſua producto, perſpexiſſet, nihilominus tamen ob inſignia dictorum Principum, ac inprimis Illuſtriſſimi Ducis, Friderici, in Reges & Rempublicam merita, & ex ſingulari erga Domum Ducalem affectu & benevolentia, defectum non factæ plenariæ ceſſionis, ex plenitudine poteſtatis

tis suæ Regiæ, supplendum, beneficium illud amplificandum
cessionemque illam conditionatam autoritate Regia sublevandam
esse, duxit, eundemque Ducem Jacobum, ac illius hæredes
masculos, legitimos Feudi Successores eo modo ad terras, ci-
vitates, oppida, arces, possessionesque a D.D. Decessori-
bus suæ Illustritatis, Avo, ejusque hæredibus, ac Patruo,
Duci Friderico, concessas & præminentias juraque omnia &
singula, tradito a Serenitate sua solenni ritu feudali vexillo, in-
vestivit, Diplomate consensus antea ex Senatusconsulto a Se-
renitate sua obtento, uti fundamento totius istius actus salvo
& in suo robore conservato; Cujus vigore Illustrissimus Prin-
ceps, Fridericus, quandocumque ipsi libuerit, cessionem realem
& plenariam cum jurisdictione & regimine in personam Du-
cis Jacobi facere, intra fatalia tamen juris, posset. Si vero
contigisset, Ducem Jacobum, post factam sibi a Duce Frideri-
co cessionem, absque prole mascula, e vita decedere, tunc ni-
hilominus idem Ducatus, non obstante eadem cessione, ad Du-
cem Fridericum redire, ac penes ipsum, vigore præteritarum
ipsi concessarum investiturarum, remanere debuisset. Ducem
quoque Jacobum, etiam non obtenta ante decessum Illustrissimi
Principis Friderici cessione, vi pactorum primavorum & inve-
stiturarum, tum quoque diversorum responsorum & istius ho-
magii intuitu, circa feudum Ducatus possessionemque, cum
pleno regimine, eidem ejusdem investituræ vigore conserva-
vit, Serenissimosque Successores conservare debere decrevit,
hac speciali conditione adjecta, ut Dux Jacobus sive post ces-
sum, sive post decessum Ducis Friderici, non prius possessionem
illius Ducatus adire, jurisdictionemque exercere, inciperet,
antequam per Commissarios ad faciendam introductionem a
Serenitate sua deputandos legitime intromissus fuisset; Posses-

sione porro rite & legitime, prævia cessione & intromissione, cum pleno regimine adepta, & per aliquot annos juxta investituram ac pacta conventa pacifice habita, cum sublato ex humanis præfato Serenissimo Rege, Vladislao IV. & electo in Regem Poloniæ, Serenissimo Joanne Casimiro, Antecessoribus Nostriis, prænominatus Illustrissimus Princeps, Jacobus, in comitiis coronationis illius, ad præstandum homagium per Internuntios gratiam illius humillime expetiisset, ac sicuti Serenissimi Antecessores Nostri, Reges Polon. in augenda ac ornanda singularibus beneficiis Illustrissima Curlandiæ & Semigalliæ Ducum Familia, in omni occasione maxima exhibuerunt documenta, ita, ut Serenissimus Joannes Casimirus, Illustrissimum Principem, D. Jacobum, pari affectu & benevolentia complexus, novum hoc beneficium eidem concessit, ut per Legatos suos cum debita fidelitatis & subjectionis tessera solita solemnitate homagium præstare, & investituram ritu consueto recipere posset. Qua benevolentia Regia condigne accepta, is idem Illustrissimus Princeps, D. Jacobus, ad Serenissimum Joannem Casimiram, Antecessorem Nostrum, Legatos suos, G. G. Georgium Vischer de Viceden, supremum primæ instantiæ Miraviens. Capitaneum, & cubiculi Regii familiarem, atque Georgium Goes, Capitaneum Schrudensem, misit, qui Varaviæ, die vigesima mensis Maji, anno Domini 1649. coram Throno Regio in manibus illius solenni ritu, nomine Illustrissimi Principis, Domini Jacobi, homagium præstiterant, & vicissim a Serenissimo Antecessore Nostro, jure gratiæ, feudale vexillum cum investitura humillime receperant; item a Serenissimo Michaele, per Legatos suos, Generos. Christophorum Henricum Puttkamer, supremum Capitaneum Tukumensem, & Georgium Bircks, Colonellum, eandem ritu solenni traditione vexilli acceperat

ceperat gratiam; Nec minori benevolentia Regia documento Nos, cum vocatione illius, per quem Reges regnant, ad Regale solium eveſti eſſemus, illum ipſum Illuſtriſſimum Ducem, Dominum Jacobum, amplexi, ejus Illuſtritati pro recipienda per Legatos ſuos, juxta beneficium D. Michaelis, Antecedanei Noſtri, Illuſtritati ejus conceſſum inveſtituræ, ultimam diem Julii, anno 1676. deſignaveramus. Ottomannica autem tum appropinqvare volente potentia ad prælia evocati, terminum ad reditum Noſtrum prorogaveramus, reverſiqve & peracta ejus anni expeditione atqve terminatis Generalibus Regni Comitibus, memoratum Illuſtriſſimum Ducem, Dominum Jacobum, præſtito, per Legatum ſuum Generoſ. Evaldum Pfeilitzer, nominatum Franck, Cancellarium & ſupremum Conſiliarium ſuum, fidelitatis & ſubjectionis juramento, ad eaſdem terras, civitates, oppida, arces, poſſeſſiones ac præeminentias, juraqve omnia & ſingula, tradito more ſolemni feudali vexillo, inveſtiveramus. Vbi vero elapſis aliquot pariter annis, idem Illuſtriſſimus Dominus, Jacobus, Dux, vita functus fuerat, filius Illuſtritatis ejus, Illuſtriſſimus Princeps, Dominus Fridericus Caſimirus, ad quem ſucceſſorio ordine & jure primogenituræ ex pacto & providentia Proavi, parentis Patruſ, & parentis ipſius ſucceſſio feudi, quod ſecundum Decretum D. Prædeceſſoris Noſtri, Sigismundi III. integrum & individuum, tam ratione jurisdictionis, quam bonorum, manere debet, ſpectat, conſeſtim per ablegatos ſuos humillime petiit, ut ſecundum beneficium D. Michaelis, Regis Polon. Antecedanei Noſtri, & Noſtrum, Illuſtritatis ejus Illuſtriſſimo parenti, Domino Jacobo, conceſſum, homagium per Legatos præſtare inveſtituramqve ſuper Avitum & Paternum feudum ſuum, Curlandiæ & Semigalliæ Ducatus, a Nobis humillime recipere poſſet; Cumqve Nobis ab initio

Regiminis Nostri cordi fuerit, illustrissimos in Livonia Curlandia & Semigallia Duces, totamque adeo Ducalem Domum pari gratia Regia, qua Serenissimi antecessores Nostri soliti fuerunt, prosequi & fovere; Ideo Clementissime annuimus, ut confirmationem jurium & Ducalem feudi investituram per Legatos a Nobis acciperet, Actuique huic solenni peragendo tempus duarum septimanarum ante Generalia Regni Comitia denominavimus. Hac declaratione Nostra Regia gratiis submisimissimis ab Illustrissimo Principe, Domino Friderico Casimiro, accepta, temporeque denominato adveniente, Illustritatis ejus Legati, G. G. Christophorus Henricus, liber Baro de Puttkamer, supremus Ducatus sui Praefectus, & Dietericus ab Alten-Bochum, supremus ejusdem Mareschalcus, supremique Consiliarii sui, Varavia comparuerunt. Quoniam autem ob itinerum difficultates aliaque prapedimenta Nos tribus diebus saltem ante memorata Comitia huc pervenimus, terminum eundem ad diem vigesimam quintam mensis Martii, anni nunc currentis, prorogavimus, in quo dum modo nominati legati, non solum petitum Illustrissimi Ducis, Friderici Casimiri, jam praefatum omni subjectionis cultu iterarunt, verum etiam nomine Illustritatis ejus Illustrissimorum Fratrum, Domini Ferdinandi, & Domini Alexandri, Ducum postgenitorum, humillime rogarunt, ut in casum deficientis aliquando in masculino sexu linea Friderico-Casimiriana, Illustrissimo Domino Ferdinando, & Ferdinandina, Illustrissimo Domino Alexandro, earumque Illustritatum legitimis Successoribus masculis jus simultanea investiturae, secundum jura Ducalia, & investuras Serenissimorum Polonia Regum, Praedecessorum Nostrorum & Nostrum in tabulis investiturae scriptum testumque conservare, quam clementissime dignaremur. Accessimus

simus itaque nunc ad acceptandum homagium, quod Nobis Illustrissimi Principis, Domini Friderici Casimiri, Ducis, Legati dicti coram Throno Nostro Regio, & in manibus Nostreis solenni ritu præstiterunt, feudaleque vexillum jure gratiæ cum investitura a Nobis humillime receperunt. Præmissa igitur rata & grata habentes confirmantesque, & de integro solenni investitura conferentes, quæ a prædictis Serenissimis Prædecessoribus Nostreis, Regibus Poloniæ, & Nobis, vigore pactorum, & investiturarum, sub Illarum & Nostreis manibus, sigillis autem Regni, Magnique Ducatus Lithvaniæ, Illustritatis Ejus Proavo, Gotthardo, parentis Patruo Friderico, & parenti ipsi Jacobo, jam antea data concessa & collata sunt, nimirum Ducalem titulum ad instar Illustrissimi Ducis in Prussia, cum omni dignitate, insignibus, privilegiis Ducalibus, ita ut Vassallus & Feudatarius Princeps Noster, & Successorum Nostrorum Regni, & Magni Ducatus Lithvaniæ, membrum sit, itidem ejus posterii sint. Præterea ut a Divo Sigismundo Augusto, Prædecessore Nostro, jam ante Illustritatis ejus Proavo, Gotthardo, quondam Duci, posterisque ejus legitimis masculis, ex ejus lumbis linea recta descendantibus, nominatæ ditiones, possessiones, civitates, oppida, arces, terræ assignatæ, sine infeudationis solennitate fuerunt, postea vero vigore legitimæ investituræ a Serenissimis itidem Prædecessoribus Nostreis, Divo Stephano, Sigismundo III. Vladislao IV. Joanne Casimiro, Michaeli, Regibus & Nobis Illustritatis ejus Antecessoribus Illustrissimis attributos, ita nunc Nos quoque Illustrissimo Principi, Friderico Casimiro, attribuimus, damus & conferimus, primum totum illum tractum Curlandiæ & Semigalliæ, incipiendo a salso mari sursum sequendo fluvium Hylga, ascendendo ad antiquos limites per Generos. Radzivilium inceptos & dispositos inter Samogitiam, Lithva-

Lithvaniam & Prussiam ab una, & Livoniam ab altera, partibus versus districtum Polocensem ad Dunam fluvium, descendendo vero Duna usque ad mare salsum; adeo ut quidquid in istis terminis eis Dunam versus Lithvaniam continetur, & ad Ordinem Livoniæ spectabat, nunc & in perpetuum apud Illustritatem ejus, ipsiusque hæredes masculos, permaneat, Curias videlicet Bona & Nobilitatem, quæ ad arcem Dunaburgensem, ex hac parte fluvii versus Lithvaniam, spectarunt, arcem Seelburgam cum toto districtu, curias item, Nobilitatem & omne id, quod videlicet ex hac parte ad arcem Ascherat spectabat, arcem Baufke, Neuguth, cum iis, quæ ad arcem Kirchholm pertinebant, arces item, curias & oppida Mirau, Tuckum, Neuenburg, Doblen, Candau, Alswangen, Schründen, Frauenburg, Zabell, tum & alias arces, quæ Serenissimo Antecessori Nostro, D. Sigismundo Augusto, oppignorata fuerunt, Goldingen, Hasenpoth, Durben, Vindau, in summa octuaginta millium florenorum, arcem vero Grobin in quinquaginta milibus illustrissimo quondam Principi, Alberto, Marchioni Brandenburgensi, in Prussia Duci, itidem oppignoratam, & illas quidem summas, quemadmodum D. D. Prædecessores Nostri in Diplommatibus suis remiserant, ita & Nos remittimus, adeoque ut prænominati D. D. Prædecessores Nostri suæ illustritatis antecessores, ita & Nos ejus Illustritatem legitimosque ejus Successores, hæredes masculos ex lumbis ejus linea recta pervenientes, circa totum istum Curlandiæ & Semigalliæ Ducatum, cum dictis terris, civitatibus, oppidis, arcibus & curiis, hac investituræ renovatione pro Nobis & Successoribus Nostris in toto conservamus, iisdemque prærogativis ac immunitatibus, quibus Illustrissimo Principi, Jacobo, & ejus Antecessoribus antea collata fuerunt, sine Nostro Hæredumque & Successorum Nostro-

Nostrorum, Regum & Regni Poloniae, impedimento ac praedjudicio. Pro Nobis vero & Serenissimis Successoribus Nostri in Regno, Magnoque Ducatu Lithvaniae, reliquam Livoniam, cum omni proprietate directo & utili Dominio, omni que mero & mixto Imperio, quemadmodum jam ante, DD. Praedecessores Nostri, Sigismundus Augustus, Stephanus, Sigismundus III. Vladislaus IV. Joannes Casimirus, & Michael, reservaverunt, atque Nos reservavimus, ita denuo reservamus retinemusque, salvis pactis Olivenfis. Cumque inter caetera & hoc inter Serenissimum Praedecessorem Nostrum, D. Sigismundum Augustum, & Illustritatis ejus proavum, convenit, ut permutatione Episcopatus Curonienfis, pro Sonneburga arce, curiis Leal & Habzell, Illustris Dux Magnus contentetur, & ad eam rem praedictus Dominus, Sigismundus Augustus, Serenissimus Stephanus, Serenissimus Sigismundus III. Serenissimus Vladislaus IV. Serenissimus Joannes Casimirus, & Serenissimus Michael, operam receperunt & Nos recipimus, ut cum reliqua Curonia Episcopatu Curonienfi quoque sua Illustritas potiatur. Postea vero cum vivente Duce Magno permutatio ea perfecta non fuisset, gravissima autem de Episcopatu eo controversia inter Divum Decessorem Nostrum, Stephanum, & Serenissimum Daniae Regem, exorta, tandem Serenissimus quondam Daniae Rex, per transactionem ex certis conditionibus Serenissimo Decessori Nostro Regnoque Jus suum, quod habere se in eo Episcopatu existimabat, cessisset, nihil hoc tempore statuere, ea de re possumus, rem omnem in eo statu, in quo ante sub Serenissimis Regibus, Sigismundo Augusto, Stephano, Sigismundo III. Vladislao IV. Joanne Casimiro, & Michael, Antecedaneis Nostri, & tempore Regiminis Nostri fuit, eam relinqvendam esse censuimus, prout relinqvimus, salva nihilominus commissione, tem-

tempore commodo per Nos ad effectum deducenda. Neve etiam limitum indiscussorum cum vicinis Illustritas ejus controversiam aut difficultatem habeat, Regni Nostri autoritate curabimus, ut primo quoque tempore ad præscriptum pactorum Posuolienf. & posteriorum Vilnensf. regantur, & certi constituentur, in tota illa vicinia limites, interea vero, ne utra pars alteri damnum inferat, aut litem & difficultatem moveat pro eo, ut hoc privilegio prædictorum DD. Antecessorum Nostrorum continetur. Cumque tractus Dunæ sursum & deorsum limites, inter Nos & Illustritatem ejus, constituat, jus & æquitatis ratio postulat, ut medietate fluvii in piscando & aliis commoditatibus ejus Illustritas perpetuo gaudeat, quæque Insulæ seu mediamnes alteri parti viciniore sunt, apud eandem partem, juxta privilegia eorundem DD. Antecessorum Nostrorum, maneant. Monetæ etiam cudendæ facultatem, ut a prædictis DD. Antecessoribus Nostris, jam ante Illustrissimo Proavo, parentis Patruo, & parenti ejus Illustritatis, data est, Illustritati ejus confirmamus & de integro conferimus, ad pondus & valorem communem Reipublicæ, & ut ejus promiscuus & indifferens usus sit, tam in Regno & in Lithvania, quam in Livonia, volumus, attamen ut ex una parte Nostra effigies, vel Insignia Regni Magnique Ducatus Lithvaniæ, in altera Illustritatis ejus, exprimantur. Si quid porro Illustritati ejus vendendum, oppignorandum permutandumve, fuerit, super hoc Illustritati ejus facultatem libertatemque concedimus, & ut antea a DD. Prædecessoribus Nostris concessum est, ita videlicet, ut ad Nos & Serenissimos Successores Nostros, de eo primo loco deferatur, Nobisque optio detur, si talem oppignorationem ipsi acceptare voluerimus, sin minus, tum id Illustritati ejus liceat, cui volet, ita tamen, ut tali oppignoratione nulla occasio dis-

mem-

membrationis a Republica eorum bonorum detur. Dabimus quoque operam secundum privilegium prædicti D. Antecessoris Nostri, si quando Ducatus Estoniæ cum civitate Revelensi aliqua ratione ad Regnum Nostrium Polon. adjungatur, ut suæ Illustritati, ejus Hæredibus & Successoribus legitimis, æqua portio, vel in bonis, vel in pecunia, concedatur, sumptibus in ea recuperatione factis, ante omnia Nobis refusis. Quod punctum non ad convellenda pacta Olivensia, quæ inviolabiliter observare volumus referendum est, sed ut vigori atque observationi investiturarum, in casum, inopinatum (quem Deus avertat) caveatur. Denique Illustritati ejus jurisdictionem totalem pro eo, ut in privilegiis DD. Antecessorum Nostrorum continetur, juxta leges & consuetudines moresque antiquos, confirmamus, & de novo concedimus, & illi, qui ejus Illustritatis jurisdictioni subiecti, & ratione Domiciliorum subditi ejus erunt, & manebunt, ad suum tantum Principem provocabunt. In causis tamen gravioribus & maximi momenti licebit Nobilitati, a Principe suo, prout de jure & juxta priorum investiturarum tenorem, provocare. Caverat etiam D. Sigismundus Augustus, Antecessori Illustritatis ejus, piæ memoriæ Proavo, cum ante sexennali bello, tam suæ Illustritatis, quam & Nobilitatis Curoniensis, vires exhaustæ essent, relaxata ut esset sua Illustritas & Nobilitas ab onere belli, & ut hoc saltem præstarent, & mitterent quod commode pro modulo suo possent; Alio autem tempore eam habendam rationem, quam Illustrissimi olim Ducis in Prussia; D. Stephanus vero Rex, Prædecessor Noster, se quoque pro eo bello, quod tum gerebat iis copiis, de quibus cum Illustritate ejus sibi conveniret, contentum fore promittebat. Itaque quamvis Nobis de ea Illustritate persuadeamus, quæ cum Nobilitate sua possit Nobis non grava-

tim præstare, tamen ad clariorem, quod sua Illustritas Nobis præstare teneatur, declarationem, ita prout inter Serenitatem suam, Prædecessorem Nostrium, ac Illustritatis suæ parentem, conventum fuerat, inter Nos & eandem etiam convenit. Quod in posterum in vim perpetuæ obligationis erit observandum, ut Illustrissimus Dux, Fridericus Casimirus, ejus Successores & feudi hæredes, pro hac Nostra in se beneficentia, tempore expeditionis bellicæ unam cohortem Equitum cum servitiis Eques-tribus Nobilium, quoties iis opus fuerit, intra fines Curlandiæ & Semigalliæ præstet, & quoties vero, publica aliqua necessitate bellica postulante, in Regno publicæ contributiones decretæ fuerint, toties Dux Fridericus Casimirus summam decem mil-
 lium florenorum Polon. in thesaurum Reipublicæ inferet & Suc-
 cessores illius inferre tenebuntur, hoc videlicet pacto, quod li-
 cet una, five plures contributiones in generalibus comitiis sci-
 fierentur, Dux Fridericus Casimirus in locum five unius, five
 plurium, prædictam decem millium florenum Poloniarum sum-
 mam & non plus, accepta desuper quietatione DD. Thesau-
 riariorum, cum suis Successoribus pendere ac solvere adstrictus
 erit. Secus vero si publica expeditione sic exigente Dux, Fri-
 dericus Casimirus, Vassallagium Equitum cum suis Nobilibus
 sisteret, in hoc casu pro eo tempore, etiam si contributiones in
 Comitiis scitæ fuissent, liberum & immunem eundem Ducem,
 Fridericum Casimirum, & ipsius Successores, a persolvenda
 decem millium florenorum Polon. contributione fore debere,
 declaramus. Alias etiam cautiones & conditiones, de quibus
 inter Serenissimum Vladislaum IV. Antecessorem Nostrium con-
 venerat, quæque peculiaribus scriptis Illustrissimo Principi, Ja-
 cobo, sub illius chirographo & sigillo, continentur, debet Il-
 lustrissimus Princeps, Fridericus Casimirus, ac ejus Successores
 obser-

observare. Postremo cum jam ante Illustrissimus olim Proavus, Illustritatis ejus prædecessariis & justissimis de causis, se ditioni atque imperio Serenissimorum Prædecessorum Nostrorum & Successorum Regni & M. D. Lithvaniæ subjecerit, extrema magni Moschorum Ducis injuria, vi atque oppressione impulsus hostili, frustra per annos complures implorata Romanorum Imperii ope ac subsidio, jam per longissimum temporis spatium veluti pro derelicto habitus, sub ditione Poloniae Regum, Antecessorum Nostrorum & Nostra, nulla cum controversia permanserit, Nos quidem futurum non judicamus, ut ejus Illustritati eo nomine controversia aut molestia ulla afferatur, verum tamen si quæ illata fuerit, quæ cum labe aliqua nominis, aut aliquo detrimento, conjuncta sit, Nos in eo Regio Nostro officio, quod in defendendis subditis Nostris versari, non ignoramus, minime defuturi sumus, quodque Serenissimos Prædecessores Nostros, in causa Illustrissimi quondam in Prussia Ducis, Alberti, egisse intelligimus, agere minime prætermittimus, defensionemque contra hostem omnem, qualiscunque tandem ille fuerit, præstabimus, & Successores Nostri præstabunt. Ipse vero Illustrissimus Dux pro hac Serenissimorum Prædecessorum Nostrorum & Nostra in se beneficentia, quæcunque Vasalli & feudales Principes, erga suum naturalem superiorem & directum Dominum fidelitatis, observantiæ servitiorumque studia & officia, præstare tenentur, Illustritas ejus erga Nos Regnumque & M. D. Lithvaniæ præstabit, itidemque hæredes legitimi in hoc feudo Successores præstabunt. Nosque vicissim ejus Illustritatem & Hæredes & Successores omni patrocinio, amore & benevolentia boni Regis & supremi directique Domini, complecti, & in juribus, immunitatibus & privilegiis illorum, servare tenebimur & Successores Nostri tenebun-

tur. Insuper quoque sicubi accadat, deficere aliquando in masculo sexu lineam Friderico-Casimirianam, eum in casum Illustrissimis Principibus, Domino Ferdinando & Ferdinandina, Domino Alexandro, Illustrissimi olim Jacobi, in Livonia, Curlandia & Semigallia Ducis, filiis, earumque Illustritatum Successoribus masculis ex lumbis Illustritatum earum legitime descendentibus, jus simultaneæ investituræ, secundum Jura Ducalia, prioresque investituras a Serenissimis Prædecessoribus Nostriis, DD. Polonia Regibus & Nobis, concessas, factum rectumque reservamus & conservamus, integrumque earum Illustritatus maneat, vigore Diplomatis primævæ subjectionis & cæterarum investiturarum ad exemplum Prædecessorum suorum, quandocunque locus & copia aperturæ feudi Ducatus Curlandia & Semigallia fuerit, modo memoratum feudum a Nobis & Serenissimis Successoribus Nostriis, Regibus Polonia, uti naturalibus & directis Dominis, petere, Juramentum fidelitatis subjectionis præstare, modo successorio aggredi & plenarie, absque tamen omni Ducatus dismembratione, possidere, omnibusque juribus Ducalibus realiter frui, attamen ut & earum Illustritates ea fidelitatis & obsequii officia, quæ a futuris Vasallis requiruntur, præstent & præstare obstricti sint. In quorum omnium & singulorum fidem præsentem literas manu Nostra subscripsimus, & sigillis Regni Magnique Ducatus Lithvania muniri mandavimus. Datum Varsovia, die XXV. mensis Martii, anno Domini MDCLXXXIII Regni vero Nostri anno IX. Præsentibus Reverendis in Christo Patribus, DD. Joanne Malachowski, Cracoviensi, Duce Severia, Stephano Pac, Vilnensi, &c.

XV.

Extractus Actorum Commissionis
Regiæ,

Mitavia, mense Julio, anni 1717.

celebratæ,

Insertis juramentorum formulis, tam a supremis Con-
filiariis, quam Capitaneis Majoribus & Minoribus,
Duci præstandorum:

NOs Alexander Horain, Episcopus Samogitiæ, Stanislaus,
Comes Dönhoff, Enifer Regni Magnique Ducatus Lithu-
aniæ, Dux Campestris, Jacobus, Comes in Schryzynno, Du-
nin, Regens Majoris Cancellariæ Regni, Braclaviensis Capita-
neus, & Joannes Sigismundus de Wahlen, Vexillifer Districtus
Grodnenfis, S. R. Majestatis Succamerarius, Commissarii a S.
R. Majestate, ex mente Constitutionis Novellæ, cum plena po-
testate ad Ducatus Curlandiæ & Semigalliæ deputati & assigna-
ti, post expeditas causas expulsionum, liquidationum, Com-
missionum & alia accessoria Decreta prolata, quorum separa-
tum Protocollum, ut in causis privatorum, manibus Nostreis sub-
scriptum & ad Acta porrectum extat, decisæque causæ homi-
cidii, G. olim Caroli Friderici Fircks, Capitanei Telsensis, con-
formando Nos Instrumento Commissionis Sacræ Regiæ Majesta-
tis, ad exaudienda & trutinanda Gravamina publica Generosæ
Nobilitatis Ducatus Curlandiæ & Semigalliæ S. R. Majestati &
judicio Nostro Commissoriali porrecta & exhibita sub actu diei
decimæ quartæ mensis Julii, anno Domini millesimo septinge-
simo decimo septimo procesimus. Quibus exhibitis & lectis
pro

pro meliori judicii Nostri informatione ante omnia ad revidenda Documenta, Gravamina G. Nobilitatis concernentia, in Camera Ducali existentia, signanter dispositiones œconomicas & Mandata Ducalia Commissionesque, Illustres ac Magnificos Regentem Cancellariæ Regni Majoris, & Vexilliferum Grodnensem, absentia unius non obstante, e medio judicii Nostri deputavimus, Officialesque Cameræ Ducalis, ad comportanda eadem, sub fide jurata adstrinximus. Postmodum etiam Nobili Jacobo Biselstein, Advocato Aulico, qvatenus Mandata omnia Ducalia statum publicum Ducatus concernentia, & particularia cum publicis connexionem habentia, literasque, qvæ & qvales per G. Ordinem Equestrem Gravaminibus suis specificatæ sunt, signanter ac eas literas, in qvibus expressum, ut præfatus Advocatus, Biselsteinus, G. G. Consiliariis Regentibus recte in omnibus, & cum projectis assistere, iisdemque, ut eum in omnibus adhiberent, ejusque consilia sequerentur, ab Illustrissimo Duce specialiter injunctum est, sub pœnis ad judicium nostrum, comportaret & produceret, mandavimus, iisdemque prout & Documentis Cameralibus, per eosdem Magnificos judicii nostri Deputatos secrete revisis, ad decisionem eorundem Gravaminum condescendimus.

I. Exhibuit Nobis Generosa Nobilitas Pacta primævæ subjectionis, sub dato Vilnæ, die 28. Novembris A. 1561 & qvidem ex iis locum, in qvo Divus olim Sigismundus Augustus, Illustrissimis Ducibus Curlandiæ Ducalem titulum, *ad instar Ducis Prussie*, cum omni Dignitate, Insignibus & Privilegiis Ducalibus tribuit, tum Privilegium, sub dato Vilnæ, feria sexta post Festum S. Catharinæ, A. 1561. G. Nobilitati datum. in qvo habetur, qvod Illustrissimus olim Gotthardus se & Provinciam suam ditionibus dominiisqve ejusdem S. R. Majestatis,

ad

ad instar terrarum Prussia, adjunxit & incorporavit; porro Investituras Ducum Curlandiæ cum superioribus per omnia convenientes, deinde Diploma Investituræ Duci Prusiæ, Joanni Sigismundo, ejusque fratribus præscriptum, in quo hæc continentur verba: *Quoties se obtulerit casus devolutionis de uno in alium Marchiones, & eorum legitimos feudi hæredes masculos, debebunt illi, & quisque eorum debet, Nobis & Successoribus Nostreis, Regibus & Regno Poloniae, intra tempus debitum, subjectionem & feudi obligationem, & homagium præstare, neque prius feudum Ducatus Prusiæ accipere, aut acceptum adire poterunt aut debebunt, quam Nobis, Successoribusque, Regibus ac Regno Poloniae, in propria persona juramentum fidelitatis præstiterint*; Posthæc Instrumentum simultaneæ investituræ de A. 1633. in quo Dux Jacobus, cum Patruo, Duce Friderico, simul investitus, & ad contactum vexilli admissus fuit, & consensum Regium ex Responso Comitiali A. 1638. obtentum, cui consensui hæc conditio vel clausula fuit adjecta: *ut antequam realem possessionem illius Ducatus apprehenderit jurisdictionemque exercere cæperit, is idem Dux, Jacobus, primum Nobis & Reipublicæ homagium solenni ritu feudati, ex vi pactorum eo in loco, ubicunque pro eo tempore cum Aula Nostri feliciter constituti fuerimus, præstare teneatur*; Præterea paragraphum Formulæ Regiminis 44. qui hujus tenoris est: *Novus Princeps Curlandiæ & Semigalliæ jurejurando, quod Sacræ Regiæ Majestati & Reipublicæ præstabit, se quoque Nobilitatis universæ, omnium præterea & singulorum privatorum, libertates, privilegia, jura, immunitates, factas atque rectas servaturum contestabitur, ut & §. 4tum Form. Regiminis, in quo habetur: quodsi Principem abesse a Ducatu contigerit, Consilarii supremi Jurisdictionem, & Judicia exercere, mandata & sententias, aliæque omnia administrationis munia, Principis nomine*

mine expedire, & promulgare tenentur; denique declarationem ac decisionem de Anno 1642. ubi sequentia verba leguntur: Sede vero vacante, vel Principe ex Ducatu absente, vel minorenni existente, soli quatuor Supremi Consilarii, juxta Formulam Regiminis, Ducatum, omniaque Gubernationis munia, etiam in indicendo Conventus, administrabunt; Quibus exhibitis G. Nobilitas conquesta est, quod his omnibus non obstantibus, Dux Illustrissimus, Ferdinandus, licet homagium non præsiterit, in S. R. Majestatis & Reipublicæ, nec non Ordinis Equestris, præjudicium, Regiminis munia suscepit, & ad se Gedanum traxit, multa præjudiciosa, nullo Consiliario, nisi Secretario superiore, Joanne Christiano Hölchero præsentem, contra Leges fundamentales, rescribendo, expediendo atque promulgando, Conventum vero publicum secundum Formulam Reg. & Commissionem de A. 1642. a Consiliariis supremis indicendum, denegando. In contrarium G. G. Consilarii, Regentes, coram Nobis comparentes, exhibuerunt Literas Rescripti S. R. Majestatis, de dato Varsoviæ, die 24. mensis Martii, A. 1713. concessas, sigillo Regni majori & M. D. Lith. communitas, quibus S. R. Majestas prout in anno 1712. ex causa præsentis debilis valetudinis Illustrissimi moderni Ducis, Ferdinandi, homagii præstationem, & Investituræ receptionem, ad cadentiam sequentium Comitiorum differre, ita quoque ad proximam immediateque futura Comitiorum prorogare, & sibi G. G. Consiliariis, & Officialibus, totique Nobilitari, ut juxta præscriptum Statutorum & Formulæ Regiminis, eidem Illustrissimo Duci obtemperent, jurisdictioni ejus in omnibus pareant, de mandare dignata est.

Nos Commissarii S. R. Majestatis eo in consideratione habito, quod ex Pactis primæva subjectionis, aliisque Documentis

tis exhibitis, Formula Regiminis, Commissorialique decisione, Illustrissimus Dux, Ferdinandus, ante homagium Sacrae Regiae Majestati praestitum, administrationem Ducatus subire, & jurisdictionem exercere, vel praetendere, nullo modo valuerit, sed quod sede vacante, vel Principe absente, omnia administrationis munia solis Consiliariis Supremis attributa sint, & quamvis prorogationem praestandi homagii in Literis Rescripti S. R. Majestatis Illustrissimus Dux obtinuerit, ea tamen extra Ducatum abuti non potuit; Itaque ob concurrentiam ejusdem prorogationis S. R. Majestatis, in qua etiam assignatus ad praestandum homagium terminus, jam a tot annis per Illustrissimum Ducem praetermissus, causam quidem hoc in puncto cum toto suo effectu ad Judicia Relationum propriarum S. R. Majestatis remittimus, terminumque Partibus, dum & quando, Judicia eadem, praeviis Innotescentialibus, in cadentia solita Juridicae Curlandicae celebrabuntur, conservamus peremptorium. Ut autem omnia devia, juxta Constitutorium Regium nobis clementissime concessum, in pristinam orbitam redigamus, in futurum, juxta Form. Regim. decisionemque Commissorialem inhærendoque Legi publicae Constitutionis anni 1683. eo in casu, quando Princeps juramentum fidelitatis homagiumque in propria persona sua nondum praestiterit, Generosam Nobilitatem ab obedientia Principibus investitis praestari solita pro absoluta declaramus. Cæterum providendo, ne in absentia Illustrissimi Domini Ducis moderni majores & periculosiores abusus, ob usurpatam sibi extra Ducatus praefatos jurisdictionem praetensam, eveniant, Formulamque Regiminis ad executionem deducendo, cassatis & pro nullis declaratis quibusvis Mandatis, Rescriptis, & Commissionibus Ducalibus, Gedano in anteceßum & ad praesens ad quascunque personas transmissis, uti juri-

Y

Du-

Ducatus contrariis, eidem Illustrissimo Domino Ferdinando, Duci, autoritate S. R. Majestatis & Reipublicæ, ne pratenſam extra Ducatum jurisdictionem exerceat, & continuet, G. G. quoque Conſiliarii Regentes, Capitanei majores vel minores, aliique Officiales, etiam Camerales, Mandata & Commiſſiones ejusmodi Ducales ad ſe tranſmiſſas, ſive tranſmittendas, ullo modo exequi audeant, ſed eo in paſſu ad G. G. Conſiliarios ſupremos, Regentes, recurrant, ſub pœnis privationis officiorum & incapacitatis in futurum ad ea aſſeqvenda, interdiciamus & ſerio inhibemus. Ac ut interim & in futurum abſente extra Ducatum Principe & in aliis caſibus in Formula Regiminis expreſſis G. G. ſupremi Conſiliarii Regentes, per Nos, inferius conſtituti & approbati, ſive in futurum eligendi & conſtituendi, jurati, Jurisdictionem & Judicia exerceant, mandata & ſententias, aliaque omnia adminiſtrationis & gubernationis munia, Principis nomine, quamdiu in vivis erit, expediant, Judicia ſua ſtatis temporibus inchoari curent, & ſeſe juxta præſcriptum juramenti per Nos inferius præſcripti, Formulæ Regiminis paragrapho decimo, decimo quarto, & decimo quinto, in jure dicendo & adminiſtranda Juſtitia gerant eaque obſervent, ita, ut eorum Jurisdictione, etiam mortuo, abſente, vel minorennæ infirmoque, Principe indiviſa, atque in ſolidum cenſeri debeat, & juxta §. quartum Formulæ Regiminis uno pluribusve eorum deſunctis, vel legaliter abſentibus, reliqui munere ſuo plene fungantur & in locum deſunctorum a reliquis Conſiliariis ſupremis, intra menſem, alii ex præſcripto Legum eligantur & conſtituantur, ſalvo & reſervato G. Nobilitati, in caſum neglectus ad S. R. Majestatem reſcurſu, declaramus, & ſub pœnis, contra negligentes Officiales in Jure ſancitis, per G. Inſtigatorem Regni & M. D. Lichvanæ, ad inſtantiam

tiam & delationem cujuscunque ex Nobilitate in Judiciis S. R. Majestatis decernendis & irremissibiliter extendendis, demandamus; *Jure tamen S. R. Majestatis & Reipublicæ per omnia & in omnibus salvo.*

XIII. Consequenter & in decimo tertio, attenta notorietate facti ex libera judiciali agnitione G. Cancellarii, Sacken, quod ipse Gedani Illustrissimo Domino Ferdinando, Principi, super officium Cancellariatus, juramentum A. 1713. præstitit, per literasque ejusdem Illustrissimi Ducis confirmatus & in pacifica possessione sit, & alterius G. Philippi Everhardi de Brüngen, Capitanei majoris Tuckumensis, quod ipse juramentum super Capitaneatum Tuckumensem, in scriptis eidem Illustrissimo Gedanum transmissit, nec non confessione GG. Landhofsmäisteri & Cancellarii facta, quod quidam Capitaneorum juramenta in scriptis Gedanum transmissit, considerata, ejusmodi omnia juramenta, uti juribus Formulæ Regiminis & praxi antiquæ, ac directo dominio S. R. Majestatis & Reipublicæ præjudicialia & contraria, abrogamus & pro nullis declaramus, & ne in futurum Officiales juramenta extra Ducatum præstent, vel eadem illic, aut in Ducatu, in literis exhibeant, sub privatione officiorum inhibemus. Verum quoniam GG. supremi Consilarii Regentes, absente extra Ducatum Principe, nomine Principis, & in aliis casibus in Formula Regiminis specificatis, soli omnia administrationis munia & jurisdictionem exercere debent, ideo, quatenus in futurum omnes Officiales, præsentem in Ducatu investito Principe, coram Principe, præsentibus Consiliariis, sede vero vacante & necdum investito Principe, coram solis iisdem GG. Consiliariis duntaxat, S. R. Majestati, Reipublicæ, & legitime investitis Principibus, in loco Residentiæ Ducalis solito, jurare debeant, statuimus & declaramus, Rotam-

que Juramenti, Principibus investitis præstandi, præscribendam esse, duximus, & præscribimus in hunc, qui sequitur, modum :

*Formula Juramenti Supremorum
Consiliariorum :*

EGO N. N. juro & promitto Illustrissimo Principi ac Domino, Domino Ferdinando, in Livonia Curlandiæ & Semigalliæ Duci, Principi ac Domino meo gratiosissimo, ejusque legitime investitis hæredibus & successoribus, sub dominio directo Sacræ Regiæ Majestatis Poloniæ & M. Ducis Lithvaniæ, (quamprimum homagium tam modernus Illustrissimus Dux, quam hæredes & successores ejus, præstiterint, & renovationem investituræ realem consecuti fuerint,) *Ducibusque non amplius superstitibus, Serenissimo ac Potentissimo Principi ac Domino, Domino Augusto Secundo, Regi Poloniæ & Magno Duci Lithuania, tanquam meo non solum Domino supremo & directo, qui S. R. Majestas jam est, sed etiam tanquam meo tunc immediato, & plane perfecto, naturali Domino, & Reipublicæ, me, uti alii Regni incola, subiectum fidelem & deditum futurum & mansurum, suæ Illustritatis commoda quæsiturum, mala averfurum, damnaque præcauturum ; Et postquam a sua Illustritate Consiliarius supremus constitutus sum, me in consiliis, legationibus, & aliis mihi commissis negotiis, loquendo & scribendo diligentem, sollicitum & solertem, exhibere, ejusdem Illustritatis regalia, honorem & reputationem, jus & jurisdictionem, quod per me fieri poterit, defendere, tum ordinationes & privilegia, secundum Pacta subjectionis, Formulam Regiminis, Decisiones Commissoriales, jura & consuetudines, tam omnium*
in

in genere incolarum, quam uniuscujusvis in specie, omni cum fidelitate debite observare, & quantum in me est, non permittere velle, ut peregrini vel exotici, ad consilia & consultationes publicas, sive clam, sive palam, admittantur, imo multominus ego eosdem ad eas admittam vel introducam, contra vero in id incumbam, ut omnia, juxta leges cardinales & horum Ducatum observantiam, solummodo ab indigenis disponantur atque administrantur. In casu vero, si præter opinionem aliquid, quod huic contrarium esset, fieret, vel intendetur, volo ego suam Illustritatem desuper, tenore Formulæ Regiminis, tempestive & cum fundamento præmonere, omnemque operam navare, ut id intermittatur, quæ si omnia absque effectu essent, ad Sacram Regiam Majestatem, *utpote Dominum meum directum*, recurram, atque vi hujus mei Juramenti præstiti, debite, fideliter ac ingenue, omnia deferam, & remedium quæram, cæterum vero suæ Illustritatis arcana, & quidquid mihi concredidum fuerit, tum & quod in habito consilio per modum suffragii, vel aliter, conclusum est, nemini revelabo, sed ad cineres usque reticebo; In causis & actibus judicialibus, item in decernendis libellis supplicibus, tantum juri & justitiæ sanctæ me conformabo, & ad normam regulamque ejus, absque personarum, munerum & donationum respectu, omnes causas decidam & definiam, tandemque omnia perficiam, quæ fidei Consiliario Supremo incumbunt, eumque obligant, omnia ingenue, sine reservatione: Itaque me DEUS adjuvet & S. ejus Evangelium.

Principi autem investito ita jurabunt Consilarii Regentes, scilicet omiſſa clausula: *Quamprimum &c. fuerint.*

Similiter GG. Capitanei majores & minores, quos sub eadem præcautione, quæ GG. Consiliarios supremos, in officiis suis conservamus, jurabunt ejusmodi rota:

For-

Formula Juramenti Capitaneorum Majorum & Minorum:

EGO N. N. promitto & juro Illustrissimo Principi ac Domino, Domino Ferdinando, in Livonia Curlandia & Semigalia Ducui, Principi ac Domino meo gratioso, eiusdemque rite investitis heredibus, & successoribus, sub directo dominio S. R. Majestatis Poloniae, & Magni Ducis Lithuaniae, (quampri- mum homagium tanti modernus Illustrissimus Dux, quam ha- redes & successores ejus, praestiterint, & renovationem inve- stiturae realem consecuti fuerint) *Ducibusque non amplius supersti- tibus, Serenissimo ac Potentissimo Principi ac Domino, Domino Au- gusto Secundo, Regi Poloniae & M. D. Lithuaniae, ejusque in Re- gno successoribus, Serenissimis Regibus Poloniae, & Magnis Ducibus Lithuaniae, tanquam meo non solum Domino supremo, directo, qui S. R. Majestas jam est, sed etiam tanquam meo tunc immediato, & plane perfecto, naturali Domino, & Reipublicae, me, uti alii Re- gni incolae, subiectum fidelem & deditum futurum & mansurum, suae Illustritatis commoda quæsiturum, damnaque præcauturum; Et postquam a sua Illustritate Capitaneus major N. constitutus sum, in legationibus & commissionibus, in & extra Ducatum, me fidelem & diligentem exhibebo, arcana mihi concredita, ad aram usque reticendo, nec sine jussu suae Illustritatis cui- quam propalando; Claves & arcem N. mihi, in Capitaneatu de- lato majori, commissas, caute observabo, nec, sine Illustrita- tis suae ejusque successorum voluntate, cuiquam extradam; In judiciis solummodo ad sanctam Justitiam respiciam, & secun- dum ejus normam & regulam, absque respectu personarum, numerum, seu largitionum, omnes causas decidam & discer-
nam*

nam, constitutiones & privilegia horum Ducatum, secundum Pacta Subjectionis, Formulam Regiminis, decisiones commissoriales, jura & consuetudines, tum omnium incolarum in genere, tum & uniuscujusvis in specie, omni fide, & semper, munirenebo & observabo, & quantum in me est, tenore instructionis, per me in scriptis acceptæ, pro optima mente & facultate mea, diligenter & fideliter peragam & perficiam, nec omittam, quod fidelem Capitanum & Ministrum decet, ei-que convenit, sine reservatione, aut periculo: Ita me DEUS adjuvet, & S. ejus Evangelium.

Conclusio:

CUM igitur omnia, quæ ita a Nobis, autoritate Commissoriali, in perpetuum legis vigorem, constituta sunt, Pactis primæ subjectionis, Formulæ Regiminis, Decisioni Commissoriali de Anno 1642. aliique Juri publico, justitiæ & æquitati, conformia, & quæcunque devia, ex tenore Constitutionis Novellæ & Constitutorii Regii, per ea in priorem orbitam reducta sunt; itaque confirmando simul omnia ac singula, quæ in moderno & prioribus Conventibus publicis Regiis, cum GG. Consiliariis Regentibus a. G. Ordine Equestri conclusa, ut quævis in ea contenta ac ordinata accurate observentur, iisque plenissime satisfiat, & ne ab eis ullo in puncto recedatur, vel præjudiciosi quid in Generosum Equestrem Ordinem, vel ad calculationem Deputatos, vel Generosi Ordinis Equestres Plenipotentarios, & Patronos causæ, contra Protectoriales literas S. R. Majestatis (quas hîc renovamus & reassumimus) in securitatis publicæ everSIONem, decisionumque Nostrarum derogationem, suscipiatur, sed juxta illa Protectorialia S. R. M. tam generalia, quam specialia, eaque, quæ a nobis consecuta & ordi-

ordinata sunt, universis & singulis omnimoda securitas præstetur, neque in specie ab Illustrissimo Duce, vel Successoribus ejus, huic contrarium aliquid fiat, aut attentetur, eidem vel iisdem, sub amissione feudi, & GG. Consiliariis Regentibus, ut talia sollicite præcaveant, atque serio avertant, nec ulla ratione admittant, sub confiscatione bonorum, aliisque gravissimis S. R. Majestatis arbitrariis poenis, super iis irremissibiliter extendendis, cæteris vero Officialibus, & quibuscunque aliis, ne operam præstent, ut ejusmodi eveniant, sub poena infamiæ ac colli, S. R. Majestatis & Reipublicæ nomine & autoritate, serio præcipimus, mandamus, inhibemus, & statuimus.

*Limitatio Actus Commissionis S. R.
Majestatis:*

QVoniam autem varii Bonorum Ducalium, relictioni obnoxiorum, possessores supersunt, qui satisfaciendo Decreto Nostro jura sua deducere parati fuerunt, Nobis vero legalitates Nostræ, & varia ac gravissima negotia non permittunt, eos jam admittere, præterea nonnulla Generosis Consiliariis Regentibus, atque Generoso Ordini Equestri, commissa sunt, quæ revisione nostra & finali decisione indigent, imprimis ratione teloniorum, & ordinationum politicarum civitatum, diversorum quoque desiderio, in liquidandis calculationibus, satisfieri non potuit, atque insuper necessitas ac rei status efflagitat, ut adhuc alia quædam expediantur, & in ordinem redigantur, quæ omnia hac vice ad finem perducere nequeunt; Ideo hunc terminum pro Commissionis actu conclusivè expediendo limitandum, differendum ac prorogandum esse, duximus, uti quidem effective & realiter limitamus ac prorogamus, ac terminum

minum ejusdem actus reassumptionis pro die 20. Maji in anno proxime venturo 1718: assignamus & determinamus, interea vero omnes bonorum Ducalium possessores a pœna in Decretis, ratione producendorum jurium ad bona Ducalia latis, interposita absolvimus, *Generosisque Consiliariis Regentibus; ut reditus & proventus Ducatum sedulo connotari faciant, de iisque in futurum rationes reddant*, ac ea, quæ ipsis ac G. Ordini Equestri commissa sunt, ad finem perducant, Generosi vero ad calculandum Deputari cum quibusvis desiderantibus calculent & liquent, & partes ad judicium Nostrium remittant, statuimus & mandamus.

(L.S.) Stanislaus, Comes Dönhoff, Dux Campestris Exercitus M. D. Lithuanicæ, Enifer Regni, Neocorcorinensis, Masovienfis Capitaneus, S. R. Majest. & Reipublicæ Commissarius.

(L.S.) Jacobus, Comes in Skrzynno Dunin, Regens Regni Cancellariæ, Capitaneus Braclaviens. S. R. Majest. & Reipubl. Commissarius.

(L.S.) Joannes Sigismundus de Wahlen, Vexillifer Districtus Grodnensis, Succamerarius & Commissarius S. R. Majest. & Reipublicæ.

Josephus Kolinski, Pocillator Braclaviensis, Commissionis S. R. Majestatis Secretarius Juratus.

XVI.

Extractus Constitutionis Grodnensis,
de Anno 1726.

Instrumenta Pactorum primævæ subjectionis, Incorporationis & Formulæ Regiminis, denuo corroborantis:

Qvandoquidem secundum communem experientiam omnes gentes & dominia congregata, & coadunata in unum sub uniformi Regimine corpus, multo magis esse solent potentiora & felicia, ad mutuam defensionem & conservationem, quam divisa; igitur inhærendo pactis æternis subjectionis & incorporationis absolutissimæ & plenissimæ, sine ulla minima reservatione, libere, rite ac legitime, ab utrinque stabilitis & jurata fide confirmatis, tum conformando sese ad Constitutionem anni 1589. deficiente stirpe mascula moderni Celsissimi Ducis, Ferdinandi, ex linea Kettleriana procedentis, salvis per omnia juribus, possessionibusque & prærogativis ejusdem Ducis, quousque supervixerit, (*cui homagium, dispensando Constitutionem anni 1683. ob respectum provectæ ætatis, & singularia erga Rempublicam merita, etiam per Legatum suum præstare, permittimus, hoc tamen præcauto, quod id servire nequeat successoribus ejus, in quantum ex lumbis illius directe descendentes existere deberent*) præfatum Ducatum Curlandiæ & Semigalliæ, antiquitus incorporatum & adjunctum ad corpus Reipublicæ, cum omnibus attinentiis & contingentibus suis antiquis, ad Regnum Poloniæ & Magnum Ducatum Lithvaniæ adjungimus & incorporamus, pro mutuis & indivisis incolis Regni, & M. D. L. prius susceptos, suscipimus, cum juribus, privilegiis & libertatibus illis antea concessis, ad omnia jura, honores, præ-
roga-

rogativas & libertates, Regni & M. D. L. admissos pariter admittimus, mutuis viribus, auxiliis, exercitiis, totius Reipublicæ contra omnes usurpationes & quosvis insultus hostiles protegere, defendere & intercedere, appromittimus. Insuper prout omnem prorsus novi Principis infeudandi substitutionem, post fata suprafati Ducis, Ferdinandi, in casum deficientis stirpis masculæ, in perpetuum excludimus & abrogamus; ita attentata præterita omnia contra Inhibitiones, Mandata & Rescripta Nostra, signanter usurpati indebite conventiculi, cum omnibus actibus, sese in materiam eventualis successionis ingerentibus, tollimus, cassamus, & illa pro invalidis, ex vicio nullitatis & insubsistentiæ materialis, *stante pro nunc directo & supremo, in futurum autem utili & immediato Nostro & Reipublicæ*, dominio, perpetua & irrevocabili lege declaramus. - - - Liberrimum exercitium Augustanæ Confessionis, cum quo ad Rempublicam accesserunt & per pacta subjectionis sibi caverunt, cum pacifico usu & conservatione ejusdem Religionis, cæterisque illius ritibus, secundum obloquentiam duntaxat eorundem pactorum, assecuramus, certificando, quod ad mutationem illius neminem per vim cogi permittemus, salvo jure & usu Religionis Romano-Catholicæ, in Formula Regiminis præscripto, & per Constitutionem anni 1678. approbato. Tum ut desideria & repræsentationes omnium Statuum provinciæ Curlandiæ, ratione domestici Regiminis & aliorum sancitorum ad bonum ordinem & internum Regimen necessariorum, eo facilius & efficacius accommodari, pro justitia, commodo & utilitate universorum, valeant, cum consensu omnium Statuum, Commissarios Nostros, ex Senatorio Ordine, Reverendum in Christo Patrem, Christophorum in Stupow Szembek, Episcopum Warmiensem & Sambiensem, Magnificos Casimirum de Kosielsko

Oginski, Trocensem, Stanislaum Dönhoff, Polocensem, Ducem Campestreum exercituum Magni Ducatus Lithvaniæ, Stanislaum Chomentowski, Mazoviæ, Ducem Campestreum exercituum Regni, Palatinos &c. - - non tantum propter exauditionem, examinationem & accommodationem, eorundem desideriorum, & repræsentationum, vero etiam primario & principaliter, propter formandam & constituendam Ordinationem ejusdem Provinciæ, tum Districtus Piltinensis, respectively quoad jura sua, item propter amotionem & pacificationem qualiumcunque discordiarum, exorbitantiarum, controversiarum & prætensionum, domesticarum & externarum, cum potestate judicandi & puniendi &c. - - - Quibus, Reverendo, Magnificis & Generosis, Commissariis ut Magnifici exercituum Duces, utriusque Gentis, assistentiam militarem, pro exigentia necessitatis, salva disciplina militari, per novellam legem præscripta, sub Commenda Regimentariorum idoneorum, tam ex Regni, quam ex Magni Ducatus Lithvaniæ, exercitibus præsent, autoritate præsentis Conventus injungimus; Qui Regimentarii cum divisionibus in Commenda sua existentibus in limite Curlandico sese locare, & ulteriora Mandata eorundem Reverendi, Magnificorum & Generosorum, Commissariorum expectare debent. Præfatos autem Reverendum, Magnificos & Generosos, Commissarios Nostros obstringimus, ut hanc Commissionem primo vere, assignato termino per Innotescentiales suas, & proprio ære pro illa profecti, sine ullo sumtu, etiam ex senatus-consilio assignando, neque thesauri, neque Palatinatum, salvo beneficio suspensionis causarum earum in quovis subsellio expediant &c. - - - Incolis quoque totius Ducatus Curlandiæ, Semigalliæ, ac Districtus Piltinensis in genere, & in specie omnibus, correspondentias, practicationes, negotiationes omnes cum

cum exteris Potentiis, & quasvis innovationes, machinationes, vel molimina, in præjudicium Jurium Reipublicæ, sub quocunque titulo, colore vel prætextu, directe sive indirecte, autoritate publica modernorum Comitiorum, sub pœnis criminis læsæ Majestatis, perduellionis, cæterisque rigoribus in Legibus descriptis, inhibemus. Quibus rigoribus omnes fautores, cooperatores & assistentes, si qui in futurum reperientur, cujuscunque Nationis, subjacere debent in Judiciis Comitiorum.

XVII.

Inhibitio Sacræ Regiæ Majestatis,
per Generosum Nakwaski, Capitaneum Ciechanowiensem, Statibus Curlandiæ, ne divulgatum Congressum particularem celebrare præsumant, intimata.

AUGUSTUS II. &c. Generosis Supremis Consiliariis, Majoribus & Minoribus Capitaneis, ac universæ Nobilitati Ducatum Curlandiæ & Semigalliæ fideliter Nobis dilectis, Gratiam Nostram Regiam: Generosi fideliter Nobis dilecti: Cum non solum publica fama divulgarique rumores, sed certæ quædam relationes, id deferant, ac si Fidelitates Vestræ, prætextu absentiar in hactenus a Ducatibus Ducis, Ferdinandi, homagiique ejus non redditæ, seu alia quavis palliata ratione, meditentur & moliantur, contra Jura Supremi Dominii Nostri & Reipublicæ, Conventum privatum sibi instituere & formare velle; idque, non obstante Nostra remissione & suspensione desideriorum Fidelitatum Vestrarum ad imminensem Comitiorum Regni Generalium Grodnæ celebrandorum reassumptionem, ex ea potissimum

tissimum causa, quod priori gratiosa concessione Nostra & indictione Conventus, Fidelitates Vestrae sint abusa, praescriptum tenorem Unversalium Literarum Nostrarum excedendo, & in materiam successionis eventualis sese indebite ingerendo. Proinde Fidelitates Vestras super praemissis jam antecederet legitime monitas, praesentibus literis Nostris iterum serio monemus, ipsisque inhibemus & interdiciamus, ne quidquam hac in re attentare, neque aliquem Conventum particularem privatum sibi instituire & indicere, sub quocunque praetextu, praesumant. Quem quidem Conventum concessimus & concedere poterimus, praevia certitudine, Fidelitates Vestras facultatem Nostram in celebratione hujusmodi Conventus non excessuras. Si quid autem contra hasce prohibitiones Nostras, Fidelitates Vestrae attentaverint, id totum, uti Pactis subjectionis, Constitutionibus & Juramento fidelitatis, contrarium, pro irritum, invalidum & non existenti, declaramus. Renovamus insuper Nostras attentiores inhibitiones, ne Fidelitates Vestrae in tam magni momenti publico negotio eventualis horum Ducatum Principis vacantiae, & ad Regnum Nostrum devolutionis, aliquas co-intelligentias & correspondentias, praecipue cum exteris, habere & quidquam attentare audeant. Facturae sunt praemissa Fidelitates Vestrae, pro Gratia Nostra, pro fidelitatis suae juratae exacta observantia, & sin secus quidquam attentare audeant, sub gravi indignatione Nostra irremissibilique Legum rigore. Datum Varsoviae, die 8. Mensis Junii, Anno Domini MDCCXXVI. Regni vero Nostrum XXIX. anno. AUGUSTUS REX. Locus Sigilli Minoris Regni. Locus Sigilli Minoris M. D. L. Andreas Franciscus Cichocki, Sacrae Regiae Majestatis Secretarius. mpp.

XVIII.

Documentum Intimatæ Inhibitionis
supradictæ &c.

Magnificum ac Generosum Dominum, Josephum NAKWAS-
KI, Capitaneum Ciechanoviensem, inhibitorium quod-
dam, a Sacra Regia Majestate Poloniæ, Domino Nostro Cle-
mentissimo, de dato Varsoviæ, die 8. Mensis Junii, Anno mil-
lesimo septingentesimo vigesimo sexto, de non instituendis &
non indicendis Conventibus, nec de se non ingerendo in ma-
teriam successionis eventualis, die 21. Junii, anni currentis,
Magnificis ac Generosis Dominis Consiliariis Supremis Regen-
tibus, ad manus proprias tradidisse, idque Rescriptum Regium
hodierno die pro ulteriori custodia, quotiescunque visum fue-
rit necesse, ut & iterum producat, Cancellariæ Ducali com-
missum esse, ad mandatum, sub appensione Sigilli Ducalis,
subscriptioneque hac solita, testor. Datum Mitaviæ, die vige-
sima quarta Junii, Anno 1726.

XIX.

Mandatum pro Judiciis Curlandicis in
Mense Octobri proximo Grodnæ cele-
brandis &c.

AUGUSTUS II. DEI Gratia REX Poloniæ &c. Vobis Ge-
nerosis Henrico Christiano de Bricken, Land - Hoff - Magi-
stro, Joanni Henrico Keyserling, Cancellario, Adamo Kosci-
uszko, Oberburgabio, Eberhardo Philippo de Bruggen, Land-
Mare-

Mareschaleo, Consiliariis Supremis, tum Joanni Ernesto de Ronne, Selburgensi, Casimiro Christophoro Brackel, Miravi-
 ensi, Carolo Firks, Goldingenfi, Philippo de Hahn, Tuc-
 menfi, Majoribus & aliis Minoribus Capitaneis, nec non Jo-
 anni Christiano Sacken, praetento Mareschaleo cujusdam Con-
 gressus, N. Korff, Plenipotenriario Provinciali; Georgio Rek,
 Friderico Klopman, Joanni Ernesto Nolde, Ottoni Eobaldo Sa-
 cken, Friderico Casimiro Heyking, Henrico Joanni Brincken,
 Benedicto Henrico Heyking, Eberhardo Christophoro de Me-
 dem, Ernesto Adolpho Heyking, Hermannno Carolo Keyser-
 ling, Gotthardo Friderico Læben, Gedeoni Saks, Ottoni Chri-
 stophoro Höven, Ernesto Christophoro Bruggen, Ernesto Jo-
 anni Butler, Georgio Christophoro Medem, Sigismundo Korff,
 Christophoro Wiegant, Wilhelmo Henrico Schröders, Fran-
 cisco Christophoro Nottelhorst, Friderico Ascheberb, Carolo
 Joanni Ernesto Ronne, Joanni Funk, Henrico Joanni Gothus,
 Hieronymo Brunckein, Friderico Sacken, Georgio Joanni Key-
 serling, Nicolao Vilhelmo Stempel, Deputatis, totique Eque-
 stri Ordini Curlandiæ & Semigalliæ Ducatum, seu ex Vobis
 principalibus motoribus, autoribus & primariis ad infra-
 scripta attentata concurrentibus cooperatoribus, de nominibus &
 cognominibus in termino specificandis, quos magis actio præ-
 sens afficit de personis, causa infra-scripta, bonisque vestris,
 generaliter omnibus mandamus, ut coram Nobis & Judicio Re-
 lationum Nostrarum propriarum, Grodnæ, aut ubi tunc cum
 Curia Nostra feliciter constituti fuerimus, a positione præsentis
 citationis Nostræ in sex septimanis, seu alias futura Juridica
 Causarum Curlandicarum, mense Octobri, anno præsentis, cele-
 branda, tum, dum & quando causa præsens ex Regeistro pub-
 lico Judiciali acclamata ad judicandum inciderit, & quidem
 vos,

Vos, qui supra specificari de cognominibus estis, personaliter, alii vero per legitimos Plenipotentes & mandatarios, peremptorie compareatis, ad Instantiam Generosorum Instigatorum & Vice-Instigatorum Regni & M. D. L. pro munere officii sui publici agentium Actorum, qui vos hac unica eaque peremptoria citatione, uti in causa Juris Publici citant, pro eo, quia vos, contra Pacta publica subjectionis suæ cum Serenissimo Divæ memoriæ, Sigismundo Augusto, Rege Poloniæ, Antecessore Nostro, anno 1561. inita, & contra juramentum fidelitatis, Nobis, uti supremo & directo Ducatum Curlandiæ & Semigalliæ Domino, præstitum, atque contra dispositionem juris communis & Diplomatis Incorporationis horum Ducatum Regno Poloniæ, anno 1569. in Comitibus Regni Generalibus Lublini factæ, tum contra Constitutionem Regni anni 1589. procedendo, & Jus quoddam electionis sibi Ducis Curlandiæ & Semigalliæ arrogando & usurpando, & ex directo Dominio Nostro & Reipublicæ se eximendo, necdum extincta stirpe Illustriss. magnæ recordationis Ducis, Gotthardi, & filiorum ejus, Friderici Wilhelmi, ac Illustrissimo Ferdinando, Duce Curlandiæ & Semigalliæ, ex hac stirpe procedente, in vivis existente, post cujus stirpis decessum modo primum hi Ducatus, juxta præscriptum memoratæ Constitutionis Regni 1589. ad Regnum Poloniæ & M. D. Lithaniæ redire & illis conjungi debent, æqualiter prout Provincia Livoniæ coadunata est, in qua Provincia hi Ducatus existunt, ausi estis & inconsiderate, imo temere præsumpsistis, expressas inhibitiones Nostrias in literis Nostris ad vos datas, vobisque legitime intimatas, contemnendo, & ipsiusmet Illustrissimi Ducis inhibitiones literatorias levipendendo, imo nomen ejusdem Illustrissimi Ferdinandi Ducis ad literas quasdam, per modum Vniversalium, inscio illo conce-

ptas, usurpando, per easdem literas editas congressum quendam privatum, sine consensu Nostro, sibi indicare, Mareſchal- cum hujus congressus constituere, & ad instar alicujus particu- laris Conventus eundem congressum peragere, ac in eo de suc- cessore, Duce futuro in his Ducatibus, concludere, uti de facto: spretis inhibitionibus Nostreis eundem Conventum privatum in- dixistis, celebrastis, successorem elegistis, Ordinationem Rei- publicæ, & Leges Regis, ac pacta primitiva convulſistis, coin- telligencias hac in parte etiam cum externis habere, aliaque illicita, futuro in termino latius declaranda & explicanda, atten- tare præsumpſistis, quo ejusmodi progressu in pœnas legum in- curristis, eisqve succubistis, pro quibus pœnis criminalibus & perduellionis, super vobis, seu quem vel quos magis hæc attentata, onusqve præsentis actionis afficit, juxta demeritum cujusvis decernendis, tum ad videndum & audiendum, hunc congressum seu particularem vestrum Conventum & prætentam Ducis electionem, quam pro nulla in literis Nostreis inhibitoriis jam declaravimus, cumqve omnibus ejus conventus conclusis cassari & annihilari, Jura Nostra & Reipublicæ in eosdem Du- catus habita, per vos laesa, & violata redintegrari, circa primi- tiva pacta, cum quibus in clientelam & defensionem Regum & Reipublicæ Polonæ suscepti estis, conservari & manuteneri, cæteraque, quæ de jure venerint, contra vos statui, decerni & sententiarî, in damnis litisque expensis condemnari, citamini, sitis parituri, terminum attenturi, & judicialiter ad præmissa, aliaque latius futuro in termino contra vos proponenda, respon- suri. Datum Varſaviæ, Sabbato in crastino Festi S. Annæ ma- tris Deiparæ, Anno Domini 1726.

L. S.

Minoris Cancellarii Regni.

L. S.

Minoris M. D. Lithuanicæ.

S. R. S. R. S.

XX.

Oblata Videndæ Manifestationis,

d. 11. Julii, A. 1726.

AUGUSTUS II. Dei gratia Rex Poloniae &c. &c. Significamus præsentibus Literis Nostris, quorum interest universis & singulis: Oblatas esse ad Acta præsentia Metrices Regni Cancellariæ Nostræ Majoris, Literas infra scriptas Videndæ Manifestationis, manibus Magnificorum Senatorum Regni, die hodierna in actu contenta subscriptas, tenoris sequentis: Dabitur Manifestatio, nomine infra scriptorum, in rem totius Reipublicæ, & pro reservatione supremi juris & directi Dominii, quod S. R. Majestati & Reipublicæ ad Ducatus Curlandiæ & Semigalliæ competit, ne aliquod patiatur detrimentum, in & contra omnia & singula in his Ducatibus per quoscunque tam ab extra, quam ab intra, ultra mentem S. R. Majestatis & Reipublicæ, imo in convulsionem Legum Regni, & Rescriptorum, præcipue ultimarii S. R. Majest. in his Ducatibus recenter attentata & attentanda, pactis primævæ subjectionis & incorporationis Regno Poloniæ horum Ducatum, ac vinculo fidelitatis contraria, & concessioni feudali, investituris, tum Legibus & Constitutionibus Regni & M. D. Lithvaniæ, necnon fœderibus anterioribus & novissimis, cum vicinis Potentiis initis, repugnantia, in præjudicium S. R. Majest. & Reipublicæ evenientia, aut eventura, suo loco & tempore explicanda, cum protestatione de nullitate eorundem omnium & singulorum attentatorum & attentandorum, stante vita legitimi Principis, Illustrissimi Ferdinandi, Ducis Curlandiæ & Semigalliæ, prout latius in parata copia eadem Manifestatio porrigetur. Andreas de

Lubraniec Dambski, Palatinus Brestensis Cujavix *mp.* Josephus Soltyk, Castellanus Belzensis *mp.* Casimirus Rudzinski, Castellanus Czernenf. *mp.* J. Mniszech, Supr. Regni Marefchalcus. J. Szembek, Supr. Regni Cancellarius. Joannes Lipski, Procellarius Regni. Joannes Georgius Przebendowski, Supr. Regni Thesaurarius. Qvas ejusmodi Literas videndæ Manifestationis, sic ut præmissum, oblatas, Nos ad Acta præsentia suscipi, inscribi, & ex iisdem fideliter descriptas Parti postulanti authentice extradi, permisimus. Actum & Datum Varfaviæ, Feria quinta ante Festum S. Margaritæ Virginis & Mart. proxima, die scilicet 11. Julii, Anno Domini 1726.

XXI.

Manifestatio Procerum Regni Poloniæ
& Magni Ducatus Lithuanix, contra Actum
Curlandicum, Congressu illicito,

die 26. Junii, A. 1726.

formatum.

EXperimento tristi compertum est, Respublicas majores minoresve tamdiu stare, quamdiu a Veterum institutis non recedant, fundamentalibusque primævæ originis vel accessionis suæ legibus innitantur; Postquam vero pertaxæ status antiqui quidpiam novi moliantur, vel cupido novandarum rerum, aut fatalis voluptas pereundi, innumerabilibusque sese tricis implicandi, inceserit earum animis, necessario cadere ac succumbere. Probe experti sunt Ducatus Curlandiæ & Semigalliæ, quid ad felicem illorum statum hucusque contulerit, postquam felicibus Antecessorum Nostrorum armis, sub auspiciis Sere-

nissimorum Sigismundi Augusti, Stephani Bathorei, Sigismundi Terti, subsequenſiumque Regum Poloniae, ab interitu vindicati, a quavis hoſtili impetitione protecti, pari Nobiscum prosperitate gloriari assueverunt; Quodsi quandoque contigerit, minora votis perferre, communem Regnorum sortem instabilis fortunae miserati inter tempestates procellasque bellorum fluctuare poterant, non mergi, ubi coadunati Reipublicae Nostrae nec perire, nec salvi nisi una esse, debuerant. Jam quod Superi avertant, navigium hoc, quod, cum Republica Nostra fricte unitum, feliciter hucusque vehebatur, verendum, ne dividi coeptum naufragium patiatur, quando nuper inscia ac inconsulta, multominus requisita, Sacra Regia Majestate & Republica, existente adhuc in vivis Principe suo legitimo, Conventiculum quodpiam sibi formare, deque eligendo novo Principe deliberare, imo actu ausuque illicito eligere, monitiones Sacrae Regiae Majestatis hunc Actum inhibentes respuere, Emissarium Regium, charactere Nuntii ad Comitia insignitum, non admittere, aliaque contraria Pactis & Foederibus subjectionis ejusdem Ducatus Curlandiae & Semigalliae, obliti beneficiorum Regni hujus, attentare ausi sunt. Non commemoramus, quomodo Provincia haec a Gotthardo Kettlero, Magistro quondam Ordinis Teutonici, Reipublicae Nostrae se subdiderit subjeceritque, quomodo a temporibus ejusdem Kettleri in obsequio & fide feudali Reipublicae Nostrae, ad haec usque tempora, fidelis permanſerit; praetermittimus, qualiter non interrupta serie in Friderico & Wilhelmo, filiis Gotthardi, postea in eodem Friderico & Jacobo, ex Wilhelmo fratre nepote suo, demum in Friderico Casimiro, & Ferdinando adhuc superſtite, filiis Jacobi Ducis, Investituras petierit, obtinueritque: Leges tantum nonnullas, tenoremque Pactorum subjectionis adducere in animo est,

est, quo luculentius pateat, immerito indebiteque attentatum, adeoque nullius valoris, imo damnabile esse, quidquid in novissimo tumultuario Coetu recenter actum est.

Et quidem libet prima verba Tractatus Subjectionis Livoniae, uti cum Curlandia indivisa, ejusdemque naturae existentis, hic inserere, quae sic sonant: *Sigismundus Augustus &c.* Cum Terra Livoniae Nobis ex parte Magni Ducatus Lithvaniae & vicinitate, & multis, partim antiquis, partim novis, pactis & foederibus devincta & consociata, jam ab aliquot annis immanissimi hostis Moscvi crudelibus armis, incendiis & vastationibus, propemodum funditus eversa & desolata esset, ita ut extrema quæque illi imminerent, nec quidquam certius esset, quam quod ad primam quamque incursionem illius præpotentis hostis, illud, quod reliquum tam in Diœcesi Rigensi, quam in terris Magistri Ordinis Teutonici, fuerat, similibus cladibus excinderetur & in durissimam servitutem hostilem veniret, quemadmodum jam magna pars, propter multarum civitatum arcium, propugnaculorum, amissionem venerat, & ob maxime in omnes partes depopulationem vastitatemque, ferro & igni in ea allatam, & propter quotidianas incursiones, magnumque hostis ad ejus reliquias occupandas apparatus, ad eam angustiam & difficultatem Ordines illius redacti essent, ut nequaquam opibus viribusque propriis Statum suum defendere, atque se a servitute & crudelitate hostili tueri ac vindicare, possent; Ideo Illustrissimus & Magnificus Dominus, Gottbardus, Equestris Ordinis Teutonici in Livonia Magister, Nobilitas, Civitates, Statusque & Ordines illius universi, dum & omnia domestica consilia sua convulsa, & se ab aliorum præfidiis, præsertim Sacrae Caesaræ Majestatis, & Statuum Romani Imperii, destitutos animadvertent, a vicino etiam Rege Sueciæ terrarumque peterentur, tam suo, quam Civitatum, aliorumque Ordinum Livoniæ, ad dictum Magistrum spectantium, nomine, crebris inter-

internunciis & literis præsentem calamitatem & gravissimum periculum Nobis exposuissent, multisque precibus opem & auxilium Nostrum implorassent; Nos & commiseratione afflictissimæ Provinciæ, & amore totius Reipublicæ, adducti, & ne barbarus hostis latius pro sua libidine in populo grassaretur, dedimus negotium Illustrissimo Principi, Domino Nicolao Radziwil, Duci in Olyka & Nieswicz, Palatino Vilnensi, &c. ut iterum in Livoniam properaret, & primo quoque Rigam peteret, ibique tam cum ipso Magistro, quam cum illius Ordinibus ac Civitatibus, de memoratæ Provinciæ defensionis ratione tractaret. Cumque in illis Tractatibus ab omnibus perspiceretur, nisi communibus viribus tam Polonorum, quam Lithuanorum, defensio suscipiatur, non posse potentiam hostilem reprimi, Polonorum vero auxilia, nisi deditio quoque ad Regnum Poloniæ, non solum Magnum Ducatum Lithuanicæ, fiat, nequaquam adduci posse; Tandem ad hunc extremum casum, ita ut sit in rebus desperatis & præsentis periculo expositis, decentum est, ut de facienda deditioe statuerent, eoque nomine communis profectio, tam ab ipso Principe prænominato, quam ab Ordinum ac Civitatum Nunciis, ad Nos susciperetur.

Placeat & alterius Instrumenti confirmatorum Jurium initialem textum de verbo ad verbum exprimere: SIGISMUNDUS AUGUSTUS &c. Cum Livoniæ Provincia gravi ac diuturno bello Moschico multisque cladibus afflictæ, vastatæ, atque magna ex parte in potestatem hostium redacta esset, cumque & propter multarum civitatum arciumque & propugnaculorum amissionem, & ob maximam in omnes partes depopulationem, vastitatemque ferro atque igni in ea allatam, & propter quotidianas incursiones, magnamque hostis ad ejus reliquias occupandas apparatus, ad eam angustiam ac difficultatem Ordines illius redacti essent, ut nequaquam opibus viribusque propriis Statum suum defendere, atque se a servi-

tute:

tute crudelitateque hostili tueri ac vindicare possent; Illustrissimus ac Reverendissimus Dominus Guilhelmus, Archiepiscopus Rigensis, &c. ac Illustrissimus Dominus Gottbardus Kettlerus, Equestris Ordinis Teutonici in Livonia Magister, Statusque & Ordines Livoniarum universi, & Civitatum Nuntii, dum & omnia domestica præsidia sua convulsa, & se ab aliorum præsidiis destitutos animadverterent, magnam autem spem in Nostro ditionumque Nostrarum auxilio deponerent, matura deliberatione habita, publicoque & concordii omnium assensu, se, Provinciamque suam, in fidem & potestatem Nostram tradiderunt, ac in perpetuum ditionibus Dominiisque Nostris, ad instar Terrarum Prussiæ, adjunxerunt & incorporarunt. Itaque Nos & fœderibus & vicinitate conjunctæ Nobis Provinciæ, periculo, clade, vastitate, servitute, permoti, & pro Christiani Principis officio pertinere ad fidem Nostram intelligentes, ut homines Provinciamque Christiani nominis a cæde, populatione, servitute barbari ac crudelis hostis, probibeamus, eosdem in fidem & ditionem Nostram accepimus &c. Faciunt multum ad rem, imo instruunt plurimum, verba illa, quibus Magistratum etiam ordinandi, nedum Principem constituendi, Regi potestas supererat, dum sic in Tabulis Conventionum reperitur:

Cum nihil Respublicas magis quassare atque concutere soleat, quam legum, consuetudinis atque morum mutatio, Sacra Regia Majestas bene constitutas Respublicas, hac ratione non modo servandas, sed collapsas restitucendas, prudentissimo atque vere Divino consilio censuit, quod Principibus, Nobilibus, Civitatibus atque Statibus Livoniæ promiserit, non solum Magistratum Germanicum, sed & Jura Germanorum propria, concessuram &c. Jam quod attinet ad ipsam Curlandiam Semigalliamque, Incorporationemque horum Ducatum ad Regnum Poloniæ, verba plenæ subjectionis, in hunc sonant modum: Sigismundus Augustus &c. Significamus &c. Quod

Quod cum Illustris Dominus Gottbardus, in Livonia Curlandiæ & Semigalliæ Dux, Generosus Fridericum a Kanicz, & Michaellem a Brunow, Consiliarios & Senatores suos, ad Nos, Regni Nostri Ordines cum certis mandatis ablegavisset, atque hi ipsi literis fidei suæ Plenipotentia prædicti Illustris Domini Ducis demonstratis, id sibi ab Illustritate sua injunctum dicerent, quo nomine Illustritatis a Nobis Regni Ordinibus postularent, ac enixe peterent, ut quoniam negotium unionis Regni Nostri cum Magno Ducatu Lithuanici ad salutarem finem exitumque optatum jampridem, DEO immortalis adjuvante, perduxissemus, tempusque adesset, quo Livoniæ quoque a barbaro & truculento hoste majorem in modum populatæ & afflictæ, per Nos aliquando consuli possit, subjectionem Illustris Domini Ducis & subditorum ejus, de communi sententia atque assensu omnium Ordinum Regni, cum Ducatu Lithuanici uniti, acceptaremus; Nos etsi memoria tenebamus, superioribus annis, quo tempore ab Ordinibus Livoniæ crebris literis atque Nuntiis, ad eam ipsam subjectionem acceptandam sollicitaremur, sortem illius Provinciæ atque calamitatem miseratos, hanc ipsam privatim ex Persona Nostra in fidem atque protectionem Nostram suscepisse, tamen & illud etiam meminimus, cum prædicta subjectio præsentiam Senatus Polonici, ac plenioris deliberationem requireret, rejecisse Nos hujus ipsius rei tractationem in tempus aliud, ad eam efficiendam commodius; Quod cum se Nobis obtulisset, faciendum esse existimavimus, flagitantibus præsertim Illustris Domini Ducis Plenipotentibus, & unione Regni cum Magno Ducatu Lithuanici absoluta & perfecta, & ejus Illustritatis subjectionem, per supradictos Plenipotentibus Illustritatis ejus Nobis delatam, de consensu & voluntate omnium Ordinum Regni & Magni Ducatus Lithuanici, ita, ut ante dictum est, uniti, in præsentibus Regni Comitibus acceptaremus, quemadmodum præsentibus literis Nostreis acceptamus, ipsum Illustris Principem in fidem & clientelam

Nostram, Regnique Nostri, cum omni Ducatu & Ditionibus Illustritatis suæ, publico Regni cum Magno Ducatu Lithuanicæ uniti nomine, recipimus, nimirum ut ab eo tempore in posterum Illustritas sua, ejusque Hæredes cum Ducatu Curlandico Semigallicoque Regno Nostro cum Ducatu Lithuanicæ unito, tanquam uni & indiviso corpori, perpetuis temporibus subjiciatur & incorporetur, ac in clientela & defensione Nostra & Regni cum Magno Ducatu Lithuanicæ uniti, permaneant. Speramus autem, Illustritatem suam, & ejus Illustritatis posteros, in ea fide, voluntate, subjectione, quam Nobis, Regnoque cum Magno Ducatu Lithuanicæ unito, per suprascriptos Plenipotentes detulerunt, constanter permansuros, & firmiter perseveraturos. &c.

Id vero, tanquam directe casui ausuique contrarium, haud silentio præterire possumus, quod Formula Regiminis cautum circumscriptumque reperitur, his plane expressis verbis: Conventus publici singulis bienniis Mitaviæ celebrentur, ad quos singuli Districtus, postquam Articulos deliberatorios nacti fuerint, Nuncios suos, cum sufficiente potestate, ablegabunt. In quibus Conventibus nihil decerneretur, quod Pactis subjectionis fundamentalibus & Ducalibus Investituris, & hujus Regiminis Formæ, aut Ordinationi, sit contrarium, horum enim æterna autoritas esse & observari debet. Si tamen Princeps ejusmodi Conventum indicere recusaverit, auctoritate Regiæ Majestatis is indicetur.

Quid memoramus Juramenti formam, a Nobilitate suo Principi præstiti semper, præstandique, cujus tenor est talis: Ego N N. Juro N N. Curlandiæ & Semigalliæ Duci, ejusque Successoribus investitis, & si horum nullus superfuerit, Serenissimo ac Potentissimo Principi ac Domino, D. Sigismundo Tertio, Poloniæ Regi, illiusque Successoribus Regibus, & inclyto Regno Poloniæ & Magno Ducatui Lithuanicæ, tanquam non solum supremis ac directis, quales nunc sunt, sed etiam utilibus & immediatis tunc futuris, Do-
minis

minis meis, tam uti cæteri Regni indigenæ, subditus fidelis, & sub-
jectus esse, ejus Illustritatis commoda & emolumenta quærere & pro-
movere, omniaque terrarum & incolarum Illustritatis ejus, quantum
per me fieri potest, damna & incommoda præcavere, amovere, præve-
nire, uti fidelem & probum subditum decet, semper velim, qua in re
nihil quidquam, quod humano ingenio excogitari poterit, me impediet:
Sic me DEUS adjuvet & Sancta Christi Passio.

Juramento sic conscripto, Majorum Nostrorum cautela
non permisit, quin etiam pœnas in seditiosos religionique Pa-
storum refractarios singulari lege statueret, quæ quidem lex te-
noris est talis: *His ita constitutis, illud postremo adjiciendum du-
ximus, ut cum omnia, quæ hac Formula Regiminis continentur, Pa-
etis primævæ subjectionis hujus Provinciæ, Juribus aliorum Princi-
pum Vasallorum, feudali titulo Provincias in Republica Polona pos-
sidentium, atque adeo ipsi æquitati & justitiæ, sint conformia, ea de-
inceps, sub pœna Decreti Comitialis, anno superiore lati, tum &
aliis Sacræ Regiæ Majestatis arbitrariis, observentur, debitæque exe-
cutioni a suis Magistratibus demandentur.*

Jam vero id totaliter omittere non possumus, quod pro
conclusionione Tractatus, velut pro rei totius cardine, Formulæ
eidem adjectum reperitur, in hæc formalia: *Insuper omnes ex
æquo in eam curam incumbant, quo pacatus tranquillisque hujus Du-
catus status permaneat, qui cum instar propugnaculi contra finitimos
universæ Reipublicæ hostes ex hac parte esse debeat, omnes concordi-
bus animis studia sua ad salutem ejus certatim & alacriter conferant,
Illustri Principi suo, ac illius legitimis in feudo Successoribus, obedi-
entiam honoremque exhibeant, fidei Regiæ Majestati & Reipublicæ
Polonæ datæ, memores sint, si omni felicitate patriam suam florere,
ita ac debent, peroptant.*

Quæ omnia secus nunc recenter acta, cum e diametro hisce hicceque adductis contraria sint; Nos, Proceres Regni & Magni Ducatus Lithuanix, ad Latus Sacræ Regiæ Majestatis, Domini Nostri Clementissimi, nunc præsentis, de nullitate cujuslibet Actus novissimi, directo Dominio Sacræ Regiæ Majestatis & Reipublicæ repugnantis, Pacta Subjectionis & Diplomata Incorporationis ad Rempublicam horum Ducatum infringentis, Juramentum Fidelitatis per antecessores suos ac semetipsos præstitum tollentis, aliaque insolita, illicita, vetita & punibilia attentantis, Nostro & totius Reipublicæ nomine, ac de insubsistentia eorundem attentatorum & attentandorum, iterum atque iterum manifestamus, & protestamur, compagemque hanc multorum annorum sudore, imo sanguine, coalitam, sine exitio convellentium, convelli non posse, palam attestamur, ac præsentem Manifestationem & protestationem manibus propriis subscriptam Actis Metricæ Regni, quibusvis aliis Authenticis inscribi, committimus, salva ejusdem Manifestationis augendæ, corrigendæ, pleno in robore reservata facultate. Datum Varsoviæ, Anno Domini 1726.

J. Mnifzech, Supremus Regni Mareschalcus.

Joannes Lipski, Procancellarius Regni.

M. Princeps Czartoryiski, Procancell. M. D. Lithuanix.

Franciscus Zaluski, Palatinus Plocensis, *mp.*

J. Przebendowski, Supremus Regni Thesaurarius.

Stanislaus Ciolek Poniatowski, Supremus M. D. L. Thesaurar.

Franciscus Bielinski, Palatinus Culmensis, *mp.*

Stanislaus Chomentowski, Mareschalcus Curix Regni, *mp.*

XXII.

Declaratio, Sponsio & Obligatio, Supremorum Consiliariorum, Mareschalci, & Deputatorum ex omnibus Districtibus Ducatus Curlandiæ & Semigalliæ, suo ac totius Nobilitatis, omniumque Statuum hujus Provinciæ, ac successorum suorum, nomine, sub fide, honore & conscientia, sub nexu juramenti in Formula Regiminis expressi, tum sub poenis criminis læsæ Majestatis & perduellionis, perpetuo & irrevocabiliter facta

Mitavia, die 26. Septembris, Anno Domini 1727.

NOs infra scripti, Supremi Consilarii, Mareschallus & Deputati ex omnibus Districtibus Ducatum Curlandiæ & Semigalliæ, pro Generali & Publico Conventu horum Ducatum, in termino per Intimatoriales Regiæ & Reipublicæ Commissionis, præfixo, id est pro decima quinta præsentis, congregati & plenissime a fratribus nostris ad infra scripta, instructi, inhærendo Pactis primævæ subjectionis nostræ, Divo Sigismundo Augusto, Regi, Regnoque Poloniæ & Magno Ducatui Lithuanicæ, insistendoque juramento, in Formula Regiminis, anno millesimo sexcentesimo decimo septimo, constituto ac expresso & a Majoribus nostris, circa Investituras novorum Ducum, pro nobis etiam posteris suis, & in animas nostras præstito, tum demum Dispositioni Reipublicæ, per Legem publicam in Comitibus Generalibus Grodnensibus proxime præteritis, anni millesimi septingentesimi vigesimi sexti, latæ, & in virtute ejus, Declarationi Judiciariæ Commissoriali obseqventes & obedientes, sub fide, honore & conscientia, sequentia, pro nobis & posteris nostris, in perpetuum declaramus & statuimus.

I. Cum

I. Cum nobis, prementibus gravissimis circumstantiis, contra supraallegata Pacta & Juramenta, temere & nulliter eventualem successionem - - - determinare, acciderit; Ideo tam præfata Pseudo-Electioni, quam - - - omni imaginariæ etiam prætensioni novi cujuscunque Principis eligendi, in perpetuum renuntiamus, Actus omnes præfata Pseudo-Electionis tam anteriores, quam posteriores, post latam a Republica Legem, tum omnia Conventicula, Scripta & Lauda, eo nomine habita & sancita, uti Legibus & Juramentis contraria, & ipso facto damnata & nulla, pro nullis, irritis, & insubsistentibus, in perpetuum declaramus, cassamus, damnamus, annihilamus, & ex Actis Publicis eliminamus, &c. - - -

II. In casum vero sterilium factorum moderni Celsissimi Ducis, Ferdinandi, super non attentanda, sub quocunque prætextu, vel colore, novi Principis infeudandi prætensione, imo juxta Juramentum in Formula Regiminis expressum, super omnimoda & invariabili subjectione Regibus Regnoque Poloniæ & Magno Ducatui Lithuanix, tanquam nunc supremis & directis, pro tunc vero jam utilibus & immediatis, Dominis nostris, iterum atque iterum quam solennissime & sacrosancte, sub fide, honore, conscientia, & nexu supraallegati juramenti, quod in totum & integrum reassumimus, instauramus, & ejusdem valoris & roboris, sicuti a nobis esset præstitum, sancte testamur & profiteamur, tum sub pœnis criminis læsæ Majestatis & perduellionis, nostro, totiusque Nobilitatis ac omnium Statuum hujus Provinciæ & Successorum nostrorum nomine, perpetuo & irrevocabiliter spondemus & nos obstringimus; Cointelligentias etiam & machinationes cum omnibus exteris Potentiis, in præjudicium superscriptorum & detrimentum Jurium Sacræ Regiæ Majestatis & Reipublicæ, super hos Ducatus,
nullas

nullas unquam & in perpetuum habebimus, nec practicabimus, sub nexibus, vinculis & rigoribus, supraexpressis. Datum Mitaviæ, die vigesima sexta Septembris, anno Domini millesimo septingentesimo vigesimo septimo.

L. S. Henricus Christianus de Brucken, Landhofmeisterus & Supremus Consiliarius, *mp.*

L. S. Adamus Casimirus Kosciusko, Oberburgrabius & Supremus Consiliarius, uti in praterito, ita in futurum, intaminatam fidem meam Reipublicæ spondeo, *mp.*

L. S. Henricus Johannes a Meerfeld, Subjudex Goldingensis, p. t. Deputatorum Mareschallus, & Districtuum Goldingensis & Windaviensis Deputatus, *mp.*

L. S. Georgius Fridericus Klopmann, Capitaneus minor Schründensis & Deputatus Mitaviensis, *mp.*

L. S. Christophorus Joannes a Brucken, dictus Fock, Deputatus Mitaviensis, *mp.*

L. S. Joannes Henricus Keyserling, Cancellarius & Supremus Consiliarius.

L. S. Casimirus Christophorus Brackel, Mareschallus Provinciæ & Supremus Consiliarius.

L. S. Christophorus Fireks, Deputatus Districtus Talsensis, *mp.*

L. S. Georgius Fridericus Fireks, Districtus Talsensis Deput. *mp.*

L. S. Fridericus Casimirus de Brucken, dictus Fock, Deputatus Candaviensis, *mp.*

L. S. Georgius Henricus Hahn, Deputatus Candaviensis & Neunburgensis.

L. S. Gerhardus Ernestus Haudring, Subjudex Selburgensis, & Deputatus Districtus Dunaburgensis & Translautzensis.

L. S. Wilhelmus Fridericus de Budberg, Starosta Rumborski, Deputatus Districtus Dunaburgensis & Translautzensis.

L. S. Otto

- L. S. Otto Friederich Behr, Deputatus Fravenburgensis, *mp.*
 L. S. Magnus Christophorus Korff, Deputatus Districtus Tuc-
 cumensis, *mp.*
 L. S. Joannes Melchior de Funck, Districtus Tuccumensis De-
 putatus, *mp.*
 L. S. Henricus Gerhardus de Plettenberg, Districtuum Asche-
 radensis & Nerfftenfis Deputatus, *mp.*
 L. S. Philippus Georgius Hahn, Deputatus Districtus Bauscens. *mp.*
 L. S. Georgius Melchior Stempell, pro me & Mandatario no-
 mine Friderici Henrici a Bistram, Deputati Autzen-
 sis & Irentzhofiensis, *mp.*
 L. S. Henricus Christianus Offenbergh, Capitaneus minor Do-
 blenensis & Deputatus Districtus Doblenensis.
 L. S. Gotthardus Fridericus de Lœbel, Doblenensis Deputatus
 Districtus.
 L. S. Alexander Fridericus Korff, Deputatus Seelburgensis, *mp.*
 L. S. Christopher Gideon Manteuffel, genant Szoëge, Deputatus
 Seelburgensis.
 L. S. Gebhardus Johannes Keyserlingk, Deputatus Districtus
 Durbenfis & Grambsdenfis, *mp.*
 L. S. Johan Fromhold de Buttler, Deputatus Durbenfis Grambs-
 denfis, *mp.*
 L. S. Gerhardus Wilhelmus Nagel, Districtus Alschwangenfis
 Deputatus, *mp.*
 L. S. Fridericus Manteuffel, nomine Szoëge, Deputatus Distri-
 ctus Eravenfis, *mp.*
 L. S. Petrus Koschkull, Zabeliensis Districtus Deputatus, *mp.*
 L. S. Nicolaus Korff, Deputatus Districtus Hasenpothenfis, *mp.*
 L. S. Gotthardus Ernestus de Budberg, Deputatus Districtus
 Baldonenfis & Neugutenfis, *mp.*

L. S. An-

L. S. Andreas Gotthardus Manteuffel, nomine de Szece, Deputatus Districtus Sessaviensis, *mp.*

L. S. Wilhelm Alexander de Heucking, Zabelienfis Districtus Deputatus, *mp.*

XXIII.

Ordinatio Futuri Regiminis Ducatum Curlandiæ & Semigalliæ, sub immediato Dominio

Regum Poloniæ & Reipublicæ, in casum steriliū fatorum modernij Illustrissimi Ducis, Ferdinandi, per Nos, Christophorum in Slupow Szembek, Episcopum Varmiensē & Sambiensē, Casimirum de Kozielsko Oginski, Trocensē, Stanislaum Dœnhoff, Polocensē, Campi Ducem Magni Ducatus Lithuanix, Stanislaum Chomentowski, Masovix, Campi Ducem Regni, Palatinos; Ex Minori Polonia Jacobum in Skrzynno Dunin, Referendarium Regni, Capitaneum Radosycensē & Vislicensē, Georgium Ozarowski, Dapiferum Cracoviensē; Ex Majori Polonia Josephum Nakwaski, Capitaneum Ciechanoviensē, Alexandrum Lodzia Poninski, Venatorem Vschovensē, Franciscum Szembek, Capitaneum Tolkmicensē, Adamum Krasinski, Pincernam Ciechanoviensē, Colonellem Sacræ Regiæ Majestatis; Ex Magno Ducatu Lithuanix Michaelē, Ducem in Nieswiez & Olyka Radziwill, Capitaneum Premisliensē, Josephum de Campo Scipio, Capitaneum Lidenensē, Sigismundum de Vahlen, Vexilliferum Grodnenensē, Antonium de Eperies, Colonellem Sacræ Regiæ Majestatis, Commissarios S. R.

Majestatis & Reipublicæ, ex Comitibus Grodnenensibus Anni Domini millesimi septingentesimi vigesimi sexti, Delegatos, facta & conscripta,

Mitavia, d. 5. Decembr. A. 1727.

Cum ea omnium Feudorum natura sit, ut deficientibus iis, quibus ob insignia & eminentia merita conferuntur, re-

Cc

dire

dire debeant ad liberam supremorum Dominorum dispositionem, & immediatum, directum, ac utile Dominium, prudentiaque & ordo, rerum anima, suadet, ut circa proximam eorundem ad supremos Dominos devolutionem, tempestive norma futuri illorum Regiminis instituatur; Itaque Nos Commissarii, per Constitutionem Comitiorum Grodnensium, in anno præterito millesimo septingentesimo vigesimo sexto, a Sacra Regia Majestate Domino Nostro Clementissimo, reliquisque Reipublicæ Ordinibus, ex universali omnium assensu, ad Ducatus Curlandiæ & Semigalliæ, pro facienda Ordinatione eventuali, in casum sterilium fatorum Illustrissimi Ducis moderni, Ferdinandi, & exaudiendis Ordinis Equestris desideriis, aliisque negotiis Nobis commissis, designati, inhærendo antiquissimis Juribus Sacræ Regiæ Majestatis, & Reipublicæ, in hosce Ducatus, per Pacta subjectionis libere & spontanee Regibus Regnoque Poloniæ & Magno Ducatui Lithuanæ, in æternum subiectos, & ad corpus Reipublicæ in anno millesimo quingentesimo sexagesimo nono adjunctos & incorporatos, tum sacro vinculo Juramenti, in Formula Regiminis, expressi, ad fidem & obsequium Regibus & Reipublicæ inviolabiliter servandum obstrictos, utique & immediato, extincta Ducali stirpe Ketleriana, Regum ac Reipublicæ Polonæ Dominio in perpetuum subiectos, nec non armis & sanguine civium Reipublicæ, ab hostium quorumvis insultibus, gravibusque periculis defensos, liberatos & servatos; tum quoque satisfaciendo Legi publicæ, in prædictis Comitibus Grodnensibus latæ, & secundum gradus, Nobis in ea præscriptos, procedendo, - - - omnia Juribus Reipublicæ noxia & contraria, per aldictam Constitutionem Grodnensem cassata & annihilata, ex Actis publicis horum Ducatuum eliminari fecimus, debitam fidem, subjectionem, & obedientiam,

riam, per renovatos nexus, in affecuratione, a Magnificis Supremis Consiliariis Regentibus, & Generoso Equestri Ordine, Reipublicæ data asseruimus; descendimus tandem ad examinanda desideria a Generoso Ordine Equestri Ducatum Curlandiæ & Semigalliæ, ex Conventu publico, hic Mitaviæ celebrato, per Generosum Ordinis Equestris Mareschalcum, Henricum Joannem a Meerfeld, Nobis exhibita. Igitur matura deliberatione perpensis ac trutinatis hisce Generosi Equestris Ordinis desideriis & postularis, juxta concessam Nobis, per Legem publicam facultatem, ea, quæ Pactis subjectionis, Privilegiis Serenissimorum Regum Poloniæ, Formulæ Regiminis, Decisionibus Commissorialibus, innixa, ac Juribus & commodis Reipublicæ, securitarique, tranquillitati & utilitari, horum Ducatum, consentanea esse videntur, accedente ad id voluntario Generosi Ordinis Equestris assensu, & spontanea submissione, relative ad approbationem Reipublicæ, pro Norma & Methodo futuri Regiminis, in casum steriliūm factorum Illustrissimi moderni Ducis, exclusa in perpetuum, tam per antiquiores, quam per recentem Legem, novi alterius Ducis infeudatione, prohibitaque universis & singulis, sub pœnis severissimis, ex omni jure illicita cum extraneis Principibus correspondentia, & vetita co-intelligentia, statuere Nobis visum est.

I. Provincia hæc generaliter circa Pacta primævæ subjectionis, Privilegium Nobilitatis a Divo Rege Sigismundo Augusto clementissime concessum, Formulam Regiminis, Statuta, Decisiones Commissoriales, tam anteriores, quam novellas, tum & Lauda Publica (dummodo tam Juribus Sacræ Regiæ Majestatis & Reipublicæ, super hos Ducatus, quam Juribus Cardinalibus horum Ducatum ac Religioni Romano - Catholicæ, juxta Formulam Regiminis, non sint contraria, nec in præjudi-

cium, & cum injuria privatorum, statuantur) possessionem dignitatum, quæ tempore aperturæ legitime collatæ reperientur, necnon omnium Bonorum sive Feudalium, sive Hypothecariorum, & integram rei Ecclesiasticæ Augustanæ Confectionis administrationem, ejusdemque Religionis, juxta expressa verba Formulæ Regiminis, perpetuum, & sine ulla immutatione, liberum exercitium in suis Ecclesiis, libertates, immunitates, prærogativas, & summatim circa omnia & singula antiquitus acquisita & concessa jura, consuetudines, & observantias legitimas, tam in Ecclesiasticis, quam Politicis, penitus conservabitur, salvis & illæsis juribus, privilegiis, immunitatibus, ritibus, observantiis Religionis Romano-Catholicæ, juxta Formulam Regiminis, Decisiones Commissoriales, statutis & concessis, quæ vim & robur perpetuæ firmitatis habere debent, cum libero prædictæ Religionis exercitio.

2. Eo vero casu, quo Illustrissimus Dux modernus, Ferdinandus, sine prole mascula fatis cederet, Curlandia & Semigallia ita incorporatæ esse censeantur, tanquam Ducatus, Juribus, Pactis, & Privilegiis peculiaribus gaudentes, quibus, sicuti omnibus reliquis, nullæ Constitutiones, quoad immutationem Jurium & Legum fundamentalium, Religionisque Augustanæ Confectionis, præjudicent, cum promissum sit, quod Pactorum ac Formulæ Regiminis autoritas æterna esse & permanere debeat; itaque Provincia hæc, nomine Sacræ Regiæ Majestatis & Reipublicæ, ut tunc temporis Ducatum Curlandiæ & Semigalliæ immediatorum & utilium Dominorum, a quatuor Consiliariis Supremis, & duobus Assessores Judicii, juxta Formulam Regiminis, itidem a Capitaneis Majoribus & Minoribus, hoc modo regatur, ut sede unius vel alterius vacante, Dignitatorum & Officialium talis sit electio: Vt Capitanei Majores &

& Minores, necnon in Formula Regiminis nominati duo Assessores, per solum Ordinem Equestrem in Conventibus publicis eligantur, & a Consiliariis Supremis, nomine Sacra Regia Majestatis, confirmantur, Consilarii vero Supremi a Sacra Regia Majestate ex quatuor Capitaneis Majoribus assumantur, & per privilegium constituantur. Cum autem Cancellarius, non tantum ex quatuor Capitaneis Majoribus, uti ceteri Consilarii, sed & ex reliqua Nobilitate, creari possit, & hocce officium virum idoneum, ac multis qualitatibus dotatum, requirat, consultum fuit, ut facultas eligendi tres Candidatos in Conventibus Publicis, eosque S. R. Majestati presentandi, penes Generosum Ordinem Equestrem relinqueretur, ex quibus electis & presentatis, qui Augustanae Confessionis sint, cum juxta antiquissimum usum & statuta Curlandia Cancellarius Consistorii Augustanae Confessionis sit Praeses, S. R. Majestas uni officium Cancellariatus conferet: Ne vero per electionem Capitaneorum Majorum & Minorum Catholici, quorum paucus numerus, a dignitatibus & officiis excludantur, quibus secundum Formulam Regiminis ad munia publica aditus patere debet, idcirco, assentiente ad id Generoso Ordine Equestri, statuimus, ut omnino unus inter Consiliarios Supremos, unus inter Capitaneos Majores, & duo inter Capitaneos Minores, sint Catholici, nec in hisce officiis eorum numerum Nobilitas augere teneatur; quodsi contigerit, aliquem ex Consiliariis vel Capitaneis, post assecutam jam dignitatem, vel officium, Catholicam fidem amplecti, id nec illi, nec alteri Catholico in simili officio conficuto, ullum dignitatis suae detrimentum ac periculum adferat, praeter Cancellarium, qui juxta reservationem a Nobilitate factam, post resignationem Augustanae Confessionis, munia Cancellarii non exercebit, & alius Cancellarius in ejus locum,
facta

facta ab Ordine Equeſtri electione & præſentatione, conſtitue-
tur, titulo tantum ſolo hujus officii Cancellariatus, ſalvo illi
manente; duo vero Aſſeſſores Judici, liberis Nobilitatis ſuffra-
giis eligendi, per lauda publica confirmentur. Ad eos autem
Dignitarios & Officiales eligendos, quoties opus fuerit, ad in-
ſtantiam vel Generoſi Ordinis Equeſtris, aut ejus conſtituti Ple-
nipotentis, Conventus publicus extraordinarius, a Supremis
Conſiliariis, nomine Regis, indicetur, neque quifquam, ſive
Conſiliariorum, ſive Capitaneorum, aliorumque Officialium,
abſque gravi & juſta legitimaque cauſa, ſine cognitione Judi-
ciali, a loco & officio ſuo amoveatur; ſi autem cognitio a Con-
ſiliariis Supremis & Aſſeſſoribus, una cum quatuor Capitaneis
Majoribus, unius vel alterius abſentia non obſtante, ſive in or-
dinario, ſive in extraordinario termino, facta fuerit, ſalva Parti
gravata a ſola definitiva appellatione, removeri poſſit. Si vero
contigerit, ut unus Capitaneorum Majorum vel Minorum re-
moveretur, vel alia ex cauſa officio ſuo fungi impediretur, hinc
proximus quifque Loci Capitaneus, ne judicia, juſtitiæque ad-
miniſtratio retardentur, vices ipſius ſuppleat.

3. Cum penſiones omnibus Dignitariis, & imprimis Ma-
gnificis Conſiliariis Supremis, ordinatæ, tenues admodum &
exiguæ ſint, ex quibus dignitatem ſuſtinere nullatenus valent;
itaque ne curſum Juſtitia, ob modicos proventus, ſiſtere, vel
ex donis vivere, aut accidentia illicita ſollicitare, cogantur, con-
venientiora dignitatibus & officiis ſalaria, ex proventibus Bo-
norum Ducalium, jam tunc ad utilitatem & diſpoſitionem Rei-
publicæ devolvendorum, aſſignantur, ſcilicet, ut unicuique Con-
ſiliario Supremo, ultra ſolitum mille florenorum Albertinorum
ſalarium, quingenti floreni Albertini quotannis addantur, &
realiter per Generoſum Oeconomum Bonorum Feudalium, ex-
ſolvantur.

4. Quem-

4. Quemadmodum juxta Formulam Regiminis in omnibus punctis observatam, & præcipue juxta hos paragraphos, quod nemo omnium five Nobilium, five incolarum, bonis suis, sine legitima cognitione & judicio, privetur; item si lis inter Regimen & Nobilem five unum, five plures, de possessionibus aliisque rebus orta fuerit, quod causa eorum, immediate coram Judiciis Relationum Sacra Regia Majestatis intentetur, nec ulla Rescripta Regia, contra Jura hujus Provinciæ, a Regimine Ducatum horum attendantur, imo, ut super impetrantes ad sinistram Cancelliarum Regni & Magni Ducatus Lithuaniae informationem, talia Rescripta, pœnæ in Formula Regiminis expressæ extendantur, perpetuo cavetur.

5. Quia vero naturalis & communis defensionis exposcit ratio, ut subsidia aliqua Reipublicæ, urgente necessitate belli, cum extraneis a Sacra Regia Majestate & Republica gerendi, a Generoso quoque Equestri Ordine subministrantur; idcirco ad servitia equestria in Formula Regiminis præscripta, nempe ex viginti uncis Raytarum unum, reducendo, juxta allegatam uncorum proportionem, hocce subsidium ad numerum ducentorum Raytarorum, five Equitum, præter Officiales, tempore belli, ex bonis solis Nobilium, annumeratis iis, quæ Domus Ducalis Jure Allodiali a Nobilitate acquisivit, præstanda, fidem suam obligat; Quoniam autem sistendi hi milites, ob inæqualitatem uncorum, magna adferunt incommoda, hinc Generosus Ordo Equestris, loco servitiorum equestrium, juxta Formulam Regiminis præstandorum, primo anno cœpti belli triginta millia Imperialium Albertinorum, reliquis vero annis, quamdiu bellum duraverit, quotannis decem millia Imperialium se exsoluturum promisit, hoc tamen præcauto, si tum temporis five copiarum hostiles, five etiam milites Reipublicæ, Provinciam hanc
pro

pro defensione occuparent, ne prædictus Ordo Equestris ad exsolvendas antememoratas pecunias, nec ipso belli tempore, nec etiam post recuperatam pacem, pro his annis, quibus vel copiarum hostiles, vel Reipublicæ, in visceribus hujus Provinciæ permanferint, exsolvere obstrictus sit, præter prædicta autem servitia, ab omnibus inhospitationibus militum, contributionibus, omnibusque aliis ejusmodi oneribus, liber & immunis erit.

6. Item Regimini hujus Provinciæ, Jurium omnium superiorum, nimirum Juris cudendæ monetæ, & aliorum ex Patris subjectionis resultantium, exercitium, uti Illustrissimi Ducis ea habuerunt, relinquitur, adeo ut ea omnia, nomine Sacræ Regiæ Majestatis, exercere possint, ita tamen, ut monetæ ad pondus & valorem intrinsecum hujus, quæ in Regno Poloniæ & Magno Ducatu Lithuanicæ vicinisque Provinciis cursum habet, cudendæ, ex una parte effigies Regiæ, ex altera Insignia Regni Poloniæ & Magni Ducatus Lithuanicæ, inclusis Insignibus Ducatum Curlandicæ & Semigallicæ, imprimantur.

7. Quoniam jam ante annos complures moderna Sacra Regia Majestas feliciter Regnans, concedere dignata est, ut Generosus Ordo Equestris Provinciæ Plenipotentem eligere & constituere possit, cujus officium erit providere, ut Leges, Jura, & Libertates Provinciæ, quocunque tempore in viridi usu & observantia conserventur, & si quid in contrarium vel a Regimine, vel a quovis alio, inciderit, de eo, ad Sacram Regiam Majestatem deferre; Licitum itaque erit, ejusmodi Provinciæ Plenipotentem eligere & constituere, qui tamen nullas innovationes, vel aliqua molimina, & negotiationes cum extraneis, quocunque titulo & prætextu, inire audebit, sub pœnis contra violatores Jurium Reipublicæ & perduelles sancitis.

8. Cum

8. Cum Fines Ducatum Curlandiæ & Semigalliæ, ex parte Livoniæ & Magni Ducatus Lithuanicæ, non mediocriter coarctati & imminuti sint, curabit Sacra Regia Majestas, Dominus Noster Clementissimus, & Respublica, & convenientia media adhibebit, ut fines in ordinem redigantur, limites juxta ductum Pactorum subjectionis definiantur, & quidquid Ducatibus Curlandiæ & Semigalliæ subtractum apparuerit, illis restituatur.

9. Siquidem ad Regimen manutenendum, & Justitiam exequendam milites necessario requirantur, numerus duodecim Raytarorum, & triginta peditum, habeatur, illisque ex redditibus Ducalibus, juxta antiquam consuetudinem, stipendium exsolvatur.

10. Conservatur quoque in Ecclesiasticis, & eo spectantibus, Judicium Consistoriale, quod hucusque in viridi usu & observantia fuit, quodque ex Consiliariis Supremis & duobus Assessoribus Augustanæ Confessionis, Superintendente & Præpositis, consistit, & uti antea semper, ita & in posterum, Cancellarius præsidium retineat, & in ea omnia, quæ ad integram Rei Ecclesiasticæ administrationem pertinent, constituentur & decendantur. Convencus, quos vocant Synodos, habeantur, eo tamen præcauto, quod idem Consistorium Augustanæ Confessionis nullam unquam super personis Romano-Catholicis, cujuscunque status & conditionis, si rei fuerint, jurisdictionem sibi usurpare poterit. Causæ vero matrimonii, in quibus una persona conjugum erit Catholica, nec ex reatu, nec ex actoratu, ad prædictum Consistorium ullatenus trahantur. In iis Templis, in quibus Dux vel Patronus solus fuit, vel Compatronos habuit, tam in Templis omnium urbium, quam agrorum, nulla mutatio suscipiatur, eaque Tempa & Parochiæ, cum

omnibus iis assignatis Cmethonibus & aliis pertinentiis, Concionatoribus Augustanæ Confessionis, (quibus ex redditibus Ducalibus juxta morem receptum, salarium persolvatur) provideantur, & ex Præfecturis recta acque facta servantur, imo quoties opus fuerit, emendentur, in quantum antiqua collapsa fuerint. In iis Templis, ubi Nobiles Jus Compatronatus habent, pars competens, uti antea, conferatur, & ad hanc Partem competentem, tam quoad Concionatorum salarium, quam quoad conservationem Templorum, conferendam, & exolvendam etiam Catholicæ Religionis Compatroni teneantur; Jus tamen Patronatus, quod & ubi Ducibus competeat, Sacræ Regiæ Majestati, per Consiliarios Supremos, nomine Regis exercendum, reservatur. Item Nobilibus Jus Patronatus in suis Templis, & jus in bonis suis Templa ædificandi, ea renovandi, & quidquid alias ipsis competierit, uti antea habuerunt, aut habere potuerunt, per omnia & in omnibus relinquitur.

II. Cum Curlandia Gymnasio Academico destituta sit, unde & Nobilium & Civium liberi, magnis cum sumptibus in Academias Germaniæ mittendi, non mediocrem summam pecuniæ, Provinciæ auferunt, præterea multæ viduæ & virgines paupertate premantur, & non habeant, quo vitam suam honeste sustentare possint; igitur Evangelicum Gymnasium & Cœnobium pro viduis & virginibus instituendi, & conservandi quocunque tempore, dummodo non ex proventibus Ducalibus, facultas indulgetur; illa autem pauca hospitalia, & viduarum domus, uti & Scholæ, hic in Curlandia & Semigallia existentes, in eodem statu, in quo sunt, retineantur, & quæ ipsis dedita sunt, prompte & expedite exsolvantur.

12. In Privilegio Divi Sigismundi Augusti §. 7. clementissime provisum est, quod Nobiles in omnibus Bonis Feudalibus

bus jam obtentis, vel quovis modo, sive speciali gratia, sive contractu licito, obtinendis, liberam & omnimodam potestatem, de iis disponendi, habeant; Idcirco bona, quæ Nobiles a Domo Ducali Jure Feudi obtinuerunt, pravia probatione Jurium Feudalium, coram Commissione Regia, eodem jure, uti obtinuerunt, etiam post fata Illustrissimi Ducis sterilia, tenebunt & possidebunt; Bona vero Allodialia a Ducibus acquisita & libero commercio subjecta, uti fuerunt, ita semper remaneant.

13. Cum vel bello, vel aliis variis & innumeris casibus, imo ipsa diuturnitate temporis, evenit, ut Privilegia & Documenta Prædiorum nonnullorum Allodialium perierint, ea juxta præscriptum in Privilegio Divi Sigismundi Augusti §. 8. a Sacra Regia Majestate novis Diplomatis innoventur, si de Bonorum hæreditatione, tranquilla atque continua possessione, constiterit, & absque necessitate, producendi Privilegia sua, in Bonis suis conserventur, & Prædiis Nobilium Allodialibus, jura, si quæ in Bonis & Præfecturis Ducalibus habeant, ac per documenta, vel longam ac quietam possessionem, demonstrare possint, uti est jus lignandi, pascendi, piscandi, &c. quiete & citra ullam turbationem retineantur.

14. Contractibus Ducalibus pignoratitiis ut satis fiat, Generosi Oeconomi Bonorum Feudalium cura esse debet, adeo, ut si possessoribus in Bonis pignoratitiis diutius remanere non placeret, ipsis, post resignationem legitime factam, (modo Bona ista possessoris culpa non sint deteriorata, quo casu, juxta Decisiones Commissoriales Novellas, procedendum) vel creditum, una cum legitimis suis prætensionibus, juxta tenorem contractus, exsolvantur, vel etiam ad id extenuandum, Præfectura, vel Prædium tale, tradatur, ex quo juxta consuetam proventuum computationem, prætensiones suas legitimas extenua-

re possint. Illi vero possessores, qui vel jure extenuationis pignoratitio, vel Arendæ, Bona Ducalia jam tenent, in possessionibus suis, usque ad finem Contractus, nullo modo turbentur, salvo tamen calculo, juxta anterioris Commissionis Decisiones, & eo quam firmissime præcauto & inhibito, ne quisquam eorum jus suum in extraneum, vel potentiores, transferat, sub nullitate transactionis, & solutione æquivalentis summae ad Fiscum.

15. Bona Ducalia in sempiternum naturam suam retinebunt, & quæ tempore subjectionis, sæcularia fuerunt, nunquam in Bona spiritualia permutabuntur, & si illa vel pignori dentur, vel locentur, non aliis, quam Nobilibus indigenis, relinquentur. Ad arendas autem & administrationem eorundem non solum Nobiles, sed etiam civicae personæ, idoneæ, possessionatæ, admitti poterunt, Nobilium tamen prima habita ratione, simulque curabitur, ut possessoribus Bonorum Ducalium, non indigenis, in prætensionibus, quæ justæ & legitimæ apparebunt & censēbuntur, quamprimum satisfiat, & eorum loco indigenæ assumantur, Dignitariis vero, cum dignitate simul, Præfecturarum administratio non comperat.

16. Nobiles, sicuti antea, & in posterum, atque in æternum, tam in nundinis, quam omnibus aliis casibus, a vectigalis solutione exempti manebunt, omniaque vectigalium augmenta, & nova Telonia, in præjudicium Jurium Nobilitatis, quocumque nomine veniant, prorsus tollantur. Ne vero Nobiles quoque in Bonis suæ possessioni subjectis, privata & nullo jure fundata Telonia, in aggravationem civitatensum & mercatorum, usurpare præsumant, inhibetur.

17. Quoad rusticos in Rigensum ditones profugos, in futura cum Ministris extraneis conferentia, huic quoque opera dabi-

dabitur, ut retradantur. Pro recuperatione autem transfugorum in Lithuaniam, sufficienter Lege Novella omnibus provisum est, dummodo jure retorsionis, eadem quoque in hisce Ducatibus, subditorum ex Lithuania transfugorum Legis & Justitiæ, in extradendis illis, exhibeatur observantia.

18. Jus Indigenatus Nobilitatis Curlandiæ & Semigalliæ in Regno Poloniæ & Magno Ducatu Lithuanæ, prout est incontestabile, & Constitutione Novella Grodnenfi, anno millesimo septingentesimo vigesimo sexto, cautum, ita accessus ad omnes dignitates, uti Nobilibus Polonis & Lithuanis (salvis legibus publicis) eidem Nobilitati pateat.

19. Quoniam autem Nobilitas horum Ducatum, ex variis rationibus, impossibilitatem alicujus subsidii, præter servitia Equestria, in §. 5. hujus Ordinationis, Sacræ Regiæ Majestati & Reipublicæ ullo unquam tempore solvendi, vel præstandi, demonstravit, (tametsi juxta paragraphum decimum septimum Privilegii Divi Sigismundi Augusti, ad innatam Ordini Equestri generositatem, & spontaneum pro defensione communi concursum, via non præcludatur) volens tamen, ut Respublica ex immediata hujus Provinciæ subjectione sentiat suum utile super illa Dominium, beneficio panis bene merentium, quod in Bonis Regalibus per totum Regnum Poloniæ & Magnum Ducatum Lithuanæ sitis, & per distributivam Justitiæ Regum conferri solitis, consistit, in hac Provincia sponte sua renunciavit, & privatum hocce particularium meritorum præmium & commodum publicæ utilitati, & emolumento sacrificavit, ita scilicet, ut omnia Bona Domus Ducalis Feudalia in hac Provincia existentia, unquam possint quocunque titulo Feudi, Emphytheusis, vel Juris advitalitii, usibus privatis applicari, nec ullo unquam modo distributivæ justitiæ Regum subsint, sed
pure

pure & mere ad utilitatem publicam convertantur; Nos igitur laudabili zelo & voluntario consensui Nobilitatis inhaerendo, decernimus, ut ex omnibus Bonis & proventibus Ducalibus, fundus perpetuus & inalienabilis, in subsidium virium Reipublicæ, constituatur, & Copiæ peculiares in hac Provincia erigantur, quæ imperio Ducum exercituum Regni & Magni Ducatus Lithuaniae suberunt, & ab eorum mandatis dependent, ita tamen, ut hæ copiæ, sine omnium Bonorum Nobilium aggravatione, inhospitatione, & alio, quocunque nominentur, onere, ex stipendiis vivant, neque quisquam milites ex Cmethonibus Nobilium conscribendi facultatem sibi arrogare præsumat, & si quis Cmethonum in numerum militum esset assumptus, is Domino suo repetenti instantanee, & absque ullis diffugiis, restituatur, quo autem amplior iste fundus esse possit, & Respublica serius quidem, uberiores tamen, ex plena præfatorum Bonorum possessione fructum percipere, eoque majorem numerum copiarum militarium habere valeat, tali modo futuræ eorundem proventuum dispositioni providetur, ut omnes redditus liberi tam ex civitatibus, quam ex bonis, sylvis, vectigalibus, cæterisque utili Dominio annexis juribus, provenientes, quotannis in ærarium publicum collati, reservata pro legitimis expensis, tertio & decimo præsentis Ordinationis Articulo, circumscriptis, sufficienti pecuniæ summa, in reliquionem Bonorum Feudalium oppignoratorum, prævia liquidatione & calculatione prætensionum applicentur, & quidquid proventuum inde accesserit, eadem ratione tollendis prorsus reliquorum Bonorum oneribus impendatur, donec omnes Præfecturæ & Prædia Feudalia ære alieno liberentur, hoc tamen servato ordine reluendi, ut illa Bona prius recuperentur, ex quibus, ducta proportionem summæ Capitalis, majores redditus per-

percipi possunt. Oeconomus Generalis omnium bonorum & preventuum a Sacra Regia Majestate constituatur, sitque Nobilis indigena, Curlandus, bene possessionatus, administrationem præfatorum Bonorum & reddituum Ducalium solus habeat; Officialibus omnibus salaria sua, annuatim, absque ulla tergiversatione vel prætextu, inprimis exsolvere teneatur; Quæcunque pro exstructione Templorum, juxta decimum Ordinationis præsentis articulum, vel conservatione eorundem & salariis Ministrorum, Xenodochiis, Domibusque Viduarum, Scholis, Parochiis, juxta veterem usum & continuam praxim, ex Bonis Ducalibus tribui solent, aut ad alias pias causas antiquitus ex iisdem destinata sunt, & hætenus usitata fuerunt, prompte exsolvat, rationes coram Supremis Consiliariis quotannis fideliter reddat, illi autem, sub ocluso rothulo, justificatas easdem Rationes Sacræ Regiæ Majestati & Reipublicæ, ad initium Comitiorum Generalium, transmittant, quo tempore Oeconomus quoque generalis compareat, & calculationem factam examini Ministrorum Status & Belli, utriusque Gentis, subjiciat. Formula Contractuum futurorum, qui ab Oeconomo dandi & subscribendi erunt, juxta morem antiquum conservetur, & si lis inter contrahentes exoriretur, secundum præscriptum Decisionum Commissorialium anni millesimi septingentesimi decimi septimi, dirimatur. Si autem præter spem cuipiam, sive Officiali, sive Templis, vel eorum Ministris, debita salaria, aut Xenodochiis, Domibusque Viduarum, & in alias pias causas, ea, quæ legitime competunt, Oeconomus exsolvere retardaret, unicuique liceat, per querelas ad Consiliarios Regentes refugere, qui plenariam facultatem habeant, illum ad promptissimam exsolutionem ex Bonis Ducalibus, non tantummodo adstringere, sed etiam processu summario coram
Judiciis

Judiciis suis, ob non præstitam debitam exsolutionem instituendo, in ejusdem Bonis propriis refusionem damnorum & expensarum decernere, nec ei hoc in passu ad Sacram Regiam Majestatem ulla concedatur Appellatio. In Locatione Bonorum, quantum sine detrimento Fiscus esse poterit, Nobilium indigenarum Curlandorum prima ratio habeatur. Ante factam salariorum, & suprafactorum præstandorum, exsolutionem, nulla pecuniarum summa extra Ducatum mittatur. In Causis Judicialibus, quæ, exempli gratia, extraditionem Cmethonum, ductum limitum &c. concernunt, & ad solum Regimen spectant, Oeconomus se non immisceat, nec in his casibus legitimas Instantias, juxta Leges & Praxim Provinciæ, ac usitatum Processum Juris, unquam perturbare præsumat. Bona Ducalia in sua propria & personali administratione solus non retineat, sed tam illa, quam omnes redditus publicos, vel plus offerenti locet, vel personæ idoneæ ad administrandum concedat. Ipse vero universalem, quoad ineundos Contractus, instituendosque & amovendos Administratores, dispositionem, ac supremam, ut res Oeconomica bene tractetur, inspectionem habeat, proventus omnes recipiat, arario publico præsit, pecuniam Fisco illatam, detractis, juxta anteriora puncta, necessariis expensis, tali ratione, qualis nunc præscribitur, in recuperationem Bonorum Ducalium, sub onere hypothecario existentium, applicet. Postquam autem omnia liberata, & copiarum jam erectarum fuerint, stipendia Militaria exacte, juxta dispositionem Reipublicæ, exsolvat. Augendis, quantum salva æquitate fieri potest, emolumentis & proventibus publicis, conservandis & meliorandis Bonis Ducalibus, retinendis ac recuperandis eorum Cmethonibus, omnem possibilem curam impendat. Ex administratione & locatione Bonorum ac reddituum, nullam privatam uti-

utilitatem quærat, munera etiam ultro oblata a personis, cum illo ex ratione officii aliquid negotii habentibus, non acceptet, sed ex assignato salario vivat, tum Ecclesia Romano-Catholica, Mitaviensem & Goldingensem, factas relictasque conservet & manuteneat. Quæ omnia ut eo exactius adimpleat, fidem suam super præmissis, & super observandis Legibus Provinciæ, Juramento coram Consiliariis Supremis præstando, circa apprehensionem officii obstringere tenebitur; si vero aliquid in damnum Sacræ Regiæ Majestatis & Reipublicæ, vel detrimentum Fisci, contra fidem & obligationem suam, fecerit, ex cujusvis delatione, Commissio mixta ex Polonis, Lithuanis, & Curlandis, contra illum instituat, quæ pro qualitate delicti, eum poenis afficere, vel ab officio remove, poterit. Præfectus sylvarum simili ratione Nobilis indigena, juratus & bene possessionatus, a Sacra Regia Majestate constituetur, illique sylvarum cura & conservatio incumbet, curatores & custodes saltuum ab illo dependebunt. Duo Magistri Teloniorum Libaviensium & Vindaviensium pariter jurati, & exercendo huic muneri idonei, sine distinctione conditionis, Privilegio Sacræ Regiæ Majestatis constituendi, prædictarum civitatum Portoriis præerunt; Quidquid autem ex Teloniis & Sylvis proveniret, ærario Publico inferatur, prædicti quoque tres Officiales, tam quoad dispositiones, pro augmento horum reddituum faciendas, quam quoad reddendum calculum, ab Oeconomo Generali dependeant. Cum autem secundum præsentem Ordinationem Consilarii Supremi ab Oeconomo Generali calculum exigere, & ne quid in damnum Reipublicæ, vel detrimentum Fisci, fiat, prospicere teneantur; ad Ordinarium illorum Juramentum, sequentia puncta addenda esse censentur: *Omni pro viribus meis cura, sollicitudine & vigilantia ad id concurram,*

ut Bona & proventus ad ararium publicum pertinentes, integre, citra omnem defraudationem, administrentur, in usus a Republica assignatos fideliter applicentur, nec quisquam ex illis privatum lucrum, me sciente, percipiat, quod nec ego ipse pro me, vel pro alius, directe vel indirecte, quæram, imo, si quid mihi ab Oeconomo Generali, vel illius gratia ab aliis, oblatum fuerit, non acceptabo, Rationes rei Oeconomica quotannis diligenter, & excluso omni amicitia, consanguinitatis, vel presentis, aut futura, utilitatis respectu, ab Oeconomo exigam, illasque ad initium Comitiorum Generalium Sacra Regia Majestati & Reipublica eadem fidelitate transmittam; si quid ab Oeconomo, vel per negligentiam & conniventiam illius ab aliis, in præjudicium Civitatum, Præfecturarum, Bonorumque Ducalium & Fisci publici, fieri advertero, Sacra Regia Majestati deferam, in omnibus denique damna publica avertere, commoda & emolumenta procurare, satagam. Quo autem plenius integræ proventuum publicorum administrationi provideatur, & Officiales in obeundis muneribus suis exactiores sint, Procurator Fiscalis a Sacra Regia Majestate constituetur, cujus officium erit, omni possibili conatu ad id incumbere & providere, ne redditibus Reipublicæ, civitatibus, Bonisque Ducalibus damnum aliquod a quopiam inferatur, ne Præfecturæ & Prædia, sive per incuriam Oeconomi, sive per iniquas exactiones & oppressiones Cmethonum, in deteriorem statum collabantur, ne sylvæ & saltus devastentur, ne proventus publici, per favorem vel dolum, minori pretio, quam deberent, locentur, ne in Contractibus & calculationibus aliqua collusio fiat, vel pecunia publica in privatos usus convertatur, aut quisquam ex Fisco & fundis ad Fiscum pertinentibus lucrum aliquod privatum habeat, utque Officiales officia sua, omni qua par est diligentia, exercent,

ceant, & Jura Reipublicæ, & hujus Provinciæ nullum præjudicium patiantur, vel labefactentur. Si quid vero in contrarium a quocunque ageretur, id Sacræ Regiæ Majestati & Ministris, idem Fiscalis fideliter deferre tenebitur; munera, sub pœna peculatus, a nemine acceptabit, nihil damnosum Fisco & Reipublicæ per favorem, respectum, aut ob pollicitationes, vel spem alicujus proprii emolumenti, reticebit, & super omnibus præmissis punctis Juramentum coram Supremis Consiliariis præstabit.

20. Id denique firmissime & omni meliori modo spondetur, & cavetur, ex mutuis Reipublicæ & hujus Provinciæ vinculis & stipulationibus, quod Ducatus hi Curlandiæ & Semigalliæ nunquam a Regno Poloniæ & Magno Ducatu Lithuanici separabuntur, vel alii exotico Dominio, aut Regimini, cedentur, sed in æternum tanquam indivisibile politici Reipublicæ corporis membrum, sub Regum & Reipublicæ Dominio, perpetuaque & immediata subjectione, permanebunt, nec status eorum jam constituendus ullo modo, sine consensu Generosi Ordinis Equestris, immutabitur; Nosque omni studio & conatu possibili promoturos & curaturos fore, ut Jura eorum antiqua, & quæ jam a Commissione Nostra ipsis stipulantur, in Comitibus Generalibus proxime venturis, a Sacra Regia Majestate & Republica solenniter confirmentur & approbentur, atque hoc modo auctoritatem æternam obtineant.

21. Si quid vero ob angustiam temporis omissum, quod Provinciæ huic proficuum & ex usu esset, eorum a Sacra Regia Majestate & Republica postulandorum, non præscinditur facultas,

XXIV.

Subscriptiones manuum propriarum
Commissariorum S. R. Majestatis & Reipublicæ, ad
corroborandam Ordinationem futuri Regimi-
nis Ducatum Curlandiæ & Semigalliæ,

Mitavia, d. 5. Dec. A. 1727.

- (L. S.) Christophorus Joannes Szembek, Episcopus Varmienfis
& Sambienfis, S.R. Majest. & Reipubl. Commissarius, *mp.*
 - (L. S.) Casimirus Oginski, Palatinus Trocensis, Capitaneus
Vspoliens. Commissarius S. R. Majestatis & Reipublicæ.
 - (L. S.) Stanislaus Dœenhoff, Palatinus Polocensis, Exercitus M.
D. Lithuan. Dux Campestris, Capitaneus Neocorci-
nensis, S. R. Majestatis & Reipublicæ Commissarius, *mp.*
 - (L. S.) Jacobus in Skrzywno Dunin, Referendarius Regni,
Vislicens. Radosycens. Lipnicens. Capitaneus, S. Regiæ
Majestatis & Reipublicæ Commissarius, *mp.*
 - (L. S.) Josephus Nakwaski, Capitaneus Ciechanoviensis, S. R.
Majestatis & Reipublicæ Commissarius, *mp.*
 - (L. S.) Jacobus Franciscus Szembek, Capitaneus Tolkmicens. *mp.*
 - (L. S.) Adamus Krasinski, Pincerna Ciechanoviensis, Colonel-
lus & Commissarius S. R. Majestatis & Reipublicæ.
 - (L. S.) Michael, Dux in Olyka & Nieswicz Radziwill, Capita-
neus Premisliensis.
 - (L. S.) Josephus de Campo Scipio, Capitaneus Lidenfis, Com-
missarius Sacræ Regiæ Majestatis & Reipublicæ.
 - (L. S.) Joannes Sigismundus de Wahlen, Vexillifer Districtus
Grodnenfis, S. R. Majestatis & Reipubl. Commissar. *mp.*
- (L. S.) An-

- (L.S.) Antonius de Eperiefs, Colonellus S. Regiæ Majestatis, Commissarius S. R. Majestatis & Reipublicæ.
- (L.S.) Christophorus Manteuffel Kielpinski, Abbas Sieciechiovienfis, Commissionis Sacræ Regiæ Majestatis & Reipublicæ Secretarius.
- (L.S.) Sebastianus Rybczynski, Decretorum Curia Regni & Commissionis S. R. Majestatis & Reipubl. Notarius, *mp.*

XXV.

Acceptatio ejusdem Ordinationis
a supremis Consiliariis Curlandiæ & Semigalliæ, per
Mareschalcum & Deputatos omnium Districtuum, suo, ac totius
Nobilitatis, omniumque Statuum hujus Provinciæ, nomine
subscripta, appositisque sigillis munita, cum supplicatione, ut
hæc eadem Ordinatio manuteneatur & in futuris Comitibus confirmetur, annexa :

Quemadmodum superscriptam Ordinationem futuri Regiminis in omnibus suis Articulis per totum acceperimus ;
Ita Celsissimam hanc Commissionem de benignissime promissa
& promovenda ejusdem in Comitibus Generalibus proxime futuris confirmatione, humillime ac instantissime imploramus.

- (L.S.) Adamus Casimirus Kosciusko, Landhofmeisterus & Supremus Consiliarius, *mp.*
- (L.S.) Casimirus Christophorus Brackel, Cancellarius & Consiliarius Supremus, *mp.*
- (L.S.) Carolus Fireks, Oberburgrabius & Supremus Consiliarius, *mp.*

(L.S.) Phi-

- (L.S.) Philippus Henricus Hahn, Landmareschallus & Supremus Consiliarius.
- (L.S.) Henricus Johannes a Meerfeld, Subjudex Goldingensis, Deputatorum Mareschallus, & Districtuum Goldingensis & Vindaviensis Deputatus, *mp.*
- (L.S.) Georgius Fridericus Klopmann, Capitaneus Schründensis, Districtus Mitaviensis Deputatus, *mp.*
- (L.S.) Christophorus Joannes de Brucken, dictus Fock, Deputatus Mitaviensis.
- (L.S.) Christophorus Fircks, Deputatus Districtus Talsensis.
- (L.S.) Georgius Fridericus Fircks, Deput. Districtus Talsensis.
- (L.S.) Philippus Georgius Hahn, Deputatus Districtus Bauscens.
- (L.S.) Gerhardus Ernestus Haudring, Subjudex Selburgensis, Deputatus Districtus Dunaburgensis & Translautzensis.
- (L.S.) Gotthardus Ernestus de Budberg, Deputatus Districtuum Neugutensis & Baldonensis.
- (L.S.) Alexander Fridericus Korff, Deputatus District. Selburg.
- (L.S.) Henricus Gerhardus de Plettenberg, Districtuum Ascheradenensis & Nerfftenensis Deputatus.
- (L.S.) Magnus Christophorus Korff, Deputatus Districtus Tuchumensis, & ex plenipotencia Joannis Melchioris Tunis, Deputati Tuchumensis.
- (L.S.) Georgius Melchior Stempell, Deputatus Autzensis & Irentzhofiensis, & ex plenipotencia Friderici Henrici a Bistram, Deputati Autzensis & Irentzhofiensis.
- (L.S.) Gerhardus Wilhelmus Nagel, Districtus Alschwangenensis Deputatus.
- (L.S.) Fridericus Casimirus de Brucken, dictus Fock, Districtus Candaviensis Deputatus.

(L.S.) Tam

- (L.S.) Tam nomine Mandatario Heinrici Christiani de Offenberg, Capitanei & Deputati Doblenensis, quam meo, subscribo Gotthardus Fridericus de Lœbel, Deputatus Doblenensis, *mp.*
- (L.S.) Fridericus Manteuffel, nomine Szœge, Deputatus Districtus Eravenfis, *mp.*
- (L.S.) Petrus Koschkull, Zabeliensis Districtus Deputatus, pro se & Mandatario nomine Ottonis Friederici Behr, Deputati Districtus Fravenburgensis, itemque Wilhelmi Alexandri de Heuking, Deputati Zabelientis.
- (L.S.) Georgius Heinricus Hahn, Deputatus Candaviensis & Neunburgensis.
- (L.S.) Andreas Gotthardus Manteuffel, nomine de Szœge, Deputatus Districtus Sessaviensis.
- (L.S.) Gebhardus Johannes Keyserlingk, Deputatus Districtus Durbenfis & Grambsdenfis pro se, & Mandatario nomine Nicolai Korff, Deputati Hafenpothenfis.

XXVI.

Excerptum ex Constitutionibus Comitiorum Pacificationis extraordinariorum

Varsavia, mense Junio, A. 1736.

hahitorum,

Quoad momenta Ducatus Curlandiæ & Semgalliæ concernentia,

Juxta exemplar Authenticum Polon. pag. 16. & translationem Latinam, pag. 28. n. 59. sqq.

Celsissimo Principi Primati, una cum presenti Senatu, ad expediendas conferentias cum Ministris extraneis, utrumque

que negotium concedimus ac committimus, ut Ducatus Curlandiæ, tanquam Reipublicæ feudum, ab externis prætensionibus liberetur, & Dux Ferdinandus, vigore Investituræ, possessionem hujus Ducatus quamprimum adeat, recognitionemque sui ab incolis Curlandiæ, cum debita obedientia, obtineat, similiter, ut Territorium Elbingense & pignora Reipublicæ in Regestro connotata, eliberentur, necminus Præfectura Drahiemensis, ad mentem Constitutionis anni 1726. redimatur.

Celsissimo vero Principi, Christophoro Szembeck, Episcopo Varmienti, Commissionis Curlandiæ Præsidi, tam pro opera ibidem præstita, quam pro transportatione Coronarum & Archivi Cracoviam, nec non & aliis Commissariis ad eandem Curlandiam designatis, pro labore & sumptibus, quos inserviando patriæ ex propriis fortunis impenderunt, omnem promittimus gratitudinem.

Eosdem autem Ducatus Curlandiæ & Livoniæ, circa exercitium Augustanæ Fidei, juxta Constitutionem anni 1726. cum cæteris ritibus, securos reddimus.

Item :

Ex Articulis Pactorum Conventorum, iisdem Constitutionibus insertis,

*Juxta exemplar Originale Polon. p. 62. ejusque translationem
Latinam, pag. 89. n. 166.*

Similiter, ut Ducatus Curlandiæ ab externis prætensionibus liberetur, & Dux, Dominus Ferdinandus, uti investitus, juri-
bus suis uti, & ad possessionem bonorum suorum pervenire
possit, & ut incolæ hujus Ducatus, Duci, licet pro nunc, ob
impedimenta extranea, absenti, in Regno tamen commoranti,
debitam præstent obedientiam, conjunctim cum Republica cu-
ras Nostras indilare impendemus, salvis hujus Ducatus, Nobi-
litis

litatis & Civitatum, antiqvis juribus. In avulsionem vero hujus Ducatus a Corpore Reipublicæ nunquam consentiemus.

Et paulo post:

Inter propositiones essentielles Serenissimæ Reipublicæ & omnibus Ordinibus Regni & M. D. L. per Ministros Plenipotentiaros, ex parte Serenissimi Principis Poloniæ & Electoris Saxoniz, oblatas,

ibidem pag. 97. n. 189.

Curlandiam, aut aliam quancunque Provinciam, a Corpore Reipublicæ avelli, haud patietur.

XXVII.

Excerptum aliud ex iisdem Constitutionibus Comitiorum Pacificationis extraordinariorum,

Quoad Articulum Commissionis Curlandicæ anno 1727. habitæ, ulteriusque approbatæ & illustratæ,

Juxta Exemplar Originale Polon. pag. 100. ejusdemque translationem Latinam, pag. 153. n. 269.

Titulo Curlandia:

Commissionem Curlandicam, cujus operosus & laudabilis in rem boni publici Actus inextinctam apud Nos & Rempublicam promeruit gratitudinem, in omni, quicquid in rem conservandi Juris Nostri Regii & Reipublicæ similiter ac unionis nunquam dividendæ cum corpore Reipublicæ hujus Provinciæ, effecit, confirmantes hujus Ducatus jura, privilegia & libertates, approbamus.

Matura autem deliberatione perpendentes, novam Ordinationem, per hanc Commissionem concertatam, & ad approbandum exhibitam, multis ex causis, similiter ac ex circumstantia inoneratorum proventuum Mensæ Ducalis, Nobis & Reipublicæ non majus, quam sub Regimine Ducum, emolumentum esse allaturam, tum quoque ad instantes & supplices Nobilitatis Curlandiæ preces, ut in futurum quoque tempus, sub Regimine Ducis, juxta Pacta Subjectionis & Formulam Regiminis maneat, respicientes, providentesque, ut a Principe feudatario & obstricto vassallatui Nostro, subsidia militum subministrantur, neque minus, ut investiendus a Nobis Dux, onerata bona Mensæ Ducalis in emolumentum & rem Feudi redimat & liberet, hanc, ex sententia omnium Statuum, ratione hujus Provinciæ constituimus ordinationem; quod, post moderni Principis Ferdinandi, quem ad vitæ tempora circa feudum & jura ejusdem conservamus, & per illum Stirpis Kettlerianæ decessum, alii, cum successoribus ejus masculis, de lumbis procedentibus, investituram Ducatus Curlandiæ, Diplomate Nostro, juxta practicum in simili modum, confereamus.

Vt vero hoc non solum cum pleno Reipublicæ commodo, sed etiam cum solidissima conservatione unionis hujus Ducatus cum Republica, fiat, ad formandas huic Principi, quem investiemus, conditiones, præfatam Commissionem anni 1727. ad eum actum prorogamus, illique auctoritatem tribuimus.

XXVIII.

Rescriptum Sacræ Regiæ Majestatis
ad GG supremos Consiliarios totamqve Nobilitatem
& incolas Ducatum Curlandiæ & Semigalliæ, post fata ultimi
ex Kettleriana stirpe Curlandiæ Ducis, Ferdinandi, pro admi-
nistrando aperti Ducatus Regimine & continuando homa-
giali in supremum & directum Poloniæ Regni
dominium obsequio,

Anno 1737. emanatum.

AUGUSTUS III. D. G. &c. Generosis Supremis Consilia-
riis, Majoribus & Minoribus Capitaneis, totiqve Ordini
Equestri, & incolis Ducatum Curlandiæ & Semigalliæ, fideliter
Nobis dilectis, Gratiam Nostram Regiam: Generosi, fideliter
Nobis dilecti: Quandoquidem, disponente Deo, Illustrissimus
Princeps, Ferdinandus, fel. rec. Curlandiæ & Semigalliæ Dux,
Consanguineus Noster grate Nobis dilectus, non sine sensu No-
stri doloris, ultimum tandem Gedani obiit diem, quartum vi-
delicet mensis Maji & anni currentis, taliterqve per fata sua
sterilia stirpem Kettlerianam Ducum Curlandiæ & Semigalliæ ex
mascula linea proveniente in persona sui extinxit; partium
Nostrarum esse dignoscimus, Fidelitates vestras per præsentis
hortari atqve monere, prout de facto hortamur atqve monemus,
*quatenus tum Juriam Nostrorum supremi & directi in Ducatum Cur-
landiæ & Semigalliæ dominii Nostri, tum vinculoꝝ suorum juris-
jurandi, vigore Pactoꝝ Subjectionis & Formulæ Regiminis ac Or-
dinationis, debitam rationem habentes, in plena & perfecta erga Nos
atque Rempublicam fidelitate, obsequio & subjectione, intaminate per-
ficerent, administrationem justitiæ & cursum judicioꝝ continuent,*

ac nihil quidquam in contrarium iisdem Pactis Subjectionis & Furi-
bus Nostris ac Legibus Regni attentare præsumant, pro certo &
infallibili apud se tenentes, quod Nos adjuvantibus Superis
omnia pro comodo & utilitate eorundem Ducatum Cur-
landiæ & Semigalliæ perficere non intermittemus. Interim ne
quid detrimenti, tam in genere tota Provincia Curlandiæ & Se-
migalliæ, quam in particulari Bona Ducalia, tam Feudalia, quam
Allodialia, ullatenus patiantur, Generosos supremos eorundem
Ducatum Consiliarios, fideliter Nobis dilectos, serio requiri-
mus, iisdemque mandamus, quatenus juxta Formulam Regiminis
ac Ordinationes Commissariorum Nostrorum & Reipublicæ omnia ad-
ministrationis & gubernationis munia exercere, non intermittant, non
involando ullatenus, sub quocunque prætextu vel colore, in eas Status
materias, quæ a Nostra & Commissariorum Nostrorum Reipublicæ de-
cisione atque dispositione pendent. Insuper habere volumus, ut
iisdem Generosi Supremi Consilarii, pro munere suo, non tantum In-
ventarium de omnibus generaliter Bonis Domus Ducalis, tam mobi-
libus, quam immobilibus confici, consignationemque seu Regestrum
omnium in ibidem debitorum, activorum & passivorum, reperibilium,
sine mora conscribi curent, ac Nobis incessanter transmittant; verum
etiam eo sedulo incumbant, atque procurent, ne proventus ex ipsis
Bonis Ducalibus Feudalibus & Allodialibus, quocunque modo vel præ-
textu, distrabantur, imo potius eosdem omnes proventus, salariis non-
nisi Officialium & quæ ad conservationem Status internam de neces-
sitate requiruntur exceptis, intacte conservent, ulterioremque Nostram
desuper dispositionem expectent. Qvod reliquum est, Fidelitates
vestras in universum omnes securas esse volumus, non solum
peculiaris erga easdem gratiæ & protectionis Nostræ Regiæ, sed
etiam indemnitate omnium Jurium ac Privilegiorum suorum,
quorum Nos Fidelitatibus Vestris manutentionem & conserva-
tionem

tionem appromittimus & spondemus, eorundem Ducatum Curlandiæ & Semigalliæ interesse & commoda pro Nostreis reputantes. Ut itaque hæc Nostrea expressa voluntas ac intentio omnibus & singulis plene innotescat, mandamus, ut præsens Rescriptum Nostrium in Acta Publica inscribi, illudque more solito publicari, ac ab omnibus exactissime observari, curent, pro gratia Nostrea. In quorum fidem præsentibus manu Nostrea subscriptas obfigillari mandavimus. Datum &c. &c.

XXIX.

Descriptio solennis ritus, & apparatus,
quo Celsissimus quondam Princeps, Fridericus Casimirus, in Livonia Curlandiæ & Semigalliæ Dux, coram Throno Regio Serenissimi Principis ac Domini, Domini Johannis III. D. G. Regis Poloniæ, Magni Ducis Lithuanicæ, &c. per Legatos suos, Christophorum Henricum, Liberum Baronem de Puttkammer, Supremum Ducatus Præfectum, & Dietericum ab Alten-Bockum, supremum Ducatus Mareschalcum, supremosque suos Consiliarios, renovationem Investituræ de Ducatibus Curlandiæ & Semigalliæ,

Varsovia, d. 25. Martii, A. 1683.

publice recepit,

Pro exemplo consueti moris investiendi Curlandiæ
Duces a Serenissimis Poloniæ Regibus adhibiti,

Ex Nicolai de Chwalkow Chwalkowsky, Equitis Poloni, & quondam ipsius Friderici Casimiri, Curlandiæ Ducis, in Aula Regis Polon. Residentis, Jure Publico Regni Poloniæ, Regiomonti, dicto anno 1683. edito, eidemque subjunctis ad calcem Additionibus, pag. 573.

de verbo ad verbum excerpta :

Præ-

PRæfixo a S. R. Majestate ad exsolvendum homagium termino duarum hebdomadarum ante Generalia Regni Comitia, d. 27. Jan. præterlapſi anni 1683. indicta, Domini Legati pone Varſaviam veniebant, Sereniſſimumqve Regem præſtolabantur. Poſtquam dies 1. Februarii ſolenni introitui determinatus illuſiſſet, circa meridiem Domini Senatores & Officiales Regni, Magniqve Ducatus Lithuanix, tum & Sereniſſimi Regis Sueciæ, atqve Sereniſſimi Electoris Brandenburgici, Conſiliarii & Reſidentes, ille Dominus Simon Dörffler, hic Dominus Chriſtophorus de Wichert, rhedas ſuas, ad numerum triginta quinque, ad Curiam Secretarii Regni Majoris, Domini Franciſci Prazmowski, Stawki nominatam, mittebant. Poſtremo etiam obviam venit prædictus Secretarius Major, nomine Sacræ Regiæ Majestatis, & in Curia ad fores Domus ſubiſtens, rhedaqve egreſſus, propenſam Regiæ Majestatis voluntatem erga Illuſtriſſimam Celſitudinem Suam denunciabat, ac de adventu DD. Legatorum gratulatus, eos in rhedam Regiam invitabat. Ad hæc Dominus Baro de Puttkammer, tanquam primarius Legatus, reſpondit, & ſic in Curru Regio, a cujus latere uno Teutonici, ab altero Turcici, Celeres & Satellites Regii ibant, ad Civitatem per aream, in qua Cohors militum Supremi Mareſchalci Regni, Domini Stanislai Lubomirski, ſoluto vexillo in armis ſtabat, eqvitibus plus minus trecentis, & rhedis triginta tribus, præcedentibus, tribus vero ſequentibus Dominorum Legatorum rhedis, cum eqvis deſultoriis, tubicinibus ac eqvitibus, atqve poſt hos rhedis duabus Dominorum ſupradictorum Reſidentum, ad hoſpitiū in ſuburbio deducebantur. Die quarto ejusdem ad Audientiam privatam vocabantur, Supremus Stabuli, nunc Camera Regni, Præſectus, Dominus Mateczynski, (ægrotante Regni Succamerario) cum aliquot Au-

licis

licis in prima Anticamera obviam veniens, illos per marmoream ad proximam Cameram deducebat. Serenissimus Rex ad mensam stabat, quem supraallegatus Baro de Puttkammer affabatur, tradebatque literas credentiales Celsissimorum Ducum, tam primogeniti Domini *Friderici Casimiri*, quam postgenitorum, Domini *Ferdinandi*, & Domini *Alexandri*. Sacra Regia Majestas affectum suum erga Illustrissimam Celsitudinem suam declarabat, & de nonnullis cum iisdem colloquebatur, donec Præfectus Stabuli Regni Legatos, & postmodum Nobiles Legationi additos, ad osculum manus Regiæ invitabat. Die quinta ejusdem per Dominum Zaluski, Cancellarium Sacræ Reginalis Majestatis, nunc simul Episcopum Kyoviensem, ante fores Cameræ prioris excepti ad Reginalem Majestatem deducebantur, cui negotia Illustrissimæ Celsitudinis suæ commendabant, & literas Credentiales tradebant, quibus acceptis Sacra Reginalis Majestas benignitatem suam Regiam erga totam Domum Ducalem contestabatur, inprimis vero ea Celsissimam Ducissam, non minus, quam pater memorie Ducissam, se complecti, afferebat. Eosdem hac ipsa quoque hora Serenissimus Poloniæ Princeps ad se admittebat. Sequentibus postea diebus Dominos Senatores atque Officiales aggrediendo, ea, quæ ipsis commissa erant, promotioni eorum, more solito committebant, donec prorogatus a Sacra Regia Majestate terminus, dies nempe XXV. Mensis Martii, quo, utpote die Festo Annunciationis Beatissimæ Virginis, Consilia Comititalia cessabant, appropinquaret, ubi circa horam primam a meridie Dominus Losz, Castellanus Culmenfis, & supradictus Secretarius Regni Major in curru Regio ad hospitium Legatorum veniebant, atque eosdem ad Arcem deducebant. Celeres & satellites Regii, tam Germani, quam Turcici, a lateribus rhedæ ibant, & non procul

cul ab hospitio Legatorum usque ad Arcem milites DD. Senatorum & Officialium, tum vero in interiori exteriorique Arcis area cohortes custodiæ corporis Regii, solutis vexillis, quorum duodecim erant, armatæ stabant, atque clangore tubarum & tympanorum Legati excipiebantur. Venientibus ad Portam ferream Augustalis Senatorum præfatus Regni supremus, nec non Curia, Marechalci, Dominus Hieronymus Lubomirski, Principes Romani Imperii, obviam veniebant, & præmissis Curialibus Legatos ad Thronum Regium deducebant, in quo Sacra Regia Majestas sedens conspiciebatur. A dextris Dominus Joannes Gninski, Vice-Cancellarius Regni, a sinistris Dominus Vice-Cancellarius M. D. Lithuanicæ, Dominicus Nicolaus, Princeps Radziwill, porro ad latus solii a dextris Dominus Raphael, Comes in Leszno Leszczyński, Vexillifer Regni, vexillum feudale tenens, a sinistris Dominus Warszycki, Ensignifer Regni, districto gladio, stabant. In gradum Throni Regii inferiorem postquam in genua ritu solito procubuerant Legati, Dominus Liber Baro de Puttkammer sequentis tenoris verba fecit:

Hoc est illud encomium nominibus hominum altius, quod ab Altissimo Regibus tribuitur: Dii estis. Inter hos terrestres Deos Sacra Regia Majestas Vestra in Throno suo collocata de eo non aliter, tanquam de cælo, divite imbre beneficia Regia in terram Suam Sarmaticam, & ejusdem Status, membra, Principes hominesque, mittit ac demittit. Equidem virtus Sacræ Regiæ Majestatis Vestræ non patitur, ut aliquid radius Majestatis & benignitatis Regiæ vacuum reperiat, sed ut omnia divinitate Regia impleantur, virtus Regia Regium esse censet. Proveniunt autem ex augustissima Sacræ Regiæ Majestatis Vestræ manu nova & vetera beneficia, illa tribuendo, hæc conservando. Viroque horum hac vice Illustrissima Domus Curlandica

dica exornatur, dum Sacra Regia Majestas Vestra Illustrissimo ac Celsissimo Principi, Domino FRIDERICO CASIMIRO, in Livonia Curlandiæ & Semigalliæ Duci, Domino Nostro gratiosissimo, clementissime permisit, per Legatos confirmationem Jurium veterum & Investituram accipere, Homagiumque debito ritu præstare. Quam suavitatem Regiæ Gratiæ demissa gratiarum actione exosculando, flexis genibus per Nos rogat, dignetur Sacra Regia Majestas Vestra, tanquam supremus & directus Dominus, tenore Privilegiorum & Investiturarum, jura per Serenissimos Reges Poloniae & Magnos Duces Lithuaniae ac S. R. Majestatem Vestram ipsammet clementissime concessa, clementissime confirmare, eumque de omnibus terris, civitatibus, villis, pagis, vicis, arcibus, præeminentiis, juribus omnibus & singulis, totoque Ducatu Curlandiæ & Semigalliæ in Livonia, investire. Quo nomine, juxta laudabilem morem in majoribus Feudis receptum, per Nos flexis genibus venerabundus ad pedes Sacræ Regiæ Majestatis Vestræ provolutus Homagium præstare, & Juramento fidem ac obedientiam per me solennibus verbis obstringere paratus est.

Hiscæ pronuntiatis respondebat supramemoratus Dominus Pro-Cancellarius Regni; Deinde Regia Majestas Feudale Vexillum e manibus Domini Vexilliferi apprehendebat & primario Legato ad manus tradebat, atque eundem apprehendentem vexillum sequentibus alloquebatur verbis:

Nos Johannes, Rex Poloniae &c. tanquam naturalis & supremus Dominus totius Livoniae, Ducatumque Curlandiæ & Semigalliæ, annuendo precibus illustrissimi Friderici Casimiri, Ducis, tradimus & concedimus Illustritati suæ in feudum terras, civitates, oppida & arces, commemoratorum in Livonia Curlandiæ & Semigalliæ Ducatum, & ad eosdem Illustritatem suam, per hujus ve-

xilli traditionem, in persona Generositatis tuæ, Christophori Henrici Putkameri, uti Plenipotentis Illustritatis suæ, investimus & instituimus, gratia & benignitate Nostra, qua Illustritatem suam ob singularia in Reges Regnumque Poloniæ, Antecessorum quoque ejusdem Illustritatis Ducum, merita complectimur, speramusque, Illustritatem suam, beneficii hujus memorem semper futuram, gratamque pro eo se exhibituram.

Deinde cum liber Evangeliorum, quem Dominus Secretarius Regni Major tenebat, in sinum Sacræ Regiæ Majestatis poneretur, primarius Legatus in supremo Throni Regii gradu genibus flexis manu sinistra feudale vexillum tenens, dextra vero super Evangelio posita, juramentum fidelitatis, secundum formulam Juramenti anno 1639. prælegente eandem Domino Pro-Cancellario, exsolvebat; Quo præstito Collegæ suo, Domino Dieterico ab Alten-Bokum, Vexillum tradebat, & ad inferiorem Theatri gradum in genua iterum procumbens pro Clementissima Infeudatione, tenore sequentium, gratias agebat:

Hic est ille dies sollemnis, quem Sacra Regia Majestas fecit, sed nec dies præsens, nec futura Illustrissimi ac Celsissimi Principis Nostri ætas, sufficient, deprædicandi laudibus gratiisque debitis benevolentiam Regiam, qua Sacra Regia Majestas Vestræ eundem, tradito hoc vexillo, de toto Ducatu Curlandiæ & Semigalliæ in Livonia clementissime investire voluerit, in quo vexillo Illustrissimus ac Celsissimus Princeps omnem fortunam, honores ac dignitates vebit. Felix tantarum rerum Portitor & Vector, sed felicior altera ex parte Illustrissimus ac Celsissimus Princeps Noster, quod in hoc vexillo etiam clementissimum tanti beneficii Datorem & Conservatorem vebat. Vebit enim in hoc vexillo augustissimum nomen Joannis Ter-
tiii,

tii, sacram salutis suæ ancoram, vebit contra omnes, infortunii sagittas sacrum Sacræ Regiæ Majestatis Vestræ scutum, verius, quam Ancile Romanorum, de cælo delapsum; Vebit alitem Jovis, qui, ad motum Serenissimorum Poloniæ Regum, expansis & coruscantibus alis, sæpe ad ipsos maris Baltici terminos volavit, & Domum Curlandicam tenuit ac regit, vebit Equitem, qui jussu Regum semper adfuit, juravit & proderit. Vebet autem hoc Palladium & Ancile suum omni venerationis cultu, eaque fide, quæ indissolubilior nodo Gordio, quæ ferrum solvebat, est, amabit ac perennabit. Patet toti Christianitatis Orbī, quod Illustrissimus Princeps Noster prætextam gerens in carcere, schola illa ferrea ab Illustrissimo suo Parente hanc fidem didicerit & hausserit, quæ pro gloria Sacræ Regiæ Majestatis Vestræ & bono Reipublicæ nullam calamitatis ferrique scit timere duritiem, unde Illustrissimus Princeps Noster vitam & quicquid fortunatum Sacra Regia Majestas Vestra, tanquam benignissimus Pater, nunc in Domo sua plantavit, & imposterum plantabit, in honorem Sacræ Regiæ Majestatis Vestræ & inclytæ Reipublicæ consecrat atque offert, ut sic fide illius homagiali, purius auro inventa, corona gratiæ & protectionis Regiæ in Domo illius Ducali æternum reposita inveniatur.

Postea sæpèfatus Dominus Vice-Cancellarius respondebat; Quibus finitis Dominus Marschalcus Regni Supremus Legatos ad capiendam sessionem in sellis, a sinistra Sacræ Regiæ Majestatis in supremo theatri gradu positos, invitabat, & Legatus Secundarius Engelbrechto Taube, Legationis Mareschalco, Vexillum feudale tradebat. Inter sedendum primarius Legatus, juxta pristinam consuetudinem, paululum caput tegebat, mox tamen in honorem Sacræ Regiæ Majestatis iterum denu-

Felicianus Bukowski, Joannes Georgius Collepp, & Henricus Wilhelmus Medem, ut & Secretarius Legationis, Polycarpus Bauer, ad osculum manus Regiæ vocati admittebantur. Hisce omnibus, DEI auxilio, feliciter peractis, Legati adhuc brevibus verbis Regiæ Majestati gratias pro beneficio Celsissimo Duci dato egerunt humillimas. Tandem inter congratulationes varias DD. Senatorum, qvi Legatis accedentibus, & excedentibus assurgebant, Dominus Regni & Curia Marſchalci Legatos comitabantur, ſeqvente proxime & vexillum gerente Marſchalco Legationis, qvi, poſtquam ad rhedam Regiam Legati venerant, vexillum prædicto Domino Rappe porrigebat, & ſic Legati ex Arce per ſupramemoratos Dominos, Caſtellanum ac Secretarium Majorem, eadem ſolennitate, qua deducti fuerant, (niſi qvòd Vexillum feudale proxime ante currum dictus Rappe Eqves ferebat) per civitatis aream & ſuburbium ad hoſpitiũ, ubi tubicines & tympaniſtæ Regii, tympanorum & tubarum hilari clangore, illos excipiebant, deducebantur. Finitis feliciter Comitiiſ, Sacra Regia Majeſtas, uti antehac multum pro bono publico curis, ita poſthæc aliquid dedit lætitiæ, atqve in Palatio ad Villam novam convivium celebravit, ubi exhibuit

Qvalia purpurei comedunt obſonia Reges.

Dabatur etiam honos ibidem comparendi Legatis Curlandicis. Primum locum occupabat Auguſtiſſimi Imperatoris Orator, Dominus Comes de Waldſtein, alterum Sereniſſimi Electoris Brandenburgici Legatus, Dominus de Crocau, Conſiliarius Status intimus, proxime Domini Legati Curlandici, & deinde DD. Senatores aſſidebant.

Ad materiam de Ceremoniſ Inveſtituræ adjungo *Reverſales,*

les, a Divo Rege Michaelē, prima vice, & a Majestate nunc Regnante bis, datas :

Joannes Tertius, Dei Gratia Rex Poloniæ, Magnus Dux Lithuanicæ, Russiæ, Prussiæ, Masoviæ, Samogitiæ, Kyoviæ, Volhyniæ, Podoliæ, Podlachiæ, Livoniæ, Smolensciæ, Severiæ, Czerniechoviæque, Significamus presentibus literis Nostreis, quorum interest, universis & singulis: Misisse ad Nos, pro termino recipiendæ Investituræ assignato, Illustrissimum Principem, Dominum Fridericum Casimirum, in Livonia Curlandiæ & Semigalliæ Ducem, Legatos suos, Generosos Christophorum Henricum, Liberum Baronem de Puttkammer, Supremum Ducatus sui Præfectum, & Dietericum ab Alten-Bokum, Supremum suum Mareschalcum, supremosque Consiliarios Ducatus sui Curlandiæ, & quoniam Nos in hoc Actu Homagii, more veterum Investiturarum, Regalia indutos, Coronæque homagiali redinitos esse, certæ non permiserunt legalitates, declarandum censuimus, declaramusque hisce literis Nostreis, quod Actus hic nihil receptæ consuetudini & solemnitati infeudationis ex pacto & providentiæ præjudicare, nec pro exemplo aut præjudicato in futuris, DEO dante, Homagiis reputari poterit. In cujus rei fidem præsentēs manu Nostra subscriptas, Sigillis Regni & M. D. Lithuanicæ communiri jussimus. Datum Varsaviæ, d. 25. mens. Martii, Anno Domini MDCLXXXIII. Regni Nostri IX.

(L. S.)

Majoris Regni.

*Christophorus Taranowski,
Cracoviens. Varsaviens. Ca-
nonicus, Sacræ Regiæ Ma-
jestatis Secretarius.*

(L. S.)

Minoris M. D. Lith.

*Holownia,
Sacræ Regiæ Majestatis
Secretarius.*

Vt

Vt Celsissimus Dux notum redderet, se non modo ab Antecessoribus suis genus, sed etiam generositatem, quæ in iis semper enituit, ducere, ex speciali erga Sacram Regiam Majestatem & Rempublicam promptitudine, ac zelo in rem Christianam, certum Dimachorum optime instructorum numerum contra Turcas suppeditavit. Quam benevolæ alacritatis tesseram Sacra Regia Majestas non grato tantum animo excepit, sed & *Reversalibus* cavit, quod in præjudicium & sequelam trahi non debeat:

Joannes Tertius, *DEI Gratia Rex Poloniae, Magnus Dux Lithuaniae, Russiae, Prussiae, Masoviae, Samogitiae, Livoniae, Volhyniae, Kyoviae, Podoliae, Podlachiae, Smolensciae, Severiae, Czerniechoviae*que, Significamus præsentibus literis Nostreis, quorum interest, universis & singulis: Quia ratione pertinaç Orientis potentia, quæ funestam Hungariae cladem, totique Christianitati ruinam & interitum minabatur, nos invitaverit, cum Regni Ordinibus ea consilia inire, quæ avertendi hujus ictus prodesse possent. Cum vero se opponendi tam ingenti potentiae ægre sufficeret una manus, communeque periculum commune auxilium requireret, requisivimus ab Illustrissimo Principe, Domino Friderico Casimiro, in Livonia Curlandiae & Semigalliae Duce, ut cum Nobilitate sua certa Nobis auxilia ferret; Non defuit ad propositiones Generosi Giclgud, Notarii M. D. Lithuaniae, Aulici Nostri, ore & in scriptis factas, clementissimis postulatis Nostreis, Illustritas sua cum tota sua Nobilitate Curlandica, Semigallica, & Piltense, dum certum numerum militum optime munitorum, cum sustentatione unius anni, computanda a mense Septembre præterlapsi anni ad Castra Nostra mittere literis promisit. Nos hanc declarationem non solummodo benévolo affectu amplectimur, verum etiam pro Nobis & Serenissimis Successoribus Nostreis, totaque Republica ex Senatus-

natus. Consilio, verbo Nostro Regio cavemus, quod promptitudo ista, quam Illustritas sua & Ordo Equestris, extra pacta, quibus ad Vassallagium & servitia intra fines Ducatus solummodo praestanda obligantur, in mittendo milite declaravit, & juxta declarationem praestabit, Pactis conventis nihil derogare, nec quocunque tempore pro imponendo, vel exigendo aliquo, Pactis & asservationibus minus conformi, onere, a quoquam in sequelam & praesudicium trahi debeat, quin potius omnia sua Privilegia, Pacta, Immunitates ac Libertates, fartas tectasque conservamus, Illustritatemque Suam cum universo Ordine Equestri, seu Nobilitate Ducatus & Districtus Pultensis, ab hocce, ex propensa, voluntate in praesenti Reipublico periculo promptissimo ac omni pactis minus conformi, onere posthac liberos & immunes esse, nec quidquam extra Pactorum tenorem exigi, aut imponi debere, verbo Nostro Regio, pro Nobis & Serenissimis Successoribus Nostis, promittimus & cavemus. In cujus rei fidem praesentes manu Nostra subscriptas Sigillo Regni & M. D. Lithuaniae communi jussimus. Dat. Javorovia, in Russia, d. 20. Mens. Junii A. MDCLXXXIV. Regni Nostri XI.

Joannes Rex.

(L. S.)

Minoris Regni.


Stanislaus Szeznka,
Pocillator Visnens. Regens
Regni Cancellariae.


(L. S.)

Majoris M. D. Lith.

Alexander Janowski,
Thesaurarius Starobozziens.
Regiae Majest. Secret.









Biblioteka Jagiellońska



stdr0014408

232
219

214
279

493
150

643